

~~XVII. 27. 11~~ 8. 16.

OPERA

FRANCISCI
BARONIS

DE
VERVLAMIO,
VICE-COMITIS
SANCTI ALBANI,

TOMVS PRIMVS:

Qui continet
De Dignitate & Augmentis Scientiarum
LIBROS IX.

AD REGEM SVVM.



LONDINI,
In Officina IOANNIS HAVILAND.
MDCXXIII.



1530. 78



GVILIELMVS RAWLEY,

Sacrae Theologiae Professor, Illustrissimi Domini

D. FRANCISCI Baronis de Verulamio,

Vice-Comitis Sancti Albani, Sacellanus,

LECTORI S.



V M Domino meo placue-
rit, eo me dignari Ho-
nore, vt in edendis Ope-
ribus suis, operâ meâ vsus
sit ; non abs re fore exi-
stimaui, si *Lectorem* de
aliquibus, quæ ad hunc
Primũ Tomũ pertinent, breuiter moneam.
Tractatum istum, de *Dignitate & Augmentis*
Scientiarum, ante Annos Octodecim, edidit
Dominatio sua, Linguâ Patriâ, in duos tan-
tummodò Libros distributum; & *Regiæ suæ*
Maiestati dicauit, quod & nunc facit. Non
ita pridem Animum adiecit, vt in Latinam
Linguam verteretur. Inaudierat siquidem
illud apud Exteros expeti : Quinetiam so-
lebat subinde dicere, *Libros Modernis Linguis*
conscriptos, non ita multò post Decoñturos. Eius
igitur *Translationem*, ab insignioribus qui-
busdam Eloquentiâ Viris elaboratam, pro-
priâ quoque Recensione castigatam, iam
emittit. Ac *Liber Primus* certè, quasi mera

Translatio est, in Paucis admodum mutatus:
At reliqui *Octo*, qui *Partitiones Scientiarum*
tradunt, atq; vnico antè Libro contineban-
tur, vt *Nouum Opus*, & nunc primùm edi-
tum, prodit. Causa autem præcipua, quæ
Dominationem suâ mouit, vt Opus hoc re-
tractaret, & in plurimis amplificaret, ea fuit;
Quod in *Instauratione Magnâ* (quam diù po-
stea edidit) *Partitiones Scientiarum*, pro primâ
Instaurationis Parte constituit; quam seque-
retur *Nouum Organum*; dein *Historia Na-
turalis*; & sic deinceps. Cùm igitur reperiret
Partem eam de *Partitionibus Scientiarum* iam
pridem elaboratâ, (licet minùs solidè quam
Argumenti Dignitas postularet) optimum
fore putauit, si retractaretur, & redigeretur
in opus iustum & completum. Atque hoc
pacto, Fidem suam liberari intelligit, de Pri-
mâ Parte *Instaurationis* præstitam. Quantum
ad *Opus* ipsum, non est Tenuitatis meæ, de
eo aliquid præfari. Præconium ei, quod op-
timè conueniat, existimo futurum illud, quod
Demosthenes interdum dicere solebat, de
rebus gestis Atheniensium veterum; *Lau-
datorem ijs dignum esse solummodò Tempus*.
Deum Opt: Max: obnixè precor, vt pro
Dignitate Operis, *Fructus Vberes*, diuturni-
que, & *Auctori*, & *Lectori*, contingant.

FRANCISCI
BARONIS

DE
VERVLAMIO,
VICE-COMITIS
SANCTI ALBANI,

DE
Dignitate & Augmentis Scientiarum

LIBRI IX.

AD REGEM SVVM.



LONDINI,
In Officina IOANNIS HAVILAND.
MDCXXIII.

FRANCISCI
BARONIS

DE
VERVMIO
VICE-COMITIS

SANCTI ALBANI

DE

Dignitate & Augustissimis Secretariis

Baronibus

AD REGEM SVVM



DE VICE

In Officiis Secretariis

MOCCXXIII

PARTITIONES SCIENTI-
arum, & Argumenta Singulorum
CAPITV M.

LIB. II.

CAPVT I.

Partitio *Universalis* Doctrinae Hu-
manaë, in Historiam; Poesim;
Philosophiam. *Secundum tres Fa-*
cultates Intellectus, Memoriam;
Phantasiâ; Rationem: Quodque eadem
Partitio competat etiâ Theologicis.

CAP. 2.
Partitio Historiæ in Naturalem; & Ci-
uilem: Ecclesiasticâ, & Literamâ, sub
Ciuiili comprehensis: Partitio Historiæ Na-
turalis, ex Subiecto suo, in Historiâ Generati-
onum; Præter-Generationum; & Artium.

CAP. 3.
Partitio Historiæ Naturalis Secunda, ex
Vsu & Fine suo, in Narratiuam; & In-
ductiuam: Quodque Finis nobilissimus Hi-
storiæ Naturalis sit, ut ministret, & in ordi-
ne sit, ad condendam Philosophiam; quem
Finem

Finem intuetur Inductiua. *Partitio* Historiæ Generationum, in Historiam Cœlestium; Historiam Meteororum; Historiam Globi Terræ & Maris; Historiam Massarum, *sue* Collegiorum Maiorum; & Historiam Specierum, *sue* Collegiorum Minorum.

C A P. 4.

Partitio Historiæ Ciuilis, in Ecclesiasticam; Literariam; & (quæ Generis Nomen retinet) Ciuilem: Quodque Historia Literaria desideretur: *Eius conficiendæ Præcepta.*

C A P. 5.

De Dignitate, & Difficultate Historiæ Ciuilis.

C A P. 6.

Partitio prima Historiæ Ciuilis (Specialis) in Memorias, Antiquitates, & Historiam Iustam.

C A P. 7.

Partitio Historiæ Iustæ, in Chronica Temporum; Vitas Personarum; & Relationes Actionum: *Earum Partium Explicatio.*

C A P. 8.

Partitio Historiæ Temporum, in Historiam Vniuersalem; & Particularem. *Viriusque Commoda, & Incommoda.*

Partitiones Scientiarum.

C A P. 9.

*Partitio secunda Historiæ Temporum, in
Annales; & Acta Diurna.*

C A P. 10.

*Partitio secunda Historiæ Civilis (Specia-
lis,) in Meram; & Mixtam.*

C A P. 11.

*Partitio Historiæ Ecclesiasticæ, in Eccle-
siasticam Specialem; Historiam ad Pro-
phetias; & Historiam Nemeseos.*

C A P. 12.

*DE Appendicibus Historiæ, quæ circa
Verba Hominum (quemadmodum Histo-
ria ipsa circa Facta) versantur: Partitio ea-
rum in Orationes; Epistolas; & Apoph-
thegmata.*

C A P. 13.

*DE secundo Membro Principali Doctrinæ
Humanæ, (nempe Poësi) Partitio Poëse-
os in Narratiuam; Dramaticam; & Para-
bolicam.*

Partitiones Scientiarum.

bolicam. *Exempla* Parabolicae tria proponuntur.

LIB. III.

CAP. I.

Partitio Scientiæ in Theologiam, & Philosophiam. Partitio Philosophiæ in Doctrinas tres: De Numine; De Naturâ; De Homine. Constitutio Philosophiæ Primæ, ut *Matris communis omnium.*

CAP. 2.

De Theologia Naturali: & Doctrinâ de Angelis & Spiritibus, quæ eiusdem est Appendix.

CAP. 3.

Partitio Naturalis Philosophiæ, in Speculatiuam; & Operatiuam: quodque illæ duæ, & in Intentione Tractantis, & in Corpore Tractatûs, segregari debeant.

CAP. 4.

Partitio Doctrinæ Speculatiuæ de Naturâ, in Physicam (Specialem,) & Metaphysicam: Quarum Physica Causam Efficientem,

Partitiones Scientiarum.

entem, & Materiam; Metaphysica Causam Finale[m], & Formam, inquit. *Partitio Physicæ (Spec:) in Doctrinas De Principijs Rerum; De Fabricâ Rerum, siue de Mundo; & de Varietate Rerum. Partitio Doctrinæ de Varietate Rerum, in Doctrinam de Concretis; & Doctrinam de Abstractis: Partitio Doctrinæ de Concretis, reijcitur ad easdem Partitiones, quas suscipit Historia Naturalis. Partitio Doctrinæ de Abstractis, in Doctrinam de Schematismis Materiæ; & Doctrinam de Motibus. Appendices duæ Physicæ Speculatiuæ: Problemata Naturalia; Placita Antiquorum Philosophorum. Partitio Metaphysicæ, in Doctrinam de Formis; & Doctrinam de Causis Finalibus.*

CAPVT 5:

P*artitio Operatiuæ Doctrinæ de Naturâ, in Mechanicam; & Magiam: Quæ respondent Partibus Speculatiuæ: Physicæ Mechanica; Metaphysicæ Magia: Expurgatio Vocabuli Magiæ. Appendices duæ Operatiuæ: Inuentarium Opum Humanarum; & Catalogus Polychrestorum.*

CAP. 6

D*E Magnâ Philosophiæ Naturalis, tam Speculatiuæ, quam Operatiuæ, Appen-*

Partitiones Scientiarum.

*dice Mathematicâ; Quôdque inter Appendices
potiùs poni debet, quam inter Scientias Sub-
stantiuas. Partitio Mathematicæ, in Puram;
& Mixtam.*

LIB. IIII.

C A P. I.

P*artitio Doctrinæ de Homine, in Philo-
sophiam Humanitatis; & Ciuilem.
Partitio Philosophiæ Humanitatis, in Do-
ctrinam circa Corpus Hominis; & Doctri-
nam circa Animam Hominis. Constitutio
vnius Doctrinæ generalis de Naturâ, siue de
Statu Hominis. Partitio Doctrinæ de Statu
Hominis, in Doctrinam de Personâ Homi-
nis; & de Fœdere Animi & Corporis.
Partitio Doctrinæ de Personâ Hominis, in
Doctrinam de Miserijs Hominis; & de
Prærogatiuis. Partitio Doctrinæ de Fœde-
re, in Doctrinam de Indicationibus; & de
Impressionibus. Assignatio Physiognomiæ,
& Interpretationis Somniorum Natura-
lium, Doctrinæ de Indicationibus.*

C A P. 2.

P*artitio Doctrinæ circa Corpus Hominis,
in Medicinam; Cosmeticam, Athleti-
cam;*

Partitiones Scientiarum.

cam; & Voluptariam. *Partitio* Medicinæ in *Officia tria*: viz. in Conseruationem Sanitatis; Curationem Morborum; & Prolongationem Vitæ. *Quódque Pars postrema de Prolongatione Vitæ disungi debeat à duabus reliquis.*

C A P. 3.

P*artitio* Philosophiæ Humanæ circa Animam, in Doctrinam de Spiraculo; & Doctrinam de Animâ Sensibili, siue Productâ. *Partitio secunda eiusdem Philosophiæ, in Doctrinam de Substantiâ; & Facultatibus Animæ; & Doctrinam de Vsu, & Obiectis Facultatum. Appendices duæ Doctrinæ de Facultatibus Animæ; Doctrina de Diuinatione Naturali; & Doctrina de Fascinatione. Distributio Facultatum Animæ Sensibilis, in Motum; & Sensum.*

LIB. V.

C A P. I.

P*artitio* Doctrinæ circa Vsum & Obiecta Facultatum Animæ Humanæ, in Logicam; & Ethicam. *Partitio* Logicæ, in Artes Inueniendi; Iudicandi; Retinendi; & Tradendi.

Partitiones Scientiarum.

CAP. 2.

Partitio Inuentiuæ, in Inuentiuâ Artium;
& Argumentorum: Quodque prior harum
(quæ eminent) desideretur. Partitio Inuentiuæ
Artium, in Experientiam Literatam; &
Organum Nouum. Delineatio Experien-
tiæ Literatæ.

CAP. 3.

Partitio Inuentiuæ Argumentorum, in
Promptuariam; & Topicam. Partitio
Topicæ, in Generalem; & Particularem.
Exemplum Topicæ Particularis, in Inquisiti-
one, De Graui & Leui.

CAP. 4.

Partitio Artis Iudicandi, in Iudicium per
Inductionē; & per Syllogismum. Quorum
prius aggregatur Organo Nouo. Partitio pri-
ma Iudicij per Syllogismum, in Reductionē
Rectam; & Inuersam. Partitio secunda eius, in
Analyticam; & Doctrinā de Elenchis. Par-
titio Doctrinæ de Elenchis, in Elenchos
Sophismatum; Elenchos Hermeneiæ; & E-
lenchos Imaginum, siue Idolorum. Partitio
Idolorum, in Idôla Tribûs; Idôla Specûs; &
Idôla

Partitiones Scientiarum.

Idôla Fori. *Appendix Artis Iudicandi, viz.*
De Analogiâ Demonstrationum pro Na-
turâ Subiecti.

C A P. 3.

Partitio Artis Retinendi *sue* Retentivæ, in
Doctrinam de Adminiculis Memoriae;
& Doctrinam de Memoria ipsâ. Partitio
Doctrinæ de Memoria ipsâ, in Prænotio-
nem, & Emblemata.

LIB. VI.

C A P. I.

Partitio Traditivæ, in Doctrinam de Or-
gano Sermonis; Doctrinam de Me-
thodo Sermonis; & Doctrinam de Illustra-
tione Sermonis. Partitio Doctrinæ de Or-
gano Sermonis, in Doctrinam de Notis
Rerum; De Locutione; & De Descriptione.
Quarum duæ Posteriores Grammaticam con-
stituant, eiusq; Partitiones sunt. Partitio Do-
ctrinæ de Notis Rerum, in Hieroglyphicâ;
& Characteres Reales. Partitio secunda
Grammaticæ, in Literariam; & Philoso-
phantem. *Aggregatio Poeseos quoad Me-*
trum,

Partitiones Scientiarum.

trūm, *ad* Doctrinam de Locutione. Aggre-
gatio Doctrinæ de Ciphris, *ad* Doctrinam
de Scriptione.

CAP. 2.

DOctrina de Methodo Sermonis consti-
tuitur *ut* Pars Traditiuæ Substantiua &
Principalis. Nomen ei inditur Prudentia
Traditiuæ. Enumerantur Methodi Genera
diuersa ; & subiunguntur eorum Commoda, &
Incommoda.

CAP. 3.

DE Fundamentis & Officio Doctrinæ de
Illustratione Sermonis, *sive* Rhetoricæ.
Appendices tres Rhetoricæ, quæ ad Promp-
tuariam tantummodò pertinent: Colores Boni
& Mali, tam Simplicis quam Comparati ;
Antitheta Rerum ; Formulæ Minores
Orationum.

CAP. 4.

Appendices generales duæ Traditiuæ: Cri-
tica ; & Pædagogica.

LIB.

LIB. VII.

CAP. I.

Partitio Ethicæ, in Doctrinam de Exemplari; & Georgica Animi. Partitio Exemplaris (scilicet Boni) in Bonum Simplex; & Bonum Comparatum. Partitio Boni Simplicis, in Bonum Individuale; & Bonum Communionis.

CAP. 2.

Partitio Boni Individualis, vel Suietatis, in Bonum Activum; & Bonum Passivum. Partitio Boni Passivi, in Bonum Conservativum; & Bonum Perfectivum. Partitio Boni Communionis, in Officia Generalia; & Respectiva.

CAP. 3.

Partitio Doctrinæ de Culturâ Animi, in Doctrinam de Characteribus Animorum; De Affectibus; & De Remedijs, siue Curationibus. Appendix Doctrinæ eiusdem, de Congruitate inter Bonum Animi, & Bonum Corporis.

Partitiones Scientiarum.

LIB. VIII.

CAP. I.

Partitio Doctrinae Ciuilis, in Doctrinam de Conuersatione; Doctrinam de Negotijs; & Doctrinam de Imperio, *sue* Repub.

CAP. 2.

Partitio Doctrinae de Negotijs, in Doctrinam de Occasionibus Sparfis; & Doctrinam de Ambitu Vitae. *Exemplum* Doctrinae de Occasionibus Sparfis, ex Parabolis aliquibus Salomonis. *Præcepta* de Ambitu Vitae.

CAP. 3.

Partitiones Doctrinae de Imperio, *sue* Repub. *omittuntur*: *Tantum* Aditus fit ad Desiderata duo: Doctrinam de Proferendis Finibus Imperij; & Doctrinam de Iustitiâ Vniuersali, *sue* de Fontibus Iuris. *Exempla* *utriusque*.

LIB.

LIB.

Partitiones Scientiarum.

LIB. IX.

CAP. I.

Partitiones Theologiæ Inspiratæ *omittun-
tur: Tantùm Aditus fit ad Desiderata*
tria: Doctrinam de Legitimo Vsu Ra-
tionis Humanæ in Diuinis; Doctrinam
de Gradibus Vnitatis in Ciuitate Dei; &
Emanationes Scripturarum.

LIB. IX.

CAP. I.

Parvulus Theologiae Insipiens omnino
est: Parvulus autem ad Deum
est: Doctrinam de Legitimo Viro Ra-
tionis Humanae in Divinis; Doctrinam
de Gradibus Unitatis in Civitate Dei; &
Emanationes scripturarum.

Parvulus Theologiae Insipiens omnino

Parvulus autem ad Deum

Parvulus Theologiae Insipiens omnino

FRANCISCI BARONIS

DE VERVLAMIO VICE-COMITIS

SANCTI ALBANI,

DE
Dignitate & Augmentis Scientiarum

LIBER PRIMVS

SVB Veteri Legge, Rex Optime,
erant & spontanea Oblatio-
nes, & quotidiana Sacrificia;
Hac ex rituali cultu, illae ex
pia Alacritate profectae. Arbi-
trare quidem debet itale quid-
piam Regibus a Seruis suis;
ut scilicet quisque non solum
Muneris sui Tributa, sed &
Amoris Pignora deferat. Atque in prioribus illis, spero
me minime defuturum. In posteriori autem genere,
dubitari quid potissimum Tumorem. Satiус autem vi-
sum est, huiusmodi aliquid deligere, quod potius ad
Persona tua Excellentiam, quam ad Negotia Corona
spectaret.

Ego saepissime de Majestate tua, ut debeo, cogitans
mun

De Augmentis Scientiarum

(missis alijs siue Virtutis, siue Fortunæ tuæ Dotibus) magnâ prorsus afficior admiratione, cum intucor Excellentiam earum in te Virtutum, Facultatumque, quas Philosophi Intellectuales vocant: Capacitatem Ingenij tot & tanta complexam, Firmitudinem Memoriae, Prehensionis Velocitatem, Iudicij Penetrationem, Elocutionisque Ordinem simul & Facilitatem. Subito profectò Animum quandòque Dogma illud Platicum, quo asseritur, *Scientiam nihil aliud esse quàm Reminiscen-
tiam; Animumq; naturalitèr omnia cognoscere, nativæ luci,
quam specus corporis obumbraverat, subinde redditum.* Certè hujus rei, (si in quo alio) relucet in Majestate tuâ Exemplum insigne; cui adeò prompta est Mens ad concipiendam Flammam, ubi vel leuissima eam excita-
verit objecta Occasio, vel minima alienæ Cognitio-
nis scintilla affulserit. Quemadmodum igitur, de Re-
gum sapientissimo, Sacra perhibet Scriptura, *Cor illi fu-
isse tanquam Arenam Maris; cuius quanquam Massa
prægrandis, Partes tamen minutissimæ; sic Mentis in-
didit Deus Majestati tuæ crasim planè mirabilem, quæ
cum maxima quæque complectatur, minima tamen
prehendat, nec patiatur effluere: Cum perdifficile vide-
atur, vel potius impossibile in Naturâ, ut idem Instru-
mentum, & grandia Opera, & pusilla aptè disponat.* Quantum ad Elocutionem tuam, occurrit illud Corne-
lii Taciti de Augusto Cæsare; *Augusto, inquit, proflu-
ens, & quo principem virum deceret, eloquentia fuit.* Sanè si rectè rem perpendamus, omnis Oratio aut la-
boriosa, aut affectata, aut Imitatrix, quamvis alioquin
excellens, nescio quid servile olet, nec sui iuris est. Tuum
autem dicendi genus verè Regium est, profluens tan-
quàm à Fonte, & nihilominus, sicut Naturæ Ordo po-
stulat, Rivis diductum suis, plenum facilitatis, felicitatisque, imitans neminem, nemini imitabile. Atque si-
cut in Rebus tuis, quæ tam ad Regnum, quàm ad Do-
mum

munum tuam spectant, Virtus videtur cum Fortunâ cernere; Mores scilicet optimi cum felici Regimine; Spes tuæ olim patienter & pie cohibita, cum faustâ & opportunâ speratorum adeptione; Thori Coniugalis sancta fides, cum fructu Coniugii beato, in Sobole pulcherrimâ; Pia, & Principe Christiano dignissima ad pacem propensio, cum simili vicinorum Principum inclinatione, in idem votum foelicitèr conspirantium; sic & in Intellectus tui Dotibus, non leuior exoritur lis & æmulation, si eas, quæ à Naturâ ipsâ præbitæ sunt & infusæ, cum instructissimâ gazâ multiplicis Eruditionis, & plurimarum Artium Scientiâ committamus. Neque verò facile fuerit Regem aliquem post Christum natum reperire, qui fuerit Maiestati tuæ, Literarum Diuinarum, & Humanarum varietate, & culturâ comparandus. Percurrat, qui voluerit, Imperatorum & Regum seriem, & iuxta mecum sentiet. Magnum certè quidam præstare Reges videntur, si delibantes aliorum Ingenia ex compendio sapiant, aut in Cortice Doctrinæ aliquatenus hæreant, aut denique literatos ament, euehantque. At Regem, & Regem natum, veros Eruditionis Fontes hausisse, imò ipsummet Fontem Eruditionis esse, propè abest à Miraculo. Tuæ verò Maiestati, etiam illud accedit, quod in eodem Pectoris tui Serinio, Sacræ Literæ cum profanis recondantur; adeò ut cum Hermete illo Trismegisto, triplici gloriâ insigniaris, Potestate Regis, Illuminatione Sacerdotis, Eruditione Philosophi. Cum igitur alios Reges, longè hac laude (proprie quæ tua est) superes, æquum est, ut non solum præsentis Seculi famâ, & admiratione celebreretur, aut etiam Historiarum lumine posteritati transmittatur, verum ut solido aliquo in Opere incidatur, quod & Regis Magni potentiam denotet, & Regis tam insigniter Docti Imaginem referat.

Quare (ut ad Inceptū reuertar) nulla potior mihi

visa est Oblatio, quam Tractatus aliquis cò spectans. Huius Argumentum duabus constabit Partibus. In priori (quæ levior est, neque tamen vllò modo prætermittenda) de Scientiæ, & Literarum per omnia excellentiâ agendum est; & simul de Merito eorum, qui in iisdem prouehendis operam strenuè, & cum iudicio impendunt. Posterior verò Pars (quod Caput rei est) proponet, quid in hoc genere, hucusque actum sit, & perfectum; insuper & ea perstringet, quæ videntur desiderari; vt quamuis non ausim seponere, aut deligere, tuæ quod præcipuè Maiestati còmendem, tamen multa & varia representando, Regias tuas Cogitationes excitare possim, vt proprios Pectoris tui Thesauros excutias, atque inde pro magnanimitate tuâ, atque sapientiâ, optima quæque, ad Artium & Scientiarum Terminos proferendos, depromas.

In ipso Vestibulo prioris Partis, ad purgandam viam, & quasi indicendum silentium, quo melius audiantur Testimonia de Dignitate Literarum, absque Oblatione tacitarum Obiectionum, statui primo loco liberare literas opprobriis, & vilipendiis, quibus impetit eas Ignorantia, sed Ignorantia sub non vno schemate: modò in Theologorum Zelotypiâ, modò in Politicorum supercilio, modò in ipsorum Literatorum erroribus sese ostentans, & prodens. Audio primos dicentes, Scientiam inter ea esse, quæ parcè cautèque admittenda sunt; Scientiæ nimium Appetitum fuisse primum Peccatum, vnde Hominis lapsus; hodièque hærrere Serpentinum quid in eâ, siquidem Ingrediens tumorem inducit; *Scientia inflat*: Salomonem censere: *Faciendi libros nullum esse finem, multamque lectionem carnis esse afflictionem*; & alibi, *In multâ Sapientiâ multam esse indignationem*; & *Qui auget scientiam, augere & dolorem*; D. Pauli monitum esse, *Ne decipiamur per inanem philosophiam*: Quin & experientiâ

rientiâ notum esse, doctissimos Viros Hæretico-
rum Coryphæos, doctissima Secula in Atheismum
procliuia fuisse; Contemplationem denique Secun-
darum Causarum, authoritati Primæ Causæ dero-
gare.

Ut igitur Falsitatem huius Dogmatis, Fundamen-
taque eius malè iacta aperiamus, cuius obuiam est,
istos non percipere, Scientiam quæ Lapsus peperit,
non fuisse puram illam, primigeniamque Scientiam
Naturalem, cuius lumine Homo Animalibus in Para-
diso adductis, Nomina ex Naturâ imposuit, sed super-
bam illam, Boni & Mali, per quam excutere Deum, si-
bique ipse legem figere ambiuit: Neque certè vis vlla
Scientiæ, quanta quanta sit, inflat mentem, cum nihil
implere Animum, nedum distendere possit, præter De-
um, Dei que contemplationem: Quare Salomon de
duobus palmariis Inventionis sensibus, (Visu, atque
Auditu) loquens, ait, *Oculum videndo, aurem audi-
endo non satiari*: quod si non sit Impletio, sequitur
Continens maius esse Contento. Haud aliter de Sci-
entiâ ipsâ, Animoque humano (cui Sensus sunt tan-
quàm Emissarii) definit his verbis, quæ Calendario
suo, Ephemeridique omnium rerum tempora descri-
benti subnectit, ita concludens; *Omnia Deus condidit,
ut unumquodque pulchrum sit in tempore suo: Mun-
dum quoque ipsum indidit cordi eorum: inuenire tamen
Homo non potest opus, quod operatus est Deus, ab initio
usque ad finem*. Quibus verbis haud obscure innuit,
Deum fabricatum esse Animum humanum instar spe-
culi, totius Mundi capacem, Eiusque non minùs siti-
entem, quam oculum Luminis: neque gestientem so-
lùm conspiceret varietates, vicissitudinesque Tempo-
rum, verùm etiâ perscrutandi, explorandique im-
motas, atque inuiolabiles Naturæ Leges, & Decreta,
ambitosam. Et quamvis innuere videatur, summam
illam

illam Naturæ œconomiam (quam appellat *Opus*, quod operatur Deus, ab initio usque ad finem) non posse inueniri ab Homine; hoc non detrahit captui humano, sed in impedimenta Doctrinæ reiciendum; qualia sunt Vitæ breuitas, Studiorum diuortia, Scientiarum traditio praua & infida, plurimæque alia incommoda, quibus humana conditio irretitur. Siquidem nullam Vniuersi partem, ab humanâ disquisitione alienam esse, satis clarè alibi docet, inquiens, *Spiritus hominis est tanquam lucerna Dei*, quâ intima arcana explorat. Quare si tanta sit amplitudo captus humani, manifestum est nullum esse periculum à quantitate Scientiæ, ut ut diffusâ, ne aut tumorem inducat, aut excessum: sed à qualitate tantum, quæ quantulacunque sit, si absque Antidoto suâ sumatur, malignum quid habet, atque venenosum, flatuosis symptomatis plenissimum. Hæc Antidotus, siue Arôma, (cuius mixtio temperat Scientiam, eamque saluberrimam efficit,) est *Charitas*, quod etiam priori clausulæ subiungit Apostolus dicens, *Scientia inflat, charitas autem edificat*. Cui consonum est, quod alibi docet, Si, inquit, *linguis loquar Angelorum, vel hominū, charitatem autem non habeam, factus sum velut æs resonans, aut cymbalum tinniens*. Non quia eximium quid sit loqui Linguis Angelorum & Hominum, sed quia si segregetur à Charitate, neq; ad cômune Humani Generis bonum dirigatur, potius inanem gloriam exhibebit, quàm solidum fructum. Censuram quod attinet Salomonis, de Excessu legendi scribendique Libros, & cruciatu spiritus è Scientiâ oriundo; Monitumque etiam Paulinum, *Ne decipiamur per inanem philosophiam*; si rectè explicentur ea loca, optimè ostendent veros cancellos, & limites, quibus humana scientia circumsepitur, ita tamen ut liberum sit ei, absque omni coarctatione vniuersam rerum naturam amplecti. Sunt enim limites tres. Primus, ne ita foelicitem collocemus in

Scientiâ,

Scientiâ, vt interim Mortalitatîs nostræ Obliuio subrepat. Secundus, ne sic vtamur scientiâ, vt anxietatem pariat, non Animi tranquillitatem. Tertius, ne putemus posse nos, per Naturæ contemplationem, Myſteria Diuina aſſequi. Nam quantum ad primum, optimè in eodem Libro alibi ſe Salomon explicat, *Satis, inquit, perſpexi Sapientiam tantum recedere à ſtultitiâ, quantum Lucem à Tenebris. Sapientis oculi in capite eius, ſtultus in tenebris oberrat; ſed ſimul didici moriendi neceſſitatem vtrique eſſe communem.* De ſecundo certum eſt, nullam Animi anxietatem, aut perturbationem oriri è Scientiâ, niſi tantùm per accidens. Omnis enim Scientia, & Admiratione (quæ eſt ſemen Scientiæ) per ſe iucunda eſt; cùm autem Concluſiones inde deducuntur, quæ obliquè rebus noſtris applicatæ, vel infirmos metus gignunt, vel immòdicas cupiditates, tum demùm naſcitur Cruciatus ille, & Perturbatio mentis, quâ de loquimur: tunc enim Scientia, non eſt ampliùs *Lumen ſiccum*, (vt voluit Heraclitus ille obſcurus, *Lumen ſiccum optima anima*) ſed fit Lumen madidum, atque humoribus Affectuum maccratum. Tertia regula accuratiorem paulò diſquiſitionem poſtulat, neque ſicco pede prætereunda eſt. Si quis enim ex Rerum Senſibilium, & Materiatarum intuitu, tantum Luminis aſſequi ſperet, quantum ad patefaciendam Diuinam Naturam, aut Voluntatem ſufficiet, ne iſte decipitur per inanem philoſophiam. Etenim Contemplatio Creaturarum, quantum ad Creaturas ipſas, producit Scientiam; quantum ad Deum, Admirationem tantùm, quæ eſt quaſi abrupta Scientia. Ideoque ſcitiffimè dixit quidam Platonice: *Senſus humanos ſolem referre, qui quidem reuelat terreſtrem globum, cœleſtem verò & ſtellarum obſignat.* ſic ſenſus reſcrant Naturalia, Diuina occludunt. Atque hinc euénit, nonnullos è doctiorum manipulo in hæreſim lapſos eſſe, quum cæcatis ſenſuum aliis innixi, ad Diuina euolare contenderent. Namque

cos,

cos, qui autumant nimiam Scientiam inclinare mentem in Atheismum, Ignorantiamque Secundarum Causarum, Pietati erga Primam obstetricari, libenter compellarem Iobi quaestione, *An oporteat mentiri pro Deo, & eius gratiâ dolum loqui conveniat, ut ipsi gratificemur?* liquet enim Deum nihil operari ordinariò in naturâ, nisi per Secundas Causas, cuius diuersum credi si vellent, impostura mera esset, quasi in gratiam Dei, & nihil aliud, quàm Authori veritatis immundam mendacij hostiam immolare. Quin potius certissimum est, atque experi-
entiâ comprobatum, leues gustus in Philosophiâ, mouere fortasse ad Atheismum, sed pleniores haustus ad Religionem reducere. Namque in limine Philosophiæ, cum secundæ causæ tanquam sensibus proximæ, ingerant se Menti Humanae, Mensque ipsa in illis hæreat, atque commoretur, Obliuio Primæ Causæ obrepere possit: sin quis vltcrius pergat, Causarumque Dependentiam, Seriem, & Concatenationem, atque opera Providentiæ intueatur, tunc secundum Poetarum Mythologiam facile credet Summum Naturalis Catenæ Annulum Pedi Solij Iouis affigi. Ut semel dicam, Nemo malè applicata sobrietatis, moderationisquæ famam captans, posse nos nimium progredi, in libris siue Scripturarum, siue Creaturarum, Theologiâ aut Philosophiâ, existimet; quinimò excitent se Homines, & infinitos profectus audacter vrgeant vtroque, & persequantur; cauentes tantum ne Scientiâ vtantur, ad tumorem, non ad charitatem, ad ostentationem, non ad vsum; & rursus, ne distinctas illas Theologiæ, Philosophiæque doctrinas, earumque Latices imperitè misceant, ac confundant.

Accedamus nunc ad Opprobria, quibus literas aspergunt Politici. Illa eiusmodi sunt: Artes emollire animos, Militarique Gloriæ ineptos reddere: tum in Politicis quoque corrumpere Ingenia, quæ vel nimis
curiosa

curiosa efficiunt ex Varietate Lectionis ; vel nimis pertinacia ex Rigore Regularum, vel nimis tumida ex Magnitudine Exemplorum, vel nimis extrauagantia ex Dissimilitudine Exemplorum ; quin saltem utcunque auertere, & alienare Animos à Negotijs, & Aetione, Otij ac Secelsûs amorem instillantes : dein Rebuspubl. inducere Disciplinæ Relaxationem, dum vnusquisque promptior est ad Disputandum, quàm ad Obtemperandum. Vnde Cato Censorius, cum primis Mortalium sapiens, vbi Iuuentus Romana ad Carneadem Philosophum, qui venerat Romam Legatus, dulcedine atque maiestate Eloquentiæ eius capta, vndique conflueret, frequenti Senatu Author fuit, vt expeditis Negotijs, primo quoque tempore dimitterent Hominem ; ne Ciuium Animos inficeret, & fascinaret, & nec-opinantibus Morum Consuetudinumque patriarum mutationem induceret. Hoc etiam permouit Virgilium, (dum Studia sua Patriæ existimationi post-haberet,) vt Artes Politicas à Literariis segregaret, illas Romanis vendicans, has Græcis relinquens, in versibus illis decantatis,

Tu regere imperio populos Romane memento

Hæ tibi erunt artes. —

Videmus etiam Anytum Socratis Accusatorem, pro crimine ei obiecisse, quod vi & varietate Sermonum, ac Disputationum suarum, Authoritatem & Reuerentiam Legum, Consuetudinumque patriarum, apud Adolescentes imminueret ; quòdque Artē profiteretur perniciosam, & periculo plenam, quâ quis instructus, deteriorem causam meliorem faceret, veritatemque ipsam Eloquentiæ apparatu obrueret.

Verùm hæ Criminationes, cæteræque eiusdē farinæ, potius Personatā Grauitatē præ se ferunt, quàm Veritatis Candorē. Testatur enim Experienciâ, sicut vnos atque eosdē Homines, sic vna eademque Tempora, & Rerum

Bellicarum, & Optimarum Artium gloriâ floruisse. Viros quod attinet, exemplo sit Nobile par Imperatorum, Alexander Magnus, & Iulius Cæsar Dictator, alter Aristotelis in Philosophiâ Discipulus, alter Ciceronis in dicendo Rivalis. Aut si quis requirat potius Literatos, qui in claros Imperatores euaserunt, quàm Imperatores, qui insignitèr docti fuerunt, præsto est Epaminondas Thebanus, aut Xenophon Atheniensis, quorum ille primus fuit, qui fregit potentiam Spartanorum, hic autem primus, qui strauit viam ad euersionem Monarchiæ Persarum. Istud verò Armorum, Literarumque quasi Coniugium, clariùs adhuc in Temporibus, quàm in Personis elucescit, quantò nimirum Seculum Homine Obiectum grandius est. Ipsa quippe eademque Tempora, apud Ægyptios, Assyrios, Persas, Græcos, Romanosque, quæ propter Bellicam Virtutem maximè celebrantur, etiam & Literis plurimùm fuerunt nobilitata; adeò vt grauissimi Authores Philosophique, & clarissimi Duces atque Imperatores, eodem seculo vixerint. Nec sanè aliter fieri potest, quandoquidem vt in Homine, Vigor Corporis Animique, simul ferè maturescunt, nisi quod ille hunc paulò anteuertat: sic in Rebuspub. Militaris gloria Literataque (quarum illa Corpori respondet, hæc Animo) aut coæua sunt, aut se proximè consequuntur.

Iam verò, Eruditionem politicis impedimento esse potius quàm adiumento, nil minùs probabile. Fate-mur omnes temerarium quiddam esse, Empyricis Medicis Corpus, & Valetudinis curam tradere, qui solent pauca quædam Medicamenta, quæ illis videntur Pancresta, Venditare, quorum fiduciâ nihil non audent tentare, cùm tamen neque Causas Morborū, neq; Ægrotorum Habitus, neque Symptomatum Pericula, neque veram Sanandi Methodum calleant. Videmus paritèr errare eos, qui ad Causas & Lites suas expediendas, adhibent

hibent Legulejos, in Practicâ potiùs, quàm in libris Iuris Versatos, quibus os faciliè oblinitur, si quid nouum, aut extra Experientiæ suæ calles tritos occurrat: consimilitèr non potest non esse periculosissimum, quoties Summa Rerum Empyricis Consiliarijs præcipue mandatur. E contra, vix Exemplum adduci possit Reip. infelicitèr administratæ, ad clauum sedentibus Viris Eru-
ditis. Quamuis enim in more sit Politicis, Literatos Pedantiorum nomine eleuare; Historia tamen *Veritatis Magistra*, in plurimis fidem facit, Pupillares Principes Adultis longè præstitisse, (non obstante ætatis incommodo) eâ ipsâ de causâ, quam Politici sugillant, quod scilicet, tunc temporis à Pædagogis administratum sit Imperium. Quis ignorat per decantatum illud Quinquennium Neronis, onus rerum incubuisse Senecæ Pædago? Quin & Gordianus Iunior Decennium laudis, Misitheo Pædago debuit. Neque infeliciùs Imperium gessit Alexander Seuerus, dū minor fuit, quo tempore omnia procurabant Mulieres, sed ex consilio Præceptorum. Imò conuertamus oculos ad Regimen Pontificum, ac nominatim Pij Quinti, vel Sixti Quinti, nostro seculo, qui sub initijs suis habiti sunt, pro Fratru-
culis recti imperitis; reperimusq; Acta Papatū eius generis, magis esse solere memorabilia, quam eorum, qui in negotijs civilibus, & Principum Aulis nutriti, ad Papatum ascenderint. Quamuis enim, qui in Literis vitam maximè traduxerunt, minùs solertes sint atque versatiles in Occasionibus premendis, atque accommo-
dandis Rebus, quò spectant ea quæ ab Italis *Regioni di-
Stato* dicuntur, (quorum nomen ipsum auersatus est Pius Quintus, solitus dicere, *Esse mera malorum Homi-
num Commenta, quæ opponerentur Religioni, & virtuti-
bus Moralibus*) illi eo tamen abundè sit compensatio, in quod peritutum, planumque iter Religionis, Iusticiæ, Honestatis, Virtutumque Moralium, promptè atque expedite

expeditè incedant; quam viam qui constantèr tenuerint, illis alteris remediis non magis indigebunt, quàm Corpus sanum Medicinâ. Porro autem Curriculum vitæ in vno Homine, suppeditare non potest Exemplorum Copiam, ad regendos euentus vitæ, etiam in vno Homine. Sicut enim interdum fit, vt Nepos, vel Pronepos, Auum, vel Proauum magis referat, quàm Patrem: eodem modo haud rarò euenit, vt Negotia præsentia magis quadrent cum Exemplis vetustioribus, quàm cum Recentioribus. Postremò vnius Ingenium tantum cedit Amplitudini Literarum, quantum priuati Reditus Aerario.

Quod si detur, deprauationes illas & impedimenta, quæ à Politicis imputantur literis, aliquid virium habere & veritatis, attamen simul monendum, Eruditionem in singulis plus Remedii, quàm Mali asferre. Esto enim, Literæ Tacitâ quâdam vi Animum reddunt incertum, atque perplexum; at certè liquidò præcipiunt, quomodo cogitationes sint expediendæ, & quouſque sit deliberandum, quando demùm statuendum, imò ostendunt, quomodo res interim absque periculo trahi possint, & suspendi. Esto etiam, Animos efficiunt magis pertinaces, & difficiles; at simul docent, quæ Res Demonstrationibus, quæ Coniecturis innituntur; neque minùs Distinctionum, & Exceptionum vsum, quàm Canonum, & Principiorum constantiam proponunt. Esto rursus, seducunt, & detorquent Animos Exemplorum vel imparitate, vel dissimilitudine; nescio; sed satis noui, eas, tam circumstantiarum efficacias, quàm comparationum Errores, & applicationum Cautiones, explicare; adeò vt in vniuersum magis corrigant Animos, quàm corumpant. Hæc autem Remedia insinuant vndequaq; Literæ, magnâ vi, & varietate Exemplorum. Perpendat quis Errores Clementis Septimi, à Guicciardino, qui ei fuit quasi Domesticus, tam luculentèr depictos; aut vacilla-

vacillationes Ciceronis, in epistolis ad Atticum, manu propriâ ad vitium resectas; omninò Inconstantiam, & crebras Consiliorum Mutationes vitabit: Inspiciat Errores Phocionis, Peruicaciam exhorrebit: Fabulam Ixionis legat, & nimias Spes, & huiusmodi Fumos, ac Nebulas dispellet. Intueatur Catonem Secundum, neque vnquam migrabit ad Antipodas, & contraria præfenti Seculo vestigia figet.

Iam qui putant Literas Desidiæ Amicas esse, Otijque, & Secelsûs dulcedine perfundere Animum, mirum præstabunt, si quæ assuefaciunt Mentem perpetuæ Agitationi, Socordiae Patronas ostendant: cum contrâ verè affirmari possit, inter omnia Hominum genera, nullum Negotia amare propter ipsa Negotia, præter Literatum. Alij enim Res, & Negotia diligunt Quæstus gratiâ, vt Conductitij opus propter mercedem: Alij Honoris ergò; etenim dum res gerunt, viuunt in oculis Hominum, existimationique suæ inserviunt, alioqui euanituræ: Alij propter Potentiam, & Fortunæ prærogatiuam, vt Amicos remunerare, Inimicos vlcisci possint: Alij vt Facultatem aliquam suam, quam adamant, exerceant, ac sibi ipsis hoc nomine sæpius gratulentur, & arrideant: Alii denique vt alios suos Fines consequantur. Adeò vt, quod de Gloriosis dici solet, eorum Fortitudinem sitam esse in spectantium Oculis, sic huiusmodi Hominum Diligentia & Strenuitas, hoc videtur agere, aut vt alij plaudant, aut vt ipsi intra se gestiant: Soli Literati Negotiis, & Occupationibus delectantur, tanquam Actionibus Naturæ consentaneis, & non minùs salubribus Animo, quam Exercitatio est Corpori, ipsam Rem, non Emolumentum intuentes: ita vt omnium minimè sint defatigabiles, si modò res sit huiusmodi, vt Animum prodignitate eius impleat, & detineat. Quod si reperiantur interdum nonnulli, in legendo strenui, in agendo

do cessatores ; non hoc à Literis ortum habet, sed ab imbecillitate, & mollicie quadam Corporis, Animique ; quales notat Seneca, *Quidam, inquit, tam sunt umbratiles, ut putent in turbido esse, quicquid in luce est.* Vluenire poterit fortasse, ut huiusmodi ingenii sibi consci, se dent Literis ; Eruditio autem ipsa, huiusmodi Ingenia minimè indit, aut progignit. Quod si quis illud nihilominus mordicè teneat, Literas nimium absumere temporis, quod aliàs rectius impendi possit ; aio, neminem adeò distringi negotiis, quin habeat sua Otii intervalla, donec Agendi Vices, atque Æstus refluant, nisi aut admodum hebes sit in expediendis Negotiis, aut parum cum dignitate ambitiosus in Negotiis cuiuscunque generis captandis. Restat igitur querendum, quâ in re, & quomodo, has subsocias horas collocare oporteat ; Studiis an Voluptatibus, Genio an Ingenio indulgendum ? Sicut rectè respondit Demosthenes Æschini, homini voluptatibus dedito, qui cum per contumeliam obiecisset, *Orationes ejus lucernam ole-re ;* Pol, inquit, *multum interest inter ea, quæ ego ac tu ad lucernam facimus.* Quare neutiquam metuendum, ne Literæ diminuant Negotia ; quin potius vindicant animum ab Otio, & Voluptate, quæ aliàs sensim, ad utriusque damnum, & Negotiorum, & Literarum, subintrare solent.

Dein, quod oggerunt, Literas Reuerentiam Legum, atque Imperii conuellere ; calumnia mera est, nec probabiliter ad criminandum inducta. Nam qui *cæcam obedientiam* fortius obligare contenderit, quam *Officium oculatum*, vnâ operâ afferat cæcum manu dictum certius incedere, quam qui Luce, & Oculis utitur. Imò citra omnem controuersiam, Artes emolliunt mores, teneros reddunt, sequaces, cæcos, & ad Mandata Imperii ductiles : Ignorantia contra, contumaces, refractarios, seditiosos : Quod ex historiâ clarissime

simè patet, quandoquidè tempora maximè indocta, inculta, barbara, tumultibus, seditionibus, mutationibusque maximè obnoxia fuerint.

De Catonis Censoris iudicio, hoc dictum esto, meritissimas eum, blasphemix in Literas luisse pœnas, cum septuagenario maior, quasi repuerascens, Græcam Linguam cupidissimè addisceret: ex quo liquet, priorem illam censuram Græcæ Literaturæ, ex Affectatâ potiùs grauitate, quam quod ita penitus sentiret, fluxisse. Ad Virgilii verò Carmina quod attinet, vtcunque illi libitum fuerit, vniuerso Mundo insultare, Romanis asserendo Artes Imperandi, cæteras tanquam Populares aliis relinquendo; in hoc tamen manifestò tenetur, Romanos nunquam Imperii Fastigium conscendisse, donec ad Artium Culmen simul peruenissent. Namque duobus primis Cæsaribus, viris imperandi peritissimis, contemporanei erant, Optimus Poeta ille ipse Virgilius Maro, Optimus Historicus Titus Liuius, Optimus Antiquarius Marcus Varro, Optimus aut Optimo proximus Orator Marcus Cicero; Principes certè, ex omni memoriâ, in suâ quique Facultate. Postremò, quantum ad Socratis Accusationem, id dico tantum; recordemur temporum, quibus intentata est; nimirum sub Triginta Tyrannis, Mortalium omnium crudelissimis, sceleratissimis, Imperioque indignissimis: qui Rerum, & Temporum Orbis, postquam circumactus esset, Socrates ille, (flagitiosus scilicet) Heroibus annumeratus est, & Memoria eius omnibus tam Diuinis, quàm Humanis Honoribus cumulata: quin disputationes eius tanquam Corruptrices Morum prius habitæ, pro præsentissimis Mentis Morumque Antidotis, ab omni Posteritate celebrabantur. Atq; hæc sufficiant ad respondendum Politicis, qui superciliosâ seueritate, aut fucatâ grauitate, ausi sunt literas incescere contumeliis; quæ tamen confutatio impræsentiarum, nisi quod nesciamus

mus an ad posteros permanaturi sint labores nostri, minùs necessaria videatur; cùm Aspectus, & Fauor duorum literatissimorum Principum, Elizabethæ Reginae, & Maiestatis tuæ, tanquam Castoris & Pollucis, *Lucidorum Syderum*, tantum apud nos in Britannia Literis amorem, reuerentiamque conciliauerint.

Nunc ad tertium Vituperationum genus peruenimus, quod à Literatis ipsis in Literas redundat, altiùsque cæteris solet hære. Eæ vel à Fortunâ, vel à Moribus, vel à Studiis ipsorum Originem ducunt. Quarum prima extra potestatem ipsorum est, secunda extra rem, vt tertia sola propriè in disquisitionem venire videatur. Quia tamen, non tam de vero Rerum Pondere, quàm de Vulgi æstimatione, sermo instituendus est, haud abs re fuerit, etiam de alteris duabus, pauca quædam innuere.

Quapropter dignitatis Imminutiones, & quasi Dehonestamenta, quæ à Literatorum Fortunâ Literis imponuntur, sumuntur aut à paupertate & inopiâ ipsorum, aut à Vitæ genere obscuro & umbratili, aut ab occupationum, in quibus versantur, subiecto non admodum nobili.

Quantum ad Paupertatem pertinet, quòdque frequenter vsuueniat, vt Literati inopes sint, & tenui plerunque origine, neque tam propere ditescant, ac alii, qui quæstui solùm inhiant; consultum foret hunc Locum, de laude Paupertatis, Fratribus Mendicantibus (pace eorum dixerim) exornandum tradere; quibus Machiauelus non parùm tribuebat, cùm diceret, *Iam dudum actum esset de Regno Sacerdotum, nisi reuerentia erga Fratres ac Monachos, Episcoporum luxum & excessum compensasset.* Pariter dicat quis, Felicitatem, & Magnificentiam Principum, & Nobilium, iam olim recidere potuisse, in Barbariem, & Sordes, nisi deberent literatis istis Pauperibus, ciuili vitæ culturam, & decus. Sed missis his
laudum

laudum aucupiiis, notatu dignum est, quam sacra atque veneranda Res, per aliquot apud Romanos secula, Paupertas ipsa habita fuerit; quæ tamen Res nihil trahebat ex Paradoxis: Sic enim præfatur T. Liuius: *Aur me amor negotij suscepti fallit, aut nulla vnquam Resp. nec maior, nec sanctior, nec bonis exemplis ditior fuit, nec in quam, tam sepe auaritia Luxuriaq; immigrauerint, nec vbi tantus, ac tam diu, paupertati ac parsimonie honos fuerit.* Quinetiam, postquam Roma iam degenerasset, legimus cum Cæsar Dictator, collapsam Remp. instauraturum se profiteretur, quendam ex Amicis eius prompsisse sententiam, nihil tam expeditum esse, ad id quod ageret, quam si Diuitiarum honos quoquo modo tolleretur. *Verum* (inquit) *hec, & omnia mala, pariter cum honore pecunie desinent, si neque magistratus, neque alia vulgò cupienda, venalia erunt.* Denique, quemadmodum verè dictum est, *Ruborem esse colorem virtutis, licet quandoque oriatur ex culpa;* ita rectè statuas, Paupertatem esse Virtutis fortunam, quamvis interdum à luxu & incuria accersatur. Salomonis certè hæc est sententia, *Qui festinat ad diuitias, non erit insons;* & Præceptum, *Veritatem eme, & noli vendere, similiter scientiam, & prudentiam;* quasi æquum iudicet, opes impendendas, ut doctrina paretur, non doctrinam cōvertendam, vt Opes congerantur.

Quid attinet dicere, de Vitâ illâ priuatâ, & obscurâ, quam Literatis obijciunt? Adeo tritum Thema est, atque ab omnibus iactatum, Otium, & Secessum (modò absint defidia, & luxus) præponere vitæ forensi, & occupatæ, propter Securitatem, Libertatem, dulcedinem, dignitatem, aut saltè ab indignitatibus immunitatem, vt nemo tractet hunc Locum, quin benè tractet: ita Humanis Conceptibus in experimendo, & Consensibus in approbando consonat. Hoc tantum adijciam, Eruditos latentes in Rebusp. & sub oculis Hominum minime degentes, & similes esse Imaginibus Cassij, & Bruti, de quibus

quibus, in elatione Iuniae non gestatis, cum aliae plurimae ducerentur, Tacitus, *Eo ipso, (inquit) praeulgebant, quod non visabantur.*

De Occupationum, quae Literatis committuntur, vilitate, illud occurrit, quod demandetur iisdem, Puero- rum ac Iuniorum Institutio, cuius Aetatis contemptus, in Magistros ipsos redundat. Caterum, quam iniusta sit haec obrectatio, si non ex vulgi opinione, sed ex sano iudicio res perpendatur, inde licet aestimare, quod diligentiores sint omnes, in imbuenda Testa recenti, quam veteri; magisque solliciti sint, qualem admoueant terram tenerae Plantae, quam adultae: vnde liquet praecipuam curam, circa Rerum, & Corporum initia versari. Rabbinis, si placet, porrige aurem, *Iuvenes vestri visiones videbunt, & senes somniabunt somnia*: Ex hoc textu colligunt, Iuuentutem esse aetatem digniorem; quanto nimirum Reuelatio accedat clarior, per visiones, quam per somnia. Illud verò notatu omnino dignum, quod licet paedagogi, velut Simiae Tyrannidis, Scenae sint Lubria, & temporum incuria in delectu ipsorum veluti obdormierit; vetus tamen querela sit, inde usque ab optimis & prudentissimis seculis deducta, Resp. circa Leges quidem nimium satagere, circa Educationem indiligentes esse. Quae Nobilissima Pars priscae Disciplinae, reuocata est aliquatenus quasi postliminio in Iesuitarum Collegiis; quorum cum intueor Industriam, tolerantiamque, tam in doctrinâ excolendâ, quam in moribus informandis, illud occurrit Agesilai de Pharnabazo, *Talis cum sis, utinam noster esses*. Atque haec tenus de Opprobriis è Literatorum Fortunâ, & Conditione desumptis.

Quod ad Literatorum Mores; Res est ista, potius ad Personas, quam ad Studia spectans. Reperiuntur proculdubio inter eos, quemadmodum in omnibus vitae ordinibus & generibus, tam mali, quam boni; neque

propterea non verum est, (quod asseritur,) *Abire studia in mores*, atque Literas, nisi incidant in Ingenia admodum deprauata, corrigere prorsus Naturam, & mutare in melius. Veruntamen diligentèr mihi, atque ingenuè rem æstima-
 manti, nullum occurrit dedecus, Literis, ex Literatorum moribus, quatenus sunt literati, adhærens, nisi fortè hoc vitio verratur (cuius Demosthenes, Cicero, Cato secundus, Seneca, pluresque alii insimulantur) quod cum plerumque Tempora, de quibus legunt, illis in quibus viuunt, & quæ præcipiuntur, illis quæ aguntur, meliora sint; ultra quam par est contendant, Morum corruptelas, ad Præceptorum & Dogmatum honestatem retrahere, & priscae seueritatis mores, temporibus dissolutis imponere: De quo tamen abundè è propriis Fontibus admoneri possunt. Solon enim interrogatus, an optimas Ciuibus suis dedisset Lege*s*? Optimas, inquit, ex illis, quæ ipsi voluissent accipere. Ira Plato, videns corruptiores suorum Ciuium mores, quam vt ipse ferre posset, ab omni publico munere abstinuit, dicens, Sic cum patria agendum esse, vt cum parentibus, hoc est, suasu, non violentiâ; obtestando, non contestando. Atque hoc ipsum cauet ille, qui à Consiliis Cæsari. Non, inquit, ad vetera instituta reuocans, quæ iampridem corruptis moribus ludibrio sunt. Cicero etiam huius erroris arguit Catonem secundum, Attico suo scribens. Cato optime sentit, sed nocet interdum Reip. loquitur enim, tanquam in Rep. Platonis, non tanquam in fœce Romuli. Idem Cicero molli Interpretatione excusat Philosophorum Dicta, & Decreta duriora: Isti, inquit, ipsi præceptores, & magistri videntur fines officiorum, paulo longius, quam natura vellet, protulisse, vt cum ad vltimum animo contendissemus, ibi tamen, vbi oportet, consisteremus. Ipsemet tamen potuit dicere, Moniti sum minor ipse meis: quippe qui in eundem lapidem ipse, licet non tam grauiter impegit.

Aliud, quod Eruditis non immeritò fortasse obijci-
tur vitium, huiusmodi est, quod honori aut emolumen-
to Patriarum suarum, aut Dominorum, proprias for-
tunas, aut præsidia post-posuerint. Sic enim Demosthe-
nes Atheniensibus suis, *Mea, inquit, consilia, si rectè
attendatis, non sunt eius generis, per quæ ego inter vos mag-
nus, vos inter Græcos despectui sitis; sed talia, ut mihi se-
penumero, eà haud tutum sit dare, vobis autem semper utile
amplecti.* Haud aliter Seneca, postquam Quinquen-
nium illud Neronis, æternæ eruditorum Magistrorum
consecrasset gloriæ, Dominum suum, omnibus iam
flagitiis inquinatissimum, liberè atque fidentèr monere
non destitit, magno suo periculo, ac postremò præci-
pitio. Neque aliter potest se habere res; siquidem
Humanam Mentem Doctrina imbuat vero sensu fra-
gilitatis suæ, instabilitatis Fortunæ, dignitatis Animæ,
& muneris sui; quarum rerum memores, nullo modo
sibi persuadere possunt, Fortunæ propriæ Amplitudi-
nem, tanquam præcipuum sibi Bonorum Finem sta-
tui posse. Quare sic viuunt, tanquam rationem reddi-
turi Deo, & Dominis post Deum, siue Regibus, siue
Rebusp. hâc formulâ, *Ecce tibi lucrefeci*, non autem illâ,
Ecce mihi lucrefeci. At Politicorum Turba, quorum
mentes in Doctrinâ Officiorum, & in Contemplatione
Boni vniuersalis, non sunt institutæ, & confirmatæ,
omnia ad se referunt; gerentes se pro Centro Mundi,
ac si omnes Lineæ in se, suisque Fortunis, debeant
concurrere; de Reip. Naui, licet tempestatibus iactatâ,
neutiquàm solliciti, modò ipsis in Scaphâ rerum sua-
rum, receptus detur & effugium. At contrâ, Qui offi-
ciorum pondera, & Philautiæ limites didicerunt, mu-
nia sua, stationesque, licet cum periculo tuentur. Quod
si fortè incolumes permaneant, in seditionibus, & Re-
rum mutationibus, non id artibus, aut versatili inge-
nio, sed reuerentiâ, quam probitas etiam ab Hostibus
extorquet,

extorquet, tribuendum. Cæterum, quod attinet ad fidei constantiam, & Officiorum Religionem, quas certè animis Hominum inserit Eruditio, vtcunque eæ quandòque à fortunâ mulcentur, aut ex malè-sanis Politicorum Principijs condemnentur; tamen palam scilicet apud omnes laudem referent, vt in hâc re, longâ defensione non sit opus.

Aliud vitium Literatis familiare (quod faciliùs excusari potest, quàm negari) illud nimirum, quod non facile se applicent, & accommodent, erga Personas, quibuscum negotiantur, aut viuunt: qui defectus è duabus oritur causis: Prima est Animi ipsius Magnitudo, propter quam ægrè se demittere possunt, ad obseruantiam vnius alicuius Hominis. Amantis verba sunt, non Sapientis, *Satis magnum alter alteri theatrum sumus.* Neque tamen inficias ibo, illum qui Aciem Animi, instar Oculi, non possit æquè contrahere, ac dilatare, insigni facultate ad res gerendas esse orbatum. Secunda verò Causa est probitas morum, & Simplicitas; quæ tamen delectû iudicii, non defectû in illis arguit. Veri enim, & legitimi Obseruantia erga aliquam Personam limites, non vltrà porrigunt se, quam ita nosse illius mores, vt absque offensione cum eo versari, cumque consilio, si opus sit, iuuare, nobisque interim ipsis, in omnibus cauere possimus; verum alienos affectus rimari, eo fine, vt illum inflectas, verses, & ad libitum circumagas, Hominis est parum candidi, sed potius astuti, & bifidi; id quod in Amicitia vitiosum fuerit, erga Principes etiam inofficiosum. Mos enim Orientis, quo nefas habetur oculos in Reges defigere, ritum quidem barbarus est, sed significatione bonus: neque enim subditos decet, corda Regum suorum, quæ sacra Scripturæ inscrutabilia docent, curiosius rimari.

Superest etiam nûm aliud vitium, (quocum hanc partem concludam) Literatis sæpiùs imputatum, videlicet

cet quod in rebus exiguis, & externis, (vultu, Gestu, Incessu, Sermonibus quotidianis, & huiusmodi) deficiant in obseruando Decoro; vnde Homines imperiti, ex istis minutis, leuiculisque erroribus, quanti sint in rebus maioribus tractandis, coniecturam capiunt. Verum fallit eos plerunque huiusmodi iudicium; imò sciant responsum sibi esse à Themistocle, qui cum rogatus esset, vt fidibus caneret, arroganter satis ipse de se, sed ad præsens institutum perquam appositè respondit; *Se quidem fidium rudem esse, sed quo pacto oppidum paruum, in ciuitatem magnam euadere posset, satis nosse.* Et sunt proculdubiò multi politicarum Artium apprimè gnari, quibus tamen in comuni vitâ, & quotidianis reculis nihil imperitius. Quin etiàm huiusmodi Sugillatores amandandi sunt, ad Platonis Elogium, de Præceptore suo Socrate, quem haud absimilem dixit Pharmacopularum Pyxidibus, quæ exterius inducebantur simijs, vlulis, satyrisque; intus vero Pretiosos Liquores, & Nobilia Medicamenta recondita habebant: Fatendo scilicet, quod ad vulgi captum, & famam popularem, præ se ferret nonnulla leuia, atque etiàm deformia, cum tamen Animi Interiora, summis tam facultatibus, quam virtutibus essent repleta. Atque de Moribus Literatorum hæc hætenus.

Interim monere placet, nos nihil minùs agere, quàm vt patrocinemur, quibusdam Professorum institutis abiectis, & sordidis, quibus & seiplos, & literas dehonestârunt: quales erant apud Romanos, seculis posterioribus, Philosophi quidam in familijs diuitum, Mensarumque eorum affecclæ, quos haud absurdè dicas *Barbatos Parasitos*. Cuius generis quendam lepidè describit Lucianus, quem Matrona nobilis, catulum suum Melitæum in rhedâ gestare voluit: quod cum ille officiosè, sed indecentèr faceret, Pufio subfannans, *Vere-*

or, inquit, ne philosophus noster è Stoico fiat Cynicus. Ante omnia verò, nihil tam offecit literarum dignitati, quam crassa & turpis adulatio, ad quam multi, neque hi indocti, & calamos, & ingenia submisere, *Hecubam in Helenam, Faustina in Lucretiam*, (vt ait Du-Bartas) transformantes. Neque verò nimis laudo morem illum receptum, Libros Patronis nuncupandi, cum libri, præsertim qui hoc nomine dignandi, in Veritatis tantum, & Rationis clientelam, se dare debeant. Melius veteres, qui non alijs, quam Amicis, atque Aequalibus Scripta sua dicare solebant, aut etiam Nomina eiusmodi amicorum Tractatibus suis imponere: quod si fortè Regibus, aut Magnatibus opus nuncuparent, tum demùm hoc factum est, cum Argumentum Libri Personæ tali conueniret. Hæc autem, & similia reprehensionem potius merentur, quam defensionem.

Neque hoc dico, quasi Literatos culpem, si ad beatos, & potentes viros quandòque se applicent: rectè enim Diogenes cuidam cum irrisione roganti, *Qui fieret, quod Philosophi Diuites sectarentur, non Diuites Philosophos?* respondit non sine morfu, *Hoc idè fieri, quod Philosophi quibus rebus indigeant, probè intelligant, Diuites non item.* Huic affine est illud Aristippi, cui nescio quid petenti cum non attenderet Dionysius, ille adorantis more abiicit se ad pedes eius, qui tum demùm auscultans petitioni annuit: Sed paulò post, quidam dignitatis philosophiæ Assertor, increpuit Aristippum, quod demittendo se, ad Pedes Tyranni, pro tantillâ re Philosophiam ipsam contumeliâ affecisset; cui ille, *Suam id culpam non fuisse respondit, sed Dionysij, qui Aures gestaret in Pedibus.* Quin prudens ille, non pusillanimis habitus est, qui in Disputatione quâdam cum Hadriano Cæsare, vinci se passus est, excusans factum, *Quod æquum esset ei cedere, qui triginta imperaret Legionibus.* Atque propterea non sunt dam-

nandi

nandi Viri docti, ubi, cum res postulat, aliquid de gravitate sua remittant, siue imperante necessitate, siue impetrante occasione; quod quamvis humile videatur, atque servile primo intuitu, tamen verius rem æstimanti, censentur non Personæ, sed Tempori ipsi servire.

Pergamus nunc ad Errores, atque Inania, quæ in Studiis ipsis Virorum doctorum interveniunt, iisque se immiscet, id quod præcipue & proprie spectat ad præsens Argumentum. Quæ in re, non est instituti nostri Erroribus ipsis patrocinari, sed per eorum censuram & secretionem, excutere quod sanum, & solidum est, atque à calumniâ vindicare. Videmus enim in more, præsertim apud invidios, esse, propter ea quæ depravata sunt, etiam ea quæ impolluta, & in statu suo manserunt, sugillare; quemadmodum Ethnici in primitivâ Ecclesiâ, Christianos Hæreticorum vitijs aspergere solebant. Neque tamen consilium est mihi examen aliquod accuratius instituere, de Erroribus, & Impedimentis Literarum, quæ interiora, & à captu Vulgi remotiora; sed de illis tantum verba facere, quæ cadunt sub communi, & populari observatione, & notâ, aut saltè ab eâ non longè recedunt.

Quare tria præcipue deprehendo Vana & Inania in Literis, quæ ansas præcipue præbuerunt ad obrectandum. Eas enim res pro Vanis ducimus, quæ aut Falsæ sunt, aut Friuolæ; in quibus scilicet, aut Veritas deficit, aut Usus: Illos etiam Homines vanos & leues existimamus, qui aut ad Falsa Creduli, aut in rebus exigui usus Curiosi. Curiositas autem, aut in rebus ipsis versatur, aut in verbis; quando nimirum, aut in Rebus inanibus opera insumitur, aut circa verborum delicias nimium insudatur. Quocirca, non certè magis Experientia, quam rectè etiam Rationi consonum videtur, ut tres ponantur Doctrinarum Intemperies. Prima est

Doctrina

Doctrina Fantastica, secunda Doctrina Litigiosa, tertia Doctrina Fucata & mollis: vel sic, vanæ Imaginationes, vanæ Altercationes, vanæ Affectationes. Ac quidem ordiar ab ultimâ.

Intemperies ista, in Luxuriæ quâdam Orationis sita, (licet olim per vices in pretio habita fuerit) circa Lutheri tempora, miris modis inualuit. In causâ præcipuè fuit, quod Feruor & Efficacia Concionum tunc Temporis, ad populum demulcendum & alliciendum, maximè vigebat: Illa autem popolare genus Orationis poscebant. Accedebat Odium & Contemptus, illis ipsis Temporibus, ortus erga Scholasticos, qui stilo, & scribendi genere utebantur valdè diuerso, verba licentè admodum cudentes noua & horrida, de Orationis ornatu & Elegantiâ parùm solliciti, dummodò circuitiōnem euitarent, & Sensus ac Conceptus suos acurè exprimerent; atque hinc factum est, vt paulò postea, maior apud plurimos cœperit haberi Verborum Cura quàm Rerum; plerisque magis comptam phrasim, teretem periodum, Clausularum rythmos, Troporum Stellulas; quam Ponderus Rerum, Rationum Nervos, Inuentionis Acumen, aut Iudicij Limam affectantibus. Tum demùm floruit Ofori, Lusitani Episcopi luxurians, & diluta Oratio. Tunc Sturmius in Cicerone Oratore & Hermogene Rhetore, infinitam & anxiam operam consumpsit. Tunc Carrus & Aschamus apud nos, Prælectionibus & Scriptis suis, Ciceronem & Demosthenem vsque ad Cœlum euehentes, Iuuenes ad politum hoc, & florens Doctrinæ Genus, inuitarunt. Tunc Erasmus arripuit ansam introducendi ridiculam illam Echō, *Decem annos consumpsi in legendo Cicerone*; cui Echō respondit, *One, Afine*. Scholasticorum verò Doctrina despectui prorsus haberi cœpit, tanquam aspera & barbara: Denique vt semel dicam, præcipua illorum Temporum Inclinatio,

& Studium, potius ad Copiam, quàm ad Pondus
deflexio.

Hic itaque cernere est primam Literarum Intempe-
riem, cum (vt diximus) Verbis studetur, non Rebus:
cuius etsi è citimis tantum temporibus protulerim Ex-
empla, tamen secundum Maius & Minus, & olim pla-
cuerunt eius generis ineptiæ, & deinceps placebunt.
Iam verò fieri non potest, quin hoc ipsum, multum fa-
ciat ad Doctrinæ Existimationem minuendam & ele-
uandam, etiàm apud Vulgus imperitum, cum videant
doctorum scripta, tanquam primam Literam Diplo-
matis, quæ quamvis varijs Calami ductibus, & Flos-
culis variegata sit, Litera tamen est vnica. Ac mihi
sanè videtur perapposita huiusce Vanitatis Adumbra-
tio, & quasi Emblemata, Pigmaleonis illa Infania; quid
enim aliud sunt Verba, quàm Imagines Rerum, vt nisi
Rationum vigore animata sint, adamare illa idem sit,
ac Statuam deperire.

Neque tamen temerè dampnandum est, si quis Phi-
losophiæ Obscura & Aspera, Verborum splendore illu-
stret, & expoliat: Huius enim rei magna adsunt Ex-
empla in Xenophonte, Cicerone, Senecâ, Plutarcho,
ipsoque etiam Platone: Nec minor est utilitas. Quam-
uis enim diligentem Veri cognitionem, atque acre stu-
dium Philosophiæ, res hæc nonnihil impediat, quoni-
am præproperè Mentē consopit, atque vltioris Dis-
quisitionis sitim & Ardorem restinguit; si quis tamen
Doctrinam ad vsus ciuiles adhibeat, (Sermocinandi
videlicet, Consulendi, Suadendi, Argumentandi, & si-
milium) omnia, quæ cupiat præparata & adornata, in
huiusmodi Authoribus reperiet. Veruntamen huiusce
rei Excessus adeò iustè contemnitur, vt quemadmo-
dum Hercules, cum videret in Templo Statuam Ado-
nidis (Veneris Deliciarum) indignabundus dixit, *Nil
sacri es*; ita omnes Herculei Literarum Pugiles, id est,
labo-

laboriosi atque constantes Indagatores Veritatis, huiusmodi Delicias & Laüticias, tanquàm nil Diuini spirantes, facile spreuerint.

Paulò sanius est aliud stili genus (neque tamen ipsum omninò Vanitatis expers) quod Copiæ illi, & Luxuriæ Orationis, tempore ferè succedit. Illud totum in eo est, vt Verba sint aculeata, Sententiæ concisæ, Oratio denique potius versa quàm fusa; quo fit vt omnia per huiusmodi Artificium, magis ingeniosa videantur, quàm reuerà sint. Tale inuenitur in Senecâ effusius, in Tacito & Plinio secundo moderatius; atque nostri Temporis Auribus coepit esse non ita pridem accommodatum. Verùm hoc ipsum mediocribus Ingenijs gratum esse solet (adeò vt dignitatem quandam literis conciliet;) attamen à Iudicijs magis limatis meritò fastiditur, & poni possit pro Intemperie quâdam Doctrinæ, cum sit verborum etiàm, & eorum Concinnitatis Aucupium quoddam. Atque hæc de primâ Literarum Intemperie dicta sunt.

Sequitur ea Intemperies in Rebus ipsis, quam posuimus mediam, & *litigiosæ subtilitatis* nomine designauimus. Estque illâ, de quâ modò diximus, aliquantò deterior. Vt enim Rerum dignitas, Verborum cultui præcellit, sic è contrario odiosior est Vanitas in Rebus, quàm in Verbis. Quâ in re, Increpatio illa Paulina, non magis ad suam ætatem referri, quàm ad sequentia tempora deduci potest; neque Theologiam tantum, sed etiam omnes Scientias respicere videtur. *Deiuita prophanas vocum nouitates, & oppositiones falsi nominis scientie.* His enim verbis, duo signa, indiciaque Scientiæ suspectæ, atque euentitæ proponit. Primum est, Vocum Nouitas, & Insolentia; Alterum, Rigor Dogmatum, qui necessariò Oppositionem, & dein Altercationes, Questionesque inducit. Certè quemadmodum complura Corpora Naturalia, dum valent integra, cor-

rumpuntur sæpius, & abeunt in vermes; eodem modo, sana & solida rerum cognitio, sæpenuerò putrescit, & soluitur in subtiles, vanas, insalubres, & (si ita loqui licet) vermiculatas Quæstiones; quæ motu quodam, & viuacitate nonnullâ præditæ videntur, sed putidæ sunt, & nullius vsûs. Hoc genus Doctrinæ minùs sanæ & seipsam corrumpentis, inualuit præcipuè apud multos ex Scholasticis, qui summo otio abundantes, atque ingenio acres, lectione autem impares (quippe quorum Mentes conclusæ essent, in paucorum Authorum, præcipuè Aristotelis Dictatoris sui scriptis, non minùs quàm Corpora ipsorum in Cœnobiorum cellis) Historiam verò & Naturæ, & Temporis, maximâ ex parte ignorantes; ex non magno Materiæ stamine, sed maximâ Spiritûs, quasi Radij, agitatione, operosissimas illas telas, quæ in Libris eorum extant, confecerunt. Etenim, Mens Humana, si agat in Materiam (Naturam rerum, & Opera Dei contemplando) pro modo Materiæ operatur, atque ab eadem determinatur; sin ipsa in se vertatur, (tanquam Aranea texens Telam) tum demum interminata est, & parit certè Telas quasdam Doctrinæ, tenuitate fili, operisque admirabiles, sed quoad vsum frivolas, & inanes.

Hæc inutilis subtilitas, siue Curiositas duplex est: & spectatur aut in Materiâ ipsâ, qualis est inanis Speculatio, siue Controuersia; cuius generis reperiuntur, & in Theologiâ, & in Philosophiâ, haud paucæ: aut in Modo, & Methodo tractandi; hæc apud Scholasticos ferè talis erat. Super vnaquaque re propositâ formabant Obiectiones, deinde Obiectionum illarum Solutiones, quæ Solutiones, vt plurimum, Distinctiones tantum erant; cum tamen Scientiarum omnium robur, instar Fascis illius Senis, non in singulis bacillis, sed in omnibus vinculo coniunctis consistat. Etenim Symmetria Scientiæ, singulis scilicet partibus se inuicem sustententibus, est, & esse

esse debet, vera atque expedita ratio refellendi Obiecti-
ones Minorum Gentium: Contra, si singula Axioma-
ta, tanquam baculos Fascis seorsum extrahas, facile
erit ea infirmare, & pro libito, aut flectere, aut fran-
gere: Vt quod de Seneca dictum erat, *Verborum minu-
tijs rerum frangit pondera*; verè de Scholasticis vsur-
pari possit, *Questionum minutijs Scientiarum frangunt
robur*. Num non in Aulâ spatiosâ consultius foret,
vnum accendere Cereum, aut Lychnuchum suspen-
dere, variis Luminibus instructum, quo omnia simul
perlustrentur, quam in singulos Angulos quaquauer-
sus exiguam circumferre Lucernam? Atqui non ab si-
milis est eorum Ratio, qui non tam veritatem perspi-
cuis Argumentis, Authoritatibus, Comparationibus,
Exemplis illustrare nituntur; quam in hoc solùm in-
cumbunt, vt minutos quosque Scrupulos eximant, &
Captiunculas expediant, & Dubitationes soluant; hoc
pacto quæstionem ex quæstione gignentes, quemad-
modum fit in superiori similitudine, vt Lucerna in vnũ
aliquem locum delata, alios circumquaque destituat,
& obscurat. Adeò vt Scyllæ fabula, ad viuum expri-
mat, hoc genus Philosophiæ; cuius Os & Pectus Virgi-
nem formosam præferabant, infra vero fuisse aiunt,

Candida succinctam latrantibus inguina monstris.

Sic generalia quædam apud Scholasticos inuenias,
quæ pulchra sunt dictu, & non perperam inuenta; vbi
autem ventum fuerit ad Distinctiones, Decisionesque,
pro fecundo Vtero, ad Vitæ Humanæ commoda, in
portentosas, & latrantes Quæstiones desinunt. Itaque
minimè mirum, si hoc genus Doctrinæ, etiã apud
vulgus Hominum contemptui obnoxium fuerit, qui
ferè solent, Veritatem propter Controuersias circa eam
motis aspernari, atque existimare eos errare omnes,
qui nunquam inter se conueniant; eumque videant
doctos Homines inter se digladiari, de rebus nullius
momenti,

momenti, facile illud Dyonisijs Syracusani arripiunt, *Verba ista sunt senum otiosorum.* Nihilominus certissimum est, si modo Scholastici, ad inexplabilem Sitim Veritatis, & continuam Agitationem Ingenij, Varietatem, & Multiplicitatem Lectionis, & Contemplationum adiunxissent, insignia profecto illi extitissent Lumina, omnesque Artes, & Scientias mirifice prouexissent. Haecenus de secundâ Literarum Intemperie.

Ad tertiam quod attinet, quæ ad Falsitatem, & Mendaciû spectat; vna hæc omnium turpissima est, quippe quæ ipsam Naturam, Animamque destruit Scientiæ, quæ nihil aliud est quam Veritatis Imago. Nam Veritas Essendi, & Veritas Cognoscendi, idem sunt; nec plus à se inuicem differunt, quam Radius directus, & reflexus. Hoc vitium itaque duplex, vel potius duplicatum est, Impostura & Credulitas; hæc decipitur, illa decipit; quæ licet videantur discrepantis naturæ, alteraque à Calliditate quâdam, altera à Simplicitate profecta, plerumque tamen cocunt. Vt enim in carmine habetur,

Percontatorem fugito, nam garrulus idem est.

Innuendo, qui curiosus est, eundem esse & futilem; pariter sic, ut qui facile credat, idem libenter decipiat. Quemadmodum quoque fieri videmus in Famâ, & Rumoribus, ut qui citò iisdem fidem habeat, pari facilitate eos auxerit. Quod Tacitus prudenter innuit his verbis, *Fingunt simul creduntque*, adeò finitimæ sunt, voluntas fallendi, & Facilitas credendi.

Hæc credendi, recipiendique omnia (licet leui Autoritate munita) facilitas, duorum generum est, pro ratione subiectæ materiæ; aut enim creditur Narrationi, siue Facto (ut loquuntur Iurisperiti) aut Dogmati. In priori genere videmus, quanto Dignitatis detrimento, hic Error affecerit ex Ecclesiasticis Historijs nonnullas;

nonnullas ; quæ nimis faciles se præbuerunt, in prodendis transcribendisque Miraculis, à Martyribus, Eremitis, Anachoretis, & aliis Sanctis Viris ; atque ab eorum Reliquiis, Sepulchris, Sacellis, Imaginibus, editis. Eodem modo in Naturali Historiâ, videmus multa temerè, ac parùm cum delectu, aut iudicio recepta, & descripta ; vt liquet ex scriptis Plinii, Cardani, Alberti, & plurimorum ex Arabibus, quæ commentitiis, & fabulosis Narrationibus passim scatent ; iisque non solum incertis, & neutiquàm probatis, sed perspicuè falsis, & manifestò conuictis ; ingenti Philosophiæ Naturalis dedecore, apud Homines graues, & sobrios. In quo sanè elucescit Aristotelis Sapiencia, & Integritas, qui cum diligentem scripserit, atque accuratam Historiam Animalium, tam parè Ficta, aut Fabulosa admiscuerit : quin potius *Auditiones admirandas*, quas memoratu dignas iudicauit, in vnum Commentariolum coniecit : prudenter perpendens, perspicuè vera, (quæ tanquam Basis Experientiæ solida, Philosophiæ & Scientiis subterni possint) haud temerè esse cum Rebus suspectæ fidei miscenda : Et rursus etiàm Rara, atque Insolita, quæ plerisque incredibilia videntur, non omninò esse supprimenda, neque Memoriarum Posterorum deneganda.

At illa altera Credulitas, quæ non Historiæ, aut Narrationibus, sed Artibus & Opinionibus tribuitur, duplex est : Aut cum Artibus ipsis, aut cum Authoribus in Arte nimium credimus. Artes ipsæ, quæ plus habent ex Phantasiâ, & Fide, quàm ex Ratione, & Demonstrationibus, sunt præcipuè tres, *Astrologia, Naturalis Magia, & Alchymia* ; quarum tamen Fines non sunt ignobiles. Profitetur enim Astrologia, Superiorum in Inferiora, Influxum & Dominatum recludere. Magia sibi proponit Naturalem Philosophiam, à varietate Speculationum, ad Magnitudinem Operum reuocare. Chymica in se suscipit, Partes Rerum Heterogeneas, quæ in Corporibus

bus Naturalibus latent & implicantur, separare & extrahere; Corporaque ipsa, inquinata depurare, impedita liberare, immatura perficere. Sed Viæ, atque Rationes, quæ ducere putantur ad hos fines, tam in Theoriâ illarum Artium, quàm in Praxi, Erroris, & Nugarum plenæ sunt. Neque adeò traditio ipsarum, ut plurimum, candida est, sed Artificiis, & Latebris munita. Chymicæ tamen hoc certè debetur, quod verè comparari possit Agricola apud Æsopum, qui è vitâ exiturus, dixit filiis, *Se illis vim magnam Auri, in Vineâ, nec satis meminisse quo loco, defossam reliquisse*: Qui cum Vineam diligentè Ligonibus ubique inuertissent, Aurum quidem reppererunt nullum, sed tamen Vindemiam insequentis Anni, propter fossionem circa radices vitium, tulerunt longè vberriam: sic strenui illi Chymistarum Labores, & Molimina, circa Aurum conficiendum, haud paucis nobilibus Inuentis, & Experimentis, tum ad referendam Naturam, tum ad usus Vitæ apprimè idoneis, quasi Facem accenderunt.

Illa autem Credulitas, quæ certos Scientiarum Authores, Dictatoriâ quadam Potestate muniuit ut edicant, non Senatoriâ ut consulant, ingens damnum Scientijs intulit; tanquam præcipua causa, quæ tantopere illas afflixit & depressit, ut absque insigni aliquo Augmento, exangues iacerent. Hinc nempe factum est, ut in Artibus Mechanicis, primi Inuentores pauca excogitauerint, Tempus reliqua suppleuerit, & perfecit; at in Scientijs, primi Authores longissimè penetrauerint, Tempus plurima detriuerit, & corruerit. Sic videmus Tormentariam, Nauticam, Typographicam, sub initijs imperfectas, & propemodum informes fuisse, & exercen-
tibus onerosas, temporis verò progressu, expolitas, & accommodas. At contrà Philosophiæ, & Scientiæ Aristotelis, Platonis, Democriti, Hippocratis, Euclidis, Archimedis, in ipsis illis Authoribus viguerunt, tractu tem-
poris

poris degenerârunt, potius & non minimum splendoris amiserunt: Cuius rei non est alia ratio, quàm quod in Artibus Mechanicis, Ingenia multorum in vnum coierunt; in Artibus, & Scientijs Liberalibus, Ingenia multorum sub vno succubuerunt; quem tamen ipsum sæpenumerò Sequaces sui, potius deprauârunt, quàm illustrârunt. Vt enim Aqua non ascendet altiùs, quàm Caput Fontis, à quo promanat; ita Doctrina ab Aristotele deducta, supra Doctrinam Aristotelis nunquam assurget. Ideoque etsi non displiceat Regula, *Oportet discentem credere*; huic tamen coniungendum est, *Oportet iam edoctum iudicio suo uti*. Discipuli enim debent Magistris temporariam solùm Fidem, iudicii que suspensionem, donec penitus imbiberint Artes; non autem plenam Libertatis eiurationem, perpetuamque Ingenii seruitutem. Quare, vt absoluiam hanc partem, hoc tantùm adiiciam; Magnis Authoribus suis sic constet Honos, vt Authori Authorum, & Veritatis Parenti Tempori, non derogetur.

Explicauimus tandem tres Doctrinæ Intemperies, siue Morbos; præter quos nonnulli sunt, non tam Morbi confirmati, quàm vitiosi Humores; qui tamen non adeò occulti sunt, aut latentes, quin in multorum sensum, & reprehensionem incurrant, ideoque neuti-quàm prætermittendi.

Horum primus est immòdicum Studium duorum Extremorum, Antiquitatis & Nouitatis: Quâ in re Temporis Filiæ malè patrissant: Vt enim Tempus prolem deuorat, sic hæc se inuicem, dum Antiquitas nouis inuideat Augmentis, & Nouitas non sit contenta Recentia adiicere, nisi Vetera prorsus eliminet, & reiiciat. Certè Consilium Prophetæ vera in hac re Norma est: *State super vias antiquas, & videte quanam sit via recta, & bona, & ambulate in eâ*. Antiquitas eam meretur Reuerentiam, vt Homines aliquandiù gradum sistere, &

supra eam stare debeant, atque vnde quaque circumspicere, quæ sit via optima: quum autem de viâ benè constiterit, tunc demum non restitandum, sed alacritèr progrediendum. Sanè, vt verum dicamus, *Antiquitas seculi, Iuuentus mundi*: Nostra profectò sunt Antiqua Tempora, cum Mundus iam senuerit, non ea, quæ computantur ordine retrogrado, initium sumendo à Seculo nostro.

Alius Error è priori oriundus, est Suspicio quædam & Diffidentia, quæ nihil nunc posse inueniri autumat, quo Mundus tam diù carere potuit: ac si illa Obiectio conueniret erga Tempus, quâ Lucianus impetit Iouem, cæterosque Ethnicorum Deos: *Miratur enim, cur tot olim genuerint Liberos, nullos autem suo Seculo? interrogatq; iocans, ecquid Septuagenarij iam essent, aut lege Pappiâ contra Senum Nuptias latâ constricti?* sic videntur Homines subuereri, ne Tempus effœtum iam factum sit, & ad Generationem ineptum. Quin potius Leuitas Hominum, atque Inconstantia, hinc optimè perspicitur potest, qui donec res aliqua perfecta sit, eam mirantur fieri posse; postquam facta semel est, iterum mirantur eam iam pridem factam non fuisse. Ita Alexandri Expeditio in Asiam, habita est initio, pro vasto, & arduo admodum Negotio; quam tamen postea placuit Liuiò in tantum eleuare, vt diceret de Alexandro, *Nil aliud quàm benè ausus est vana contemnere*. Idem Columbo euénit circa Occidentalem Nauigationem. Sed in Rebus Intellectualibus, hoc fit multò frequentius, vti videre est in plerisque Propositionibus apud Euclidem, quæ antequàm demonstrantur, miræ videntur, & quibus quis non facile assenserit; post Demonstrationem autem factam, arripit eas Mens per Retractionem quandam (vt loquuntur Iureconsulti) tanquam antè perspectas & cognitatas.

Alius Error superiori affinis, est eorum, qui omnium
Sectarum,

Sectarum, atque Hæresium veterum, postquam excussæ fuissent, & ventilatæ, optimam semper obtinuisse, posthabitis aliis, existimant. Itaque putant, si quis de integro institueret inquisitionem, & examen, non posset non incidere in aliquas ex reiectis Opinione, & post reiectionem amissis, & oblitteratis: quasi verò Multitudo, aut etiam Sapientes Multitudinis deliniendæ gratiâ, non illud sæpè probârint, quod popolare magis, atque leue sit, quàm quod solidum, atque altè radices agens. Tempus siquidem simile est Fluvio, qui leuia, atque inflata ad nos deuehit, solida autem, & pondus habentia submergit.

Alius Error à reliquis diuersus, est præmatura atque proterua Reductio Doctrinarum in Artes, & Methodos; quod cum sit, plerunque Scientia aut parum, aut nihil proficit. Nimirum vt Ephebi, postquam Membra & Lineamenta corporis ipsorum, perfectè efformata sunt, vix amplius crescunt: sic Scientia quamdiù in Aphorismos, & Observationes spargitur, crescere potest, & exurgere; sed Methodis semel circumscripta, & conclusa, expoliri forsan & illustrari, aut ad Vfus Humanos edolari potest, non autem porro mole augeri.

Alius Error succedens ipsi, quem postremò notauimus, est, quod post singulas Scientias, & Artes, suas in Classes distributas, mox à plerisque, Vniuersali rerum cognitioni, & Philosophiæ Primæ renunciatur; quod quidem profectui Doctrinarum inimicissimū est. Prospectiones fiunt è Turribus, aut Locis præaltis, & impossibile est, vt quis exploret, remotiores, interioresque Scientiæ alicuius partes, si stet super Plano eiusdem Scientiæ, neque Altioris Scientiæ veluti Speculam conscendat.

Alius Error fuit ex nimia Reuerentiâ, & quasi Adoratione Intellectûs Humani; vnde Homines abduxere

se è Contemplatione Naturæ, atque ab Experientiâ, in proprijs Meditationibus, & Ingenij Commentis, sùsque deque volutantes. Cæterum præclaros hos Opinatores, & (si ita loqui licet) Intellectualistas, qui tamen pro maximè Sublimibus, & Diuinis Philolophis haberi solent, rectè Heraclitus perstrinxit, *Homines, inquit, querunt Veritatem in Microcosmis suis, non in Mundo maiori.* Respuunt enim quasi Abecedarium Naturæ, Primumque in Operibus diuinis tyrocinium; quod si non facerent, potuissent fortassè gradatim & sensim, post Literas simplices, & deinceps Syllabas, ad Textum & volumen ipsum Creaturarum expeditè legendum ascendere. At illi contrà, iugi mentis agitatione, vrgent & tanquam inuocant suos Genios, vt vaticinentur eis, edantq; Oracula, quibus meritò & suauitèr decipiuntur.

Alius Error huic posteriori finitimus est, quod homines sæpiùs imbuant, & inficiant Meditationes, & Doctrinas suas, Opinionibus quibusdâ, & conceptib' proprijs, quos potissimùm in Admiratione habent; aut Artibus, quib' maximè addicti, & consecrati sunt; cætera omnia illis deliciis inficientes, & quasi intingentes, licet Fuco admodùm fallaci. Sic suæ Philosophiæ immiscuit Plato Theologiam, Aristoteles Logicâ, secunda Schola Platonis, (Procl' scilicet & reliqui) Mathematicas. Ista enim Artes solebant illi, tanquâ Filiolos suos Primogenitos suauiri. At Chymici è paucis Experimentis, ad Foculû & Fornacè, nouâ Philosophiâ excuderûnt. Et Gilbert' Popularis noster, Philosophiâ aliâ ex Magnete elicuit. Sic Cicero, cùm varias opiniones de naturâ Animæ recensens, tandè in Musicû incidisset, qui Animâ esse Harmoniâ statuebat, facetè dixit, *Hic ab arte suâ non recessit.* Sed de hoc gen' Errorib', appositè, & prudentèr, ait Aristoteles, *Qui respiciunt ad pauca, de facili pronunciant.*

Alius Error est Impatientia Dubitandi, & cæca Festinatio Decernendi, absq; debitâ, & adultâ Suspensione Iudicii.

Iudicij. Nam Biuium Contemplationis, nō est diffimile Biuiō Actionis, à Veteribus sæpius memorato : cuius altera via, initio plana & facilis erat, sine autē imperuia; altera ingredienti aspera erat, & cōfragosa, vbi paulò procefferis, expedita, & æquabilis : Haud secūs in Contemplationibus, si quis à certis ordiatur, in dubia desinet; sin à dubijs incipiat, eaque aliquandiu patienter toleret, in certis exitum reperiet.

Similis Error se ostendit in modo tradendi Doctrinā, qui, vt plurimum, est Imperiosus & Magistralis, nō Ingenuus & liberalis; ita demum compositus, vt potius Fidē imperet, quā Examini subiiciatur. Non negauerim in summariis Libellis, ad Praxim destinatis, hanc formulā scribendi retineri posse, verum in iustis Tractatibus de Scientiis vtrumque Extremū vitandū censeo, tam Vellei Epicurei, nil tam metuentis, quam Ne dubitare de re aliqua videretur; quam Socratis, & Academiæ, Omnia in dubio relinquentium. Candori potius studendum, Resque maiore aut minore contentione tradendæ, prout Rationum momentis parcius, aut plenius sint probatæ.

Alii Errores sunt in Scopis, quos Homines præfigunt sibi, & in quos Conatus suos, & Labores dirigunt. Cum enim diligentiores Literarum Coryphæi, ad id collimare debeant præcipuè, vt Arti quam profitentur, aliquid præclarum adiiciant; hi contrā in secundis tantummodo consistere sat habent; vel subtilis Interpretis, vel Antagonistæ vehementis & nervosi, vel methodici Abbreviatoris nomen ambientes: vnde Reditus & Vectigalia Scientiarum augeri possunt, Patrimonium & Fundus minimè.

Omniū autem grauiissimus Error in Deuiatione ab ultimo Doctrinarum Fine consistit. Appetunt enim Homines Scientiam, alij ex insitā Curiositate, & inquietā; alij Animi causā, & delectationis; alij Existi-

mationis

mationis gratiâ ; alii Contentionis ergô, atque vt in Differendo superiores sint ; plerique propter Lucrum & Victum ; Paucissimi, vt Donum Rationis diuinitus datum, in vsus humani generis impendant. Planè, quasi in Doctrinâ quæreretur Lectulus, in quo tumultuans Ingenium, & æstuans requiesceret ; aut Xystus siue Porticus, in quo Animus decambulare liber, & vagus : aut Turris alta, & edita, de quâ Mens ambitiosa, & superba despectaret ; aut Arx, & Propugnaculum ad Contentiones, & Prælia ; aut Officina ad quæstum, & mercatum ; Et non potius locuples Armarium, & Gazophylacium, ad Opificis rerum omnium Gloriam, & Vitæ Humanæ Subsidium. Hoc enim illud est, quod reuerà Doctrinam, atque Artes condecoraret, & attolleret, si Contemplatio, & Actio, arctiore quam adhuc vinculo copularentur. Quæ certè Coniunctio talis foret, qualis est supremorum duorum Planetarū Syfygia, cum Saturnus Quietis, & Contemplationis Dux, cum Ioue Duce Societatis, Agendique conspiret. Quanquam cum de Praxi, atque Actione loquor, nullo modo ad Doctrinam Professoriam, & Lucrosam innuo : Neque enim me fugit, quantopere hoc ipsum, Progressionem Doctrinæ, & Amplificationem moretur ; perindè quidem vt Aureum Malum, ante Oculos Atalantæ proiectum, quod vt tollat, dum flectit se, Cursus intereà impeditur ;

Declinat cursus, Aurumq; volabile tollit.

Neque rursus mihi in animo est, quod de Socrate dictum erat, *Philosophiam deuocare de Cælo, vt tantummodò versaretur in Terris* ; hoc est, Physicam seponi, vt Moralis Philosophia, & Politica celebraretur sola : sed quemadmodum Cælum & Terra simul conspirant, & consentiunt, ad Hominum tuendam vitam, atque iuuandam ; ita sanè hic Finis esse debet vtriusq; Philosophiæ, vt reiectis vanis speculationibus, & quicquid

quid inanè, ac sterile est, conseruetur quicquid solidū est, ac fructuosum; vt hoc pacto, Scientia non sit tanquàm Scortum, ad Voluptatem, aut tanquàm Ancilla, ad quæstum; sed tanquàm Sponsa, ad Generationem, Fructum, atque Solatium honestum.

Iam explicasse videor, & quasi Dissectione quâdam aperuisse, vitiosos illos Humores, aut saltem eorum præcipuos, qui non solum obstiterè profectui Literarum, verum etiam culpandis ijsdem anſam dedere. Quod quidem si nimis ad viuum fecerim, meminisse oportet, *Fidelia vulnera amantis, sed dolosa Oscula malignantis*. Vt cūque, hoc certè mihi videor assecutus, vt merear fidem in sequenti præconio; cū in superiori Censurâ tam liberè egerim. Neque tamen in animo est mihi, Panegyricum Literarum scribere, aut Hymnum Musis præcinere, licet forsitan diu iam sit, ex quo Sacra earum ritè celebrata sint: sed consilium est absque Pigmentis, & Hyperbolis, verum doctrinæ contra alias res Pondus, excipere & perpendere, verumque eius Valorem & Pretium, ex Testimonijs Diuinis atque Humanis exquirere.

Primò igitur quæramus Dignitatem Scientiæ in Archetypo, siue Exemplari; id est, in Attributis, atque Actis Dei, quatenus reuelantur Homini, & sobriè indagari possunt. Quâ in re, non competit appellatio Doctrinæ, cū omnis Doctrina sit Scientia acquisita; nulla autem Cognitio in Deo acquisita est, sed Originalis. Itaque aliud quærendum est nomen, *Sapientia*, scilicet, vt sacre Scripturæ eam indigetant.

Sic autem se res habet: In operibus Creationis, duplicem Virtutis Diuinæ Emanationem videmus, quarum vna ad Potentiam refertur, altera ad Sapientiam: Illa præcipuè cernitur in creandâ Mole Materiæ, hæc in Pulchritudine Formæ disponendâ. Hoc posito notandum est, nihil in Creationis Historiâ obstare, quin

quin fuerit confusa illa Cœli Terræque Massa, & Materia, vnico temporis momento creata; cui tamen disponendæ, digerendæque sex dies fuerunt attributi: adeò signantèr Deus Opera Potentiæ, ac Sapientiæ discriminauit. Cui accedit, quod de Materiæ Creatione, memoriæ proditum non sit, dixisse Deum, *Fiat Cœlum & Terra*, sicut de sequentibus operibus dictum est; sed nudè atque actualitèr, *Deus creauit Cœlum, & Terram*: ita vt Materia videatur, tanquam Manu facta, Formæ verò Introductio stilum habeat Legis, aut Decreti.

Pergamus à Deo ad Angelos, quorum Natura dignatione est Deo proxima. Videmus in Ordinibus Angelorum (quatenùs fides adhibenda Cœlesti illi Hierarchiæ, quæ Dionysij Areopagitæ nomine euulgatur) primum locum obtinere *Seraphim*, Angelos scilicet Amoris; secundum *Cherubim*, Angelos Illuminationis; tertium autem Locum, & sequentes, *Thronis, Principibus*, cæterisque Angelis Potentiæ, & Ministerij concedi: vt ex hoc ipso ordine, ac distributione clarum sit, Angelos Scientiæ, & Illuminationis, Angelis Imperij & Potentiæ præponi.

A Spiritibus, & Intelligentijs, ad Formas Sensibiles & Materiatas descendentes, legimus primam formarum creaturarum fuisse Lucem; quæ in Naturalibus & Corporeis, Scientiæ in Spiritualibus atque Incorporeis respondet.

Sic in Distributione Dierum, videmus Diem, quâ requieuit Deus, & contemplatus est Opera sua, benedictam fuisse supra omnes Dies, quibus creata est, & disposita Fabrica Vniuersi.

Post Creationem absolutam, legimus Hominem collocari in Paradiso, vt illic operaretur: quod quidem Opus, aliud esse non poterat, quàm quale pertinet ad Contemplandum; hoc est, cuius Finis, non ad Necessitatem

cessitatem aliquam, sed ad Delectationem, & Activitatem sine Molestia, referri possit: cum enim tunc temporis, nulla poneretur esse Creatura Reluctatio, nullus sudor, nullus, necessario sequitur Actiones Humanas, ad Voluptatem, & Contemplationem, non ad Laborem, aut Opus comparatas fuisse. Rursus primæ Hominis Actiones, quas in Paradiso exercuit, duas summarias Scientiæ partes complexæ sunt. Hæ erant, Inspectio Creaturarum, & Impositio Nominum. Nam Scientia illa, quæ Lapsus introduxit (quod & ante monuimus) non erat Naturalis Scientia circa Creaturas, sed Moralis Scientia de Bono & Malo; ex hac suppositione, quod Dei Mandata, aut Vetita, non essent Principia Boni & Mali, sed quod alias haberent illa Origines; quorum cognitionem affectavit Homo, scilicet ut totaliter à Deo deficeret, & sibi ipsi, suoque arbitrio prorsus immitteretur.

Veniamus ad ea, quæ statim post Lapsus contingere. Videmus (ut innumera sunt Sacrarum Scripturarum Mysteria, saluâ semper veritate Historica & Literali) imaginem duarum Vitarum, Contemplatiuæ nimirum & Activæ, in Personis Abelis & Caini, inque eorum institutis, & primitivis vivendi Rationibus delineatam: Quorum alter Pastor erat (qui propter Otium & Quietem, liberumque Cœli Aspectum, Typus est vitæ Theoricæ) alter Agricola (laboribus scilicet fatigatus, & aspectu in Terram defixus.) Vbi cornere est, Favorem, Electionemque Divinam, ad Pastorem accessisse, non ad Agricolam.

Sic ante Diluvium, Sacri Fasti, inter paucissima, quæ de eo seculo memorantur, dignati sunt memoriæ prodere, Inventores Musicæ, atque Operum metallicorum. Sequenti Seculo post Diluvium, gravissima poena, quæ Deus Humanam Superbiam vitis est, fuit Confusio Linguarum, quæ Doctrinæ liberum

Commercium, & literarum ad inuicem Communica-
tio maximè interclusa est.

Descendamus ad Mosè Legiſlatorem, & primum
Dei Notarium, quem Scripturæ ornant hoc elogio,
quod *gnarus & peritus eſſet Omnis doctrinæ Egyptiorum.*
Quæ quidem Gens inter vetuſtiſſimas Mundi Scholas
numeratur. Sic enim Plato inducit Egyptium Sacer-
dotem dicentem Soloni; *Vos Græci ſemper Pueri eſtis,*
nullam vel Scientiam Antiquitatis, vel Antiquitatem Sci-
entiæ habentes. Perluſtrems Cæremonialem Legem
Moſis, reperiemusque præter Chriſti Prefigurationem,
Diſtinctionem populi Dei à Gentibus, Exercitium
Obedientiæ, alioſque eiſdem Legis Vuſus ſacros, non-
nullos doctiſſimorum Rabbiorum, haud inutilem
circa eam nauaſſe operam, vt ſedulò eruerent, quan-
doque Naturalem; quandoque Moralem Senſum Cæ-
remoniarum, & Rituum. Exempli gratiâ, vbi de
Leprâ dicitur, *Si effloruerit diſcurrens Lepra, Homo*
mundus erit, & non recludetur; ſin caro viua in eo erit,
immunditiæ condemnabitur, & ad Sacerdotis arbitrium
ſeparabitur. Ex hâc Lege colligit vnus eorum Axi-
ôma in Naturâ; *Putredinem peſtilentiorẽ eſſe, ante,*
quam poſt Maturitatem. Alius Morale Documen-
tum elicit, *Homines flagitijs vndique coopertos, mi-*
nus corrumpere publicos mores, quam mediocriter, & ex
parte tantum malos: adẽ vt ex hoc, & ſimili-
bus locis eiſdem Legis, præter Senſum Theologicum,
haud pauca ad Philoſophiam Spectantia ſpargi
videantur.

Si quis etiam eximium illum Iobi Libri di-
ligentèr euoluerit, plenum eum, & tanquam gra-
uidum, Naturalis Philoſophiæ Myſteriis deprehen-
det. Exempli gratiâ; circa Coſmogrophiam, & Ro-
tunditatem Terræ, illo loco, *Qui extendit Aquilo-*
nem ſuper vacuum, & appendit terram ſuper nihilum.

Vbi

Vbi pensilis Terra, Polus Arcticus, & Cœli conuexitas in extimis, haud obscure insinuantur. Rursus circa Astronomiam, & Asterismos, illis verbis, Spiritus eius ornauit Cœlos, & obstericante manu eius educatus est Coluber tortuosus. Et alio loco, Nunquid contingere valebis micantes stellas Pleiadas, aut gyrum Arcturi poteris dissipare? vbi immota configuratio stellarum Fixarum, paribus interuallis semper inter se distantium, elegantissimè describitur. Item alio loco, Qui facit Arcturum, & Orionem, & Hyadas, & Interiora Austris. Vbi iterum innuit depressionem Antarcticæ Poli, eamque designat nomine Interiorum Austris, quia Australes Stella nostro Hemisphærio non cernuntur. Circa generationem Animalium: Annon sicut lac mulisti me, & sicut caseum coagulasti me, &c? Circa rem Metallicam, Habet Argentum venarum suarum principia, & Auro locus est in quo conflatur, Ferrum de terrâ tollitur, & Lapis solutus calore in as vertitur. Et sequentia in eodem Capite.

Pariter & in Personâ Regis Salomonis, videmus Donum Sapientiæ, tum in Petitione ipsius, tum in Concessione Diuinâ, omnibus terrenæ, & temporalis Felicitatis Bonis prælatum. Virtute cuius Doni, & Concessione, Salomon egregiè instructus, non solum scripsit insignes illas Parabolas, siue Aphorismos de Diuinâ, atque Morali Philosophiâ; verum etiam composuit Naturalem Historiam omnium Vegetabilium, A cedro super montem, usque ad muscum super murum, (qui nihil est aliud, quàm Rudimentum plantæ, Putredinis & Herbarum Medium) Omniumque etiam, quæ respirant, & mouentur. Imò idem Rex Salomon, quamuis excelluerit Opibus, Magnificentia Edificiorum, Classe, Famulatio, Nominis celebritate, & reliquis quæ ad gloriam pertinent, nihil tamen, ex isto Gloriæ segete, sibi ipsi decerpit, aut assumit, præter Decus Inquirendi, & Inueniendi veritatem. Sic enim disertè ait; Glo-

ria Dei est celare verbum, & gloria Regis inuestigare sermonem. Ac si Diuina Maiestas innoxio illo, & beniuolo puerorum Ludo delectaretur, qui ideo se abscondunt, vt inueniantur: quasque etiam nihil esset honorificentius Regibus, quam Dei Collusores esse in eodem Ludo; præsertim cum tot Ingenijs imperent, tantasque opes præstò habeant, quibus omnis Secreti Inuestigatio absolui possit.

Nec verò aliter hæc dispensauit Deus, postquam Saluator noster in mundum venisset. Ille enim prius, potentiam ostendit suam, in profligandâ ignorantia, vbi cum Doctoribus, & Sacerdotibus dissereret in Templo, quam in subiugandâ Naturâ, tot & tantis editis Miraculis. Aduentus quoque Spiritus Sancti, præcipuè adumbratus, atque expressus fuit in similitudine, ac Dono Linguarum, quæ sunt duntaxat *Vehicula Scientiæ*.

Ita in seligendis illis Instrumentis quæ adhibuit Deus ad fidem disseminandam, initio Homines euocauit planè indoctos, & illiteratos, præterquam quod Spiritus Sancti Afflatu instructi fuissent; quo euidentius Virtutem suam Immediatam, & Diuinam declararet, omnemque Humanâ Sapientiam deprimeret. Quamprimùm autem Consilium suum in hac parte perimpletum esset, mox in proximâ Successione Temporum, Diuinam Veritatem suam, alijs Doctrinis veluti pedissequis comitatam, in Mundum immisit. Itaque D. Pauli Calamus, (qui inter Apostolos solus literatus fuit) in Scripturis Noui Testamenti, præcipuè à Deo adhibitus est.

Sic & nouimus complures ex antiquis Episcopis & Patribus, egregiè fuisse in omni Ethnicorum Eruditione versatos. Adeò vt Edictum Iuliani, quo cautum est, ne Christiani ad Scholas, & Gymnasia mitterentur, perniciosior machina, ad expugnandam Fidem Christianam,

stianam, quam cruentæ Superiorum Imperatorum Persecutiones, habitum fuerit. Neque Gregorii primi, Episcopi Romani (cætera viri egregii) Æmulatio, & Inuidia, qui Ethnicorum Authorum, & Antiquitatum memoriam oblitterare studebat, in bonam partem, etiam apud viros pios, accepta est. Quinimò sola Christiana Ecclesia, inter Inundationes Scytharum à Plagis Septentrionalibus, & Saracenorum ab Orientalibus, pretiosas gentilis Eruditionis Reliquias, iam iam funditus perituras, sinu & gremio suo conseruauit. Nupèr etiam intueri licet Iesuitas, (qui partim studio proprio, partim ex æmulatione Aduersariorum, Literis strenuè incubuerunt) quantum subsidij, viriumque, Romanæ Sedi reparandæ, & stabiliendæ attulerint.

Quare vt absoluiam hanc Partem, duo sunt præcipua Officia, & Ministeria, præter Ornatum, & Illustrationem, quæ Fidei Religionique humaniores Literæ persolunt. Vnum, quod efficacia sint Incitamenta, ad Diuinam Gloriam exaltandam, & celebrandam: sicut enim Psalmi, & aliæ Scripturæ, crebrò nos inuitant ad Contemplationem, Prædicationemque magnificorum, & admirabilium Operum Dei; ita, si tantum in eorum specie externâ, sic vt sensibus nostris se exhibent, hæreremus; eandem faceremus iniuriam Maiestati diuinæ, ac si de Opulentiâ, & copiâ nobilissimi Gemmarij, ex iis quæ palàm exponuntur in pergulâ, iudicaretur. Alterum, quod singulare Remedium, Antidotumque exhibeat Philosophia, contra Infidelitatem & Errores. Nam Saluator noster inquit, *Erratis nescientes Scripturas & Potentiam Dei*. Vbi duos Libros, ne in Errores incidamus, proponit nobis euoluendos: primò Volumen Scripturarum, quæ Voluntatem Dei, dein Volumen Creaturarum, quæ Potentiam reuelant: Quorum posterior, veluti Clavis est prioris, non solum Intellectum nostrum aperiens, ad genuinam Scripturarum Mentem,

Mentem, ex generalibus Regulis Rationis, & Legibus Sermonis expromendam; Sed porro etiam præcipue Fidem nostram reserans, ut in seriam ingrediamur Omnipotentiae Divinae Meditationem, cuius Characteres maximè insculpti eius Operibus, & incisi sunt. Tantum de Divinis Testimoniis, ac Iudiciis, pro verâ Dignitate, & Pretio Doctrinae, dictum sit.

Quantum ad Humana Testimonia, & Argumenta, tam latus aperitur Campus, ut in Tractatu hoc breui, & presso, delectum potius adhibere deceat, quam copiam. Primò itaque Summus apud Ethnicos Honoris Gradus fuit, Divinam Venerationem, Cultumque consequi: (Quod quidè Christianis est tanquàm Fructus vetitus:) Nunc vero loquimur separatim de Iudiciis Humanis. Itaque (ut cepimus dicere) apud Ethnicos, ille quem Græci *Apotheosin*, Latini *Relationem inter Divinos* vocarunt, Supremus Honor fuit, qui Homini ab Homine tribui posset: præsertim ubi non ex Decreto, aut Edicto aliquo Imperij (ut Cæsaribus apud Romanos) sed ex Opinione Hominum, & Fide internâ, ultro deferretur. Cuius Honoris tam excelsi, Gradus quidam erat, Et Terminus medius. Quippe supra Humanos Honores, Heroici numerabantur, & Divini; in quorum distributione hunc ordinem tenuere Veteres. Rerumpub. conditores, Legislatores, Tyrannicidæ, Patres Patriæ, quique in rebus civilibus optimè meruerunt, insigniti sunt titulo Heroum tantum, aut Semideorum, quales fuere *Theseus*, *Minos*, *Romulus*, cæterique: Ex alterâ Parte, Inventores & Authores novarum Artium, quique Vitam Humanam novis Commodis, & Accessionibus dotârunt, semper consecrati sunt inter Deos ipsos Maiores, quod *Cereri*, *Baccho*, *Mercurio*, *Apollini*, & alijs contigit. Quod certè iure, & sano cum iudicio factum est. Nam priorum Beneficentia intra Vnius Ætatis, aut Nationis limites, ferè

coercentur;

coerectur; nec absimilia sunt Imbribus tempesti-
uis, & benignis, qui quamuis frugiferi sint, atque op-
tabiles, tamen pro illa Tempestate tantum, quā deci-
dunt, atque pro Amplitudine Tractūs Terræ, quam ir-
rigant, viles sunt; Posteriorum vero Beneficia, vt ip-
sius Solis, & Cœlestium Munera, Temporibus perpe-
tua, Locis infinita sunt: Illa rursus, cum contentione,
& perturbatione, vt plurimum coniuncta sunt; hæc
habent verum Characterem Diuinæ Præsentia, veni-
untque in *aerâ leni*, absque tumultu, aut strepitu.

Neque sane Doctrina Meritum in Ciuilibus, & in
reprimendis Incommodis, quæ Homo Homini in-
fert, multum cedit illi alteri, in subleuandis Huma-
nis Necessitatibus, quæ ab ipsa Natura imponuntur.
Atque hoc genus Meriti, optime adumbratum fuit
sub illâ fictâ Narratione, de Theatro Orphæi; vbi sin-
gulæ Bestiæ, Auesque congregatæ sunt, quæ Appeti-
tuum suorum mnatorum immemores, Præda, Ludi,
Pugna, amicæ placideque vna fletere, Cytharæ con-
centu, & suauitate capta: Cuius Sonus vbi aut cessa-
ret, aut maiori sonitu obrueretur, omnes illico Ani-
mantes ad ingenium redibant. Quâ in Fabulâ elegan-
tèr describuntur Ingenia, & Mores Hominum, qui
variis, & indomitis cupiditatibus agitantur, Lucri, Li-
bidinis, Vindictæ: qui tamen quamdiu Aures præbent,
Præceptis & Suasionibus Religionis, Legum, Magi-
strorum, in Libris, Sermonibus, & Concionibus, elo-
quentèr, & suauitèr modulantibus, tam diu Pacem co-
lunt, & societatem; Sin ista sileant, aut Seditiones, &
Tumultus obstrepant, omnia dissiliunt, & in Anar-
chiam, atque Confusionem relabuntur.

Sed enim hoc clariùs cernitur, cum Reges ipsi, aut
Magnates, aut Præfecti eruditione præditi sint. Vt vt
enim suis addictus nimium Partibus videatur, qui
dixit, *Tum demum Resp. fore felices, cum aut Philosophi*
regnant,

regnant, aut Reges philosophantur; Hoc tamen experi-
 entia notum est, sub eruditis Principibus, & Custo-
 dibus Reip. secula maximè felicia fuisse. Quamvis
 enim Reges ipsi, suos habeant Errores, & Vitia, Affe-
 ctibus scilicet & pravis consuetudinibus pro more
 ceterorum Hominum obnoxii; tamen Doctrinarum
 si accedat Lumen, anticipata quædam Notiones, Re-
 ligionis, Prudentiæ, Honestatis, retinent eos, & ab om-
 ni præcipiti, & immedicabili Excessu, & Errore refræ-
 nant; Aurem semper vellent, etiam cum Consiliarii,
 & Domestici silent. Quin Senatores ipsi, & Consilia-
 rii, qui Literis exculti sunt, Solidioribus innituntur
 Principiis, quam qui ab Experientia tantum edocti
 sunt; illis ex longinquo prospicientibus Pericula, &
 maturè propulsantibus, cum isti tantum ex propinquo,
 & cominus sapiant, nihil videntes, nisi quod imminet,
 & tunc demum Agilitate Ingenii sui, se in ipso Pericu-
 lorum articulo, expedire, & eripere posse confidentes.

Quæ Felicitas Temporum sub eruditis Principibus
 (ut semper breuitati Studeam, adhibens non nisi le-
 ctissima quæque Exempla, & maximè illustria) præ-
 cipuè cernitur eo in Seculo, quod à Morte Domitiani
 Imperatoris, usque ad Imperium Commodi defluxit;
 Successionem sex Principum eruditorum, aut certè eru-
 ditioni impensè fauentium, complectente; omnium-
 que, (si temporalia Bona spectemus) quæ vnquam
 vidit Roma, totius Orbis tunc Epitome, longè flo-
 rentissimo. Id quod Domitiano, pridie eius diei, quo
 interfectus est, in Somnis præmonstratum erat. Quip-
 pe qui videre visus est, *Caput aureum sibi pone cervicem*
enatum esse: Quod sanè vaticinium, Aureis illis subse-
 quentibus Seculis, adimpletum est; De quibus sigilla-
 tum sed breuissimè verba faciam.

Nerva Vir doctus fuit, Apollonij illius Pytha-
 goræ Familialis, & quasi Discipulus, qui etiam
 ferè

ferè expiravit, in Versu illo Homeri, *Telis Phœbe tuis lachrymas plcisere nostras.* *Traianus* non ipse quidem doctus, sed Doctrinæ Admī-
 rator, & erga Literatos munificus, Bibliothecarum In-
 stitutor, & in cuius Aulâ (licet Imperatoris Bellicosi)
 Professores & Pædagogos gratiosissimos fuisse, Me-
 moriæ prodicū est. *Adrianus* curiosissimus Mortali-
 um, & inexplebilis omnis Varietatis, & Secreti Inue-
 stigator. *Antoninus* subtilis & quasi Scholasticus, vnde
 etiā *Cymini* sēctor vocatus est. Ex *Divis* Fratribus
 autem, *Lucius Commodus* molliori Literarum genere
 eruditus: *Marcus* etiā Cognomine ipso Philoso-
 phus. Hi Principes, ut doctissimi, ita & Optimi fue-
 runt. *Nerva* clementissimus Imperator, quique, si ni-
 hil aliud, Orbi *Traianum* dedit. *Traianus*, omnium
 qui imperârunt, & Belli & Pacis Artibus maximè
 florens: Idem Imperii fines longissimè protulit; Idem
 vim Dominationis modestissimè cohibuit: Maximo-
 rum etiā Extructor Operum, vnde à *Constantino*,
Parietaria per invidiam vocatus est, propter Nomen
 eius, tot parietibus incisum. *Adrianus* Temporis
 ipsius Æmulus: Iniurias enim & Ruinas Temporis,
 in quoquo genere, curâ & munificentia suâ, repara-
 vit. *Antoninus*, (ut etiā appellatus est) Vir maximè
Pius, nativâ quâdam & insitâ bonitate, omnibus
 Ordinibus gratus, cuiusque Regnum (licet haud bre-
 ue) omnis calamitatis expers. *Lucius Commodus* Fra-
 tri quidem Bonitate cedens, reliquos Imperatores plu-
 rimos superans. *Marcus* Vir ad Exemplar Virtutis com-
 positus, cuique Scurra ille, in Conuivio Deorum, ni-
 hil habuit quod obijceret, præter patientiam erga mo-
 res Vxoris. In hac itaque continuâ sex Principum se-
 rie, videre cuius liceat, fœlicissimos fructus Doctrinæ,
 in Imperio collocatæ, in maximâ Orbis Terrarum Ta-
 bulâ depictos.

Iam verò Doctrina, non in Ciuilia tantum, atque Artes Pacis, influxum habet, sed & in militari Virtute exerceat vim suam, ac potentiam; vt clarè perspicitur in Exemplis Alexandri Magni, & Cæsaris Dictatoris; Quorum antea obiter meminimus, nunc verò ea paulò fusiùs retractabimus: Horum Virtutes Militares, & Res in bello Gestas, superuacaneum esset notare, aut recensere, cum in eo genere Mundi Miracula extiterint: sed de Amore ipsorum, & studio erga Literas, nec non in iisdem Excellentia propria, non alienum erit, si pauca subiungamus.

Educatus fuit Alexander, eductusque ab Aristotele, (Philosopho certè magno) qui non nullos è libris suis philosophicis ei nuncupauit: A latere illius nunquam discedebat Callisthenes, alijque pereruditi viri, qui Castra sequebantur, & perpetui erant, omnium eius Itinerum & Expeditionum Comites: Quo autem pretio literas habuerit, haud pauca liquidò demonstrant: veluti Inuidia, quā dignam censuit Achillis Fortunam, quod Gestarum Rerum, Laudumque suarum, Homerum Praeconem inuenerat. Iudicium de pretiosâ Darii Arculâ, inter reliqua spolia repertâ, de quâ cum Quæstio moueretur, quidnam potissimum dignum esset, quod in eâ asseruaretur, ipse, cum alii alia dicerent, pro Homeri Operibus sententiam tulit. Epistola Obiurgatoria ad Aristotelem missa, postquam Libros Physicorum edidisset, in quâ expostulat, quod Philosophiæ Mysteria euulgasset; simulque rescribit, malle se omnibus doctrinâ & cognitione, quàm potentiâ ac Imperio præcellere. Sunt & alia quæ huc spectant. Ipse verò, quam egrogie Animum excoluisset doctrinâ, in omnibus eius Dictis, & Responsis apparet, vel potius refulget, Erudi-

Eruditione plenissimis; in quibus, licet numero pauca sint, quæ adhuc supersint, singularum Scientiarum Vestigia altè impressa reperias.

In Moralibus, obseruetur primò Alexandri Apophthegma circa Diogenem, & aduerte (si placet) si fortè non vnā ex grauissimis quæstionibus Moralis Philosophiæ, constituat: *Vtrum qui fruatur externis bonis, felicior sit, an qui contemnit?* cū enim Diogenem cerne-
ret, tam paruo contentum, conuersus ad circumstantes, qui eius conditionem sublānabant, *Nisi essem, inquit, Alexander, optarem esse Diogenes.* At Seneca in hac comparatione Diogenem prætulit, cū diceret, *Plus erat, quod Diogenes nollet accipere, quàm quod Alexander posset dare.*

In Naturalibus, obseruetur illud quod crebrò usurpabat, *In duabus se rebus, mortalitatem suam maxime percipere, Somno & Libidine.* Quod sanè dictum ex intima Naturali Philosophiā depromptum est, non tam Alexandrum, quàm Aristotelem, aut Democritum sapiens; cū tam Indigentia, quàm Redundantia Naturæ, per illa duo designata, Mortis sint tanquam Arrhabones.

In Poeticis, obseruetur dictum illud, quū sanguine è vulneribus eius effluente, accerseret viū ex Adulatoribus, qui ei Diuinitatem tribuere solebat, *Specta, inquit, hominis iste sanguis est, non talis liquor, qualem dixit Homerus, Veneris è manu manasse, vulneratā à Diomede;* hoc dicto & Poetas, & Assentatores suos, & seipsum ridens.

In Dialecticis, accipe reprehensionem illā Argutiarum Dialecticarum, circa reiicienda, & retorquenda argumenta, in dicto suo, quo perstrinxit Cassandrum, Delatores Patris sui Antipatri repellentem. Cū enim Alexander fortè dixisset, *Nunquid putas hos Homines, tam longum iter suscepturos fuisse, nisi iustam doloris causam habuissent?* Respondit Cassander, *Imò hoc ipsum Animos*

eis dedit, quod sperabant longinquitatem vie obstituram, quo minus calumnia proderetur. Euge, inquit Rex, Strophas Aristotelis, rem pro & contra detorquentes. Attamen hanc ipsam, quam in alio carpebat, arte, cum res postularet, in commodum suum vii, probe nouerat: Ita enim accidit, ut Callisthenes (quem odio clam habebat, quod nouæ eius inter Diuos Relationi refragaretur,) in quodam Conuiuium rogatus esset, ab una discumbentibus, ut oblectationis gratiâ, (cum esset vir eloquentissimus) Thema aliquod pro arbitrio sibi sumeret, de quo subito diceret, ille autem annuens, & laudes Gentis Macedonicæ eligens, mirifico cum omnium applausu disseruit. At neutrquam hoc delectatus Alexander, subiicit, In bonâ causâ, facile est cuiuslibet esse eloquenti, quin verte, inquit, stilum, & quid contra nos possis, audiamus. Callisthenes negotium in se recepit, idque tam acerbè, tamque aculearè præstitit, ut Alexander interpellans diceret, Etiam malus animus, eque ac bona causa indit eloquentiam.

In Rhetoricis, ad quæ Tropi, & ornamenta pertinent, cæceteribi elegantissimum Metaphoræ usum, quâ Antipatrum imperiosum, & tyrannicum Præsidem perstrinxit. Cum enim Amicus quidam Antipatri laudaret eum coram Alexandro, quod tam moderatus esset, neque in Persicum, prout alij Præfecti, luxum, usumque purpura, veteri Macedoniæ amictu exuto, degeneraret, At intus, inquit Alexander, Antipater est totus purpureus. Etiam & illa Metaphora insignis: Cum Parmenio ad eum accederet, in Campis Arbelle, eique ingentem hostium exercitum monstraret, qui oculis subiacens noctu, propter infinitum numerum Ignium, veluti alterum Firmamentum Stellatum representabat, ideoque consuleret, ut Nocturno Prælio illos inuaderet, Nolo, inquit Alexander, suffurari vi-
Etorian.

in politicis, attende grauissimam illam & prudentissimam distinctionem (quam omnis Posteritas amplecti est) quæ duos ex præcipuis eius Amicis, Ephesionem & Craterum discreuit, quum diceret, *Alterum Alexandrum amare, alterum amare Regem*. Dissimilitudinem maximi ponderis, etiam inter fidelissimos Regum seruos constituens, quod alii magis Dominorum suorum Personas vero Affectu prosequantur, alii potius moueantur Officio erga Principatum ipsum. Spectetur etiam, quam eximie redargueret errorem, Principum Consiliariis familiarem, qui plerumque consilia, pro modulo sui Animi, & Fortune, non Dominorum, suggerunt. Cum enim Darius magnas Alexandro offerret condiciones, Parmenio, *Ego*, inquit, *si essem Alexander, acciperem*. Subiecit Alexander, *Et ego quidem si essem Parmenio*. Postremo, excutitur acere illud atque acutum Respondum, ad Amicos interrogantes, *Quid sibi reseruaret, cum tot & tanta donaretur*. *Spem*, inquit, quippe qui probe sciret, subductis rationibus, *Spem veram esse Sortem, & tantamquam Hæreditatem, ad magna aspirantium*. Hæc Iulij Caesaris Sors, cum proficiscens in Galliam, vniuersas opes profusis largitionibus exhausisset. Hæc etiam Sors Henrici Ducis Guisii, Nobilissimi Principis, licet nimium Ambitiosi, de quo illud increbuit, *Fæneratorem eum fuisse unum omnium Gallorum maximum, eò quod omnes opes in nominibus haberet, atque Patrimonium vniuersum, in obligationes conuertisset*. Cæterum Admiratio huius Principis, dum cum mihi, non vt Alexandrum Magnum, sed vt Aristotelis Discipulum propono, longius fortasse me prouexit.

Quantum ad Iulium Cæsarem, non est opus, vt de præstantia Eruditionis eius, aut ex Educatione, aut ex Familiaribus, aut ex Responsis suis, coniecturam faciamus. Hæc siquidem eminet in eius scriptis,

& Libris, quorum alij extant, alij infœlicitèr desiderantur. Primò enim hodiè in manibus habetur, insignis illa Bellorum suorum Historia, cui Nomen & Titulû Commentariorum duntaxat præfixit; In quo omnes posterì, solidum Rerum pondus, & viua tam Actionum quàm Personarum simulachra, cum castissimâ puritate sermonis, Narrationisquæ perspicuitate eximiâ, cõiuncta admirantur: Quas quidem Dotes, non à Naturâ infusas fuisse, sed à Præceptis Institutisq; Doctrinæ acquisite, testatur liber eius de *Analogiâ*; qui nihil aliud erat, quàm Grammaticalis quædam Philosophia; in quo sedulò dedit operam, ut Vox ad Placitum, redderetur Vox ad Licitum; & Consuetudo quoquo modo loquendi, ad congruitatem reuocaretur emendatè loquendi; & verba, quæ sunt Rerum Imagines, Rebus ipsis conuenirent, non vulgi prorsus arbitrium sequerentur.

Ita etiã veluti Monumentum Doctrinæ, non minùs quàm Potentiæ, emendatam eius Edicto habemus computationem Anni; quæ disertè testatur, æque eum gloriæ sibi duxisse, Syderum in cœlis Leges pernoisse, ac Hominibus in Terris Leges dedisse.

Ex Libro quoque, cui Titulum præposuit Anti-Cato, facilè constat, eum tanto studio accensum, ad Victoriã Ingenij, quanto Belli & Armorum obtinendam; certamen Calami tum suscipientem, contra maximum eo tempore Pugilem, Ciceronem Oratorem.

Rursus in Libro Apophthegmatum quæ collegit, videmus honorificentius sibi putasse, si seipsum tanquam in Tabellas, aut Codicillos mutaret, in quos prudentia aliorum Dicta, grauiâque referrentur; quàm si Dicta sua propria, velut Oracula sacrarentur, sicut inepti Principes nonnulli, adulatione corrupti, sibi fieri gestiunt. Attamen si recensere vellem, pleraque eius Dicta, (ut feci in *Alexando*) sunt ea certè huiusmodi, qualia notat Salomon, *Verba sapientum sunt tanquam Aculei, &*

tanquam

tanquam Clavi in altum defixi. Itaque tria hîc tantum proponam, non tam elegantiâ, quam vi & efficacîâ mirabilia.

Primò igitur, Magister sit, oportet, loquendi, qui vnico verbo, seditionem in exercitu comprimere potuit. Sic autem se res habuit. Romanis mos fuit, cum Exercitum Duces alloquerentur, Milites vti eos appellarent, cum Magistratus Populum, Quirites. Tumultuabantur Milites Cæsaris, ac Missionem seditiosè flagitabant; non quod hoc ipsi cuperent, sed vt hoc postulato, Cæsarem ad alias Conditiones adigerent: Ille immotus, atque inconcussus silentio facto sic exorsus est: *Ego Quirites*: Quo verbo, eos iam dimissos significabat. Eo perculsi Milites, & planè obstupefacti, concionantem deinceps perpetuo obturbabant, & postulato illo Missionis posthabito, contra obnixè petebant, vt Militum Appellatio eis restitueretur.

Secundum fuit huiusmodi. Regis Nomen Cæsar summè affectabat: Itaque subornati sunt nonnulli, qui prætereuntem populari Acclamatione Regem salutarent. Ille sentiens Acclamationem tenuem fuisse, ac raram; Negotium ioco transmisit, ac si erratum esset in Cognomine, *Non Rex sum*, inquit, *sed Cæsar*. Dictum sanè huiusmodi, vt si diligenter excutiarur, vigor eius & pondus, vix exprimi possit: Primum enim recusationem Nominis præ se ferebat, sed neutiquàm seriam: Deinde ingentem quandam Confidentiam, & Magnanimitatem monstrabat; ac si Cæsaris appellatio, illustrior Titulus esset, quam Regis; quod haud secus euênit, & vsque in hodiernum diem obtinuit. Sed quod illius maximè intererat, hoc dictum, summo artificio, finem suum vrgebat; Hoc enim innuebat S. P. Q. R. de re leui, hoc est Nomine tantum (nam potestatem Regiam iam pridem habebat) secum contendere, ac tali Nomine, quale complures etiam ex Familiis obscuris

ris gerebant : Nam Cognomen Regis multis Romanorum Gentilitium erat, quemadmodum & nos simile quiddam nostro idiomate habemus.

Ultimum quod hoc loco repetere placet, tale fuit. Cum Cæsar post bellum initum, Romam occupasset, atque sanctius Aerarium reclusisset, ut Pecunias ibi congestas, in usus Belli tolleret, restitit Metellus, utpote tunc temporis Tribunus; Cui Cæsar, *Si perstes*, inquit, *mortuus es*. Dein reprimens se paulum, subiecit, *Adolescens, durius est mihi hoc dicere, quam facere*. Dictum tam mirificè, ex terrore & clementiâ conflatum, ut nihil supra.

Verum ut Cæsarem mittamus; Perspicuum est eum probè sibi conscium suæ eximiæ Eruditionis fuisse; ut liquet ex eo, quod demirantibus nonnullis Lucij Syllæ consilium, in deponendâ Dictaturâ, cavillans dixit, *Sylla nescivit literas, dictare non potuit*.

Nunc autem tempus videtur imponendi finem huic dissertationi de arctâ coniunctione Militaris Virtutis, & Literariæ (quid enim in hoc genere, post Alexandrum & Cæsarem afferri potest?) nisi quod moueor vnius alterius Exempli dignitate, & insolentiâ, eo quod tam subito transierit, à Ludibrio ad Miraculum. Est autem Xenophontis Philosophi, qui è Socratis Ludo profectus est in Asiam, cum Cyro Iuniore, in Expeditione contra Regem Artaxerxem : Hic Xenophon eo tempore peradolescens fuit, & nunquam Aciem, aut Castra viderat, neque tunc præfecturam aliquam in Exercitu gerebat, sed tantum sponte, ob Amicitiam Proxeni proficiscebatur. Aderat fortè fortunâ, cum Falinus à Magno Rege Legatus ad Græcos veniret, postquam Cyrus in Acie occubuiisset, Græci autem (Manipulus tantummodò Hominum) Duce orbat, in medio Provinciarum Persiæ, à Patriâ suâ, plurimorum Milliarium intervallis, & Fluminibus maximis atque altissimis interclusi essent. Legatio huc spectabat, ut positis Armis

atque

atque deditis, se Regiæ Clementiæ submitterent : Cui legationi antequàm publicè responsum esset, complures ex Exercitu, familiaritè cum Falino colloquebantur, inter quos Xenophon ita fortè locutus est. Imò, inquit, *Faline, hæc duo tantùm nobis iam supersunt, Arma & Virtus, si igitur Arma dedamus, cui vsui (obsecro) nobis erit Virtus?* At Falinus subridens, *Ni fallor (inquit) Atheniensis es (Adolescens) & Philosophiæ incumbis, atq; bellula sunt, quæ dicis, sed valdè erras, si virtutem vestram Regijs Copijs parem esse arbitraris.* Ecce Ludibrium, sequitur Miraculum. Nouitius iste ex Scholâ, & Philosophus, postquam omnes Duces, & Præfecti proditione interempti essent, decem millia Peditum, Babylone in Græciam reduxit, per medias Regis Prouincias, omnibus eius Copijs frustra obnitentibus : Quo factò stuporem iniecit omnibus, Græcis autem ab eo tempore, ingentes addidit Animos, & Spiritus, ad Persarum Regnum inuadendum, & subuertendum. Quod & mox cogitauit sanè, & designauit Iason Thessalus ; tentauit, & inchoauit Agesilaus Spartanus ; perfecit demùm Alexander Macedo, omnes Literati istius præuii egregio Facinore incitati.

Pergamus ab Imperatoriâ, Militarique Virtute, ad Moralem, & eam quæ est Hominum priuatorum : Primò, certissimum est illud Poetæ,

Scilicet ingenuas didicisse fidelitèr Artes

Emollit mores, nec finit esse feros.

Eruditio siquidèm Humanas Mentès, feritate atque barbarie exuit. Veruntamèn opus est, vt Accentus sit in Voce illâ *Fidelitèr*. Nam tumultuaria Cognitio flectit potius in contrarium. Eruditio, inquam, Leuitatem, Temeritatem, atque Insolentiam tollit, dum omnia Pericula & Ambigua simul cum re ipsâ suggerit, Rationum & Argumentorum pondera in vtramque partem librat, prima quæque quæ se offerunt animo

cique arrident pro suspectis habet, iterque omne tanquam explorato inire docet. Eadem Admirationem Rerum vanam & nimiam euellit, Radicem ipsam omnis infirmi Consilii: quippe admiramur Res, vel quia Nouæ sunt, vel quia Magnæ. Quantum ad Nouitatem, nemo est qui Literas, & Rerum Contemplationem penitus imbiberit, quin illud Cordi impressum habeat, *Nil noui super terram*. Neque enim Puparum Ludû, quisquam magnoperè mirabitur, qui pone Aula caput inferens, Organa quibus mouentur, & Filamenta cernit. Quantum ad Magnitudinem, quemadmodum Alexander Magnus, ingentibus præliis, & Victoriis in Asiâ assuetus, cum interdum acciperet è Græciâ Literas, de Expeditionibus, & Dimicationibus quibusdam illic factis, quæ plerunque propter Pontem aliquem, aut Castellum, aut ad summum, pro expugnatione Oppidi alicuius suscipiebantur, dicere solebat, *Videri sibi Nuncium allatum, de Ranarum, & Murium Pugnâ, de quâ Homerus*: Sic certè, qui vniuersitatem Rerum, eiusque Fabricam intueatur, illi Terræ Globus, cum Hominibus superstantibus (si Diuinitatem Animarum seponas) haud maius quidpiam videbitur, quam Colliculus Formicarum, quarum aliæ cum Granis, aliæ cum Ovis suis, aliæ vacuæ, omnes hinc inde circa exiguum Puluisculi Aceruum, reptant & cursitant. Porro Eruditio aufert, aut saltem minuit Timorem Mortis, atque aduersæ Fortunæ, quo nihil magis Virtutibus Moribusque officere solet. Si enim Animus cuiuspiam, contemplatione Mortalitatis, & Rerum Naturæ corruptibilis imbutus fuerit, & intinctus, iuxta cum Epicteto sentiet; qui, cum pridie exiens, Mulierculam ob fractam ollam plorantem cerneret, postridie etiam exiens, aliam mortuum Filium deflentem conspiceret, dixit; *Heri vidi fragilem frangi, hodie vidi mortalem mori*. Quare optimè, & valdè sapientèr Virgilius,

lius, Cognitionem Causarum cum Metûs omnis profligatione copulauit, tanquam Concomitantia;

*Fœlix qui potuit Rerum cognoscere Causas,
Quique metus omnes, & inexorabile Fatum
Subiecit pedibus, strepitumq; Acherontis auari.*

Nimis longum esset singula percurrere Remedia, quæ singulis Animi Morbis Doctrina suppeditat; aliquandò vitiosos Humores expurgans, nonnunquàm Obstructiones aperiens, aliàs Concoctionem iuuans, aliàs Appetitum excitans, non rarò Vulnera eius, & Vlcera sanans, & similia. Quare concludam cum hoc, quod videtur rationem habere totius, ita nimirum Animum Doctrinam disponere, & flectere, vt nunquam protinus acquiescat, & tanquàm congeletur in defectibus suis, quin incitet se semper, Progressumque spiret. Nescit illiteratus, quid sit in se descendere, aut secum inire rationes, aut quam suauius vita sit, quæ indies sentit se fieri meliorem: si quâ fortè Virtute præditus sit, eam venditabit scilicet, & vbique spectandam exponet, eaque vtetur forsitan commodè, quam tamen excolere, & augere negligit. Rursus, si quo vitio laborat, Artem, atque industriam illud celandi atque occultandi, minimè autem corrigendi adhibebit; tanquàm malus Messor, qui perpetuò demetit, falcem autem nunquam exacuit. Literatus contrà, non tantum vtitur Animo, Virtutesque exercet, sed continuò emendat se, & in Virtutem proficit. Imò vt in summâ dicam, pro certo est, Veritatem & Bonitatem distingui tantum, sicut Sigillum, & Impressionem, nam Veritas Bonitatem signat: Et contrà, Vitiorum ac Perturbationum procellæ, ex Erroribus, & Falsitatis Nubibus erumpunt.

A Virtute transcamus ad Potentiam & Imperium, & dispiciamus, si vspiciam inueniatur tanta Potentia, & Regnum, quanto Eruditio Hominis Naturam inuestit, & coronat. Videmus dignitatem Imperandi, sequi

dignitatem eius, cui imperatur. Imperium in Belluas, & Pecora, quale Bubulcorum aut Opilionum, res vilis: Imperium in pueros, quale Ludimagistrorum, minus honorificum: Imperium in Mancipia, potius dedecori est, quàm honori: Neque multò præstantius est Imperium Tyrannorum, in populum servilem, atque Animis, & generosâ indole exutum: Vnde hoc semper manavit iudicium, Honores in liberis Monarchijs, aut Rebusp. suaviores esse, quàm sub Tyrannis; quia Imperium honorificum magis supra volentes est, quam supra iniuitos, & coactos. Ideoque Virgilius, cum ex intimo artificio, inter Humanos Honores, longè vellet optimos exprimi, quos Augusto Cæsari assignaret, in hac ipsa verba loquitur,

— *Victorq; volentes*

Per populos dat iura, Viamq; affectat Olympo.

Ast Imperium Scientiæ, longè celsius est, quàm Imperium in Voluntatem, licet liberam, & non astrictam. Illa enim Rationi, Fidei, & Intellectui ipsi dominatur, qui est altissima Pars Animi, & Voluntatem ipsam regit. Etenim nulla præcudubio terrena est potestas, quæ in Spiritibus Hominum, & Animabus, eorûmque cogitationibus, & phantasijs, assensu quoque & fide, Thronum, & quasi Cathedram suam erigit, & collocat, præter Doctrinam, & Scientiam. Ac idcirco videmus, detestabilem illam, & immensam delectationem, quâ Hæresiarchæ, falsi Prophetæ, & Impostores magni perfunduntur, & rapiuntur, postquam senserint in Fide, & conscientijs Hominum cœpisse se regnare: Tantam certè, ut qui eam semel degustaverit, nullis ferè persecutionibus, aut tormentis adigi possit, ut hoc regno se abdicet. Sicut autem, hoc illud est, quod in Apocalypsi dicitur, *Abyssus sine profunda Sathane*; ita è contrario, iustus & legitimus, in animos Hominum Dominatus, Veritatis ipsâ euidentiâ, ac commendatione dulcissimâ stabi-

stabilitus, sanè quam proximè, ad Potestatis Divinæ similitudinem accedit.

Quod ad Fortunas, & Honores spectat, Munificentia Doctrinæ, non sic Regna integra, & Resp. locupletat, & ditat, vt non Hominum etiam priuatorum Fortunas, & Opes amplificet, & evehat. Vetus enim Obseruatio est, Homerum pluribus suppeditasse victū, quam Syllam, Cæsarem, aut Augustum, licet tot Congiaria, tot Donatiua, tot Agrorum Assignationes largiti sint. Certè difficile dictu est, Arma an Literæ plurimum fortunas constituerint. Quin si de summâ potestate loquamur, videmus, si Arma, aut Ius hæreditatis Regnum contulerunt, at Literarum forti sæpius cessit Sacerdotium, quod Regni semper fuit Riuale.

Rursus, si Delectationem, Iucunditatemque scientiæ intuearis, multum sanè illa voluptates alias omnes exuperat. Quid enim? num fortè Affectuum Voluptates tanto intervallo oblectamenta sensuum excedent, quanto Voti Assecutio foelix, Cantiunculam, aut Coenam: & non pari gradatione, Intellectus Voluptates, eas quæ sunt Affectuum, transcendent? In cæteris oblectationibus satietas est finitima, & postquam paulò inueteraverint, Flos ipsarum & venustas marcescit: quo docemur, non illas liquidas reuerà voluptates, ac sinceras fuisse, sed umbras tantum, & Fallacias voluptatum, non tam qualitate suâ, quam nouitate iucundas: Vnde & Voluptarij sæpius sunt Monachi, & ambitiosorum Principum Senectus, tristior ferè est, & Melancholiâ obsessa. Scientiæ autem non est satietas, verum & fruendi, & appetendi, perpetuò & subindè recurrens Vicissitudo; vt necesse sit huius Delectationis Bonum, simplex esse, non ex Accidente, aut cum Fraude. Neque illa voluptas, quam depingit Lucretius, vltimum in Animo locum sortitur,

Suaue mari magno turbantibus æquora Ventis, &c.

Suaue

Suave est spectaculum (inquit) stantem aut ambulantem in littore, nauem intueri tempestate in mari iactatam: suave itidem ex editâ turri duas cernere Acies concursantes in planitie; at nil dulcius est Homini, quam mens per doctrinam, in arce veritatis collocata, unde aliorum errores, & labores dispicere possit.

Denique, ut mittamus vulgaria illa Argumenta, quod per Doctrinam scilicet, Homo homini in eo præstet, in quo ipse Brutus; Quod ope Doctrinæ ascendat homo intellectu usque ad Cælos, quo corpore non potest, & alia similia; cum eo concludamus Bono, hanc Dissertationem de Literarum excellentiâ, ad quod Humana Natura ante omnia aspirat, hoc est, Immortalitate, & Æternitate. Huc enim spectant Procreatio sobolis, Nobilitatio Familiæ, Ædificia, Foundationes, Monumenta, Fama, ac denique Humanorum Votorum Summa. Atqui videmus Monumenta Ingenij, & Eruditionis, quanto diutius durent, quam ea quæ opere, & manu facta sunt. Annon Homeri Carmina, viginti quinque Annorum Centurias, & supra, absque vnius Syllabæ, aut Literæ iacturâ, durauerunt? Quo spatio innumera Palatia, Templâ, Castella, Vrbes collapsa sunt, aut diruta? Picturæ, ac Statuæ Cyri, Alexandri, Cæsaris, imò Regum & Principum multò recentiorû, nullo iam sunt modo parabiles: Archetypa enim ipsa, iam dudum confecta vetustate perierunt, Exempla autem indices primigeniâ Similitudine mulcantur. At Ingeniorum Imagines perpetuò integræ manent in Libris, nullis temporum Iniurijs obnoxia, utpote quæ iugem renouationem recipere possunt: Quanquam nec Imagines dici propriè possint, quia perpetuò generant quodammodò, seminaque sua in Animos Hominum spargunt, atque ætatibus subsequenribus infinitas Actiones, Opinionesque suscitant, & progignunt. Quod si Naui Inuentum, res existimata tam nobilis, & admirabi-

lis fuerit, quæ opes mercesque hinc inde transportat, Regiones locis disiunctissimas, participatione fructuum & commodorum confociat; quanto rectius Literæ celebrari debent, quæ tanquam Naues sulcantes Oceanum Temporis, remotissima secula Ingeniorum & Iuuentorum commercio, & societate copulant? Porro videmus nonnullos Philosophorum qui maxime immerfi erant sensibus, minimèque Diuini, atque Immortalitatem Animæ præfractè negabant; hoc tamen vi Veritatis adactos concessisse, quoscunque Motus & Actus Anima humana absque Corporis Organo præstare possit, eos etiam post Mortem permanere probabile esse: quales nimirum erant Intellectus, minimè autem Affectuum Motus. Adeò scilicet Scientia immortalis visa est Res illis, atque incorruptibilis. Nos autem, quibus diuina Reuelatio illuxit, conculcantes hæc Rudimenta, atque Offucias Sensuum, nouimus non solum Mentem, sed & Affectus perpurgatos; neque Animam tantum, sed etiam Corpus ad Immortalitatem assumptum iri suo tempore. Sedenim meminerint Homines, & nunc & alias vbi opus fuit, me in Probationibus de Dignitate Scientiæ, inde ab initio seiunxisse Testimonia diuina ab humanis; quam Methodum constantè retinui, separatim vtrunque explicans.

Quamuis verò hæc ita sint, nequaquam tamen hoc mihi sumo, neque me consequi posse confido, vt vllâ Causæ huius pro Doctrinâ Peroratione, aut Actione, iudicia rescindam, vel *Æsopici Galli*, qui Granum Hordei Gemmæ prætulit; vel *Mida*, qui cum Arbiter factus esset, inter Apollinem, Musarum, & Panem, Ouium Præsidem, Opulentia palmam detulit; vel *Paridis*, qui spretâ Sapientiâ, ac Potentiâ, primas Voluptati & Amori dedit; vel *Agrippina* eligentis, *Occidat matrem, modò imperet*, Imperium licet cum conditione detestanda



FRANCISCI BARONIS

DE
VERVLAMIO,
VICE-COMITIS

SANCTI ALBANI,
DE

Dignitate & Augmentu Scientiarum

LIBER SECVNDVS.

AD REGEM SVVM.



Consentaneum videri possit, ta-
met si non raro secus eueniat,
(Rex optime) vt qui Sobole
numerosâ aucti sunt, quique
Immortalitatem suam in Po-
steris ipsorum quasi prospe-
ctant, præ cæteris Mortalibus
sint solliciti, de Statu futuro-
rum Temporum; vrpote qui-
bus, satis intelligunt, charissi-
ma illa sua tandem debito pignora transmitti, Eliza-

betha Regina, propter Vitam cœlibem, Hospes potiùs in Mundo quàm Incola fuit; sua quidem Tempora ornavit, & in multis beavit. Enimverò tuæ Maiestati, (cui Deus pro Benignitate suâ dedit tot suscipere Liberos, dignos certè qui te perpetuent, cuiusque Ætas vigenis, & Thorus fecundus adhuc plures pollicetur) vsquequaque convenit, non modò tuum (quod facis) Seculum irradiare; verùm etiàm ad illa Curas tuas extendere, quæ Memoria omnis alat, quæque ipsa intuetur Æternitas. Inter ea autem (nisi studium meum erga Literas me fallit) nil dignius est aut nobilius, quàm si dotetur Orbis Terrarum, *Augmentis Scientiarum* solidis & fructuosis. Quousque enim tandem, pauculos aliquos Scriptores, statuemus nobis tanquàm *Columnas Herculis*, ne plus ultra in Doctrinis progrediamur; cùm habeamus Maiestatem tuam, instar Lucidi & Benigni Syderis, quod nos inter Nauigandum conducat & fortunet?

Ut igitur ad rem redeamus: Recolamus iam, & nobiscum perpendamus, quid Principes Viri, alijque, hucusque ad Literarum Amplificationem attulerint, quid prætermiserint? Hoc autem pressè & distinctè excutiamus; sermone quodam Actiuo & Masculo, nusquàm digrediendo, nil amplificando. Ponatur igitur illud (quod quivis concedat) Opera quæque maxima & difficillima, vel Præmiorum Amplitudine, vel Consiliorum Prudentiâ & Sanitate, vel Laborum Coniunctione superari: Quorum primum Conatum extimulat, secundum Ambages & Errores tollit, tertium Mortalium Fragilitati succurrit. At inter hæc tria, meritò Primas tenet, *Consilij prudentia & sanitas*; hoc est, Monstratio, & Delineatio viæ rectæ & proclivis, ad rem, quæ proponit, peragendam: *Claudius enim*, (quod dici solet) *in viâ, anteuertit Cursorem extra viam*. Et Salomon perappositè ad hanc rem; *Ferrum si retusum fuerit viribus utendum*

utendum maioribus ; quod verò super omnia prætalet, est sapientia. Quibus verbis innuit, Medii prudentem electionem, efficacius conducere ad Rem, quàm virium aut Intentionem, aut Accumulationē. Hæc vt dicam, illud impellit, quod (saluo semper eorum honore, qui de Literis quomodocunque meruerunt) perspicio atque animadverto, Opera eorum atque Acta pleraque, ad Magnificentiam potius, & Nominis sui Memoriam, quam ad Scientiarum ipsarum Profectum & Augmenta spectasse; & Literatorum potius Numerum auxisse, quam Artibus ipsis multum Incrementi attulisse.

Actiones autem & Opera, quæ ad Literas amplificandas pertinent, circa tria versantur Obiecta : Circa Literarum Sedes ; circa Libros ; & circa Personas Eruitorum. Quemadmodum enim Aqua, siue ex Cœlesti Rore descendens, siue ex Fontibus scaturiens, facile dispergitur & disperditur, nisi colligatur in aliqua Receptacula, vbi per vnionem, & congregationem, se sustentare & fouere possit, (quem in finem excogitauit Solertia humana Aquæductus, Cisternas, Stagna ; eaque etiam varijs ornamentis condecorauit, quæ Magnificentia & Dignitati, non minùs quàm Vtui & Necessitati deseruiant) similiter Liquor iste Scientiæ pretiosissimus, siue à Diuinâ Inspiratione destillet, siue è Sensibus exiliat, mox periret omnis, atque euanesceret, nisi conseruaretur in Libris, Traditionibus, Colloquijs ; ac præcipuè in Locis certis his Rebus destinatis, quales sunt Academiae, Collegia, Scholæ ; vbi & permanentes habeat Sedes, & crescendi insuper, & se congregandi Copiam, & Facultatem.

Ac primò, Opera, quæ ad *Musarum Sedes* spectant, quatuor numerantur : *Ædificiorum Structura ; Prouentuum Dotatio ; Priuilegiorum Concessio ; Disciplinæ Lex & Institutio ;* Quæ omnia ad Secessum, & Otium (vt plurimùm) conferunt, & ad Vacationem à

Curis & Molestijs : qualia sunt quæ ad Aluearia constituenda, in vsum Mellis, requirit Virgilius ;

*Principio sedes apibus, statioq, petenda,
Quo neque sit ventis aditus. &c.*

At Opera circa *Libros* duo sunt præcipua : primum Bibliothecæ, in quibus tanquam Mausolæis, priscorum Sanctorum Reliquiæ, Virtutis plenæ, conditæ sunt. Secundò, nouæ Editiones Auctorum, emendationibus Impressionibus, fidelioribus Versionibus, vtilioribus Commentarijs, Annotationibus magis diligentibus, & huiusmodi famulatio, instructæ & ornata.

Porrò Opera, quæ *Literatorum Hominum Personas* respiciunt (præterquàm quod ipsi ornandi sint & promouendi) sunt etiàm duo : Remuneratio & Designatio Lectorum, in Artibus iam dudum inuentis, & cognitis ; & Remuneratio ac Designatio Scriptorum, circa eas Doctrinæ partes, quæ non satis hætenus excultæ, aut elaboratæ sunt.

Hæc summam Opera sunt & Acta, in quibus inclytorum Principum, aliorumque illustrium virorum promerita, erga rem literariam claruerunt. De particulari alicuius commemoratione, qui de Literis benè meruit, cogitanti, occurrit illud Ciceronis, quod eum, post reditum suum, ad gratias promiscuè agendas impulit ; *Difficile non aliquem, ingratum quenquam præterire.* Potius (ex Scripturarum consilio) spatium intueamur, quod adhuc restat in Stadio decurrendum ; quàm oculos reflectamus ad ea, quæ à tergo iam pridem reliquimus.

Primum igitur, inter tot totius Europæ Collegia, præclarissimè fundata, Omnia illa certis Professionibus destinata esse demiror, nulla, liberis atque Vniuersalibus Artium, & Scientiarum studijs, dedicata. Nam si quis iudicet Doctrinam omnem referendam esse ad Vsum & Actionem, rectè lapit ; Veruntamen facile est

est isto modo prolabi in errorem illum, quem Fabula perantiqua perstringit; in quâ cætera Corporis Membra litem Ventriculo intendêrunt, quod neque Motum præberet, vt Artus, neque Sensum, vt Caput; quamuis intercâ Alimentum coctum atque confectum ventriculus ille in reliquum corpus diuideret; Planè eodem modo, qui in Philosophiâ ac Contemplationibus vniuersalibus, positum omne studium inane atque ignauum arbitratur, non animaduertit singulis Professionibus, & Artibus, exinde succum & Robur suppeditari. Atque certè persuasum habeo, hanc ipsam haud minimam causam fuisse, cur felicior Doctrinæ progressus hucusque retardatus sit; quod opera hisce fundamentalibus Scientijs, nauata sit tantum in transitu, neque haustus pleniores inde epoti. Nam si Arborem solito fructuosiorem fieri cupias, de Ramis medicandis frustra cogitaueris; Terra ipsa circa Radicem subigenda, & Gleba lætior admouenda, aut nihil egeris, Neque rursus silentio prætermittendum est, hanc Collegiorum, & Societatum, in vsum tantummodò Doctrinæ Professoriæ, Dedicationem, non solùm Scientiarum incrementis inimicam fuisse; sed etiam in Regnorum, & Rerump. detrimentum cessasse. Hinc enim fieri solet, vt Principes delectum habituri Ministrorum, qui Rebus civilibus tractandis sint idonei; eiusmodi hominum miram solitudinem circa se reperiant; propterea quod non habeatur Educatio aliqua Collegiata, in hos vsus destinata, vbi scilicet Homines à Naturâ ad hoc facti & comparati, (præter artes alias) Historiæ, Linguis modernis, Libris & Tractatibus Politicis, præcipue incumbant; vt inde ad civilia Munera, magis habiles, & instructi accedant.

Quoniam verò Fundatores Collegiorum plantant, Prælectionum verò rigant; sequitur iam ordine, vt dicam quid in publicis Lectionibus desideretur. Nimirum,

rùm Improbo vel maximè Tenuitatem Stipendiorum, Prælectoribus siue Artium, siue Professionum, (præsertim apud nos) assignatam. Interest enim inprimis progressus in Scientiis, ut Lectores in vnoquoque genere, ex optimis instructissimisque eligantur; utpote quorum opera, non in vsum transitorium, sed ad sufficiendam Sobolem Scientiæ in secula adhibeatur. Id fieri nequit, nisi Præmia, & conditiones tales constituantur, quibus eminentissimus quisque in eâ Arte, planè contentus esse possit; ut illi demùm graue non sit, in eodem munere immori; neque Practicam cogitet. Quocirca Scientiæ ut floreant, Militaris Lex seruanda Davidis; *Vt æqua esset pars descendens ad prælium, & manentis ad Sarcinas*; Sarcinis malè aliter prospectum erit. Sic Lectores in Scientiis sunt tanquam Conseruatores, & Custodes totius Literarij Apparatus, vnde Praxis & Militia deinceps Scientiarum instruat: Proinde æquum est, ut Merces ipsorum Lucra Practicorum exæquare possit. Aliter si Patribus Scientiarum Præmia non constituantur satis ampla, & luculenta, eueniet illud,

Et Patrum inualidi referent ieiunia Nati.

Defectum nunc notabo alium, in quo Alchymista quispiam in auxilium aduocandus fôret; cùm id genus Hominum Studiofis Authores sint, ut Libros vendant, Fornaces extruant, Mineruam ac Musas, (tanquam Virgines Steriles,) deferant, ac Vulcano se applicent. Fatendum est enim uerò, tam ad Penetralia Contemplationis, quàm ad Operatiuæ Fructum, in nonnullis Scientiis, (præsertim Naturali Philosophiâ, & Medicinâ) haud vnica subsidia è Libris petenda esse. Quâ in re neuti-quàm omninò cessauit Munificentia Hominum; quippe videmus non Libros magis, quàm Sphæras, Globos, Astrolabia, Mappas, & alia similia, ut adminicula quædam Astronomiæ, & Cosmographiæ comparari, & studio

præberi. Videmus etiam loca nonnulla, Medecinæ studio dicata, Hortos habere pro Simplicium cuiusque generis inspectione, & notitiâ; nec usu Mortuorum Corporum ad Observationes Anatomicas destitui. Cæterum hæc ad pauca spectant. In genere, pro certo habeatur, magnos, in rebus Naturæ abditis eruendis & referendis, progressus vix fieri posse, nisi ad Experimenta, siue Vulcani, siue Dædali, (Fornacis scilicet, aut Machinæ,) vel cuiuscunque alterius generis, sumptus abundè suppeditentur. Ideoque sicut Principum Secretariis, & Emissariis, conceditur exhibere rationes Exensarum, pro diligentis suis, in explorando, & erundo Res novas & Arcana ciuilia; similiter & Exploratoribus, ac Speculatoribus Naturæ, satisfaciendum de expensis suis; aliàs de quamplurimis scitu dignissimis nunquam fiemus certiores. Si enim Alexander magnam vim pecuniæ suppeditauit Aristoteli, quâ conduceret Venatores, Aucupes, Piscatores, & alios, quo instructior accederet ad conscribendam Historiam Animalium; certè maius quiddam debetur ijs, qui non in Saltibus Naturæ pererrant, sed in Labyrinthis Artium viam sibi aperiunt.

Defectus etiam nūm alius nobis obseruandus, (mag-
ni certè momenti,) Neglectus quidam est; in Academi-
arum Rectoribus, Consultationis, in Regibus siue Su-
perioribus, Visitationis; in hunc finem, vt diligentèr
consideretur, & perpendatur, vtrum Prælectiones, Dis-
putationes, aliaque Exercitia Scholastica, antiquitùs in-
stituta, & ad nostra vsque tempora vsitata, continuare fu-
erit ex usu, vel potius antiquare, aliaque meliora substi-
tuere. Etenim inter Maiestatis tuæ Canones prudentissi-
mos, illum reperio. *In omni vel consuetudine, vel exemplo,
tempora spectanda sunt, quando primum Ros cæpta; in qui-
bus, si vel confusio regnauerit, vel inscitia; derogat illud in pri-
mis Authoritati rerum, atque omnia reddit suspecta.* Quam-
obrem,

obrem, quandoquidem Academiarum Instituta, plerunque originem traxerint à temporibus, hisce nostris haud paulò obscurioribus, & indoctioribus; eò magis conuenit, ut examini denuò subijciantur. Exemplum in hoc genere, vnum aut alterum proponam, in rebus quæ maximè obuiæ videntur, & familiares. Pro more receptum est (licet ut mihi videtur perperam) ut Literarum studiosi, Logicam, & Rhetoricam præpropere nimis addiscant; Artes sanè Prouectioribus magis conuenientes, quàm Pueris, & Tyronibus. Etenim hæ duæ, si verè res perpendatur, sunt ex Artibus grauissimis; cum sint *Artes Artium*, altera ad Iudicium, altera ad Ornatum. Quinetiam Regulam, & Normam continent, Res & Materiam subiectam, vel disponendi, vel illustrandi. Ideoque id agere, ut Mentis Rerum ignaræ, & rudes, (quæque nondum id collegerunt, quod à Cicerone *Sylua*, vel *Supellex* appellatur, id est Materiam, & Copiam rerum,) initium ab istis Scientiis sumant; (ac si quis discere vellet, ponderare, vel metiri, vel ornare Ventum:) haud aliud profectò parit, quàm ut harum Artium virtus & facultas, (quæ permagnæ sunt, & latissimè diffusæ,) ferè contemptæ iaceant; atque vel in puerilia Sophismata, Affectationesque ridiculas degenerauerint; vel saltem existimatione suâ haud parùm mulctatæ sint. Quinetiam præmatura, & intempestiua ad has Artes Accessio, dilutam earum, atque ieiunam Traditionem ac Tractationem, necessario secum traxit, qualis nimirum Captui Puero- rum adaptetur. Alterum Exemplum (quod adducam) Erroris, qui in Academiis diu inueterauit, eiusmodi est; quod scilicet Inventionis, atque Memoriae, in Exercitiis scholasticis, fieri solet nimio plus noxium Diuortium: Illic siquidem Orationes plæræque, aut omnino præmeditatæ sunt, adeò ut Conceptis Verbis proferantur, & Inventioni nihil relinquatur; aut planè extem-

extemporariæ, vt perparùm relinquatur Memoria: (cùm in vitâ communi, & Praxi, rarus sit alterutrius istorum vsus seorsim, sed potiùs mixturæ ipsorum; id est Notarum siue Commentariorum, atque Dicti-
onis subitæ) ita vt hoc pacto, Exercitia ad Praxim
haud sint accommodata, nec Imago respondeat Vitæ.
Illud autem in Exercitijs perpetuò tenendum est; vt
omnia (quam fieri potest) maximè repræsentent ea,
quæ in vitâ agi solent; Alioqui Motus & Facultates
Mentis peruertent, non præparabunt. Huius autem
rei Veritas non obscure cernitur, cùm Academici ad
Praxim suarum Professionum, vel alia Ciuilis Vitæ
Munia se accingant; quod cùm faciunt, hunc, de
quo loquimur, defectum, ipsi in se citò deprehen-
dunt; sed citiùs etiamnùm alii. Cæterùm hanc par-
tem, de Institutorum Academicorum emendatione,
clausulâ illâ (ex Cæsaris quâdam ad Oppium, &
Balbum Epistolâ desumptâ) concludam; *Hoc quem-
admodùm fieri possit, nonnulla mihi in mentem veniunt,
& multa reperiri possunt; de ijs rebus rogo vos, vt co-
gitationem suscipiatis.*

Alter Defectus quem obseruo, altiùs paulò quam
præcedens ascendit. Quemadmodùm enim Doctri-
narum Progressio, haud parùm in prudenti Regimine,
& Institutione Academiarum singularum consistit;
ita magnus ad hoc cumulus accedere possit, si Aca-
demiæ vniuersæ, per totam Europam sparsæ, arctio-
rem coniunctionem, & necessitudinem contraherent.
Sunt enim, vti videmus, multi Ordines, & Sodali-
tia, quæ licet Regnis, & Spatiis longinquis disiuncta
sint, tamen Societatem & tanquam Fraternitatem in-
ter se ineunt, & colunt; adeò vt habeant Præfectos
(alios Prouinciales, alios Generales,) quibus omnes
parent. Et certè, quemadmodùm Natura creat Fra-
ternitatem in Familiis; Artes Mechanicæ contrahunt

Fraternitatem in Sodalitijs; Vnctio diuina superinducit Fraternitatem in Regibus, & Episcopis; Vota & Regulæ conciliant Fraternitatem in Ordinibus: eodem modo fieri non potest, quin intercedat Fraternitas illustris & generosa, inter Homines, per Doctrinas & Illuminationes, quandoquidem Deus ipse *Pater Luminum* nuncupetur.


Postremò illud queror (de quo superius nonnihil præmissi) quod vel nunquam, vel rarò admodum, publica aliqua extiterit Designatio Virorum idoneorum, qui vel scriberent, vel Inquisitionem instituerent, de illis Scientiarum Partibus, in quibus satis adhuc non fuerit elaboratum. Cui rei, illud inseruiet quam maximè, si tanquam Lustrum condatur Doctrinarum; & Census excipiatur, quæ ex illis locupletes sint, & maiorem in modum auctæ; quæ autem inopes, & destitutæ. Opinio enim Copiæ, inter causas Inopiæ est: Atque multitudo Librorum Luxuriæ potius quam Penuriæ indicium quoddam præ se fert. Quæ tamen Redundantia, (si quis rectè iudicet) neutiquàm delendis antehac scriptis Libris, sed nouis melioribus edendis tolli debet; qui eius generis sint, vt tanquam *Serpens Mosis, Serpentes Magorum* deuorent.

Horum, quos enumerauimus, omnium Defectuum Remedia, præter illius postremi; quinetiàm eiusdem postremi, quoad Partem eius Actiuam, quæ spectat ad Designationem scribentium, Opera sunt verè Basilica; Erga quæ, priuati alicuius conatus, & industria, ferè sic se habeat, ut Mercurius in Biuio; qui Digitum potest in viam intendere, Pedem inferre non potest. At Speculatiua illa Pars, quæ ad Examen Doctrinarum (quid nimirum in singulis desideretur) pertinet; etiàm industriæ Hominis Priuati patet. Mihi igitur in animo est, Perambulationem Doctrinarum, & Lustrationem generalem, & fidelem aggredi, præcipuè cum inquisitio-

ne sedulâ & accuratâ, quænam earum Partes neglectæ incultæque iaceant, hominum industriâ nondum subactæ, & ad vsum conuersæ; vt huiusmodi Delineatio, & Registratio, & publicis Designationibus, & Priuatorum spontaneis laboribus facem accendat. In quo nihilominus Consilium est hoc tempore, Omissiones duntaxat, & *Desiderata* notare; non autem Errores, & Infelicitates redarguere. Aliud enim est inculta loca indicare, aliud culturæ modum corrigere.

Quam quidem ad rem, cum me comparo, & accingo, non sum nescius, quantum opus moueam, quamque difficilem prouinciam sustineam; etiâ quàm sint vires minimè Voluntati pares: Attamen magnam in spem venio, si ardentior meus erga Literas Amor, me longius prouexerit, vsurum me excusatione Affectûs; quia non simul cuiquam conceditur, *Amare & Sapere*. Nescius equidem non sum, eandem iudicij libertatem alijs relinquendam, quam ipse vsurpauerim. Equidem libentè æque acceperim ab alijs, ac impertiuerim, Humanitatis illud officium; *Nam qui Erranti comitèr monstrat viam*, &c. Prospicio etiâ animo, complura ex illis, quæ tanquam omissa, & desiderata, in Registrum hoc nostrum referre visum fuerit, in diuersas censuras incursura; Alia scilicet quod sint dudum peracta, & iam extent; Alia quod curiositatem sapiant, & fructum promittant perexilem; Alia quod nimis ardua existant, & ferè impossibilia, quæ ab hominibus absoluantur. Ad priora duo quod attinet, Res ipsæ pro se causam agent: Circa postremum de Impossibilitate ita statuo; Ea omnia possibilia, & præstabilia censenda, quæ ab aliquibus perfici possint, licet non à quibuscvis; Et quæ à multis coniunctim, licet non ab vno; Et quæ in Successione Seculorum, licet non eodem æuo; Et denique quæ Publicâ Curâ & Sumptu, licet non Opibus &

Industria singulorum. Si quis tamen sit, qui malit Salomonis illud usurpare, *Dicit piger, Leo est in viâ*; quàm illud Virgilij, *Possunt, quia posse videntur*; facis mihi crit, si labores mei, inter Vota tantùm siue Optata melioris notæ habeantur. Sicut enim haud omninò Rei imperitum esse oportet, qui Quæstionem appositè instituat; ita nec Sensus inops videatur, qui haudquaquàm absurda Optauerit.



CAPUT I.

Partitio Vniuersalis Doctrinæ Humanæ in Historiam, Poesim, Philosophiam; Secundum tres Intellectus Facultates, Memoriam, Phantasiam, Rationem: quòdque eadem Partitio competat etiàm Theologicis.



PARTITIO *Doctrinæ Humanæ* ea est verissima, quæ sumitur ex triplici Facultate Animæ Rationalis, quæ Doctrinæ Sedes est. *Historia* ad *Memoriam* refertur; *Poesis* ad *Phantasiam*; *Philosophia* ad *Rationem*. Per *Poesim* autem, hoc loco intelligimus non aliud, quàm *Historiam* confictam, siue *Fabulas*. *Carmen* enim *Stili* quidam *Character* est, atque ad *Artificia Orationis* pertinet, de quo suo loco.

Historia propriè *Individuorum* est, quæ circumscribuntur *Loco & Tempore*. Etsi enim *Historia Naturalis* circa *Species* versari videatur; tamen hoc fit ob promiscuam *Rerum Naturalium*, (in plurimis) sub vnâ *Specie*, *Similitudinem*; vt si vnâ nōris,

omnes

omnes nôris. Sicubi autem Indiuidua reperiantur, quæ aut vnica sunt in suâ Specie, veluti Sol & Luna; aut à Specie insignitèr deflectunt, vt Monstra; non minus rectè constituitur Narratio de illis in Historiâ Naturali, quam de Homimibus singularibus in Historiâ Ciuili. Hæc autem omnia ad Memoriam spectant.

Poesis, eo sensu quo dictum est, etiâ Indiuiduorum est; confictorum ad similitudinem illorum, quæ in Historiâ verâ memorantur; ita tamen vt modum sapiùs excedat, & quæ in Rerum naturâ nunquam conuentura, aut euentura fuissent, ad libitum componat, & introducat; quemadmodum facit & *Pictoria*. Quod quidem *Phantasia* Opus est.

Philosophia Indiuidua dimittit; neque Impressiones primas Indiuiduorum, sed Notiones ab illis Abstractas complectitur; atque in ijs componendis, & diuidendis, ex Lege Naturæ, & Rerum ipsarum euidentiâ versatur. Atque hoc prorsus Officium est, atque Opificium *Rationis*.


Hæc autem ita se habere, si quis intellectualium Origines petat, facile cernet. Indiuidua sola Sensum percellunt, qui Intellectûs Ianua est. Indiuiduorum eorum Imagines, siue Impressiones à sensu exceptæ, figuntur in Memoriâ, atque abeunt in eam, à principio tanquam integræ, eodem quo occurrunt modo: Eas postea recolit, & ruminat Anima humana; Quas deinceps aut simpliciter recenset, aut lusu quodam imitatur; aut Componendo & Diuidendo digerit. Itaque liquidò constat, ex tribus his Fontibus, *Memorie*, *Phantasia*, & *Rationis*, esse tres illas Emanationes, *Historie*, *Poeseos*, & *Philosophie*; nec alias, aut plures esse posse. Etenim Historiam, & Experienciam pro eadem re habemus; quemadmodum etiâ Philosophiam, & Scientias.

Neque

Neque aliâ censemus ad *Theologica* Partitione opus esse. Differunt certè *Informationes* Oraculi & *Sensus*, & *Re*, & *Modo* insinuandi; sed *Spiritus Humanus* vnus est, cuiusque *Arculæ*, & *Cellæ* eædem. Fit itaque, ac si diuersi *Liquores*, atque per diuersa *Infundibula*, in vnum atque idem *Vas* recipiantur. Quare & *Theologia*, aut ex *Historiâ Sacrà* constat; aut ex *Parabolis*, quæ instar diuinæ *Poeseos* sunt; aut ex *Preceptis* & *Dogmatibus*, tanquam perenni quâdam *Philosophiâ*. Quod enim ad eam partem pertinet, quæ redundare videtur, *Prophetiam* videlicet, ea *Historie* genus est: quandoquidem *Historia Diuina*, eâ polleat supra *Humanam Prærogatiuâ*, vt *Narratio Factum* præcedere, non minùs quam sequi possit.

CAPVT II.

*Partitio Historiæ in Naturalem & Ciui-
lem, Ecclesiasticâ & Literariâ sub Ci-
uili comprehensâ. Partitio Historiæ Na-
turalis in Historiam Generationum,
Præter-Generationum, & Artium.*



HISTORIA aut *Naturalis* est, aut *Ciuilis*: In *Naturali*, Naturæ res gestæ, & *Facino-
ra* memorantur; in *Ciuili*, *Hominum*. Elucet proculdubio *Diuina* in vtrisque, sed magis in *Ciuilibus*, vt etiâ propriam *Historia* speci-
em constituent, quam *Sacram* aut *Ecclesiasticâ* appellare consueuimus. Nobis verò etiâ ea videtur *Literarum*, & *Artium* *Dignitas*, vt ijs *Historia* propria seorsum attribui debeat; quam sub *Historiâ Ciui-
li*, (quem-
admodum

admodum & Ecclesiasticam,) comprehendi intelligimus.

Partitionem *Historia Naturalis* molimur ex statu, & conditione ipsius Naturæ, quæ in triplici statu posita inuenitur, & tanquam Regimen trinum subit. Aut enim libera est Natura, & cursu consueto se explicans, vt in Coelis, Animalibus, Plantis, & vniuerso Naturæ Apparatu; Aut à prauitatibus, & insolentijs Materiæ contumacis, & ab Impedimentorum violentiâ, de statu suo detruditur, vt in Monstris; Aut denique ab Arte, & Operâ humanâ constringitur, & fingitur, & tanquam nouatur, vt in Artificialibus. Sit itaque Partitio *Historia Naturalis*, in *Historiam Generationum; Præter-Generationum; & Artium*: Quam postremam, etiâ *Mechanicam, & Experimentalem* appellare consueuimus. Harum prima *Libertatem Naturæ* tractat; secunda *Errores*; tertia *Vincula*. Libentè autem *Historiam Artium*, vt *Historiæ Naturalis* speciem constitui- mus; quia inueterauit prorsus opinio, ac si aliud quippiam esset Ars à Naturâ; Artificialia à Naturalibus: vnde illud Malum, quod plerique *Historiæ Naturalis* Scriptores, perfunctos se putent, si *Historiam Animalium*, aut *Plantarum*, aut *Mineralium* conferint, omiffis *Artium Mechanicarum Experimentis*. Sed & illabitur etiâ Animis Hominum aliud subtilius Malum; nempe, vt Ars censeatur solummodò, tanquam Additamentum quoddam Naturæ, cuius scilicet ea sit vis, vt Naturam (sanè) vel inchoatam perficere, vel in deterius vergentem emendare, vel impeditam liberare; minimè verò penitus vertere, transmutare, aut in imis concutere possit. Quod ipsum Rebus Humanis præproperam desperationem intulit. At contrà, illud Animis Hominum penitus infidere debuerat; Artificialia à Naturalibus, non Formâ, aut Essentiâ, sed Efficiente solummodò differere; Homini quippè in Naturam,

Naturam, nullius rei potestatem esse, præterquam Motûs, ut scilicet Corpora Naturalia aut admoueat, aut amoueat: ubi igitur datur Admotio Corporum Naturalium, aut Remotio, coniungendo (ut vocant) Actiua Passiuis, omnia potest homo; ubi non datur, nihil: Neque interest, si Res ponantur in ordine ad aliquem Effectum, utrùm hoc fiat per Hominem, vel absque Homine: Aurum aliquandò excoquitur igne, aliquandò in Arenulis purum inuenitur, ministrante sibi ipsi Naturâ: Iris similiter fit ex Nube roscidâ in sublimi; fit etiâ per Asperersionem Aquæ, hic apud nos. Itaque Natura omnia regit, subordinantur autem illa tria, *Cursus Naturæ*; *Expatiatione Naturæ*; & *Ars*, siue Additus Rebus Homo: Ideoque in Historiâ Naturali, tria illa comprehendere par est; quod etiam C. Plinius magnâ ex parte fecit; qui Historiam Naturalem solus pro dignitate complexus est; sed complexam, minimè ut decuit, imò potius indignis modis tractauit.

Harum prima habetur mediocriter exulta; Sequentes duæ ita tenuiter, & inutiliter tractantur, ut in *Desideratorum* classe reponendæ sint. Neque enim reperias satis instructam, & locupletem collectionem Operum Naturæ eorum, quæ à Cursu ordinario Generationum, Productionum, & Motuum aberrârunt, & deflexerunt; siue sint illa Fœtus certarum Regionum aut Locorum singulares; siue Temporum Euentus insoliti; siue *Casuum* (ut ait ille) *Ingenia*; siue Proprietatum Abditarum Effectus; siue Monodica Naturæ in suâ Specie. Non negauerim inueniri Libros nimio plures, fabulosis Experimentis, Commentitiis Secretis, & friuolis Imposturis, ad Voluptatem, & Nouitatem, refertos; Cæterum Narrationem grauem, & seueram de Heteroclitis, & Mirabilibus Naturæ, diligentèr examinatam, ac fideliter descriptam,

descriptam, non, inquam, inuenio; præsertim cum debitâ reiectione, & publicâ tanquam proscriptione Mendaciorum, & Fabularum, quæ inualuerunt. Nam ut res se nunc habet, si fortè Mendacia aliqua circa Res Naturales obtinuerint, & celebrata sint (siue quod tantum possit Reuerentia Antiquitatis, siue quod illa denuò examini subijcere sit molestum, siue quod mirifica scilicet Ornamenta putantur Orationis, propter Similitudines & Comparationes) nunquam postea exterminantur, aut retractantur.

Finis huiusmodi Operis, quod Exemplo suo decorauit Aristoteles, nil minus est, quam ut curiosis, & inanibus Ingenijs gratificetur, sicut faciunt Mirabilarij, & Prodigiastri; verùm duas ob causas, vtramque seriam & grauem: Vnam, ut Axiomatum corrigatur Iniquitas; quæ plerunque in Exemplis tritis, & vulgatis fundamentum habent: Alteram, quòd à Miraculis Naturæ, ad Miracula Artis, expeditus sit transitus, & peruius. Neque enim huic rei plus inest Negotii, præterquàm ut Naturæ vestigia persequaris sagacitè, cum ipsa sponte aberret; ut hoc pacto postea cum tibi libuerit, eam eòdem loci deducere, & compellere possis. Neque verò præceperim, ut ex Historiâ istâ Mirabilium, superstitosæ Narrationes, de Maleficijs, Fascinationibus, Incantationibus, Somniis, Diuinationibus, & similibus, prorsus excludantur, vbi de Facto, & Re gestâ liquidò constet. Nondùm enim innotuit, quibus in rebus, & quousque, Effectus Superstitioni attributi, ex Causis naturalibus participant. Ideoque licet huiusmodi Artium Vsum & Praxim, meritò damnandum censeamus, tamen à speculatione, & consideratione ipsarum, (si strenuè excutiantur) notitiam haud inutilem consequemur, non solum ad Delicta, in hoc genere Reorum, ritè diiudicanda; sed etiam ad Naturæ

Naturam, nullius rei potestatem esse, præterquam Motûs, ut scilicet Corpora Naturalia aut admoueat, aut amoueat: ubi igitur datur Admotio Corporum Naturalium, aut Remotio, coniungendo (ut vocant) Actiua Passiuis, omnia potest homo; ubi non datur, nihil: Neque interest, si Res ponantur in ordine ad aliquem Effectum, utrûm hoc fiat per Hominem, vel absque Homine: Aurum aliquandò excoquitur igne, aliquandò in Arenulis purum inuenitur, ministrante sibi ipsi Naturâ: Iris similiter fit ex Nube rosçidâ in sublimi; fit etiâ per Aspersiorem Aquæ, hic apud nos. Itaque Natura omnia regit, subordinantur autem illa tria, *Cursus Naturæ*; *Expatiatione Naturæ*; & *Ars*, siue Additus Rebus Homo: Ideoque in Historiâ Naturali, tria illa comprehendere par est; quod etiam C. Plinius magnâ ex parte fecit; qui Historiam Naturalem solus pro dignitate complexus est; sed complexam, minimè ut decuit, imò potius indignis modis tractauit.

Harum prima habetur mediocriter exulta; Sequentes duæ ita tenuiter, & inutiliter tractantur, ut in *Desideratorum* classe reponendæ sint. Neque enim reperias satis instructam, & locupletem collectionem Operum Naturæ eorum, quæ à Cursu ordinario Generationum, Productionum, & Motuum aberrârunt, & deflexerunt; siue sint illa Foetus certarum Regionum aut Locorum singulares; siue Temporum Euentus insoliti; siue *Casuum* (ut ait ille) *Ingenia*; siue Proprietatum Abditarum Effectus; siue Monodica Naturæ in suâ Specie. Non negauerim inueniri Libros nimio plures, fabulosis Experimentis, Commentitiis Secretis, & friuolis Imposturis, ad Voluptatem, & Nouitatem, refertos; Cæterum Narrationem grauem, & seueram de Heteroclitis, & Mirabilibus Naturæ, diligentèr examinatam, ac fideliter descriptam,

descriptam, non, inquam, inuenio; præsertim cum debitâ reiectione, & publicâ tanquam proscriptione Mendaciorum, & Fabularum, quæ inualuerunt. Nam ut res se nunc habet, si fortè Mendacia aliqua circa Res Naturales obrinuerint, & celebrata sint (siue quod tantum possit Reuerentia Antiquitatis, siue quod illa denuò examini subijcere sit molestum, siue quod mirifica scilicet Ornamenta putantur Orationis, propter Similitudines & Comparationes) nunquam postea exterminantur, aut retractantur.

Finis huiusmodi Operis; quod Exemplo suo decorauit Aristoteles, nil minus est, quam ut curiosis, & inanibus Ingenijs gratificetur, sicut faciunt Mirabilarij, & Prodigiastri; verùm duas ob causas, vtramque seriam & grauem: Vnam, ut Axiomatum corrigatur Iniquitas; quæ plerunque in Exemplis tritis, & vulgatis fundamentum habent: Alteram, quòd à Miraculis Naturæ, ad Miracula Artis, expeditus sit transitus, & peruius. Neque enim huic rei plus inest Negotii, præterquàm ut Naturæ vestigia persequaris sagaciter, cum ipsa sponte aberret; ut hoc pacto postea cum tibi libuerit, eam eodem loci deducere, & compellere possis. Neque verò præceperim, ut ex Historiâ istâ Mirabilium, superstitiosæ Narrationes, de Maleficijs, Fascinationibus, Incantationibus, Somniis, Diuinationibus, & similibus, prorsus excludantur, vbi de Facto, & Re gestâ liquidò constet. Nondum enim innotuit, quibus in rebus, & quousque, Effectus Superstitioni attributi, ex Causis naturalibus participant. Ideoque licet huiusmodi Artium Vsum & Praxim, merito damnandum censeamus, tamen à speculatione, & consideratione ipsarum, (si strenuè excutiantur) notitiam haud inutilem consequemur, non solum ad Delicta, in hoc genere Reorum, ritè diiudicanda; sed etiam ad Naturæ

Secreta ulterius rimanda. Neque cerè hæsitandum de ingressu, & penetratione intra huiusmodi Antra, & Recessus, si quis sibi unicam Veritatis inquisitionem proponat; quod & Maiestas tua Exemplo proprio confirmavit. Tu enim, duobus illis clarissimis & acutissimis, Religionis, ac Naturalis Philosophiæ oculis, tales umbras prudenter ac perspicaciter perlustrasti; ut te Soli simillimum probaveris, qui polluta Loca ingreditur, nec tamen inquinatur. Cæterum illud monuerim, Narrationes istas cum Rebus superstitiosis coniunctas, seorsum componi, neque cum puris, & sinceris Naturalibus commisceri oportere. Quod verò ad Narrationes attinet, circa Prodigia & Miracula Religionum; illa cerè aut non utique vera sunt; aut nullâ ex parte naturalia; idcircoque ad *Historiam Naturalem* non pertinent.

Quantum ad *Historiam Naturæ subactæ*, & *Factitiæ*, quam *Mechanicam* appellare solemus; inuenio sanè Collectiones quasdam de Agriculturâ, etiâ de Artibus compluribus Mechanicis; sed, quod pessimum est in hoc genere, semper negliguntur & reijciuntur Experimenta, in Artibus singulis familiaria & vulgata; quæ tamen ad Interpretationem Naturæ, æquè aut plus faciunt, quam minùs trita. Nam Labes quædam Literis aspergi videatur, si fortè viri docti se submittant Inquisitioni, aut observationi rerum mechanicarum; nisi fuerit earum, quæ pro Arcanis Artis, aut pro Rebus admodum raris, aut subtilibus reputentur. Quod tam inanis, ac superciliosæ Arrogantiæ Vitiū, meritò irrisit Plato, quando Hippiam Sophistam iactabundū inducit cum Socrate disputantem, sincero & solido Veritatis Inuestigatore: Qui, cum de Pulchritudine sermo institutus esset, pro vago suo, & soluto Disputandi more, primū intulit Exemplum Virginis pulchræ, dein Equæ pulchræ, postremò

postremo Ollæ Fictilis pulchræ, & affabrè factæ: Hoc ultimo Exemplo Hippias commotus, dixit, *Stomacharer certè, (nisi humanitatis ratio me eò adigeret,) cum quocumque disputare, qui Exempla tam vilia, & sordida allegaret.* Cui Socrates, *Te quidem ita decet, cum tam nitidis sis amictus vestibus, & pulchris calceis;* & alia per Ironiam. Enimvero, illud pro certo asseri possit, grandia Exempla haud optimam, aut tutissimam asserre Informationem. Id quod exprimitur non insulsè, in peruulgatâ illâ Fabulâ de Philosopho; qui cum Stellas, sublatis oculis intueretur, incidit in Aquam: Nam si Oculos demisisset, stellas illicò in Aquâ videre potuisset; verum suspiciens in cœlum, Aquam in Stellis videre non potuit. Eodem modo sæpè accidit, vt Res minutæ & humiles, plus conferant ad Notitiam Grandium, quàm Grandes ad Notitiam Minutarum. Benè si quidem notauit Aristoteles, *Cuiusque rei naturam in portionibus eius minimis optime cerni.* Quam ob Causam, Reip: Naturam perscrutatur primò in Familiâ, & in simplicissimis Combinationibus Societatis, (Mariti scilicet & vxoris, Parentum & Liberorum, Domini & Serui,) quæ in quolibet tuguriolo occurrunt. Simili planè ratione, Natura huiusce magnæ Ciuitatis, (Vniuersitatis nimirum rerum,) eiusque Dispensatio, in primâ quaque Symbolizatione, & minimis Rerum Portionibus inuestiganda est: vt fieri videmus, quod Secretum illud Naturæ, (habitum pro maximo,) de Verticite Ferri, tactu Magnetis exciti, ad Polos, se conspiciendum præbuit, non in Vectibus ferreis; sed in Acubus.

Ego verò, si quod sit mei pondus Iudicii, sic planè Statuo; *Historiæ Mechanicæ* vsum erga Philosophiam Naturalem, esse maximè Radicalem, & Fundamentalem. Talem intelligo Philosophiam Naturalem, quæ non abeat in Fumos Speculationum subtilium, aut

sublimium; sed quæ efficaciter operetur, ad subleuan-
da Vitæ humanæ Incommoda. Neque enim ad
præsens tantum iuvabit, nequendo & transferendo
Observationes unius Artis, in usum aliarum; & inde
novas commoditates eliciendo, quod necesse est fieri,
cum Experimenta diuersarum Artium, in unius Ho-
minis Observationem, & considerationem Veniant;
sed porro ad causas rerum indagandas, & Artium Axi-
omata deducenda, lucidiorem Faciem accendet, quam
hactenus unquam affulsit. Quemadmodum enim
Ingenium alicuius, haud bene nôris, aut probâris,
nisi cum irritaueris; neque Proteus se, in varias re-
rum facies, vertere solitus est, nisi Manicis arctè com-
prehensus; similiter etiam Natura Arte irritata, &
vexata, se clarius prodit, quam cum sibi Libera per-
mittitur.

Antequam verò hoc Membrum Historiæ Natu-
ralis, (quod Mechanicum atque Experimentale voca-
mus,) dimittamus, illud adiiciendum; Corpus talis
Historiæ, non solum ex Artibus ipsiis Mechanicis,
verum & ex Operativâ parte Scientiarum Liberalium,
ac simul ex Practicis compluribus, (quæ in Artem
non coalescunt) confici debere, ut nihil utile præter-
mittatur, quod ad informandum Intellectum iuvet.
Atque hæc est *Historiæ Naturalis* Partitio prima.

CAPVT III.

Partitio Historiæ Naturalis Secunda, ex Vsu & Fine suo, in Narratiuam; & Inductiuam. Quodque Finis nobilissimus Historiæ Naturalis sit, ut ministret & in Ordine sit ad condendam Philosophiam; quem Finem intuetur Inductiua. Partitio Historiæ Generationum in Historiam Cælestium; Historiam Meteororum; Historiam Globi Terræ & Maris: Historiam Massarum siue Collegiorum Maiorum: & Historiam Specierum siue Collegiorum Minorum.

HISTORIA Naturalis, vt Subiecto, triplex (quemadmodum diximus) ita Vsu duplex est: Adhibetur enim, aut propter *Cognitionem Rerum* ipsarum, quæ Historia mandantur, aut tanquam *Materia prima* Philosophiæ. Atque prior illa, quæ aut *Narrationem* iucunditate delectat, aut *Experimentorum* vsu iuuat, atque huiusmodi Voluptatis, aut Fructus gratiâ quæ sita est, longè inferioris Notæ censenda, præ eâ, quæ *Inductionis* veræ, & legitimæ Sylua sit, atque Supellex, & primam Philosophiæ Mammam præbeat. Rursus itaque partiemur *Historiam Naturalem*, in *Narratiuam*, & *Inductiuam*. Hanc autem posteriorem inter *Desiderata* ponimus. Neque verò aciem Mentis alicuius perstringant, aut magna Antiquorum Nomina, aut magna Recentium Volumina. Satis enim scimus, ha-

beri Historiam Naturalem mole amplam, varietate gratam, diligentia sapientius curiosam. Attamen si quis ex ea Fabulas, & Antiquitatem, & Auctorum Citationes, & inanes Controversias, Philologiam denique, & Ornamenta eximat (quæ ad *Convivales Sermones*, Hominumque doctorum *Noctes*, potius quam ad instituendam Philosophiam sint accomodata,) ad nil magni res recidet. Longè autem profectò abest ab eâ Historiâ, quam Animo metimur. Primò enim desiderantur duæ illæ *Historiæ Naturalis* Partes, (de quibus modò diximus) *Præter-Generationum*, & *Artium*, in quibus nos plurimum ponimus: Deinde, in tertiâ illâ (quæ reliqua est) Parte Generali, nimirum de *Generationibus*, vni tantum, ex quinque Partibus eius, satisfacit. Siquidem *Historiæ Generationum* constituuntur Partes subordinatæ quinque: Prima *Cælestium*, quæ Phænomena ipsa sincera complectitur, atque separata à Dogmatibus; Secunda *Meteororum* (annumerando etiam Cometas) & *Regionum*, quas vocant, *Aëris*: Neque enim de Cometis, Meteoris ignitis, Ventis, Pluvijs, Tempestatibus, & reliquis, invenitur aliqua Historia, quæ vllius sit pretij. Tertia *Terre & Maris*, (quatenus sunt Vniuersæ Partes Integrales) Montium, Fluminum, Æstuum, Arenarum, Sylvarum, Insularum, denique Figuræ ipsius Continentium prout exporriguntur; in his omnibus, potius Naturalia inquirendo & observando, quam Cosmographica. Quartò, de *Massis Materie communibus*, quas *Collegia Maiora* vocamus, (vulgò *Elementa* dicuntur;) Neque enim de Igne, Aëre, Aquâ, Terrâ; eorumque Naturis, Moribus, Operibus, Impressionibus, Narrationes reperiuntur, quæ Corpus aliquod Historiæ iustum constituent. Quinta, & vltima, de *Collectionibus Materie exquisitis*, quæ à nobis *Collegia Minora*, vulgò *Species* appellantur. In hac autem postremâ solâ, industria

industria Scriptorum enituit; ita tamen, ut potius luxuriata sit in superfluis, (Iconibus Animalium, aut Plantarum, & similibus intumescens) quam solidis, & diligentibus observationibus ditata, quæ ubique in *Historiâ Naturali* subnecti debeant. Atque, ut verbo dicam, omnis quam habemus Naturalis Historia, tam inquisitione suâ, quam congerie, nullo modo in ordine ad eum quem diximus finem, (condendæ scilicet Philosophiæ,) aptata est. Quare *Historiam Inductiuam* desiderari pronunciamus. Atque de *Naturali Historiâ* hactenus.

CAPVT IV.

Partitio Historiæ Ciuilis, in Ecclesiasticam, Literariam, & (quæ Generis nomen retinet) Ciuilem: quodque Historia Literaria desideretur: Eius conficiendæ Præcepta.

HISTORIAM Ciuilem in tres species rectè diuidi putamus: Primò *Sacram*, siue *Ecclesiasticam*: deinde eam, quæ Generis nomen retinet, *Ciuilem*: Postremò *Literarum & Artium*. Ordinemur autem ab eâ Specie, quam postremò posuimus; quia reliquæ duæ habentur, illam autem inter *Desiderata* referre visum est. Ea est *Historia Literarum*. Atque certè Historia Mundi, si hâc parte fuerit destituta, non ab similibus censi possit *Statue Polyphemi*, eruto Oculo; cum ea pars Imaginis desit, quæ Ingenium & Indolem Personæ maximè referat. Hanc licet desiderari statuamus, nos nihilominus minimè fugit,

fugit, in Scientiis Particularibus Iureconsultorum, Mathematicorum, Rhetorum, Philosophorum, haberi leuem aliquam Mentionem, aut Narrationes quasdam ieiunas, de Sectis, Scholis, Libris, Auctoribus, & Successionibus huiusmodi Scientiarum: Inueniri etiã de Rerum & Artium Inuentoribus, tractatus aliquos exiles, & infructuosos; Attamen iustam atque vniuersalem *Literarum Historiam* nullam adhuc editam asserimus. Eius itaque & Argumentum, & conficiendi Modum, & Vsum proponemus.

Argumentum non aliud est, quam vt ex omni Memoria repetatur, quæ Doctrinæ & Artes, quibus Mundi Ætatibus, & Regionibus floruerint. Earum Antiquitates, Progressus, etiã Peragrationes per diuersas Orbis Partes (migrant enim Scientiæ, non secus ac Populi) rursus Declinationes, Obluiones, Instaurationes commemorentur. Obseruetur simul per singulas Artes, Inventionis Occasio & Origo; Tradendi Mos & Disciplina; Colendi & Exercendi Ratio & Instituta. Adijciantur etiã Sectæ, & Controuersiæ maximè celebres, quæ Homines doctos tenuerunt; Calumniæ, quibus patuerunt; Laudes & Honores quibus decoratæ sunt. Notentur Auctores præcipui, Libri præstantiores, Scholæ, Successiones, Academiae, Societates, Collegia, Ordines, denique omnia quæ ad Statum Literarum spectant. Ante omnia etiã id agi volumus (quod Civilis Historiæ decus est, & quasi Anima) vt cum euentis causis copulentur: videlicet, vt memorentur Naturæ Regionum ac Populorum; Indolesque apta & habilis, aut inepta & inhabilis ad Disciplinas diuersas; Accidentia temporum, quæ Scientiis aduersa fuerint aut propitia; Zeli & mixturæ Religionum; Malitiæ & Fauores Legum; Virtutes denique insignes, & efficacia quorundam virorum, erga literas promouendas, & similia. At hæc omnia ita tractari præcipimus, vt non

Criticorum

Criticorum more, in laude & censurâ tempus teratur; sed planè historicè res ipsæ narrentur, iudiciûm parciùs interponatur.

De *Modo* autem huiusmodi Historiæ conficiendæ, illud inprimis monemus; vt Materia & Copia eius, non tantum ab Historijs, & Criticis petatur, verum etiam vt per singulas Annorum Centurias, aut etiam minora interualla, seriatim, (ab vltimâ Antiquitate factò principio) Libri præcipui, qui per eâ Tèmporis Spatia conscripti sunt, in consilium adhibeantur; vt ex eorum non perfectione (id enim infinitum quiddam esset) sed degustatione, & obseruatione Argumenti, Stili, Methodi, Genius illius temporis Literarius, veluti Incantatione quâdam, à Mortuis euocetur.

Quod ad *Vsum* attinet, hæc eò spectant; non vt Honor Literarum, & Pompa, per tot circumfusas Imagines celebretur; nec quia, pro flagrantissimo, quo literas prosequimur, amore, omnia quæ ad earum statum quoquo modo pertinent, vsque ad curiositatem inquirere, & scire, & conseruare auemus; sed præcipuè ob causam magis seriam, & grauem: Ea est (vt Verbo dicamus) quoniam per talem, qualem descripsimus, Narrationem, ad Virorum doctorum, in Doctrinæ vsu & administratione, prudentiam & solertiam, maximam accessionem fieri posse existimamus; & Rerum Intellectualium, non minùs quàm Ciuiliûm motus, & perturbationes, vitiaque & Virtutes, notari posse; & Regimen inde optimum educi, & institui. Neque enim B. Augustini, aut B. Ambrosij Opera, ad Prudentiam Episcopi, aut Theologi, tantum facere posse putamus, quantum si Ecclesiastica Historia diligenter inspiciatur, & reuoluatur. Quod & Viris doctis, ex *Historiâ Literarum* obuenturum non dubitamus. Casum enim omninò recipit, & temeritatì exponitur, quod Ex-

emplis & Memoria Rerum non fulcitur. Atque de
Historia Literaria, hæc dicta sint.

CAPUT V.

De Dignitate, & Difficultate Historiæ
Civilis.

Sequitur *Historia Civilis* specialis, cuius Dignitas atque Auctoritas, inter Scripta Humana eminet. Illius enim fidei, Exempla Maiorum, Vicissitudines Rerum, Fundamenta Prudentiæ Civilis, Hominum denique Nomen & Fama, commissa sunt. Ad Dignitatem rei accedit, Difficultas non minor. Etenim Animum in scribendo ad præterita retrahere, & veluti antiquum facere, Temporum motus, Personarum Characteres, Consiliorum trepidationes, Actionum (tanquam Aquarum) ductus, Prætextuum Interiora, Imperij Arcana, cum diligentia scrutari, cum fide & libertate referre, denique verborum lumine sub Oculos ponere, magni utique laboris est, & iudicii; præsertim cum antiquiora quæque incerta, recentiora periculo obnoxia reperiantur. Quamobrem & plurima Historiam istam Civilem circumstant Vitia; dum Plerique Narrationes quasdam inopes, & plebeias, & plane Dedecora Historiarum conscribant; Alij particulares Relationes, & Commentariolos operâ festinatâ, & textu inæquali consarciant; Alij Capita tantum Rerum gestarum percurrant; Alij contra, minima quæque, & ad summas Actionum nihil facientia persequantur; Nonnulli, nimiam erga Ingenia propria Indulgentiam, plurima audacter confingant; Ast alij, non tam Ingeniorum suorum

orum, quàm Affectuum Imaginem Rebus imprimant, & addant, Partium suarum memores, Rerum parùm fideles testes; Quidam Politica, in quibus sibi complacent, vbiq; incalescent, & Diuerticula ad Ostentationem quaerendo, Narrationem Rerum nimis leuiter interrumpant. Alij in Orationum, & Concionum, aut etiã Actorum ipsorum prolixitate, parùm cum iudicio, nimii sint; Aded vt satis constet, non inueniri inter Scripta Hominum, rarius quicquam, quam Historiam Legitimam, & omnibus Numeris suis absolutam. Verùm nos in præsentì, Partitionem Doctrinarum instituimus, vt Omissa, non Censuram, vt Vitiosa notentur. Nunc Partitiones *Historiæ Civilis* persequemur, easque diuersorum Generum: Minus enim implicabuntur Species, si Partitiones diuersæ proponantur, quam si vna Partitio curiose per Membra deducatur.

CAPVT VI.

Partitio prima Historiæ Civilis, in Memorias, Antiquitates, & Historiam Iustam.

HISTORIA *Civilis* tripartita est, tribus Picturarum, aut Imaginum Generibus non abfimilis. Videmus enim ex Picturis, & Imaginibus, alias Imperfectas, vt quibus vltima Manus non accesserit; Alias Perfectas; Alias verò Vetusitate Mutilatas & Deformatas. *Historiam* similiter *Civilem*, (quæ Imago Rerum, & Temporum quædam est) in tres species, illis Picturarum congruas, partiemur; *Memorias* scilicet; *Historiam Iustam*; & *Antiquitates*.

quitates. Memoriae sunt Historia inchoata, aut prima & rudia Historiæ Lineamenta; Antiquitates verò Historia deformata sunt, siue Reliquiæ Historiæ, quæ casu è Naufragio temporum ereptæ sunt.

Memoriae, siue Præparationes ad Historiam duplicis generis sunt; quorum alterum Commentarios, alterum Registra vocare placet. Commentarij nudam Actionum & Euentuum Seriem, ac Connexionem proponunt, prætermittis causis Rerum & prætextibus, initijs quoque earundem & occasionibus, consilijs itidem & orationibus, & reliquo Actionum Apparatu. Talis enim est propria Commentariorum natura; licet Cæsari, per Modestiam quandam cum Magnanimitate coniunctam, præstantissimæ, inter eas quæ extant, Historiæ, Commentariorum nomen indere placuerit. At Registra duplicis naturæ sunt: Complectuntur enim aut Titulos Rerum & Personarum, in Serie temporum; quales dicuntur Fasti, & Chronologiæ: Aut Actorum Solennitates, cuius generis sunt, Principum Edicta, Senatus Decreta, Iudiciorum Processus, Orationes publicè habitæ, Epistolæ publicè missæ, & similia, absque Narrationis Contextu, siue Filo continuo.

Antiquitates, seu Historiarum Reliquiæ sunt (vti iam diximus) tanquam Tabulæ Naufragij; cum deficiente, & ferè submersâ rerum Memoriâ, nihilominus Homines industrij, & sagaces, pertinaci quâdam, & scrupulosâ diligentia, ex Genealogijs, Fastis, Titulis, Monumentis, Numismatibus, Nominibus Proprijs & Stilis, Verborum Etymologijs, Prouerbijs, Traditionibus, Archiuis & Instrumentis tam publicis quàm priuatis, Historiarum Fragmentis, Librorum neutiquàm Historicorum Locis dispersis; ex his inquam omnibus, vel aliquibus, nonnulla à Temporis Diluuiio eripiunt, & conseruant. Res sanè operosa, sed Mortalibus grata, & cum Reuerentiâ quâdam coniuncta; ac digna certè,
quæ

quæ deletis Fabulosis Nationum Originibus, in locum huiusmodi commentitiorum substituantur; sed tamen eò minus habens Auctoritatis, quia paucorum Licentia subijcitur, quod paucis curæ est.

In his *Imperfectæ Historiæ* Generibus, Defectum aliquem non puto designandum, cum sint tanquam *Imperfectè Mista*; ut Defectus huiusmodi sit ex ipsarum Naturâ. Ad *Epitomas* quod attinet, (Historiarum certè Terebines, & Tineas,) eas exulare volumus; quod etiâ cum plurimis, qui maximè sani fuerunt iudicij, facimus; utpote quæ complura Nobilissimarum Historiarum Corpora exederint, & corroderint, atque in fœces inutiles demùm redegerint.

CAPVT VII.

Partitio Historiæ Iustæ in Chronica, Vitas, & Relationes; Earumque Partium Explicatio.

AT *Historia Iusta* trium est generum, pro ratione *Obiecti*, quod sibi proponit repræsentandum. Aut enim *Portionem* aliquam *Temporis* repræsentat; aut *Personam* singularem *Memoriâ* dignam; aut *Actionem* aliquam siue *Rem gestam* ex illustrioribus. Primum *Chronica* siue *Annales* appellamus; secundum *Vitas*; tertium *Relationes*. Inter quæ, *Chronica* *Celebritate* & *Nomine*, excellere videntur; *Vitæ* autem *Fructu* & *Exemplis*; *Relationes* rursus *Sinceritate* & *Veritate*. *Chronica* namque *Amplitudinem Actionum Publicarum*, & *Personarum Facies externas*, & in publicum versas proponunt; Minora autem, quæ tum ad *Res*, tum ad *Personas* per-
tinent,

tinent, omittunt, & silentio inuoluunt. Cum verò id
 Artificij diuini sit proprium, vt *Maxima è minimis sus-
 pendat*, sit sæpenumero vt huiusmodi *Historia*, maiora
 tantum persecuta, Negotiorum Pompam potius, &
 Solennia, quàm eorum veros Fomites, & Texturas sub-
 tiliores ostendat: Quinetiam, etsi Consilia ipsa addat,
 atque immisceat, tamen granditate gaudens, plus gra-
 uitatis atque prudentiæ, quàm reuerà habent, Huma-
 nis Actionibus aspergat; vt Satura aliqua possit esse ve-
 rior Humanæ vitæ Tabula, quàm nonnulla ex eius-
 modi Historijs. Contra *Vite*, si diligenter & cum iu-
 dicio perscribantur (neque enim de Elogijs, & huius-
 modi Commemorationibus ieiunis loquimur) quan-
 doquidem Personam singularem pro Subiecto sibi
 proponant, in quâ necesse est Actiones, non minùs le-
 ues quàm graues, paruas quàm grandes, priuatas quàm
 publicas, componi & commisceri; sanè magis viuas, &
 fidas Rerum Narrationes, & quas ad Exemplum ru-
 tius & foelicius transferre possis, exhibent. At *Relatio-
 nes* Actionum speciales, (qualia sunt *Bellum Peloponnesi*,
Expeditio Cyri, *Coniuratio Catiline*, & similia) omninò
 puriore & magis sincero Veritatis Candore vestiri par
 est, quàm *Historias Instas* Temporum; quia Argumen-
 tum in ijs deligi, & sumi potest habile, & definitum;
 atque eiusmodi, vt de eo Notitia, & certitudo bona,
 & plena informatio haberi possit; cum contra *Historia
 Temporis* (præsertim quæ ætate Scriptoris multò anti-
 quior sit) necessariò in Memoriam rerum sæpius fatiscat,
 & veluti spatia vacua contineat; quæ ingenio & con-
 iecturâ occupari, & suppleri satis licentè consueue-
 runt. Hoc tamen ipsum, quod de Relationum since-
 ritate dicimus, cum exceptione intelligendum est; nam
 fatendum certè est (cum humana omnia ex parte labo-
 rent, & commoda cum incommodis ferè perpetuò
 coniuncta sint) huiusmodi Relationes, præsertim si
 sub

sub ipsa Rerum gestarum tempora edantur, (cùm sæpius vel ad Gratiā, vel ad Invidiam scribantur,) omnium Narrationum merito maxime suspectas esse. Sed rursus huic Incommodo etiā illud conuascitur Remediū; quod illæ ipsæ *Relationes*, cū non ex vnā parte solummodo, sed pro Factionibus, & Partium studijs, ex vtrāque parte semper ferè edantur, viam hoc pacto quandam Veritati, tanquā inter Extrema, aperiant & muniant: atque postquā Contentiones Animorum describuerint, Historico bono & prudenti, non pessima Historiæ perfectioris Materia, & Sementis sunt.

Quod verò ad ea, quæ in his tribus Historiæ generibus desiderari videantur; dubium certè non est, quin plurimæ Historiæ particulares (de talibus loquimur quæ esse possint) alicuius dignitatis, aut etiā mediocritatis, cum maximo Regnorum, & Rerum, quibus debentur, Honoris & Nominis detrimento, hucusque prætermissæ sint, quas notare per longum esset. Cæterum Exterarum Nationum Historias, Exterorum curæ relinquens (*ne forte sim in alienā rep. curiosus*) non possum non apud Maiestatem tuam conqueri, de Historiæ Angliæ, quæ nunc habetur, Vilitate & Indignitate, quatenus ad Corpus eius integrum; nec non Historiæ Scotiæ Iniquitate & Obliquitate, quatenus ad Auctorem eius recentissimum & vberrium: Reputans mecum, honorificum admodum Maiestati tuæ futurum, atque Opus Posteritati gratissimum; si quemadmodum Insula hæc Magnæ Britanniæ, se nunc in vnā Monarchiam coalitam, ad sequentes Ætates transmittit; ita in vnā Historiā descripta, à præteritis Seculis repeteretur; eodem modo, quo Historiam decem Tribuum Regni Israelis, & duarum Tribuum Regni Iudæ, tanquā gemellam, Sacra Pagina deducit. Quod si moles huiusmodi Historiæ,

storiæ, (magna certè & ardua,) quo minùs exactè & pro dignitate perscribatur, videatur obfutura, ecce tibi memorabilem multò angustioris Temporis Periodum, quatenùs ad Historiam Angliæ; nimirum ab Vnione Rosarum, ad Vnionem Regnorum; Spatium temporis, quod meo quidem iudicio, maiorem recipit Euentuum (quæ rarò se ostendunt) varietatem, quam in pari Successionum numero, vsipiam in Regno Hæreditario, deprehendere licet. Incipit enim ab Adeptione Coronæ mixtæ, partim Armis, partim Iure: Ingressum siquidem Ferrum aperuit, Stabilimentum attulerunt Nuptiæ; Secuta igitur sunt tempora illis initijs consentanea; simillima fluctibus, post magnam tempestatem, tumores & agitationes suas, sed absque aliquâ immani procellâ, retinentibus; atque Gubernatoris prudentiâ, qui vnus inter Antecessores Reges consilio enituit, superatis. Ordine proximus succedit Rex, cuius Actiones, licet magis impetu quàm consilio administratæ, non leue tamen in Rebus Europæ momentum attulerunt, eas subinde librando, & inclinando, prout ipsæ propendebant. Quo etiàm regnante, cœpit fieri ingens illa Statûs Ecclesiastici Mutatio, qualis rarò admodum prodit in Theatrum. Secutus est Rex Minor. Dein tentamentum Tyrannidis, licet illud breuissimum fuerit, instar Febris Ephemeræ. Dein Regnum Fæminæ, extero Regi nuptæ. Rursus Regnum Fæminæ solitariae, & cælibis. Hæc omnia demùm excepit Euentus iste faustus & gloriosus; nimirum huiusce Insulæ Britannia, à toto Orbe diuisæ, in se Vnio; per quam Vetus illud Oraculum Æneæ redditum, quod requiem ei præmonstrabat,

— (*Antiquam exquirite matrem;*)

Supra nobilissimas Gentes Angliæ & Scotiæ, in Nomine illo *Britannia*, *Antiquæ suæ Matris*, iam conuenientes, adimpletum sit; in pignus, & tesseram Metæ

& Exitus Errorum, & peregrinationis, iam reperti. Ita ut, quemadmodum Corpora ponderosa iactata, aut quàm ponant & consistant, trepidationes quasdam experiantur; eodem modo probabile videtur, Divinâ Providentiâ factum esse, ut Monarchia ista, priusquàm in tuâ Maiestate, regiâque tuâ sobole (in quâ spero eam in perpetuum fore stabilitam) consisteret, & confirmata esset, has tam varias Mutationes, & Vicissitudines, tanquam præludia Stabilitatis suæ, subiret.

De *Vitis* cogitantem, subit quedam Admiratio, Tempora ista nostra, haud nosse Bona sua; cum tam rara sit Commemoratio, & conscriptio vicarum, eorum, qui nostro seculo claruerunt. Etsi enim Reges, & qui absolutum Principatum obtineant, pauci esse possint; Principes etiam in Rep. libera (tot Rebus in Monarchiam conuersis) haud multi; utrumque tamen non defuerunt Viri egregij, (licet sub Regibus) qui meliora merentur, quam incertam & vagam Memoria hâc Farmam, aut Elogia arida & iciuna. Etenim hæc ex parte, Inuentum cuiusdam ex Poetis Recentioribus, quo antiquam Fabulam locupletavit, non inelegans est. Fingit ille in extremitate Fili Parcarum, Numisma quoddam, seu Monile pendere, in quo Defuncti Nomen impressum sit: Tempus autem Cuiusdam Atropi præstolari, & statim abscisso Filo, Numismata eripere, eaque asportata, paulò post in Fluvium Lechæ, ex gremio suo proijcere: Circa Fluvium autem, magnam Anium vim volitare, quæ Numismata arripiunt, ac postquàm in rostris ipsarum paulisper eadem circumtulerint, paulò post per incuriam in Fluvium decidere permittunt: Inter eas verò, Cygnos reperiri nonnullos, qui si Numisma aliquod cum Nomine prehenderint, illicò ad Templum quoddam illud deferre solent, Immortalitati consecratum. Huiusmodi itaque Cygni nostris Temporibus ferè defecerunt. Quamvis autem plurimi

O

Hominum,

Hominum, Curis & Studiis suis nimio plus quam Corporibus mortales, Nominis sui memoriam, veluti Fumum aut Auram despiciant,

Animi nil magnæ Laudis egentes;

Quorum scilicet Philosophia & Seueritas ab eâ Radice pullulat, Non prius laudes contempsimus, quam laudanda facere desuimus; Id tamen apud nos Salomonis iudicio non præiudicabit, Memoria iusti cum laudibus, at impiorum nomen putrescet: Altera perpetuò floret, alterum aut in Obluionem protinus abit, aut in Odorem tetrum computrescit. Ac propterea in eo ipso Stilo, vel loquendi Formulâ, quæ rectè admodum recepta est, vt Defunctis tribuatur (*Fœlicis memorie, pie memorie, bonæ memorie*) agnoscere videmur illud, quod Cicero (mutuatus id ipsum à Demosthene) protulit, *Bonam famam propriam esse possessionem Defunctorum.* Quam quidem Possessionem non possum non notare nostro æuo incultam vt plurimum, & neglectam iacere.

Quantum ad Relationes, oprandum esset prorsus, vt multò maior circa eas adhiberetur diligentia. Quippe vix incidit aliqua Actio paulò illustrior, cui non intersit Calamus aliquis ex melioribus, qui eam excipere & describere possit. Quoniam autem is per paucorum Hominum esse debet, qui Historiam Iustam pro dignitate conscribat, (vt ex paucitate Historicorum vel mediocrium satis liquet) idcirco si Actiones particulares, sub tempus ipsum quo geruntur, tolerabili aliquo Scripto Memoriae mandarentur; sperandum esset exorituros quandoque, qui Historiam Iustam, iope & auxilio illarum Relationum conscribere posset. Illæ enim instar Seminarij esse possint, vnde, cum vsus foret, Hortus amplus & magnificus confereretur.

CAPVT VIII.

*Partitio Historiæ Temporum in Historiam
Vniuersalem, & Particularem; & utri-
usque Commoda, & Incommoda.*

HISTORIA Temporum aut Vniuersalis est, aut Particularis; illæ alicuius Regni, vel Reip. vel Nationis res gestas complectitur; illa Vniuersi Orbis. Neque enim defuerunt, qui Historiam Mundi, etiã ab Origine scripsisse videri volunt; Farraginem rerum, & Compendia Narrationum pro Historiâ exhibentes: Alij sui Temporis Res, per Orbem Terrarum memorabiles, tanquam Iustâ Historiâ complecti posse confisi sunt, Conatu profectò magnanimo, atque Fructu haud exiguo. Neque enim Res humanæ ita Imperijs, aut Regionibus diuisæ sunt, vt non habeant multa connexa; Quare iuuat certè Fata, alicui Seculo, aut Ætati destinata, veluti vnâ Fabulâ contenta, & descripta intueri. Fit etiã, vt plurima scripta non contemnenda (qualia sunt ea, de quibus antea locuti sumus, *Relationes*) aliàs fortè peritura, neque Prelum sapiùs passura, aut saltem Capita ipsorum, in huiusmodi Historiam Generalem recipiantur, atque hoc pacto figantur, & conseruentur. Veruntamen, si quis rem rectius perpendat, animaduertet tam teneras esse Historiæ Iustæ Leges, vt eas in tantâ Argumenti vastitate exercere vix liceat; adeò vt minuatur potius Historiæ Maiestas Molis granditate, quàm amplificetur. Fieri enim, vt qui tam varia vndeque persequitur, is Informationis Religione paulatim remissâ, & diligentia suâ, quæ ad tot res extenditur, in singulis elanguescente, Auras populares, & Rumores capiet; & ex Relationibus non admodum Authenticis,

aut huiusmodi aliquâ leuidenti Materiâ, Historiam conficiet. Quinetiam necesse ei erit, (ne Opus in im-
mensum exerceat,) plurima relatu digna consultò præ-
termittere, atque ad Epitomarum rationes sæpius de-
labi. Incumbit etiâ aliud periculum non paruum,
atque Vtilitati illi Historiæ Vniuersalis, ex diametro
oppositum; Quemadmodum enim Vniuersalis Histo-
ria, Narrationes aliquas, quæ aliàs fortè fuissent pe-
rituræ, conseruat; ita contra sæpenuerò Narrationes
alias satis fructuosas, quæ aliter victuræ fuissent, prop-
ter grata Mortalibus rerum Compendia, perimit.

CAPVT IX.

**Partitio alia Historiæ Temporum, in An-
nales, & Acta Diurna.**

HISTORIA Temporum rectè diuiditur
in *Annales*, & *Diaria*: Quæ Diuisio, licet
ex Periodis Temporum Nomina sumat,
tamen ad Delectum Rerum etiâ pertinet.
Rectè enim Cornelius Tacitus, cùm in mentionem
Magnificentie quarundam Structurarum incidit, sta-
tim subdit, *Ex dignitate populi Ro. repertum esse, res il-
lustres Annalibus, talia diurnis Urbis Actis mandare*: Ap-
plicando Annalibus Res, quæ ad Statum Reip. perti-
nent, Acta verò & Accidentia leuiora, Diarijs. Meo
utique iudicio, valere conueniret Disciplinam quan-
dam Haraldicam, in disponendis non minùs Libro-
rum, quàm Personarum Dignitatibus. Sicut enim ni-
hil Rebus Ciuilibus magis detrahit, quàm Ordinum
& Graduum confusio; ita etiâ Auctoritati Historiæ

grauis,

gravis, haud parum derogat, si admisceantur Politicis Res leuioris momenti; quales sunt Pompae, & Solennitates, & Spectacula, & huiusmodi. Atque sanè optandum esset, ut illa ipsa Distinctio in consuetudinem veperet. Nostri verò temporibus, *Diaria* in Nauigationibus tantum, & Expeditionibus bellicis in usu sunt. Apud Antiquos certè Regum honori dabatur, ut Acta Palatii sui in *Diaria* referrentur; quod videmus factum fuisse sub Ahasuero Persarum Rege; qui cum Noctem ageret insomnem, *Diaria* poposcit, ubi Coniurationem Eunuchorum recognouit. At in Alexandri Magni *Diarijs*, tam pusilla continebantur, ut etià, si fortè ad Mensam dormiret, in Acta reponeretur: Neque enim sicut *Annales* tantum graua, ita *Diaria* tantum leuia complexa sunt; sed omnia promiscuè, & cursim *Diarijs* excipiebantur, seu maioris, seu minoris Momenti.

CAPVT X.

Partitio secunda Historiæ Ciuilis, in Meram, & Mixtam.

I Ostrema verò Partitio *Historiæ Ciuilis* ea sit; ut diuidatur in *Meram*, aut *Mixtam*. *Mixturae* celebres duæ, Altera ex *Scientiâ Ciuili*, Altera præcipuè ex *Naturali*. Introductum est enim ab aliquibus genus scribendi, ut quæ Narrationes aliquas, non in serie *Historiæ* continuatas, sed ex Delectu Auctoris excorpras conscribat: Deinde easdem recolat, & tanquam ruminet; & sumptâ ab ipsis occasione, de rebus Politicis disserat. Quod genus *Historiæ Ruminatæ* nos sanè magnopere probamus

mis, modo huiusmodi Scriptor hoc agat, & hoc se agere confiteatur. *Historiam* autem *Iustam* ex professo scribenti, *Politica* ubique ingerere, atque per illa *Filiū Historiæ* interrumpere, intempestivum quiddam, & molestum est. Licet enim *Historia* quæque prudentior, *Politiciis* præceptis, & monitis, veluti impregnata sit; tamen Scriptor ipse sibi obstetricari non debet.

Mixta etiam est *Historia Cosmographica*, idque multipliciter: Habet enim ex *Historia Naturali*, *Regiones* ipsas, atque earum *Sinus*, & *Fructus*: Ex *Historia Civili*, *Urbes*, *Imperia*, *Mores*: Ex *Mathematicis*, *Climata*, & *Configurationes Cæli*, quibus *Tractus Mundi* subiacent. In quo genere *Historiæ*, siue *Scientiæ*, est quod seculo nostro gratulemur: Orbis enim *Terrarum* factus est, hæc nostra ætate, mirum in modum fenestratus, atque patens: Antiqui certè *Zonas*, & *Antipodas* nouerant,
(Nosq; ubi primus equis oriens afflauit anhelis,
Illic fera rubens accendit lumina vesper.)

Idque ipsum magis per *Demonstrationes*, quàm per *Peregrinationes*: Verùm ut *Carina* aliqua parua, *Cælum* ipsum æmularetur; atque vniuersum *Globum Terrestræ*, magis etiam obliquo & flexuoso, quàm *Cælestia* solent, itinere circumiuerit, ea est nostri *Seculi* *Prærogatiua*: ita ut præsens *Ætas* iure in *Symbolo* suo usurpare possit, non tantùm illud *Plus ultra*, ubi Antiqui usurpabant *Non ultra*; atque insuper illud *Imitabile fulmen*, ubi Antiqui, *Non imitabile fulmen*,
Detuens qui nimbos, & non imitabile fulmen;
 Verùm & illud, quod omnem *Admirationem* superat, *Imitabile Cælum*; propter *Nauigationes* nostras, quibus circa vniuersum *Terre* *Ambitum*, *Cælestium* *Corporum* more, volui, & circumagi sæpius concessum fuit.

Atque hæc præclara, in re *Nauticâ*, atque *Orbe*
 per-

perlustrando, Felicitas, de vltioribus etiã progressi-
bus, & Augmentis Scientiarum, spem magnam facere
possit; præsertim cum diuino videatur Consilio esse
decretum, vt hæc duo coæua sint: Sic enim Daniel
Propheta, de nouissimis Temporibus verba faciens,
prædicit, *Plurimi pertransibunt & augebitur Scientia*;
quasi Pertransitus, siue Perlustratio Mundi, atque mul-
tiplex Augmentum Scientiarum, eidem Seculo destina-
rentur: Sicut magnâ ex parte iam completum vide-
mus; Quandoquidem Tempora nostra, duabus illis
prioribus Doctrinarum Periodis, aut Reuolutionibus,
(alteri apud Græcos, alteri apud Romanos) eruditione
non multum cedant, eas verò in aliquibus longè su-
perent.

CAPVT XI.

**Partitio Historiæ Ecclesiasticæ, in Ecclesia-
sticam specialem, Historiam ad Prophe-
tias, & Historiam Nemescos.**

HISTORIA Ecclesiastica in genere, easdem
serè cum *Historia Ciuili* Partitiones subit.
Sunt enim *Chronica Ecclesiastica*, sunt *Vite*
Patrum, sunt *Relationes de Synodis*, & reli-
quis ad Ecclesiam spectantibus. Proprio vero nomi-
ne, rectè diuiditur in *Historiam Ecclesiasticam* (Generis
nomine seruato,) & *Historiam ad Prophetias*, & *Histo-
riam Nemescos* siue *Providentiæ*. *Prima Ecclesiæ Mili-
tantis Tempora*, & *Statum diuersum* memorat; siue illa
fluctuet, vt *Arca in Diluui*; siue itineretur, vt *Arca in*
Eremo; siue consistat, vt *Arca in Templo*; hoc est, Sta-

tum Ecclesie in Persecutione, in Motu, & in Pace. In hac Parte, Defectum aliquem non inuenio, quin supersunt in illâ complura potius quàm desunt: Illud sanè optarem, vt Massæ tam prægrandi, Virtus quoque & Sinceritas Narrationum responderent.

Secunda Pars, quæ est *Historia ad Prophetias*, ex duobus Relatiuis constat, *Prophetiâ ipsâ*, & eius *Adimplitione*. Quapropter tale esse debet huius Operis Institutum, vt cum singulis ex Scripturis Prophetijs, Euentuum Veritas coniungatur; idque per omnes Mundi Ætates, tum ad confirmationem Fidei, tum ad instituendam Disciplinam quandam, & Peritiam, in interpretatione Prophetiarum, quæ adhuc restant complendæ. Attamen in hac re, admittenda est illa Latitudo, quæ Diuinis vaticinijs propria est & familiaris; vt Adimplitiones eorum fiant, & continentèr, & punctualitèr: Referunt enim Auctoris sui naturam, *Cui vnus Dies tanquam mille Anni, & mille Anni tanquam vnus Dies*; atque licet Plenitudo, & Fastigium Complementi eorum, plerumque alicui certæ Ætati, vel etiàm certo Momento destinetur; attamen habent interim Gradus nonnullos, & Scalas complementi, per diuersas Mundi Ætates. Hoc Opus desiderari statuo, verùm tale est, vt magnâ cum sapientiâ, sobrietate, & reuerentiâ tractandum sit, aut omninò dimittendum.

Tertia Pars, quæ *Historia Nemeseos* est, sanè in calamos nonnullorum Piorum Virorum incidit, sed non sine Partium Studio: Occupata est autem, in obseruandâ Diuinâ illâ Conuenientiâ, quæ nonnunquam intercedit, inter Dei Voluntatem Reuelatam, & Secretam. Quamuis enim tam obscura sint Consilia & Iudicia Dei, vt *Homini Animali* sint penitus inscrutabilia; quinetiam sæpius eorum oculis, qui prospiciunt è Tabernaculo, se subducant; Diuinæ tamen Sapientiæ visum aliquandò per vices, ad suorum

Confirmationem, & Confusionem eorum, qui tanquam sine Deo sunt in Mundo, ea quasi Maioribus Characteribus descripta, sic proponere conspicienda, uti (sicut loquitur Propheta) *Quiuis etiam in cursu ea perlegere possit* ; hoc est, ut Homines merè Sensuales & voluptarij, qui Iudicia illa Diuina præteruehi festinant, neque cogitationes suas in ea vnquam defigunt ; tamen quamuis properè currant, & aliud agant, ipsa agnoscere cogantur. Talia sunt Vindictæ seræ & inopinæ ; Salutes subito affulgentes, & insperatæ ; Consilia diuina per Ambages rerum tortuosas, & stupendas spiras, tandem se manifestò expedientia ; & similia : Quæ valent, non solùm ad consolandos Animos Fidelium, sed ad Percellendas & conuincendas Conscientias Improborum.

CAPVT XII.

De Appendicibus Historiæ ; quæ circa Verba Hominum (quemadmodum Historia ipsa circa Facta) versantur : Partitio earum in Orationes, Epistolas, & Apophthegmata.

AT non *Factorum* solummodò Humani Generis, verum etiam *Dictorum* Memoria seruari debet. Neque tamen dubium, quin *Dicta* illa quandoque *Historiæ* ipsi inserantur, quatenus ad Res gestas perspicuè & grauitè narrandas faciant, & deseruiant. Sed *Dicta* siue *Verba Humana* propriè custodiunt *Libri Orationum, Epistolarum, & Apophthegmatum*. Atque Orationes

sanè virorum prudentium, de Negotijs, & Causis gra-
uibus, & arduis habitæ, tum ad Rerum ipsarum no-
titiâ, tum ad Eloquentiam multum valent. Sed ma-
iora adhuc præstantur Auxilia ad instruendam Pru-
dentiam Ciuilem ab *Epistolis*, quæ à Viris Magnis de
Negotijs Scrijs missæ sunt. Etenim ex *Verbis Hominum*,
nil sanius aut præstantius, quàm huiusmodi *Epistole*.
Habent enim plus natiui sensûs, quam Orationes; plus
etiâ maturitatis, quam Colloquia subita. Eadem
quandò continuantur secundum Seriem Temporum,
(vt fit in illis, quæ à Legatis, Præfectis Prouincia-
rum, & alijs Imperij Ministris, ad Reges, vel Senatus,
vel alios Superiores suos mittuntur; aut vicissim
ab Imperantibus ad Ministros,) sunt certè ad *Histori-*
am, præ omnibus, Pretiosissima Supellex. Neque
Apophthegmata ipsa ad Delectationem & Ornatum
tantum profunt, sed ad res gerendas etiâ, & vsus
Ciuiles. Sunt enim (vt aiebat ille) veluti *Secures*
aut *Mucrones Verborum*, qui Rerum & Negotiorum
Nodos, acumine quodam secant, & penetrant: Occa-
siones autem redeunt in Orbem, & quod olim erat
commodum, rursus adhiberi, & prodesse potest; siue
quis ea tanquam sua proferat, siue tanquam Vetera.
Neque certe de Vtilitate eius rei ad Ciuilia dubitari
potest, quam Cæsar Dictator operâ suâ honestauit; cu-
ius Liber vtinàm extaret, cum ea, quæ vsquàm haben-
tur in hoc genere, nobis parum cum delectu conge-
sta videantur.

Atque hæc dicta sunt de *Historiâ*, câ scilicet Parte
Doctrinæ, quæ respondet vni ex *Cellis*, siue *Domicilijs*
Intellectûs, quæ est *Memoria*.

CAPVT XIII.

*De secundo Membro principali Doctrinæ,
nempe Poesi. Partitio Poeseos in Narra-
tiuam, Dramaticam, & Parabolicam.
Exempla Parabolicæ tria proponuntur.*



Am ad *Poesim* veniamus. *Poesis* est genus Doctrinæ, Verbis plerunque astrictum, Rebus solutum & licentiosum; Itaque, ut initio diximus, ad *Phantasiam* refertur, quæ iniqua, & illicita prorsus rerum Coniugia & Diuortia comminisci, & machinari solet. *Poesis* autem (ut supra innuimus) duplici accipitur sensu, quatenus ad *Verba*, vel quatenus ad *Res* respiciat. Priore sensu, *Sermonis* quidam *Character* est: *Carmen* enim Stili genus, & Elocutionis Formula quædam, nec ad *Res* pertinet: Nam & vera Narratio Carmino, & ficta Oratione solutâ conscribi potest. Posteriore verò sensu, constituimus eam, ab initio, *Doctrinæ Membrum Principale*, eamque iuxta *Historiam* collocauimus, cum nihil aliud sit, quam *Historiæ Imitatio ad Placitum*. Nos igitur in Partitionibus nostris, veras Doctrinarum venas indagantes, & persequentes; neque Consuetudini, & Diuisionibus receptis (in multis) cedentes; *Satyras*, & *Elegias*, & *Epigrammata*, & *Odas*, & huiusmodi, ab instituto Sermonem remouemus; atque ad Philosophiam, & Artes Orationis rejicimus. Sub nomine autem *Poeseos*, de *Historiâ ad Placitum confictâ*, tantummodo tractamus.

Partitio *Poeseos* verissima, atque maximè ex proprietate, præter illas Diuisiones, quæ sunt ei cum *Histo-*

riâ communes, (sunt enim *fiçta Chronica, Vitæ fiçtæ, fiçtæ etiam Relationes*) ea est, ut sit aut *Narratiua*; aut *Dramatica*; aut *Parabolica*. *Narratiua* prorsus Historiam imitatur, ut ferè fallat, nisi quod res extollat sæpius supra fidem. *Dramatica* est veluti Historia Spectabilis; nam constituit Imaginem Rerum tanquam præsentium, Historia autem tanquam præteritarum. *Parabolica* verò est Historia cum Typo, quæ Intellectualia deducit ad Sensum.

Atque de *Poesi Narratiuâ*, siue eam *Heroicam* appellare placet (modò hoc intelligas de *Materia*, non de *Versu*) ea à Fundamento prorsus nobili excitata videtur, quod ad dignitatem humanæ Naturæ imprimis spectat. Cum enim Mundus Sensibilis, sit Animâ Rationali dignitate inferior, videtur *Poesis* hæc humanæ Naturæ largiri, quæ Historia denegat; atque Animo Umbris rerum utcunque satisfacere, cum Solida haberi non possint. Si quis enim rem acutius introspiciat, firmum ex *Poesi* sumitur Argumentum, Magnitudinem Rerum magis illustrem, Ordinem magis perfectum, & Varietatem magis pulchram, Animæ humanæ complacere, quam in Naturâ ipsâ, post Lapsum, reperire illo modo possit. Quapropter, cum Res gestæ, & Euentus, qui veræ Historiæ subiiciuntur, non sint eius amplitudinis, in quâ Anima humana sibi satisfaciat, præstò est *Poesis*, quæ Facta magis Heroica confingat: Cum Historia vera successus rerum, minimè pro meritis Virtutum & Seclerum, narret; corrigit eam *Poesis*, & exitus, & fortunas secundum Merita, & ex lege Nemeseos exhibet: Cum Historiæ vera, obuiâ rerum sâ-tietate & similitudine, Animæ humanæ fastidio sit; reficit eam *Poesis*, inexpectata, & varia, & vicissitudinum plena canens. Adeò ut *Poesis* ista, non solum ad Delectationem, sed etiam ad Animi Magnitudinem, & ad Mores conferat. Quare & merito etiam Diuinitatis cuiuspiam

cuiuspiam particeps videri possit; quia Animum erigit, & in sublime rapit; Rerum simulachra ad Animi desideria accommodando, non Animum Rebus (quod Ratio facit, & Historia,) submitiendo. Atque his quidem illecebris, & congruitate, quâ Animum humanum demulcet, addito etiâ consortio Musices, vnde suavius insinuari possit, aditum sibi patefecit, vt honori fuerit etiâ seculis planè rudibus, & apud Nationes Barbaras, cum aliâ Doctrinâ prorsus exclusæ essent.

Dramatica autem *Poesis*, que Theatrum habet pro Mundo, vsu eximia est, si sana fôret. Non parua enim esse posset Theatri, & Disciplina, & Corruptela: Atque Corruptelarum, in hoc genere, abundè est; Disciplina planè nostris temporibus est neglecta. Attamen licet in Rebus modernis, habeatur pro re ludicrâ Actio theatralis, nisi fortè nimium trahat è Satyrâ, & mordeat; tamen apud Antiquos curæ fuit, vt Animos Hominum ad Virtutem institueret. Quinetiâ Viris prudentibus, & magnis Philosophis, veluti Animorum Plectrum quoddam censebatur. Atque sanè verissimum est, & tanquam Secretum quoddam Naturæ, Hominum animos, cum congregati sint, magis quam cum soli sint, Affectibus & Impressionibus patere.

At *Poesis Parabolica*, inter reliquas eminet, & tanquam Res sacra videtur, & Augusta; cum præsertim Religio ipsa, eius operâ plerunque vtatur, & per eam commercia Diuinorum cum Humanis exercent. Attamen & hæc quoque, Ingeniorum circa Allegorias leuitate & indulgentiâ, contaminata inuenitur. Est autem vsus ambiguus, atque ad contraria adhibetur. Facit enim ad *Inuolucrum*; facit etiâ ad *Illustrationem*. In hoc *Docendi* quædam *Ratio*; in illo *Occultandi Artificium* quæri videtur. Hæc autem *Docendi Ratio*, quæ facit ad *Illustrationem*, antiquis seculis plurimum adhibebatur: Cum enim Rationis humanæ Inuenta, & Conclusiones,

clusiones, (etiã ex quæ nunc tritæ, & vulgatæ sunt) tunc temporis novæ & infuetæ essent, vix illam subtilitatem capiebant Ingenia Humana, nisi propius ex ad Sensum per huiusmodi Simulachra, & Exempla deducerentur. Quare omnia apud illos, Fabularum omnigenarum, & Parabolarũ, & Ænigmatum, & similitudinum plena fuerunt. Hinc Tesseræ Pythagoræ, Ænigmata Sphingis, Æsopi Fabulæ, & similia. Quinetiã Apothegmata veterum Sapientum ferè per similitudinem rem demonstrabant. Hinc Menenius Agrippa apud Romanos (Gentem eo seculo minimè literatam) seditonem Fabulâ repressit. Denique vt Hieroglyphica Literis, ita Parabolæ Argumentis erant antiquiores. Atque hodiè etiã & semper, eximius est, & fuit Parabolarum vigor, cum nec Argumenta tam perspicua, nec vera exempla tam apta, esse possint.

Alter est vsus *Poeseos Parabolica*, priori quasi contrarius, qui facit (vt diximus) ad *Involucrum*, earum nempe Rerum, quarum dignitas tanquam velo, quodam discretâ esse mereatur: Hoc est, cum Occulta & Mysteria Religionis, Politicæ, & Philosophiæ, Fabulis & Parabolis vestiuntur. Vtrum verò Fabulis veteribus Poetarum, subsit aliquis Sensus mysticus, dubitationem nonnullam habet: Atque ipsi certè fatentur, nos in eam sententiam propendere, vt non paucis Antiquorum Poetarum Fabulis, Mystrium infusum fuisse putemus. Neque nos mouet, quod ista Pueris ferè, & Grammaticis relinquuntur, & vilescant, vt de illis contemptam sententiam feramus: Quin contrà, cum planè constet scripta illa, quæ Fabulas istas recitant, ex Scriptis Hominum, post Literas Sacras, esse antiquissima, & longè his antiquiores Fabulas ipsas; (etenim tanquam prius creditæ & receptæ, non tanquam excogitatæ ab illis Scriptoribus referuntur) videntur esse instar tenuis cuiusdam auræ, quæ ex traditionibus Nationum magis

Antiquarum, in Græcorum Fistulas inciderunt. Cùm verò, quæ circa harum Parabolarum Interpretationem, adhuc tentata sint, per Homines scilicet imperitos, nec ultra Locos communes doctos, nobis nullo modo satisfaciant; Philosophiam secundum Parabolas antiquas, inter *Desiderata* referre visum est. Eius autem Operis *Exemplum* vnum aut alterum subiungemus. Non quod res sit fortasse tanti, sed vt Institutum nostrum seruemus. Id huiusmodi est, vt de Operibus illis, quæ inter *Desiderata* ponimus (si quid sit paulò obscurius) perpetuò aut *præcepta* ad opus illud instruendum, aut *Exempla* proponamus: ne quis fortè existimet, leuem aliquam tantum Notionem, de illis Mentem nostram perstrinxisse; nosque Regiones sicut Augures, Animo tantum metiri, neque eas ingrediendi vias nosse. Aliam aliquam partem in *Poesi* desiderari non inuenimus; quin potius cum Planta sit *poesis*, quæ veluti à Terrâ luxuriante, absque certo semine, germinauerit, supra cæteras Doctrinas excreuit, & diffusa est. Verum iam *Exempla* proponemus, tria tantum numero, Vnum è *Naturalibus*, è *Politicis* vnum, atque vnum denique è *Moralibus*.

Exemplum Primum Philosophiæ secundum Parabolas Antiquas, in Naturalibus. De Vniuerso, secundum Fabulam Panis.

ANTIQUA Generationem *Panis* in dubio relinquunt. Alij enim eum à *Mercurio* genitum; Alij longè alium Generationis modum ei tribuunt. Aiunt enim *Procos* vniuersos cum *Penelope* rem habuisse, ex quo promiscuo concubitu, *Pana* communem Filium ortum esse. Neque prætermittenda est tertia illa Generationis explicatio: Quidam enim prodiderunt eum *Iouis*, & *Hybreos* (id est, *Contumelia*,) Filium fuisse.

Vtcun-

Vtcunq; orto, *Parce* illi Sorores fuisse perhibentur, quæ in Specu subterraneo habitabant: *Pan* autem morabatur sub Dîo. Effigies *Panis* talis ab Antiquitate describitur; Cornutus, Cornibus in acutum surgentibus, & usque ad Cælum fastigiatis; Corpore toto hispidus & villosus; Barbâ inprimis promissâ; Figurâ biformis, Humanâ quoad superiora, sed Semiferâ & in Capræ Pedes definente. Gestabat autem Insignia Potestatis; Sinistrâ Fistulam ex septem Calamis compactam, Dextrâ Pedum siue Baculum, superiùs curuum & inflexum. Induebatur Chlamyde ex pelle *Pardalis*. Potestates ei & Munera huiusmodi attribuuntur, vt sit Deus Venatorum, etiâ Pastorum, & in Vniuersum Ruricularum; Præses item Montium. Erat etiâ, proximus à *Mercurio*, Nuncius Deorum. Habebatur etiâ Dux & Imperator *Nympharum*, quæ circa eum perpetuò Chorêas ducere, & tripudiare solebant: Comitabantur & *Satyri*, & his seniores *Sileni*. Habebat insuper potestatem *Terrores* immittendi, præsertim inanes & superstitiosos, qui & *Panici* vocati sunt. Res gestæ autem eius non multæ memorantur: Illud præcipuum, quod *Cupidinem* prouocauit ad Luctam, à quo etiâ in Certamine victus est. Etiâ *Typhonem Gigantem* Retibus implicauit & cohibuit. Atque narrant insuper, cum *Ceres* mæsta, & ob raptam *Proserpinam* indignata, se abscondisset; atque Dij omnes ad eam inuestigandam magnoperè incubuissent, & se per varias Vias dispertiti essent; *Pani* solummodò ex felicitate quâdam contigisse, vt inter Venandum eam inueniret, & indicaret. Ausus est quoque cum *Apolline* de Victoriâ Musices decertare, atque etiâ *Mydâ* Iudice prælatus est; ob quod iudicium *Mydas* Asininas Aures tulit, sed clàm & secretò. Amores *Panis* nulli referuntur, aut saltem admodùm rari; quod mirum, inter Turbam Deorum, prorsus tam profusè amatoriam,

amatoriam, videri possit. Illud solummodò ei datur, quod *Ecchò* adamaret, quæ etià Vxor eius est habitâ; atque vnam præterea Nympham, *Syringam* nomine; in quam propter Iram & Vindictam *Cupidi- nis* (quem ad Luctam prouocare non reueritus esset) incensus est. Etià *Lunam* quondam in altas Syluas seuocasse dicitur. Neque etià Prolem vllam suscepit (quod similiter mirum est, cum Dij, præsertim Masculi, prolifici admodum essent) nisi quod ei attribua- tur tanquam Filia, Muliercula quædam Ancilla, *Iambe* nomine; quæ ridiculis Narratiunculis oblectare Hof- pites solebat, eiusque Proles ex Coniuge *Ecchò* esse à nonnullis existimabatur. *Parabola* talis esse videtur.

Pan (vt & Nomen ipsum etià sonat) *Vniuersum* siue *Vniuersitatem Rerum* repræsentat & proponit. De hu- ius *Origine* duplex omninò sententia est, atque adeò esse potest. Aut enim à *Mercurio* est, Verbo scilicet diuino, (quod & Sacræ Literæ extra controuersiam ponunt; & Philosophi ipsi, qui magis Diuini habiti sunt, viderunt) aut ex *confusis Rerum Seminibus*. Etenim quidam è Philosophis Semina Rerum etià Substantiâ infinita statuerunt; vnde *Opinio de Homoiomeris* fluxit, quam *Anaxagoras* aut inuenit, aut celebrauit. Nonnulli verò magis acutè & sobriè censebant, ad Varietatem Re- rum expediendam sufficere, si Semina, Substantiâ ea- dem, Figuris varia sed certis & definitis, essent; & reli- qua in positurâ & complexu Seminum ad inuicem ponebant; ex quo Fonte *Opinio de Atomis* emana- uit, ad quam *Democritus* se applicauit, cum *Leucip- pus* eius Auctor fuisset. At alij, licet vnum rerum Principium assererent (*Aquam Thales*, *Aerem Anaxi- menes*, *Ignem Heraclitus*) tamen illud ipsum Princi- pium actu vnicum, potentiâ varium & dispensabile posuerunt, vt in quo Rerum omnium Semina late- rent. Qui verò Materiam omninò Spoliatam, & In-

Q
formem,

formem, & ad Formas Indifferentem introduxerunt (vt Plato & Aristoteles) multò etià propius & propensius, ad Parabola figuram accesserunt. Posuerunt enim *Materiam* tanquam *publicam Meretricem*; *Formas* verò tanquam *Procos*. Adcò vt omnes de Rerum Principijs Opiniones huc redeant, & ad illam distributionem reducantur, vt *Mundus* fit, vel à *Mercurio*; vel à *Penelope* & *Proci* omnibus. Tertia aptem *Generatio Panis*, eiusmodi est, vt videantur Græci, aliquid de Hebræis Mysterijs, vel per Egyptios Inter-nuncios, vel vtrunque, inaudiuisse. Pertinet enim ad Statum Mundi, non in meris Natalibus suis, sed post Lapsum Adami, Morti & Corruptioni expositum, & obnoxium factum. Ille enim Status, Dei, & Peccati (siue Contumelia) Proles fuit, ac manet. Fuit enim Peccatum Adami ex genere *Contumelia*, cum Deo *similis fieri vellet*. Itaque triplex ista Narratio de *Generatione Panis*, etià vera videri possit, si ritè & Rebus & Temporibus distinguatur. Nam iste *Pan* (qualem eum nunc intuemur & complectimur) ex *Verbo Diuino*, mediante confusa *Materia* (quæ tamen ipsa Dei Opus erat) & subintrante *Præuaricatione*, & per eam Corruptione, Ortum habet.

Naturæ rerum, *Fata rerum* sorores verè perhibentur, & ponuntur. *Fata* enim vocantur, Ortus rerum, & Durationes, & Interitus; atque Depressiones etià, & Eminentia, & Labores, & Felicitates, denique Conditiones quæcunque Individui; quæ tamen nisi in Individuo nobili (vtpote Homine, aut Vrbe, aut Gente) ferè non agnoscuntur. Arquì ad istas Conditiones tam varias, deducit Individua illa singula *Pan*, Rerum scilicet *Natura*; vt tanquam eadem sit res (quatenus ad Individua) *Catena Naturæ*, & *Filum Parcarum*. Ad hæc insupèr finxerunt Antiqui, *Panem* semper sub Dîo morari, sed *Parcas* sub Specu ingenti sub-

subterraneo habitare, atque inde maximâ pernicitate ad Homines subito aduolare: quia *Natura*, atque Vniuersi facies, Spectabilis est & aperta; at *Fata* Individuorum occulta, & rapida. Quod si *Fatum* accipiat largius, ut omnem prorsus euentum, non illustriores tantum denotet, tamen utique & eo sensu optimè conuenit cum Vniuersitate Rerum; cum ex ordine Naturæ, nil tam exiguum sit, quod sine causâ fiat; & rursus nil tam magnum, ut non aliunde pendeat; adeo ut Fabrica ipsa Naturæ, suo finu & gremio, omnem euentum & minimum & maximum complectatur; & suo tempore certâ Lege prodât. Itaque nil mirum, si *Parce* ut *Panis* Sorores introductæ sint, & certè legitimæ. Nam *Fortuna* Vulgi Filia est, & leuioribus tantum Philosophis placuit. Sanè *Epicurus*, non solum profanum instituere sermonem, sed etiam desipere videtur, cum dixit, *Præstare credere Fabulam Deorum, quam Fatum asserere*, ac si quicquam in vniuerso esse possit instar Insulæ, quod à Rerum nexu separetur. Verum *Epicurus* Philosophiam suam Naturalem (ut ex ipsius verbis patet) Morali suæ accommodans & subiiciens, nullam opinionem admittere voluit, quæ Animum premeret & morderet, atque *Euthymiam* illam (quam à *Democrito* acceperat) lacefferet aut turbaret. Itaque suauitati Cogitationum indulgens, potius quam Veritatis patiens, planè iugum iactauit, & tam Fati Necessitatem, quam Deorum Metum repudiavit. Verum de *Parcarum* Germanitate cum *Pane* satis dictum est.

Cornua autem Mundo attribuntur, ab imo latiora, ad Verticem acuta. Omnis enim Rerum Natura instar Pyramedis acuta est. Quippè Individua, in quibus Basis Naturæ exporrigitur, infinita sunt; Ea colliguntur in Species, & ipsas multiplices; Species rursus insurgunt in Genera, atque hæc quoque ascen-

dendo in magis Generalia contrahuntur; vt tandem Natura, tanquam in vnum coire videatur; Quod *Figura* illâ *Pyramidali Cornuum Panis* significatur. Mirum verò minimè est, *Panis Cornu* etiâ Cœlum ferire; cum *Excelsa Naturæ*, siue *Ideæ Vniuersales*, ad *Diuina* quodam modo pertingant. Itaque & *Catena* illa *Homeri* decantata, (caussatum scilicet *Naturalium*) ad *Pedem Solij Iouis* fixa memorabatur; neque quicquam (vt videre est) *Metaphysicam*, & quæ in *Naturâ æternâ*, & *immobilia* sunt, tractauit, atque *Animum à fluxu Rerum* paulisper abduxit; qui non simul in *Theologiam Naturalem* incidere; adeò paratus & propinquus est transitus, à *Vertice illâ Pyramidis*, ad *Diuina*.

Corpus autem *Naturæ* elegantissimè & verissimè depingitur *Hirsutum*, propter *Rerum Radios*. Radij enim sunt tanquam *Naturæ Crines*, siue *Villi*: Atque omnia ferè vel magis vel minùs *Radiosa* sunt: Quod in facultate *Visus* manifestissimum est; Nec minùs in omni *Virtute Magneticâ*, & *Operatione ad distans*. Quicquid enim operatur ad *Distans*, id etiâ *Radios* emittere rectè dici potest. Sed maximè omnium prominet *Barbâ Panis*, quia *Radij Corporum Cœlestium*, & præcipue *Solis*, maximè ex longinquo operantur & peneirant; Adeò vt *Superiora Terræ*, atque etiâ *Interiora*, ad distantiam nonnullam planè verterint & subegerint, & *Spirita* impleuerint. Elegantior autem est *Figura de Barbâ Panis*, quod & *Sol* ipse, quando *Parte superiore* eius *Nube obolutâ*, *Radij inferiùs* erumpunt, ad aspectum *Barbatus* ceruitur.

Etiâ *Corpus Naturæ* rectissimè describitur *Biforme*, ob differentiam *Corporum Superiorum*, & *Inferiorum*. Illa enim ob *Pulchritudinem*, & *Mortis* *Æqualitatem* & *Constantiam*, nec non *Imperium in*

Terram & Terrestria, meritò sub Humanâ Figurâ repræsentantur; cum Natura Humana Ordinis & Dominationis particeps sit: Hæc autem ob Perturbationem, & Motus incompósitos, & quod à Cœlestibus in plurimis regantur, Bruti Animalis Figurâ contenta esse possunt. Potrò eadem Corporis Biformis Descriptio, pertinet ad Participationem Specierum: Nulla enim Naturæ Species, simplex videri potest, sed tanquam ex duobus participans & concreta. Habet enim Homo nonnihil ex Bruto, Brutum nonnihil ex Plantâ, Planta nonnihil ex Corpore Inanimato, omniaque reuerà biformia sunt, & ex Specie Superiore & Inferiore compacta. Acutissima autem est Allegoria de *Pedibus Capræ*, propter Ascensionem Corporum Terrestrium, versus Regiones Aeris & Cœli, vbi etiâ Pensilia fiunt, & inde desciuntur, magis quàm descendunt. Capra enim Animal scansorium est, eaque è rupibus pendere, atque in præcipitijs hædere amat; Similiter etiâ Res, licet inferiori Globo destinata, faciunt, idque miris modis, vt in Nubibus & Meteoris manifestissimum est. Imò non sine causâ *Gilbertus*, qui de Magnete laboriosissime, & secundum viam experimentalem conscripsit, dubitationem iniecit; Num-non forte Corpora grauiâ, post longam a Terrâ distantiam, Motum versus Inferiora paulatim exuant?

Insignia autem in Mambus *Pantis* ponuntur duplicia; Alterum *Harmoniæ*, alterum *Imperij*. *Pistula* enim ex *septem Calamis*, Consentum Rerum & Harmoniam, siue Concordiam cum Discordia militam, (quæ ex septem Stellarum Errantium Motu conficitur,) euidenter ostendit. Neque enim alij, præterquàm septem Planetarum, inueniuntur in Cœlo errores, siue expatiationes manifesta; quæ cum æqualitate Stellarum fixarum, earumque perpetua & inuariabili ad se inuicem

inuicem distantia compositæ & temperatæ, tum Constantiam Specierum, tum fluxum Individuorum tueri, & cire possint. Si qui verò sint Planetæ minores, qui non conspiciuntur; si qua etiam Mutatio in Cælo maior (vt in Cometis nonnullis Superlunariibus) videntur illa profectò tanquàm Fistulæ, aut omnino mutæ, aut ad tempus tantum streperæ; vtpote quarum Operationes vel ad nos non perlabantur, vel Harmoniam illam septem Fistularum *Panis* non diu interturbent. *Pedum* autem illud *Imperij*, nobilis translatio est, propter vias Naturæ partim rectas, partim obliquas. Atque *Baculum* illud, siue *Virga*, versus superiorem partem præcipuè curua est, quia omnia Prouidentia Diuinæ Opera in Mundo ferè per Ambages & circuitus fiunt; vt aliud agi videri possit, aliud reuerà agatur; sicut *Iosephi venditio in Ægyptum*, & similia. Quinetiam in Regimine humano omni prudentiore, qui ad Gubernacula sedent, Populo conuenientia, per pretextus & vias obliquas, felicius quæ volunt, quàm ex directo superinducunt & insinuant. Etiam (quod mirum fortasè videri possit) in Rebus merè Naturalibus, citius Naturam fallas quàm premas: Adcò, quæ ex directo fiunt, inepta sunt & seipsa impediunt; cum contrà, via obliqua & insinuans molliter fluat, & effectum sortiat. *Vestis Panis* & Amiculum, ingeniosè admodum ex *Pelle Pardalis* fuisse fingitur, propter Maculas vbique sparsas. Cælum enim Stellis, Maria Insulis, Tellus Floribus consperguntur; Atque etiam res particulares ferè variegatæ esse solent circa Superficiem, quæ veluti *Rei Chlamys* est.

Officium autem *Panis*, nullâ aliâ re, tam ad viuum proponi atque explicari potuerit, quam quod *Deus Venatorum* sit. Omnis enim naturalis Actio, atque adcò Motus & Progressio, nihil aliud quàm *Venatio* est.

Nam

Nam & Scientiæ & Artes Opera sua veniuntur; & Confilia humana Fines suos; atque Res naturales omnes vel Alimenta sua ut conseruandæ, vel Voluptates & Delicias suas ut perficiantur, veniuntur. (Omnis siquidem Venatio est aut Prædæ, aut Alimenti causa) idque modis peritis & sagacibus;

Torna Leona Lupum sequitur, Lupus ipse Capellam, Florentem Cythysum sequitur lasciuia Capella.

Etiâ Ruricolarum in genere Pan Deus est, quia huiusmodi Homines magis secundum Naturam viuunt, cum in Urbibus & Aulis, Natura à cultu nimio corrumpatur, ut illud Poetæ amatorium, verum, propter huiusmodi Delicias, etiâ de Naturâ sit.

Pars minima est ipsa puella sui.

Montium autem inprimis Præses dicitur Pan, quia in Montibus & Locis editis Natura Rerum panditur, atque Oculis & Contemplationi magis subijcitur. Quod alter à Mercurio Deorum Nuncius sit Pan, ea Allegoria planè diuina est; cum proximè post Verbum Dei, ipsa Mundi Imago, diuinæ Potentiæ & Sapientiæ Præconium sit. Quod & Poeta Diuinus cecinit, *Cæli enarrant gloriam Dei, atque opera manuum eius indicat Firmamentum.*

At Pana oblectant Nymphae, Animæ scilicet: Deliciæ enim Mundi Animæ Viuentium sunt. Hic autem meritò illarum Imperator, cum illæ Naturam quæque suam tanquam Ducem sequantur, & circa eum infinitâ cum Varietate, veluti singulæ more Patrio, saltent, & Chœræas ducant, motu neutiquam cessante. Itaque acutè quidam ex recentioribus, facultates Animæ omnes, ad Motum reduxit, & nonnullorum ex Antiquis fastidium & Præcipitationem notauit, qui Memoriam, & Phantasiam, & Rationem, defixis præproperè oculis intuentes & contemplantés, Vim Cogitatiuam, quæ primas tenet, prætermiserunt. Nam & qui meminit, aut etiâ

remi-

reminiscitur, cogitat; & qui imaginatur, similiter cogitat; & qui ratiocinatur, vtrique cogitat: Denique Anima, siue à Sensu monita, siue sibi permissa, siue in Functionibus Intellectus, siue Affectuum & Voluntatis, ad modulationem Cogitationum saltat; quæ est illa Nympharum tripudiatio. Vnà verò perpetuò comitantur *Satyræ & Sileni*, Senectus scilicet & Iuventus. Omnium enim rerum est *Ætas* quædam hilaris & motu gaudens, atque rursus *Ætas* tarda & bibula: Vtriusque autem *Ætatis* studia, verè contemplanti fortasse ridicula, & deformia videantur, instar *Satyræ* alicuius aut *Sileni*. De *Panicis* autem *Terroribus* prudentissima Doctrina proponitur. Natura enim Rerum omnibus Viuentibus indidit Metum & Formidinem, Vitæ atque Essentiæ suæ conseruatricem, ac Mala ingruentia vitantem & depellentem. Veruntamen eadem Natura modum tenere nescia est, sed *Timoribus* Salutaribus semper Vanos & Inanes admiscet; adeò vt omnia (si intus conspici darentur) *Panicis Terroribus* plenissima sint; præsertim humana; & maximè omnium apud Vulgum, qui superstitione (quæ verè nihil aliud quàm *Panicus Terror* est) in immensum laborat & agitur, præcipuè temporibus duris, & trepidis, & aduersis. Neque Superstitio ista tantummodò in vulgo regnat, sed ab Opinionibus Vulgi etiàm in Sapientiores aliquandò insilit, vt diuinè *Epicurus* (si cætera quæ de Dijs disseruit ad hanc normam fuissent) locutus sit: *Non deos vulgi negare profanum, sed vulgi opiniones Dijs applicare profanum.*

DE Quod verò attinet ad *Audaciam Panis*, & *Pugnam* per *prouocationem* cum *Cupidine*; id eò spectat, quia Materia non caret Inclinatione, & Appetitu ad Dissolutionem Mundi, & Reciduationem in illud Chæos antiquum, nisi præualidâ rerum concordia (per *Amorem* siue *Cupidinem* significatâ) malitia & impetus eius cohi-

cohiberetur, & in ordinem compelleretur. Itaque bono admodum Hominum & Rerum Fato fit (vel potius immensâ Bonitate Diuinâ) vt *Pan* illud certamen aduersum experiatur, & victus abscedat. Eodem prorsus pertinet, & illud de *Typhone* in *Retibus* implicato, quia vtcunque aliquandò vasti, & insoliti rerum Tumores sint, (id quod *Typhon* sonat) siue intumescant Maria, siue intumescant Nubes, siue intumescat Terra, siue alia, tamen Rerum Natura huiusmodi Corporum exuberantias atque insolentias, Reti inextricabili implicat & coercet, & veluti Catenâ Adamantinâ deuincit.

Quod autem *Inuentio Cereris* huic Deo attribuitur, idque inter Venationem; reliquis autem Dijs negetur, licet sedulò quærentibus, & illud ipsum agentibus; Monitum habet verum admodum & prudens: hoc scilicet, ne Rerum vtilium ad vitam & Cultum Inuentio, à Philosophijs Abstractis, tanquam Dijs Maioribus expectetur, licet totis viribus in illud ipsum incumbant; sed tantummodò à *Pane*, id est Experienciâ sagaci, & Rerum Mundi notitiâ vniuersali; quæ etiâ casu quodam, ac veluti inter venandum in huiusmodi Inuenta incidere solet. Vtilissima enim quæque Inuenta Experienciæ debentur, & veluti Donaria quædam fuere casu in Homines sparsa.

Illud autem *Musices certamen*, eiusque Euentus, salutarem exhibet Doctrinam, atque eam quæ Rationi & Iudicio humano gestienti, & se efferenti, Sobrietatis Vincula iniicere possit. Duplex enim videtur esse Harmonia, & quasi *Musica*, altera Sapientiæ Diuinæ, altera Rationis Humanæ. Iudicio enim Humano, ac veluti Auribus Mortalium, Administratio Mundi & Rerum, & Iudicia Diuina secretiora, sonant aliquid durum, & quasi absonum: Quæ Inscitia, licet *Afininis Auribus*, meritò insigniatur, tamen & illæ ipsæ Aures,

secretò non palàm gestantur. Neque enim huiusce Rei Deformitas à vulgo conspicitur aut notatur.

Postremò minimè mirum est, si nulli *Amores Panis* attribuantur, præter *Coniugium Ecchûs*; Mundus enim se ipso, atque in se rebus omnibus fruitur. Qui amat autem frui vult, neque in Copiâ Desiderio locus est. Itaque Mundi *Amores* esse nulli possunt, nec potiùdi Cupido, (cùm se ipse contentus sit,) nisi fortassè *Amores Sermonis*. Ij sunt *Nympha Eccho*, Res non Solida, sed Vocalis; aut si accuratiores sunt, *Syringa*, quandò scilicet Verba, & Voces, numeris quibusdam, siue Poeticis, siue Oratorijs, & tanquàm Modulamine, reguntur. Inter Sermones autem siue Voces, excellentèr ad Coniugium Mundi sumitur sola *Eccho*: Ea enim demùm vera est Philosophia, quæ Mundi ipsius voces fidelissimè reddit, & veluti dictante Mundo conscripta est; & nihil aliud est quam eiusdem Simulachrum & Reflexio; neque addit quicquàm de proprio, sed tantùm iterat, & resonat. Nam quod *Lunam Pan* in altis Sylvas aliquando seuocasset, videtur pertinere ad Congressum Sensûs, cum rebus Coelestibus, siue Diuinis. Nam alia est *Endymionis* ratio, alia *Panis*: Ad *Endymionem* dormientem sponte se demittit *Luna*; siquidem ad Intellectum sopitum, & à sensibus abductum, quandòque sponte influunt Diuina: Quod si accersantur & vocentur à Sensu, tanquàm à *Pane*, tum verò non aliud lumen præbent, quam illud,

Quale sub incertam Lunam sub luce malignâ

Est iter in Sylvis ———

Ad Mundi etiàm sufficientiam & Perfectionem pertinet, quod *Prolem non edat*. Ille enim per Partes generat; per Totum quomodò generare possit, cùm Corpus extra ipsum non sit? Nam de *Mulierculâ* illâ *Iambe*, *Filiâ Panis* putatiuâ, est sanè ea Adiectio quædam ad Fabulam sapientissima. Per illam enim repræ-

scentantur

sentantur ea, quæ perpetuis temporibus passim vagantur, atque omnia implent, vaniloquæ de Rerum Naturâ Doctrinæ, re ipsâ infructuosæ, Genere quasi subditiæ, garrulitate verò interdum iucundæ, interdum molestæ & importunæ.

Exemplum alterum Philosophiæ, secundum Parabolas

Antiquas, in Politicis. De Bello, secundum

Fabulam Persei.

PERSEVS, Orientalis cùm fuisset, missus traditur à *Pallade*, ad obtruncandam *Medusam*, quæ Populis plurimis ad Occidentem, in extremis *Iberie* partibus, maximæ calamitati fuit. Monstrum enim hoc, aliàs crudele & immane, etiàm Aspectu tam dirum atque horrendum fuit, vt eo solo Homines in Saxa verteret. Erat autem, è *Gorgonibus* vna, *Medusa*, ac sola inter eas Mortalis, cùm reliquæ passiuæ non essent. *Perseus* igitur ad tam nobile Facinus se comparans, Arma ad *Dona* à tribus *Dijs* mutuo accepit; *Alas* à *Mercurio*, talares scilicet non axillares; à *Plutone* autem *Galeam*; *Scutum* denique à *Pallade* & *Speculum*. Neque tamen (licet tanto apparatu instructus,) ad *Medusam* rectà perrexit, sed primùm ad *Graas* diuertit; Ex Sorores, ex alterâ Parente, *Gorgonibus* erant; Atque *Grææ* istæ canæ etiàm à Natiuitate erant, & tanquàm *Vetulæ*. Oculis autem ijs tantummodò & Dens erat omnibus vnicus; quos prout exire foràs quamque contigerat, vicissim gestabant, reuersæ autem deponere solebant. Hunc itaque Oculum, atque hunc Dentem illæ *Perseo* commodârunt. Tum demùm, cùm se abundè ad destinata perficienda instructum iudicaret, ad *Medusam* properauit, impiger & volans. Illam autem offendit dormientem, neque tamen aspectui eius (si forsan euigilaret) se commit-

tere audebat, sed Cervice reflexâ, & in Speculum illud *Palladis* inspiciens, atque hoc modo ictus dirigens, Caput *Medusæ* abscidit: Ex Sanguine autem eiusdem, in terram fuso, statim *Pegasus* Alatus emicuit: Caput autem abscissum *Perseus* in Scutum *Palladis* transtulit & inseruit, cui etiamnum sua mansit vis, ut ad eius intuitum omnes ceu attoniti aut syderati obrigerent.

Fabula conficta videtur de *Belligerandi Ratione* & *Prudentiâ*: Atque primò omnis *Belli Susceptio* debet esse tanquam *Missio à Pallade*; non à *Venere* certè (ut *Bellum Troianum* fuit) aut aliâ leui ex causâ; quippe cum in Consilijs solidis, Decreta de Bellis fundari oporteat. Deinde de *Genere Belli* eligendo, tria proponit Fabula Præcepta, sana admodum & graua: Primum est, ut de *Subiugatione Nationum Finitimarum* quis non magnoperè laboret: Neque enim eadem est *Patrimonij*, & *Imperij* amplificandi ratio: Nam in *Possessionibus* priuatis, *Vicinitas Prædiorum* spectatur, sed in propagando Imperio, *Occasio*, & *Belli conficiendi Facilitas*, & *Fructus*, loco *Vicinitatis* esse debent. Itaque *Perseus*, licet *Orientalis*, tamen tam longinquam Expeditionem, usque ad extremum *Occidentem*, minimè detrectauit. Huius rei Exemplum insigne est in *Belligerandi diuersâ ratione* Patris & Filij Regum, *Philippi* & *Alexandri*. Ille enim in *Finitimis Bellis* occupatus, *Vrbes* paucas Imperio adiecit, idque non sine maximâ *Contentione* & *Periculo*; quippe qui & aliàs, & præcipuè in *Prælio Chæroneo*, in vltimum discrimen adductus fuit: At *Alexander* longinquam Expeditionem benè ausus in *Persas*, *Nationes infinitas* subiugauit, magis *Itineribus* quàm *Prælijs* fatigatus. Hoc ipsum adhuc clariùs cernitur, in *Propagatione Imperij Romanorum*, qui, quo tempore ex parte *Occidentis*, vix ultra *Liguriam* Armis penetrauerant, eodem tempore *Orientis* Prouincias usque ad

Montem

Montum Taurum Armis & Imperio complexi sunt. Etiam *Carolus Octavius* Rex Gallie, *Bellum Britannicum* (quod Matrimonio tandem compositum est) non admodum facile expertus, expeditionem illam *Neapolitanam* longinquam, admirandâ quâdam facilitate & felicitate tranlegit. Habent certè hoc Bella longinqua, ut cum ijs manus conferatur, qui Militiæ & Armis Inuasoris minimè sint assueti, quod in finitimis secus se habet. Etiam & Apparatus in huiusmodi Expeditionibus solet esse diligentior & instructior; & Terror apud Hostes ex ipso ausu & fiduciâ maior. Neque etiam ferè possit fieri in illis Expeditionibus remotis, per Hostes, ad quos tam longo itinere peruenitur, Diuersio aliqua aut Inuasio reciproca, quæ in Belligerandi ratione cum Finitimis, sæpius adhibetur. Caput autem rei est, quod in subiugandis Finitimis, Occasionum Delectus in angusto versatur; at si quis longinquiora non detrectet, poterit pro arbitrio suo eò transferre Bellum, ubi aut Disciplina Militaris maximè est enervata, aut vires Nationis plurimum attritæ & consumptæ, aut Dissidia Ciuilia opportunè oborta, aut aliæ huiusmodi Commoditates se ostendant. Secundum est, ut semper subsit *Causa Belli* iusta, & pia, & honorifica, & fauorabilis: Id enim alacritatem, tum Militibus, tum Populis impensas conferentibus, addit, & Societates aperit & conciliat, & plurimas denique commoditates habet. Inter Causas autem Belli, admodum fauorabilis est ea, quæ ducit ad debellandas Tyrannides, sub quibus Populus succumbit, & prosternitur sine Animis & Vigore, tanquam sub *Aspectum Medusæ*; quod etiam *Herculi* Diuinitatem conciliauit. Romanis certè magna Religio fuit, strenuè & impigrè accurrere ad Socios tuendos, si quo modo oppressi fuissent. Etiam Bella ob Vindictam iustam ferè semper felicia fuerunt, sicut Bellum aduersus

uersus *Brutum & Cassium*, ad vindicandam Mortem *Cesaris*; *Seueri* ad vindicandam Mortem *Pertinacii*; *Iunij Bruti* ad vindicandam Mortem *Lucretiae*: Denique quicumque Bello Calamitates Hominum & Iniurias, aut leuant aut vindicant, sub *Perseo* militant. Tertium vt in omni Bello suscipiendo vera sit *Æstimatio virium*; atque rectè perpendatur, vtrum Bellum sit tale, quod confici & ad exitum perducì possit, ne quis vastas & infinitas Spes persequatur. Prudentèr enim *Perseus* inter *Gorgonas* (per quas Bella repræsentantur) eam delegit, quæ in suâ Naturâ Mortalis erat, neque ad Impossibilia Animum adiecit. Atque de ijs, quæ in suscipiendo Bello Deliberationem subeunt, hæc præcipit Fabula, reliqua ad Belligerationem ipsam pertinent.

In Bello maximè omnium profunt illa tria *Dona Deorum*, adeò vt Fortunam ipsam ferè regant & trahant. Accepit enim *Perseus Celeritatem*, à *Mercurio*, *Occultationem Consiliorum* ab *Orco*, & *Providentiam* à *Pallade*: Neque caret Allegoriâ, eâque prudentissimâ, quod *Alæ* illæ *Celeritatis* in rebus conficiendis (cùm Celeritas in Bello plurimum possit) *Talares*, non *Axillares* fuerint, atque *Pedibus* non *Humeris* additæ; quia non tam in primis Belli aggressibus, quam in ijs quæ sequuntur, & primis subsidio sunt, Celeritas requiritur. Nullus enim Error in Bello magis frequens fuit, quam quod *Prosecutiones*, & *subsidiarij Impetus*, *Initiorum Alacritati* non respondeant. At *Galea Plutonis* (quæ Homines inuisibiles reddere solebat) manifesta Parabola est. Nam *Consiliorum Occultatio* post *Celeritatem*, maximi ad Bellum est momenti. Cuius etiâ Celeritas ipsa Pars magna est. Celeritas enim *Consiliorum euulgationem* præuertit. Ad *Galeam Plutonis* spectant, vt vnus Bello præsit, cum Mandatis liberis; Consultationes enim cum multis, habent aliquid potiùs ex *Cristis Martis*,

tis, quam ex *Galea Plutonis*. Eodem spectant *Prætex-*
tus Varij, & *Designationes Ancipites*, & *Famae Emissa-*
riae, quæ *Oculos Hominum* aut perstringunt aut auer-
 tunt, atque vera *Consiliorum* in obscuro ponunt. Eti-
 am *Cautiones diligentes & suspicaces*, de *Literis*, de
Legatis, de *Perfugis*, & complura alia *Galeam Plutonis*
 ornant, & reuincunt. At non minus interest, *Con-*
silia Hostium explorare, quam sua occultare. Itaque
Galeæ Plutonis adiungendum est *Speculum palladis*, per
 quod *Hostium vires*, *Inopia*, *Occulti Fautores*, *Dissi-*
dia & Factiones, *Progressus*, *Consilia* consantur. Quo-
 niam verò tantum fortuitorum suscipit Bellum, vt nec
 in *Consilijs proprijs* occultandis, nec in *Hostium ex-*
plorandis, nec in *Celeritate ipsa*, multum *fiduciæ* ponendi-
 dum sit, ideo ante omnia sumendum *Palladis Scutum*,
Providentiæ scilicet, vt quam minimum *Fortunæ* relin-
 quatur. Huc pertinent, *Exploratio vias inire*, *Castra*
diligenter munitæ (quod in *Miliçia modernâ* in *desue-*
tudinem ferè abiit; *Castra* verò instar *Vrbis Munitæ*,
Romanis ad *aduersos Prælij euentus* erant) *Acies ita-*
lis & ordinata, non nimium *fidendo Cohortibus levis*
Armaturæ, aut etiam *Equitum Turmis*; denique om-
 nia quæ ad *solidam & sollicitam Defensiuam* spectant;
 cum plus valeat utique in *Bellis Scutum Palladis*, quam
Gladus ipse Martis. Verum *Perseo* utcumque *Copijs*
 aut *Animis instructo*, restat aliud quidpiam, maximi
 per omnia momenti, antequam Bellum incipiatur:
 Nimirum, vt *diuertat ad Græas*. *Grææ* autem *Proditiones*
 sunt, *Bellorum* scilicet *Sorores*, non *Germanæ* illæ qui-
 dem, sed *Generis Nobilitate* quasi *impares*. *Bella* enim
generosa, *Proditiones* *degeneres & turpes*. Earum *De-*
scriptio elegans est, vt *Cane* à *Natiuitate* sint, & tan-
 quam *Vetula*, propter *perpetuas Proditorum Curas*, &
Trepidationes. Earum autem *vis* (antequam in mani-
 festam defectionem erumpant) aut in *Oculo*, aut in
 Dente

Dente est. Omnis enim Factio, à Statu quopiam alienata, & in Proditionem propensa, & *speculatur*, & *mordet*. Atque huiusmodi *Oculus* & *Dens* tanquam *communis* est; nam quicquid didicerunt & nouerunt, ferè per Manus ab vnâ ad alteram transit & percurrit. Et quod ad *Dentem* attinet, vno quasi ore mordent, & eadem Scandala iactant; vt si vnâ audias, omnes audias. Itaque *Perseo* sunt istæ *Græ* conciliandæ, atque in auxilium adducendæ, præsertim vt *Oculum* & *Dentem* suum ei commodent; *Oculum* ad Indicia; *Dentem* ad Rumores ferendos, & Inuidiam conflandam, & Animos Hominum sollicitandos. Postquam vciò omnia benè sint ad Bellum præparatè disposita, illud inprimis curandum, quod *Perseus* fecit, vt *Medusa dormiens* inueniatur. Prudens enim Belli Susceptor semper ferè Hostem assequitur imparatum, & securitati propiorem. Denique in ipsis Belli Actionibus atque insultibus, ille *Inuitus in Speculum Palladis*, adoperandus est. Plurimi enim ante ipsa Pericula Res Hostium acutè & attentè introspicere possunt; at in ipso Periculi Articulo, aut terrore offunduntur, aut pericula nimium præcipites & à fronte spectant; vnde in illa temerè ruunt, Vincendi memores, vitandi obliti. At neutrum horum fieri debet; sed in *Speculum Palladis*, *cervice reflexâ* inspiciendum, vt impetus rectè dirigatur, absque vel terrore, vel furore.

A Bello perfecto & Victoriâ, sequuntur Effecta duo; *Pegasi* illa *Generatio* & *Exsuscitatio*, quæ satis euidentè *Famam* denotat, quæ per omnia volat, & Victoriâ celebrat, & Reliquias Belli faciles, & in votum cedentes efficit. Secundum, *Gestatio Capitis Medusæ in Scuto*; siquidem nullum præsidij genus huic ob præstantiam comparari possit. *Vnicum* enim *Facinus* infigne & memorabile, feliciter gestum & perpetratum, omnes Hostium Motus obrigescere

obrigescere facit, atque Malevolentiam ipsam stupi-
dam reddit.

*Exemplum tertium Philosophiæ secundum Parabolas
Antiquas, in Moralibus. De Cupiditate, se-
cundum Fabulam Dionysi.*

NARRANT *Semelem Iouis* Pellicem, postquam
Iuramento eum inuiolabili, ad votum indefini-
tum obstrinxisset, petiisse, ut ad Amplexus suos
accederet talis, qualis cum *Iunone* consueffet. Itaque
illa ex conflagratione periit. Infans autem, quem in
Vtero gestabat, à Patre exceptus, in Femur eius insu-
tus est, donec Menses Foetui destinatos compleret.
Ex quo tamen onere *Iupiter* interim nonnihil claudi-
cabat. Itaque Puer, quod Iouem, dum in Femore
eius portaretur, grauaret & pungeret, *Dionysi* nomen
accepit. Postquam autem editus esset, apud *Proserpi-
nam* per aliquot Annos nutritus est; cum verò adul-
tus esset, ore ferè Muliebri conspiciebatur, ut Sexus
videretur tanquam ambigui. Etiam extinctus & se-
pultus quondam erat ad tempus, & non ita multò
post reuixit. Atque primà Iuuentà Vitis culturam,
atque adeò Vini confectionem & vsum primus inuenit,
& edocuit; ex quo celebris factus, & inclytus, orbem
Terrarum subiugauit, & ad vltimos Indorum Termini-
nos perrexit. Currum vhebatur à Tigribus tra-
cto; circa eum subsultabant *Dæmones* deformes, *Co-
bali* vocati, *Acratus* & alij. Quin & *Muse* Comitatu
eius, se adiungebant. Vxorem autem sibi sumpsit *A-
riadnem*, à *Theseo* desertam & relictam. Arbor ei sacra
erat *Hedera*. Etiam Sacrorum & Cereemoniarum In-
uentor & Institutor habebitur; eius tamen generis,
quæ & Fanaticæ erant, & plenæ corruptelarum, atque
insuper crudeles. Furores quoque immitendi pote-
statem

statem habebat. Certè in *Orgyis* eius, à Mulieribus furore percitis, duo viri insignes discerpti narrantur, *Pentheus* & *Orpheus*: Ille dum arbore conscensâ Spectator eorum, quæ agerentur, curiosus esse voluisset; Hic cum *Lyram* suauitè & peritè pulsaret. Atque huius Dei Res gesta, cum *Iouis* rebus ferè confunduntur.

Fabula videtur ad *Mores* pertinere, ut vix quicquam in *Philosophiâ Morali*, melius inueniatur. Describitur autem sub *Personâ Bacchi*, *Natura Cupiditatis*, siue Affectuum & Perturbationum Animi. Primum igitur, quod ad *Natalia Cupiditatis* attinet, *Origo Cupiditatis* omnis, licet nocentissimæ, non alia est, quam *Bonum Apparens*. Sicut enim *Virtutis Mater* est *Bonum Exi- stens*, similiter *Cupiditatis Mater* est *Bonum Appa- rens*. Altera *Iouis* (sub cuius *Personâ Animâ Humana* repræsentatur) *Vxor legitima*, altera *Pellex*, quæ tamen *Iunonis* *Honoris æmuletur*, tanquam *Semele*. Concipitur verò *Cupiditas* in *Voto illicito*, prius temerè concessio, quam ritè intellecto & iudicato. Atque post- quàm effervescente cœperit, *Mater* eius (Natura scilicet & Species Boni) ex nimio incendio destruitur & perit. Processus autem *Cupiditatis* à conceptu suo talis est: Illa ab *Animo Humano* (qui eius est Genitor) & nutritur, & occultatur, præcipuè in *Inferiori parte* eius, tanquam *Femore*; atque Animum pungit, & conuellit, & deprimit, adeò ut *Actiones* & *De- creta* ab eâ impediuntur, & claudicent. Quinetiam postquàm consensu & tempore confirmata est, & in *Actus* erumpit, ut iam quasi *Menses compleuerit*, & edita planè sit atque nata, primò tamen ad tempus nonnullum apud *Proserpinam* educatur, id est, *Late- bras querit*, atque clandestina est, & quasi subterranea; donec remotis *Pudoris* & *Metus* *Frenis*, & coactâ audaciâ, aut *Virtutis* alicuius *Prætextum* sumit, aut

Infamiam ipsam contemnit. Atque illud verissimum est, omnem Affectum vehementiorem tanquam *ambigui Sexus* esse. Habet enim *Impetum Virilem*, *Impotentiam* autem *Muliebrem*. Etiam illud præclare, *Bacchum mortuum reuiviscere*. Videntur enim Affectus quandoque sopiti, atque extincti, sed nulla fides habenda est eis, ne sepultis quidem: siquidem præbita Materia, & Occasione, resurgunt.

De *Inventione Vitæ* Parabola prudens est: Omnis enim Affectus ingeniosus est admodum & sagax, ad investigandum ea, quæ ipsam alant & foucant. Atqui ante omnia, quæ Hominihus innotuere, *Vinum* ad perturbationes cuiuscunque generis, excitandas & inflammandas, potentissimum est, & maximè efficax; atque est *Cupiditatibus* in genere, instar *Fomitis communis*. Elegantissimè autem ponitur Affectus siue *Cupiditas*, *Provinciarum Subiugator*, & Expeditionis infinitæ *Susceptor*. Nancquam enim partis acquiescit, sed Appetita infinito, neque satiabili, ad Vtteriora tendit, & Novis semper inhiat. Etiam *Tigres* apud Affectus *stabant*, & ad *Curram* eorum subinde *inguntur*. Postquam enim Affectus *Curulis* esse cœperit, non *Pedestris*, sed *Victor Rationis*, & quasi *Triumphator* factus sit, in omnes qui aduersantur aut se opponunt, crudelis est, & indomitus, ac inimitis. Facetum autem est, quod circa *Curram Bacchi* subsaltant illi *Dæmones* deformes & ridiculi. Omnis enim Affectus vehementior progignit motus, in Oculis, & Ore ipso, & Gestu, indecoros & inconditos, subsultorios & deformes; adeo ut qui sibi ipsi fortasse in aliquo Affectu (veluti *Irâ*, *Arrogantiâ*, *Amore*) videatur magnificus & tumidus, alijs tamen appareat turpis & ridiculus. Conspiciuntur autem in *Cupiditatis Comitatu* *Musæ*. Neque enim reperitur vllus fere Affectus, tam prauus & vilis, cui non blandiatur aliqua Doctrina.

Hâc enim in re, Ingeniorum Indulgentia & Procacitas, Musarum Maiestatem in immensum minuit; ut cum Duces Vitæ, & Signiferi esse debeant, sint non rarò Cupiditatum Pedissequæ, & Oblectatrices.

Inprimis verò nobilis est illa Allegoria, *Bacchum Amores suos in eam effudisse*, quæ ab alio *Relicta* erat & Fastidita. Certissimum enim est, Affectus id petere atque ambire, quod *Experientia* iam pridem repudiavit. Atque nōrint omnes, qui Affectibus suis seruientes & indulgentes, Pretium potiundi in immensum augent (siue Honores appetant, siue Amores, siue Gloriam, siue Scientiam, siue alia quæcunq;) se *Res Relictas* petere, & à compluribus, per omnia ferè Secula, post Experimentum, dimissas & repudiatas. Neque Mysterio caret, quod *Hedera Baccho* sacra fuerit, hoc enim duplici modo conuenit; primum, quod *Hedera hyeme virescat*; deinde, quod circa tot *Res* (Arbores, Parietes, Aedificia) *serpat*, ac circumfundatur, & se attollat. Quod ad primam enim attinet, omnis *Cupiditas* per *Renitentiam*, & *Vetitum*, & tanquàm *Antiperistasin* (veluti per frigora *Brumæ Hedera*) virescit, ac vigorem acquirit: Secundò, *Affectus* aliquis in *Humanâ Animâ prædominans*, omnes eius *Actiones & Decreta*, tanquàm *Hedera circumsepi*; neque ferè quicquam purum inuenias, quo illa *Clauiculas suas* non imprimat. Neque mirum est, si *Superstitiosi Ritus Baccho* attribuantur, cum omnis ferè *male-sanus Affectus* in *prauis Religionibus* luxuriatur, adeò ut *Hæreticorum Colluuiæ Bacchanalia Ethnicorum* superârit; quorum etiàm *Superstitiones*, non minùs cruentæ quam turpes extiterunt. Neque itidem mirum est, si *Furores à Baccho* immitti putentur, cum & omnis *Affectus in excessu suo*, veluti *Furor brevis* sit, & si vehementiùs obsideat & incumbat, in *Insaniâ* sapiùs terminetur. Illud autem de *Pentheo & Orpheo*

pheo inter *Orgya Bacchi* laceratis, euidentem Parabola-
 lam habet; cum Affectus quisque præualidus erga
 duas res sit asperimus atque infensissimus; quarum
 altera est *Inquisitio in eum curiosa*, altera *Admonitio sa-*
lutaris & libera. Neque auxilio fuerit, si illa *Inquisitio*
 fiat tantum Contemplationis aut Spectandi gratiâ, tan-
 quàm Arbore conscensâ, absque omni Animi Maligni-
 tate: Neque rursus si *Admonitio* illa, multâ cum suaui-
 tate & dexteritate adhibeatur; Verum utcumque non to-
 lerant *Orgya* aut *Pentheum* aut *Orpheum*. Postremò,
 illa *Confusio Personarum Iouis & Bacchi*, ad Parabola-
 lam rectè traduci potest; quandoquidem *Res gestæ*
nobiles, & clæræ, atque Merita insignia & gloriosa,
 interdum à *Virtute* & Rectâ Ratione & Magnani-
 mitate, interdum autem à *latente Affectu* & occultâ
 Cupiditate (utcumque Famæ & Laudis celebritate
 vtrique res paritèr gaudeat) proueniant; ut non facile
 sit distinguere Facta *Dionysi* à Factis *Iouis*.

Verum in Theatro nimis diu moramur; transeamus
 ad Palatium Animi; cuius Limina maiori cum
 Veneratione & curâ, ingredi conuenit.

dicitur inter Oxyphorici lactatis, cuiusdam Parabo-
 lam habet; cum Affectus quilibet praxidibus ergo
 quas res se asperimus atque intensissimus; quorum
 altera est Insuperio in cum curiosa alia Admonitio
 latus & libris. Prope auxilio fuerit si illa Insuperio
 har rationum Contemplationem aut Speculandi gratia tan-
 quam Arbore conueniens ad idque omni Animi Mili-
 tate: Neque tamen si Admonitio illa, nulla cum lani-
 tate & dextera adhibetur; Verum utique non to-
 lerant Oxyphorici aut Parabolam aut Oxyphorici Postremo,
 illa Confusio Personarum Iam & Bacchi, ad Parabo-
 lam recte raduci potest; quatinus quidem Res esse
 mobiles, & clare, atque Metis insignia & gloriosa,
 interduum a Virtute & Recta Ratione & Magnani-
 mitate, interduum autem a laetitia Affectu & occultis
 Cupidine (utique Famae & Laudis celebritate
 utique res pariter, gaudet) proueniunt; ut non facile
 sit distinguere Facta Dionysi a Factis Iam.

Verum in Theatro nimis diu morantur; transi-
 mus ad Palatium Animi; cuius Limus rationi cum
 Veneratione & cura, ingredi conuenit.



FRANCISCI BARONIS

DE
VERVLAMIO,
VICE-COMITIS

SANCTI ALBANI,

DE
Dignitate & Augmentis Scientiarum

LIBER TERTIVS.

AD REGEM SVVM.

CAPVT I.

Partitio Scientiæ in Theologiam & Philosophiam. Partitio Philosophiæ in Doctrinas tres; De Numine, de Naturâ, de Homine. Constitutio Philosophiæ Primæ, ut Mæris Communis omnium.

HISTORIA omnis (Rex optime) humi incedit, & Ducis potius officio, quam Lucis perfungitur: Poesis autem Doctrinæ tanquam Somnium: Res dulcis, & varia, & volens videri aliquid in se habere Diuini; quod etiam Somnia vendicant. Verum iam tempus est

est mihi, vt euigilem, & me humo attollam, *Philosophia & Scientiarum* liquidum *Æthera* secans.

Scientia Aquarum similis est: Aquarum aliæ descendunt cœlitus, aliæ emanant e Terrâ. Etiam *Scientiarum* primaria Partitio sumenda est ex Fontibus suis: Horum alij in alto siti sunt, alij hic infra. Omnis enim *Scientia* duplicem sortitur Informationem. Vna inspiratur diuinitus, altera oritur à Sensu. Nam quantum ad illam, quæ *Docendo* infunditur *Scientiam*; Cumulatiua ea est, non Originalis; sicut etiam fit in Aquis, quæ præter Fontes primarios, ex alijs Riuis in se receptis, augescunt. Partiemur igitur *Scientiam*, in *Theologiam*, et *Philosophiam*. *Theologiam* hîc intelligimus *Inspiratam* siue Sacram, non *Naturalem*, de qua paulò post dicturi sumus. Ac illam (*Inspiratam* nimirum) ad vltimum locum reseruabimus, vt cum eâ Sermones nostros claudamus; cum sit Portus, et Sabbathum Humanarum Contemplationum omnium.

Philosophia autem Obiectum triplex, *Deus*, *Natura*, *Homo*: Et triplex itidem Radius Rerum: *Natura* enim percutit Intellectum *Radio directo*; *Deus* autem, propter Medium inæquale (*Creaturas scilicet*) *Radio refracto*; *Homo* verò, sibi ipsi monstratus et exhibitus, *Radio reflexo*. Conuenit igitur partiri *Philosophiam* in *Doctrinas* tres; *Doctrinam* de *Numine*, *Doctrinam* de *Naturâ*, *Doctrinam* de *Homine*. Quoniam autem Partitiones *Scientiarum*, non sunt Lineis diuersis similes, quæ cocunt ad vnum Angulum; sed potius Ramis Arborum, qui coniunguntur in vno Trunco, (qui etiam Truncus ad spatium nonnullum integer est et continuus, antequàm se partiatur in Ramos;) idcirco postulat res, vt priusquàm prioris Partitionis Membra persequamur, constituatur vna *Scientia Vniuersalis*, quæ sit Mater reliquarum, et habeatur in progressu *Doctrinarum*, tanquam Portio viæ communis, antequàm

antequam viæ se separent, & disiungant. Hanc Scientiam, *Philosophiæ primæ*, siue etiã *Sapientiæ* (quæ olim *Rerum Diuinarum* atque *Humanarum Scientia* diffiniebatur) nomine insignimus. Huic autem *Scientiæ* nulla alia opponitur; cùm ab alijs *Scientijs*, potius *Limitibus* intra quos continetur, quam *Rebus* & *subiecto* differat, Fastigia scilicet *Rerum* tantummodò tractans. Hanc ipsam vtrùm inter *Desiderata* reponere oporteat, hæsitō; sed arbitror tamen poni debere. Equidem inuenio Farraginem quandam, & Massam inconditam *Doctrinæ*, ex *Theologiâ Naturali*; ex *Logicâ*; ex partibus quibusdam *Physicæ* (veluti de *Principijs*, & de *Animâ*) compositam, & congestam; & sublimitate quâdam sermonis, *Hominum* qui seipsoſ admirari amant, tanquã in *Vertice Scientiarum* collocatam. Nos verò, misso fastu, id tantum volumus, vt designetur aliqua *Scientia*, quæ sit *Receptaculum Axiomatum*, quæ *Particularium Scientiarum* non sint propria, sed pluribus earum in commune competant.

Plurima autem id genus *Axiomata* esse nemo ambigat. Exempli gratiã, Si *inequalibus equalia addas, omnia erunt inequalia*: Regula est ex *Mathematicis*; Eadem & in *Ethicis* obtinet, quatenus ad *Iustitiam Distributiuam*; Siquidem in *Iustitiâ Commutatiuâ*, vt *Paria* *Imparibus* tribuantur, *Ratio Æquitatis* postulat; at in *Distributiâ*, nisi *Imparia* *Imparibus* præstentur, *Iniquitas* fuerit maxima. Quæ in eodem tertio conueniunt, & inter se conueniunt: Regula est itidem ex *Mathematicis*; Verum simul tam potens in *Logicâ*, vt *Syllogismi* sit *Fundamentum*. *Natura* se potissimum prodit in minimis: Regula est in *Physicis*, tam valida, vt etiã *Democriti Atomos* produxerit; Veruntamen eam rectè adhibuit *Aristoteles* in *Politicis*, qui *Contemplationem Reip.* orditur à *Familiâ*. *Omnia mutantur, nil interit*: Regula itidem in *Physicis*; hoc modo prolata;

Quantum Natura, nec minuitur, nec augetur; Eadem competit Theologiae Naturali, sic variata; Omnipotentia sunt Opera; Aliquid ex nihilo facere, & Aliquid in nihilum redigere: Quod etiam Scriptura testatur, Didici quod omnia opera, quae fecit Deus, perseverent in perpetuum, non possumus eis quicquam addere, nec auferre. Interitus rei arcetur per Reductionem eius ad principia: Regula est in Physicis; Eadem valet in Politicis, (ut rectè notavit Machiavellus) cum illa quae Interitum Rerum, maximè prohibent, nihil aliud ferè sint, quàm Reformatio earum, & Reductio ad antiquos mores. Putredo serpens, magis contagiosa est, quàm matura: Regula est in Physicis; eadem insignis etiam in Moralibus; cum Homines profligatissimi, & maximè facinorosi, minus corruptelæ inferant publicis Moribus, quam qui aliquid videntur habere Sanitatis & Virtutis, & ex parte tantum mali sunt. Quod conservativum est Formae maioris, id activitate potentius: Regula est in Physicis: Etenim, ut non abscindatur ipse Rerum Nexus, nec detur (ut loquuntur) vacuum, facit ad conservandam Fabricam Univerſi: Ut verò Gravia congregentur ad Massam Terræ, facit ad conservandam tantum Regionem Denſorum. Itaque prior Motus posteriorem dormat. Eadem tenet in Politicis: Nam quae faciunt ad conservandam ipsam Politiam in suâ Naturâ, validiora sunt, quam quae ad Bene esse Particularium in Rep. Membrorum conducunt. Similiter eadem locum habet in Theologiâ. Etenim in Theologicis Virtutibus, Charitas, quae est Virtus maximè communicativa, præ reliquis omnibus eminet. Augetur vis Agentis per Antiperistasin Contrarij: Regula est in Physicis; Eadem mira præstat in Politicis; cum omnis Factio, ex contrariâ ingruente, vehementer irritetur. Tonus discors in concordem actutum desinens, Concentum commendat: Regula est Musica; Eadem in Ethicis, & Affectibus obtinet.

tinet. Tropus ille Musicus, à clausulâ aut Cadentiâ (quam vocant) cùm iam-iam adesse videatur, placidè elabendi; conuenit cum Tropo Rhetorico Expectationem eludendi. Fidium sonus tremulus, eandem affert auribus voluptatem, quam Lumen, Aquæ aut Gemmæ infiliens, Oculis;

— Splendet tremulo sub lumine Pontus.

Organa Sensuum cum Organis Reflexionum conueniunt: Hoc in Perspectiuâ locum habet; Oculus enim similis Speculo, siue Aquis; Et in Aconsticâ; Instrumentum enim Auditûs obici intra Cauernam simile. Hæc pauca enumerasse sufficiet ad Exempla. Quinimò Magia Persarum (quæ in tantum est celebrata) in eo potissimum versabatur, vt Architecturas & Fabricas, Rerum Naturalium, & Ciuium, symbolizantes notaret. Neque hæc omnia quæ diximus, & alia huius generis, Similitudines meræ sunt (quales Hominiibus fortassè parùm perspicacibus videri possint) sed planè vna, eademque Naturæ Vestigia aut Signacula, diuersis Materijs, & Subiectis impressa. Atque hæc Res adhuc scdulo tractata non est. Inuenias fortassè in Scriptis, quæ ab Ingenijs celsioribus, promanarunt, huiusmodi Axiomata rarò & sparsim inserta, ex vsu Argumenti quod tractant: Corpus verò aliquod talium Axiomatum, quæ vim habeant quandam Primitiuam, & summariam ad Scientias, nemo composuit; cùm tamen sit Res eiusmodi, quæ insignitè Naturam vnâ faciat; quod Philosophia Prima Munus esse autumat.

Est & alia huius Philosophiæ Primæ pars, quæ, si ad vocabula respicias, vetus est; si ad rem quam designamus, noua. Est autem Inquisitio de Conditionibus aduentitijs Entium, (quas Transcendentes dicere possumus) Pauco, Multo, Simili, Diuerso, Possibili, Impossibili; etiam Ente, & Non Ente, atque eiusmodi. Quandoquidem enim ista sub Physicâ propriè non

cadant; Dissertatio autem Dialectica circa ea, magis ad Argumentandi Rationes, quam ad Rerum Existentiam sit accommodata; consentaneum omninò est, ut hæc Contemplatio (in quâ non parum est Dignitatis & Utilitatis) haud deferatur prorsus, sed in Scientiarum Partitionibus, nonnullum saltèm inueniat locum: Veruntamen hoc intelligimus fieri debere, longè alio, quam quo tractari solet, modo. Exempli gratiâ; Nemo, qui de *Multo & Pauco* verba fecit, hoc egit, ut causa reddatur, cur alia in Naturâ, tam numerosa & ampla sint, & esse possint, alia tam rara & modica: Nam certè fieri non potest, ut in Rerum Naturâ, tanta sit copia Auri, quanta Ferri; tanta Rosæ, quanta Graminis; tanta Specificati, quanta non Specificati. Similitèr, Nemo, qui de *Simili & Diuerso* disseruit, satis explicauit, cur quasi perpetuò inter *Species diuersas*, interponantur *Participia* quædam, quæ sunt Speciei ambiguae; veluti Muscus inter Putredinem & Plantam; Pisces qui hærent & loco non mouentur, inter Plantam & Animal; Sorices, & Mures, & alia nonnulla, inter Animalia ex Putredine & ex Semine progenerata; Vespertiones inter Aues & Quadrupedes; Pisces volantes, (qui iam notissimi sunt) inter Aues & Pisces; Phocæ inter Pisces & Quadrupedes; & alia huiusmodi. Neque rursus causam indagauit quispiam, cur cum *Similia Similibus gaudeant*, Ferrum Ferrum non trahat, quod Magnes facit; neque Aurum ipsum Aurum, licet Argentum viuum alliciat: Circa hæc, & similia, in Disceptatione de *Transcendentibus* illis, altum est Silentium: Orationis enim Apices, non Rerum Subtilitates secuti sunt Homines. Quamobrem horum *Transcendentium*, siue *Conditionum Entium aduentitiarum* Inquisitionem veram & solidam, secundum Naturæ non Sæmonis leges, *Philosophiam Primam* recipere volumus. Atque de *Philosophia primâ* (sive de *Sophiâ*) quam

quam inter *Desiderata* haud immeritò retulimus, hæc dicta sunt.

CAPIT. II.

De Theologiâ Naturali: & Doctrina de Angelis & Spiritibus, quæ eiusdem est Appendix.



Collocatâ igitur suâ in sede, *Communi Scientiarum Parente*, instar *Berecynthiæ* tantâ gaudentis cœlesti sobole;

Omnes Cœlicolas, omnes Supera alta tenentes;

Reuertamur ad Partitionem illam trium *Philosophiarum, Diuinæ, Naturalis, & Humanae*. Nam *Theologia Naturalis, Philosophia* etiam *Diuina* rectè appellatur. Diffinitur autem hæc, ut sit talis *Scientia*, seu potius *Scientiæ* Scintilla, qualis de Deo haberi potest, per lumen Naturæ, & Contemplationem Rerum creatarum, & ratione Obiecti, sanè Diuina, ratione Informationis, Naturalis censeripotest. Huius *Scientiæ* limites ita verè signantur, ut ad Atheismum confutandum, & convincendum, & ad Legem Naturæ informandam, se extendant; ad Religionem autem austruendam non proferantur. Quamobrè nec Deus unquam edidit Miraculum, quo conuerteretur Atheus; quia poterat ipso Naturæ Lumine ad notitiam Dei perducere; verùm Miracula ad conuertendos Idolatras & Superstitiosos designata sunt, qui Numen agnouerunt, sed in Cultu eius aberrarunt; quoniam non sufficit Lumen Naturæ, Dei voluntati declarandæ, aut Cultui eius legitimo prodendo. Sicut enim Opificis potentiam & peritiam ostendunt Opera eius, Imaginem autem minimè; sic Opera Dei,

Dei, Conditoris omni-potentiam & Sapientiam ostendunt, Imaginem eius haudquaquam depingunt. Atque hâc in re, Ethnicorum Opinio à sacrâ Veritate recedit. Illi siquidem Mundum Imaginem Dei statuebant, Hominem Mundi. At Sacræ Literæ haud tali honore Mundum dignantur, ut Dei vspiciam Imago dicatur, sed solummodò Opus Manuum eius; Hominem vero Imaginem Dei immediate substituunt. Quocircà, quod sit Deus, quod Rerum Habenas tractet, quod summè Potens, quod Sapiens & Præsciis, quod Bonus, quod Remunerator, quod Vindex, quod Adorandus, etiam ex Operibus eius demonstrari, & euinci potest: & Admirabilia complura Secreta circa Attributa eius, & multò magis circa Regimen, & Dispensationem super vniuersum, etiam sobriè ex iisdem elici & manifestari queunt; estque istud Argumentum à nonnullis vtilitèr pertractatum. Verùm ex intuitu Rerum Naturalium, atque humanæ Rationis Principijs, de Fidei Mysterijs vel ratiocinari, vel etiam suadere vehementius; aut rursus ea curiosius intropicere, & ventilare, & de modo Mysterij inquirere; haud tutum meo iudicio fuerit.

De Fidei quæ Fidei sunt. Nam vel Ethnici, in illustri illâ & diuinâ, de Aurâ Gatênâ, Fabulâ, hoc ipsum concedunt, quod Iouem de Cælo ad Terras deducere nec Homines potuerunt, nec Dii; è contrario, quod Iupiter pertrahere eos potuerit è Terrâ ad Cælum. Quare frustra sudauerit, qui cœlestia Religionis Arcana, nostræ Rationi adaptare conabitur: Decebit potiùs Mentes nostras ad cœlestis Veritatis Thronum adorandum attollere. In hâc igitur parte Theologiæ Naturalis, tantùm abest ut Defectum aliquem obseruem, ut Excessum potiùs reperiam; ad quem subnotandum paulùm sum digressus, propter maxima Incommoda & Pericula, quæ ex eo tum Religioni, tum Philosophiæ impendent; vtpote qui & Religionem Hæreticam pro-

cudet,

cuder, & Philosophiam Phantasticam & Superstitionem.

Secus est, quod ad *Angelorum & Spirituum* Naturam attinet, quæ nec inscrutabilis est, nec interdicta; Ad quam etiam, ex Affinitate, quam habet cum Animâ humanâ, Aditus magnâ ex parte est patefactus. Præcipit certè Sacra Scriptura, *Nemo vos decipiat in sublimitate sermonum, & religione Angelorum, ingerens se in ea quæ non nouit.* Attamen si hoc Monitum diligentèr perpendas, duo duntaxat in eo vetita reperiēs; Adorationem scilicet, qualis Deo debetur, Angelorum; & fanaticas de ijs Opiniones, vel vltra Creaturæ sortem eos efferentes, vel ampliorem de ijs cognitionem, quam quis reuerà adeptus sit, venditantes. Cæterum sobria circa illos Inquisitio, quæ vel per Rerum Corporearum Scalam, ad eorum Naturam pernoscendam ascendat; vel in Animâ Humanâ, veluti in Speculo, eam intueatur, neutrquam prohibetur. Idem de *Spiritibus* statuendum *Immundis*, qui à Statu suo deciderunt. Consortium cum ijs, atque vsus operæ eorum, illicitus est, multò magis qualiscunque Cultus vel Veneratio. At Contemplatio & Cognitio illorum Naturæ, Potestatis, Illusionum, non solum ex locis Scripturæ Sacræ, sed ex Ratione, aut Experientiâ, haud postrema pars est Sapientiæ Spiritualis. Sic certè Apostolus, *Stragematum eius non ignari sumus.* Ac non minùs *Dæmonum* Naturam inuestigare in *Theologiâ Naturali* conceditur, quàm *Venenorum* in *Physicâ*, aut *Vitiorum* in *Ethicâ*. Hanc autem *Scientiâ* partem de *Angelis & Dæmonibus*, inter *Desiderata* numerare non licet, quippe quæ ab haud paucis sit tentata: Æquius esset, vt Scriptorum in hoc genere Pars haud parua, aut Vanitatis, aut Superstitionis, aut Subtilitatis inutilis, arguantur.

CAPVT III.

Partitio Naturalis Philosophiæ in Speculatiuam & Operatiuam: quodque illæ duæ, & in Intentione Tractantis, & in Corpore Tractatûs, segregari debeant.

Missa igitur *Theologiâ Naturali* (cui Inquisitionem de Spiritibus, vt *Appendicem* attribuimus) accedamus ad secundam Partem; videlicet illam de *Naturâ*, siue *Philosophiam Naturalem*. Optimè Democritus; *Scientiam de Naturâ, in profundis Mineris, siue Puteis latere demersam*. Non malè Chymici; *Vulcanum alteram Naturam esse; quin etiam id celeritèr perficere, quod Natura per ambages, & temporis moras solet*. Quidni igitur *Philosophiam* in duas Partes lecemus, *Fodinam & Fornacem*; & duo constituamus *Philosophorum Munera, Operarios in Mineris, & Fabros*? Sanè vtrunque videamur hæc per lusum loqui; tamen huius generis Partitionem vtilissimam esse censemus, cum proponetur Vocabulis Familiaribus & Scholasticis; hoc est, vt diuidatur *Doctrina de Naturâ, in Inquisitionem Causarum, & Productionem Effectuum; Speculatiuam & Operatiuam*. Altera *Naturæ Viscera* perscrutatur; altera *Naturam* veluti super Incudem efformat. Neque me fugit quam arcto copulentur vinculo, *Causæ & Effectus*, vt Explicationem eorum aliquatenus coniungi sit necesse. Attamen quandoquidè omnis solida & fructuosa *Naturalis Philosophia*, duplicem adhibeat Scalam, eamque diuersam; *Ascensoriam & Descensoriam*; Ab *Experientiâ* ad *Axiomata*, & ab *Axiomatibus* ad *noua Inuenta*; consultissimum iudico, vt hæ duæ Partes, *Speculatiua & Operatiua*, & in Intentione Tractantis, & in Corpore Tractatûs, separentur.

CAPVT IV.

Partitio Doctrinæ Speculatiuæ de Naturâ, in Physicam Specialem, & Metaphysicam: quarum Physica Causam Efficientem & Materiam; Metaphysica Causam Finale[m] & Formam inquirat. *Partitio* Physicæ in Doctrinas de Principijs Rerum, De Fabricâ Rerum siue de Mundo, & De Varietate Rerum. *Partitio* Physicæ de Varietate Rerum, in Doctrinam de Concretis, & Doctrinam de Abstractis. *Partitio* Doctrinæ de Cōcretis, reijcitur ad easdem Partitiones, quas suscipit Historia Naturalis. *Partitio* Doctrinæ de Abstractis in Doctrinam de Schematismis Materiæ, & Doctrinam de Motibus. *Appendices* duæ Physicæ Speculatiuæ, Problemata Naturalia, Placita Antiquorum Philosophorum. *Partitio* Metaphysicæ, in Doctrinam de Formis, & Doctrinam de Causis Finalibus.



Naturalis Philosophiæ Partem, quæ Speculatiua est, & Theorica, in Physicam Specialem, & Metaphysicam diuidere placet. Atque in hac Partitione attendant Homines, nos Vocabulum Metaphysicæ usurpare, Sensu, à recepto & vulgato,

vulgato, discrepanti. Hic autem Locus admonendi videtur, de nostro, in genere, circa vsum Vocabulorum, instituto. Id huiusmodi est, vt tam in præmisso Vocabulo *Metaphysica*, quam in alijs, vbi Conceptus & Notiones nostræ novæ sunt, & à receptis recedunt, maximâ certè cum Religione Antiqua Vocabula retineamus. Cùm enim futurum speremus, vt Ordo ipse, & dilucida rerum Explicatio, quam subiungere conamur, nos à prauâ vocabulorum (quibus vtimur) intelligentia liberent; in cæteris omninò auemus (quatenus sine Veritatis ac Scientiarum dispendio fieri possit) vel minimùm, ab Antiquorum aut Opinionibus, aut Loquendi More deflectere. Quâ in re Aristotelis confidentiam prouide subit mirari, qui impetu quodam periclitus Contradictionis, & Bellum vniuersæ Antiquitati indicens, non solum noua Artium Vocabula pro libitu cudendi licentiam vsurpauit; sed etiâ priscam omnem Sapientiam extinguere & delere annisus est. Adeo vt neque nominet vliam Authores Antiquos, neque Dogmatum eorum mentionem vllam faciat, nisi quò aut Homines perstringeret, aut Placita redargueret. Sanè si famam Nomini suo, ac Sequacium Turbam affectauerit, hoc rationibus suis inprimis accommodatum. Siquidem in Veritate Philosophicâ asserendâ, & recipiendâ, idem contingit, quod in Veritate diuinâ; *Veni in nomine Patris, nec recipitis me; si quis venerit in nomine suo, eum recipietis.* Sed ex hoc cœlesti Aphorismo, si quem præcipuè designauerit spectemus; (nempe Antichristum omnium seculorum Impostorem maximum) colligere licet, istud ipsum, *Venire in nomine suo*, nullâ Antiquitatis, aut (si ita loqui licet) Paternitatis habitâ ratione, Rem mali Ominis esse ad Veritatem; vtcunque eam sæpenumerò comiteretur illa Fortuna, *Eum recipietis.* Cæterùm de Viro tam eximio certè, & ob Acumen Ingenij mirabili, Aristotele, crediderim

derim facilè hanc Ambitionem cum à Discipulo suo accepisse, quem fortassè æmulatus est; vt si ille omnes Nationes, hic omnes Opiniones subigeret, & Monarchiam quandam in Contemplationibus sibi conderet. Quanquàm fieri possit, vt apud aliquos tetricos, & linguæ acerbæ, simili cum Discipulo suo titulo insigniretur.

Fœlix terrarum prædo, non vtile mundo

Editus exemplum: —

Eodem modo,

Fœlix Doctrinæ prædo &c.

Nobis verò ex alterâ parte, (quibus, quantum calamo valemus, inter vetera & noua in Literis, fœdus & commercium contrahere, cordi est) decretum manet, Antiquitatem comitari *Vsq̃ue ad aras*; atque Vocabula Antiqua retinere, quanquam Sensum eorum & Diffinitiones sæpiùs immutemus; Secundùm moderatum illum & laudatum, in Ciuilibus, nouandi modum, quo Rerum Statu nouato, Verborum tamen Solennia durent; quod notat Tacitus; *Eadem magistratuum Vocabula.*

Redeamus igitur ad Acceptionem Vocabuli *Metaphysicæ*, nostro sensu. Patet ex ijs, quæ suprâ differuimus, disiungere nos *Philosophiam primam* à *Metaphysicâ*, quæ haftenùs pro Re eâdem habitæ sunt. Illam *Communem Scientiarum parentem*, hanc *Naturalis Philosophie portionem* posuimus. Atqui *Philosophiæ primæ* communia & promiscua *Scientiarum Axiomata* assignauimus. Etiàm *Relatiuas, & Aduentitias Entium Conditiones* (quas *Transcendentes* nominauimus) *Multum, Paucum; Idem, Diuersum; Possibile, Impossibile*; & hoc genus reliqua, eidem attribuimus; id solummodò cauendo, vt Physicè, non Logicè tractentur. At Inquisitionem de Deo, *Vno, Bono, Angelis, Spiritibus*, ad *Theologiam Naturalem* retulimus. Meritò igitur quæri possit, quid tandem sit, quod *Metaphysicæ* relinquatur? Certè

ultra Naturam nihil ; sed ipsius Naturæ Pars multò præstantissima. Atque profectò, citra Veritatis dispendium, huc usque de Veterum Sententiâ respondere liceat, *Physicam* ea tractare, quæ penitus in Materiâ merfa sunt, & Mobilia ; *Metaphysicam* Abstracta magis, & Constantia. Rursus *Physicam* in Naturâ supponere Existentiâ tantum & Motum & Naturalem Necessitatem : At *Metaphysicam* etiâ Mentem & Idæam. Nam huc fortè redit ea, quam dicemus, Res. Verum nos eam, missâ Sermonis Sublimitate, perspicuè & familiaritèr proponemus. Partiti sumus Naturalem Philosophiam, in *Causarum Inquisitionem*, & *Productionem Effectuum*. *Inquisitionem Causarum* in *Theoricam* coniecimus. Eam in *Physicam* & *Metaphysicam* partiti sumus. Ergo necesse est, ut vera Differentia harum sumatur ex naturâ Causarum, quas inquirent. Itaque absque aliquâ obscuritate, aut circuitione, *Physica* est quæ inquit de *Efficiente & Materiâ* ; *Metaphysica* quæ de *Formâ & Fine*.

Physica igitur, *Causarum* Vaga, & Incerta, & pro modo Subiecti, Mobilia complectitur ; *Causarum* Constantiam non assequitur.

*Limus ut hic durescit, & hæc ut cera liquefit,
Vno eodemq; igne. —*

Ignis duritici Causa, sed in Limo ; Ignis Colliquationis Causa, sed in Cerâ. Partiemur autem *Physicam* in *Doctrinas* tres. *Natura* enim aut collecta in vnum ; aut fusa & sparsa est. Colligitur verò in vnum *Natura*, aut propter *Communia Rerum omnium Principia* ; aut propter *unicam integram vniuersi Fabricam*. Itaque hæc *Vnio Naturæ* duas peperit *Physicæ* Partes : vnam de *Principijs Rerum* ; alteram de *Fabrica Vniuersi* siue de *Mundo*, quas etiâ *Doctrinas de Summis* appellare consueuimus. Tertia *Doctrina* (quæ de *Naturâ sparsâ* siue *fusâ* tractat) *omnimodam Rerum Varietatem*, & *Summas minores*

minores exhibet. Ex his igitur patet tres omninò reperiri *Doctrinas physicas*. De *Principijs Rerum*; De *Mundo* siue de *Fabricâ Rerum*; & de *Naturâ multiplici* siue *sparsâ*; Quæ postrema (vt diximus) omnimodam *Rerum* varietatem continet; estque veluti *Glossa prima*, aut *Paraphrasis circa Naturæ Interpretationem*. Harum trium *Partium desideratur* totalitèr nulla; Cæterum quam verè & solidè tractentur, non est hic diffiniendi *Locus*.

At *Physicam Sparsam* siue de *Varietate Rerum*, rursus in duas *Partes* diuidemus; *Physicam de Concretis*, & *Physicam de Abstractis*; siue *Physicam de Creaturis*, & *Physicam de Naturis*. Altera (vt *Logicis Vocabulis* utamur) inquit de *Substantijs*, cum omni varietate suorum *Accidentium*: Altera de *Accidentibus*, per omnem varietatem *Substantiarum*. Veluti, si inquiratur de *Leone*, aut *Quercu*, illa complura diuersa *Accidentia* suffulciunt: Contrà, si inquiratur de *Calore* aut *Grauitate*, illa plurimis distinctis *Substantijs* insunt. Cùm verò omnis *Physica*, sita sit in medio, inter *Historiam Naturalem* & *Metaphysicam*; Prior Pars (si rectè aduertas) *Historiæ Naturali* propior est, posterior *Metaphysicæ*. *Physica* autem *Concreta* eandem subit *Diuisionem*, quam *Historia Naturalis*; vt sit vel circa *Cælestia*; vel circa *Meteôra*; vel circa *Globum Terræ & Maris*; vel circa *Collegia Maiora*, quæ *Elementa* vocant; vel circa *Collegia Minora*, siue *Species*; etiâ circa *Præter-generationes*; & circa *Mechanica*. Etenim in hisce omnibus, *Historia Naturalis* Factum ipsum perscrutatur & refert; at *Physica* itidem *Causas*: sed intellige hoc de *Causis Fluxis*, *Materiâ* scilicet & *Efficiente*. Inter hasce *Physicæ Portiones*, manca prorsus & imperfecta est ea, quæ inquit de *Cælestibus*, cùm tamen propter *Nobilitatem Subiecti* præcipuè *Homini*bus curæ esse deberet. Etenim *Astronomia* fundata est in

in Phœnomenis non malè; sed humilis est, & minimè etiàm solida: At *Astrologia* in plurimis etiàm Fundamento caret. Certè *Astronomia* talem offert Humano Intellectui Victimam, qualem Prometheus olim, cum fraudem Ioui fecit: Adduxit ille, loco Bouis veri, Pellem Bouis, grandis & pulchri, Stramine, & Folijs, & Viminibus luffarcinatam. Exhibet similiter & *Astronomia*, Exteriora Cœlestium (Astrorum dicimus Numerum, Situm, Motus, Periodos) tanquam Pellem Cœli, pulchram, & in Systemata fabrè concinnatam: At Viscera desunt (Rationes nempe *Physicæ*) ex quibus (*Hypothesibus Astronomicis* adiunctis) cruatur Theoria; non quæ Phœnomenis tantùm satisfaciât, (cuius generis complures ingeniosè confingi possent;) sed quæ Substantiam, & Motum, & Influxum Cœlestium, prout reuerà sunt, proponat. Explora enim ferè iam pridem sunt illa; *Raptus Primi Mobilis*; & *Soliditas Cœli* (stellis in Orbibus suis tanquam Clavis in Laquearibus infixis.) Nec multò meliùs asseritur; Quod sint *diuersi Poli* Zodiaci & Mundi; Quod sit *Secundum Mobile* Renitentia in aduersum Primi Mobilis Raptus; Quod omnia in Cœlo ferantur per *Circulos perfectos*; Quod sint *Eccentrici*, & *Epicycli*, quibus Motuum in Circulis perfectis Constantia seruetur; Quod à Lunâ in superius nulla sit *Mutatio* aut *Violentia*; & huiusmodi. Atque harum Suppositionum Absurditas, in Motum Terræ Diurnum (quod nobis constat falsissimum esse) Homines impegit. At vix quisquam est, qui inquisit Causas Physicas, tum de *Substantiâ Cœlestium* tam Stellari quam interstellari; tum de *Celeritate & Tarditate* Corporum Cœlestium ad inuicem; tum de *Incitatione Motus diuersâ* in eodem Planetâ; tum de *Motuum Consecutione* ab Oriente in Occidentem, aut è contrâ; deque *Progressionibus*, *Stationibus*, & *Retrogradationibus*; tum de *Motuum Sublatione*, & *Casu*, per *Apogœa* & *Perigœa*;

rigæa; tum de *Motuum Obliquatione*, vel per *Spiras* se
versus *Tropicos* texendo & retexendo, vel per *Sinuati-*
ones, quas *Dracones* vocant; tum de *Polis Rotationum*,
cur magis in tali Parte *Coeli* firi sint, quam in aliâ; tum
de *Alligatione quorundam Planetarum* ad *Distantiam*
certam à *Sole*: Huius (inquam) generis *Inquisitio*
vix tentata est, sed in *Mathematicis* tantum *Observa-*
tionibus & Demonstrationibus includatur. Eæ autem
ostendunt, quomodo hæc omnia ingeniosè concin-
nari & extricari possint, non quomodo verè in *Na-*
turâ subsistere; Et *Motus* tantum *Apparentes*, & *Ma-*
chinam ipsorum *Fictitiam*, & ad placitum dispositam,
non *Causas* ipsas, & *Veritatem Rerum* indicant. Quo-
circa non malè *Astronomia* (qualis nunc habetur) in-
ter *Artes Mathematicas*, non sine *Dignitatis* suæ dispen-
dio numeratur; cum debeat potius (si proprias *Partes*
tueri velit) constitui *Physica* pars quasi nobilissima.
Quicumque enim *Superlunarium & Sublunarium* confi-
cta *Diuortia* contemplerit; & *Materie Appetitus &*
Passiones maximè *Catholicas*, (quæ in utroque *Globo*
validæ sunt, & *Vniuersitatem Rerum* transuerberant)
benè perspexerit; is ex illis, quæ apud nos cernuntur,
luculentam capiet de *Rebus Cælestibus* *Informationem*;
& ab ijs è contrâ, quæ in *Cælo* fiunt, haud pauca de
Motibus Inferioribus (qui nunc latent) perdiscet; non
tantum quatenus hi ab illis regantur, sed quatenus ha-
beant *Passiones communes*. Quamobrè hanc *Partem*
Astronomiæ, quæ *Physica* est, desiderari statuiamus. Eam
Astronomiam Piuam nominabimus, ad *Differentiam*
Bouis illius *Promethæi*, *Suffarcinati*, & solummodo
Figurâ tenus *Bouis*.

At *Astrologia* multâ *Superstitione* referta est, ut vix
aliquid sanum in eâ reperiat. Attamen eam potius
expurgandam, quam prorsus abiciendam esse cense-
mus. Quod si quis hanc *Scientiam*, non in *Ratione*,

aut *Contemplationibus Physicis*; sed in *cæcâ Experientiâ*, & complurium Seculorum Observatione, fundatam esse contendat; ideoque *Rationum Physicarum* Examen reiiciat (quod iactabant Chaldæi) is eadem operâ & Auguria reuocet, & Aruspicinam, & Extâ, & omni-genas Fabulas deglutiat; Nam & hæc omnia, vt diuina Experientiâ, & per Manus traditæ Disciplinæ, Dictamina fuisse afferebantur. Nos verò, & vt *Physicæ* Portionem *Astrologiam* recipimus, & non plus ei, quam Ratio & Rerum Euidentiâ concedit, tribuimus; demptis Superstitionibus & Commentis. Vt verò Rem paulò attentius introspeciamus; Primò, quam inane illud Commentum; Quod singuli *Planetae vicissim per Horas* regnent, vt Spatio viginti quatuor Horarum, Regna sua ter repetant, præter Horas tres supernumerarias? Attamen hoc Commentum nobis Diuisionem Hebdomadæ (Rem tam Antiquam, & tam latè Receptam) peperit; vt ex Alternatione Dierum manifestissimè patet; cum in Principio Diei sequentis, regnet semper *Planeta*, à *Planeta* prioris Diei, Quartus; propter tres illas Horas, quas diximus supernumerarias. Secundò, pro Commento vano reiicere non dubitamus, *Doctrinam de Thematibus Cæli*, ad *Puncta Temporis certa*, cum *Distributione Domorum*; ipsas scilicet *Astrologiæ Delicias*, quæ Bacchanalia quædam in Cælestibus exercuerunt: Nec satis mirari possumus, Viros quosdam egregios, & in *Astrologiâ* Principes, tam leui ad ista astruenda Argumento innixos esse: Aiunt enim, quandò illud prodat Experientiâ ipsa, *Solstitia*, *Æquinoctia*, *Novilunia*, *Plenilunia*, & huiusmodi Stellarum *Reuolutiones maiores*, manifestò & insignitè operari super Corpora Naturalia; necesse esse vt *Positura Stellarum magis exactæ & subtiliores*, Effectus quoque magis exquisitos & occultiores producant. Illi verò seponere primò debuerant, *Operationes Solis per Calorem*

mani-

manifestum; & similiter *Luna* vim quandam *Magnetica*m, super Incrementa *Æstuum* semimensestrua: (Nam *Fluxus* & *Refluxus* *Maris* quotidianus alia *Res* est.) His verò sepositis, *reliquas Planetarum vires* super Naturalia (quatenus *Experientiâ* comprobantur) tenues admodum, & infirmas, & quasi latitantes reperient, etiâ in *Reuolutionibus Maioribus*. Quare contrario prorsus modo concludere debuerant; nimirum cum *Reuolutiones* illæ *Maiores* tam parum possint; *Exactas* illas & *Minutas Positurarum Differentias* nihil omnino virium obtinere. Tertiò *Fatalia* illa, quod *Hora* *Natiuitatis* aut *Conceptionis* *Fortunam* *Fœtus* regat, *Hora* *Inceptionis* *Fortunam* *Incepti*, *Hora* *Quæstionis* *Fortunam* *Rei Inquisitæ*, atque (vt verbo dicamus) *Doctrinas de Natiuitatibus, Electionibus, & Quæstionibus*, & istiusmodi *Leuitates*, maximâ ex *Parte*, nihil certi aut solidi habere, & *Rationibus* *Physicis* planè redargui & euinci, iudicamus. Illud igitur magis attinet dicere, quid tandem in *Astrologicis* retineamus, aut probemus? Atque in ijs quæ probamus, quid desideremus? Nam huius postremæ *Rei* gratiâ (nempe eius quod desideratur) sermonem hunc instituimus, cum aliàs *Censuris* (vt sæpè diximus) non vacemus. Atque inter recepta certè, *Doctrinam de Reuolutionibus*, plus *Salutatis* quam reliqua habere censemus. Verùm id optimum factum foret, si *Regulas* quasdam præscribamus, ad quarum *Trutinam* & *Normam*, *Astrologica* examinentur; vt *utilia* retineantur, *reijciantur* *inania*. Prima ea sit, de quâ iam antè monuimus. *Reuolutiones* *Maiores* retineantur, valeant *Minores* *Horoscoporum* & *domorum*. Illæ instar *Tormentorum* grandium *ictus* suos à longinquo iacere queant, hæ tanquam *Arcus* *Minores* *Spacia* euadere & vires deferre non possunt. Secunda est; *Operatio Cœlestium in Corpora omnigena non valet, sed tantum in teneriora*, qualia sunt *Humores*, *Aer*, & *Spiri-*

Spiritus: Atque hic tamen excipimus Operationes Caloris, Solis & Coelestium, qui & ad Metalla, & ad plurima Subterranea proculdubio penetrat. Tertia est; *Omnis Operatio Coelestium, potius ad Massas Rerum extenditur, quam ad Individua*: Oblique tamen pervenit etiam ad Individua nonnulla: Illa scilicet, quæ ex Individuis eiusdem Speciei sunt maximè Passibilia, & tanquam Cera mollior; veluti cum Constitutio Aeris pestilens, Corpora minùs resistentia occupat; magis resistentia præterit. Quarta est præcedenti non dissimilis; *Omnis Operatio Coelestium, non in Puncta Temporum, aut Angustias minutas; sed in Spatia Maiora defluit & dominatur*: Itaque Prædictiones de Temperaturis Anni, veræ esse possint; de Diebus singulis, pro vanis meritò habentur. Postrema est; (quæ etiam prudentioribus Astrologis semper placuit) quod *Nulla infit Astris Fatalis Necessitas*; sed quod inclinent ea potius quam cogant. Addimus & illud, (in quo in Partes Astrologia, si fuerit emendata, non obscure venire videbimur) nimirum quod nobis pro certo constet, Coelestia in se habere alios quosdam Influxus, præter Calorem & Lumen. Qui tamen ipsi, secundum Regulas illas, quas iam posuimus, & non aliter, valent. Verum illi in intimâ Physicâ latent, & longiorem Dissertationem postulant. Visum est igitur nobis (his quæ diximus ritè perpensis) inter *Desiderata* reponere Astrologiam his Principijs nostris consentaneam; Atque sicut Astronomiam, quæ Physicis Rationibus nitatur, Astronomiam Viuam nominauimus; ita & Astrologiam, quæ per eandem regitur, Astrologiam Sanam appellare placet. Circa quam rectè conficiendam, licet ea quæ diximus non parùm profutura sint; pauca tamen addemus, more nostro, quæ liquidò proponent, & ex quibus sit coagmentanda; & ad quæ adhibenda. Primò in Astrologiam Sanam recipiatur Doctrina de Commixtionibus Radiorum,

Coniunctionibus scilicet & Oppositionibus, & reliquis Syzygijs, siue Aspectibus Planetarum inter se: Planetarum autem, per Signa Zodiaci Pertransitum, & Locationem sub iisdem Signis, etiam huic Parti, de Commixtionibus Radiorum, assignamus: Locatio enim Planetæ sub Signo, est Coniunctio quædam eiusdem cum Stellis Signi: Quinetiam sicut Coniunctiones, ita & Oppositiones, & reliquæ Syzygiæ Planetarum erga stellas Signorum notandæ sunt, quod adhuc plenè factum non est. At Commixtiones Radiorum Stellarum Fixarum ad inuicem, vtilis quidem sunt ad Contemplationem de Fabricâ Mundi, & Regionum subiacentium Naturâ; ad Prædictiones minimè, quia semper eodem modo se habent. Secundò recipiantur Accessiones singulorum Planetarum propius ad Perpendiculum, aut Recessiones ab ipso, secundum Regionum Climata: Habent enim Planetæ singuli, non minùs quam Sol, suas Æstates, suas Hyemes; in quibus fortius aut infirmius Radios iaciant, propter rationem Perpendiculi. Etenim nobis dubium non est, quin Luna posita in Leone, fortius operetur super Corpora Naturalia, apud nos, quam posita in Piscibus: Non quod Luna sub Leone ad Cor respiciat, sub Piscibus ad Pedes (sicut fabulantur;) sed propter Eleuationem versùs Perpendiculum, & Approximationem ad Stellas maiores, eadem prorsus ratione quâ & Sol. Tertiò recipiantur Apogæa & Perigæa Planetarum, cum debitâ disquisitione, ad quæ pertineat Planeta Vigor in seipso, ad quæ Vicinitas ad nos. Planeta enim in Apogæo, siue Exaltatione suâ, magis alacer est; in Perigæo autem, siue Casti suo, magis communicat. Quartò recipiantur (vt summam dicamus) omnia reliqua Accidentia Motûs Planetarum, quales singulorum in Itinere suo Accelerationes, Retardationes, Progressus, Stationes, Retrogradationes; quales Distantiæ à Sole, Combustiones,

Augmenta & Diminutiones Luminis, Ecclipses, & si quæ sint alia? Etenim faciunt hæc omnia, ut Planetarum Radij, vel fortius, vel debilius, diuersis denique modis & virtutibus, operentur. Atque quatuor ista ad Radiationes Stellarum spectant. Quinto recipiantur, quæ Naturas Stellarum, siue Erraticarum, siue Fixarum, in propriâ suâ Essentiâ, & Actiuitate, reserare & detegere vilo modo queant; Qualis Magnitudo; Qualis Color & Aspectus; Qualis Scintillatio & Vibratio Luminis; Qualis Situs versu Polos aut Æquinoctium; Quales Asterismi; Quæ alijs Stellis magis immixtæ, quæ magis solitariae; Quæ superiores, quæ inferiores; Quæ ex Fixis intra vias Solis & Planetarum (Zodiacum scilicet,) quæ extra; Quis ex Planetis velocior, quis tardior; Quis moueatur in Ecclipticâ, quis peruagetur in Latitudine; Quis possit esse retrogradus, quis minimè; Quis patiatur omnimodam distantiam à Sole, quis alligetur; Quis moueatur celerius in Apogæo, quis in Perigæo; Denique Anomalia Martis, Expatiatio Veneris, & Labores siue Passiones admirandæ, quæ non semel & in Sole, & in Venere deprehensæ sunt, & si quæ sint alia? Postremò recipiantur etiâ ex traditione, Nature & Inclinationes Planetarum particulares; atque etiâ Stellarum Fixarum; quæ, quandoquidè magno consensu tradantur, non leuiter (præterquàm ubi cum Physicis Rationibus planè discordant) reiiciendæ sunt. Atque ex talibus Observationibus coagmentatur Astrologia sana; & secundum eas tantùm, Schemata Cœli & componere & interpretari, oportet.

*Adhibetur autem Astrologia sana; Ad Predictiones fidentiùs, ad Electiones cautiùs, ad vtraque autem intra Terminos debitos. Predictiones fieri possunt, de Cometis futuris, qui (ut nostra fert Coniectura) prænunciari possunt; & de omni genere Meteororum, de Diluvijs, Siccatibus, Ardoribus, Conglaciationibus, Terre Motibus, Ir-
ruptionibus*

*ruptionibus Aquarum, Eruptionibus Ignium, Ventis & Plu-
uijs maioribus, Anni varijs tempestatibus, Pestilentijs,
Morbis grassantibus, Vbertate & Caritate Frugum, Bellis,
Seditionibus, Sectis, Transmigrationibus Populorum, deni-
que de omnibus Rerum vel Naturalium vel Ciuilium
Motibus, aut Innouationibus maioribus: Ad magis autem
Specialia, & fortè Singularia, Predictiones istæ (licet
minore certitudine) deduci possint, si repertis primò
huiusmodi Temporum Inclinationibus generalibus,
acri iudicio vel Physico vel Politico, applicentur illis
Speciebus aut Indiuiduis, quæ huiusmodi Accidenti-
bus maximè sint obnoxia; veluti si quis ex præcogni-
tione Tempestatum Anni, eas reperiet (exempli gratiâ)
magis Oleis quam Vitibus, magis Phthificis quam
Hepaticis, magis Incolis Collium quam Vallium, ma-
gis Monachis quam Aulicis (propter Victûs rationem
diuersam) propitias aut perniciosas. Aut si quis
ex Cognitione Influxûs, quem Coelestia habent su-
per Spiritus humanos, reperiat eum talem esse, vt ma-
gis Populis quàm Regibus, magis Viris Doctis
& Curiosis, quam Animosis & Militaribus, ma-
gis Voluptarijs, quam Negotiosis aut Politicis, fa-
ueat aut aduersetur. Huiusmodi autem innumera
sunt, sed (quemadmodùm diximus) non tantùm Cog-
nitionem illam generalem, quæ sumitur ex Astris (quæ
sunt Agentia) verùm etiàm particularem Subiecto-
rum (quæ sunt Passiua) requirunt. Neque *Electiones*
prorsus reiiciendæ sunt; sed parciùs illis quam *Predicti-
onibus* fidendum. Videmus enim in Plantationibus,
& Seminationibus, & Infectionibus, Ætatum Lunæ
Observationes, non esse res omninò friuolas. Sunt &
multa eius generis. Verùm & *Electiones* istæ, etiàm
magis quam *Predictiones*, per nostras Regulas cohi-
bendæ sunt. Atque illud semper attendendum; valere
Electiones, in illis tantùm casibus, vbi & Virtus Cœ-
lestium*

lestium talis sit, quæ non subito transeat; & Actio Inferiorum similiter talis, quæ non statim absoluator; quemadmodum sit in illis Exemplis quæ memorauimus: Nam nec Incrementa Lunæ subito transiguntur, nec Incrementa Plantarum. Punctualitas verò temporis omnino repudianda. Inueniuntur autem & talia complura (quod quis minus putet) in *Electionibus circa Ciuilia*. Quod si quis nos compellat eo nomine, quod ex quibus ista *Astrologia* emendata elici possit; & rursus ad quæ vtiliter adhiberi, aliquid monstrauius; quis verò sit eliciendi Modus, neutiquam docuimus; ille minus æquus fuerit, cum Artem ipsam (cuius Debitores non sumus) à nobis exigat. Hoc tamen circa illud ipsum, quod petit, monebimus; Quatuor tantum esse Modos, quibus ad hanc Scientiam Via sternatur. Primò per *Experimenta Futura*; Dein per *Experimenta præterita*; Rursus per *Traditiones*; vltimò per *Rationes Physicas*. Atque quod ad *Experimenta Futura*, quid attinet dicere? cum illa Seculis compluribus ad eorum Copiam comparandam indigeant, vt de iisdem Cogitationem suscipere frustra fuerit? Quod verò ad *Experimenta Præterita*; Ea certè in Manu Hominum sunt; licet Res sit laboriosa, & multi otij. Possint enim *Astrologi* (si sibi non desint) omnes *Casus Maiores*, (veluti Inundationes, Pestilentias, Prælia, Seditiones, Mortes Regum (si placet,) & similia) ex Historiæ fide depromere; & Situm Cœlestium, non secundum Thematum subtilitatem, sed iuxta Regulas eas Reuolutionum, quæ à nobis adumbratæ sunt, qualis fuerit sub iisdem temporibus, intueri; vt vbi manifestus fuerit Euentuum Consensus & Conspiratio, ibi *Predictionis* Norma probabilis constituatur. Quatenus ad *Traditiones*; Eas ita ventilare oportet, vt quæ cum *Rationibus Physicis* manifestò pugnent, è medio tollantur; quæ verò cum ijs benè consentiant, etiã

Auctoritate suâ valeant. Quantum denique ad *Physicas Rationes*; Illæ maximè huic Inquisitioni accommodatæ sunt, quæ de Catholicis Materiæ Appetitibus, & Passionibus; & de Motibus Corporum simplicibus & genuinis inquirunt. His enim Alis ad Cœlestia ista Materiata ascenditur tutissimè. Atque de *Astrologiâ sanâ* hætenus.

Infantiæ autem *Astrologica*, (præter ea quæ à principio notauimus Commenta) alia quædam Portio superest non prætermittenda; quæ tamen ab *Astrologiâ* secludi solet, & in *Magiam*, quam vocant, *Cœlestem* transferri. Ea nacta est mirum Commentum Ingenij humani, nimirum, vt *Beneuolus aliquis Situs Astrorum*, in *Sigillis* aut *Signaculis* (puta Metalli, aut Gemmæ alicuius ad Intentionem propriæ) excipiatur, quæ Horæ eius *Fœlicitatem* aliàs præteruolaturam detineant, & quasi volatilem figant. Quemadmodum grauior ille conqueritur, de tam Nobili apud Antiquos Arte, iampridem amissâ.

Annulus infuso non viuit mirus Olympo,

Non magis ingentes humili sub lumine Phæbos

Fert Gemma, aut celsò diuulsas cardine Lunas.

Certè Reliquias Sanctorum, earumque Virtutes, recepit Ecclesia Romana (neque enim in Diuinis & Immaterialis Fluxus temporis obest) verum vt condantur Reliquiæ Cœli, quò Hora, quæ recessit, & tanquam mortua est, reuiuifcat & continuetur, mera est Superstitio. Missa igitur hæc faciamus, nisi fortè Musæ Aniculæ iam factæ sint.

Physicam Abstractam in duas Partes rectissimè diuidi posse statuiimus; *Doctrinam de Schematismis Materiæ*, & *Doctrinam de Appetitibus & Motibus*. Utrosque cursim enumerabimus, vnde veræ *Physicæ de Abstractis* Adumbratio quædam deduci possit. *Schematismi Materiæ* sunt, *Densum, Rarum; Graue, Leue; Calidum, Frigidum; Tangibile,*

Tangibile, Pneumaticum; Volatile, Fixum; Determinatum, Fluidum; Humidum, Siccum; Pingue, Crudum; Durum, Molle; Fragile, Tenfile; Porosum, Vnitum; Spirituosum, Ieiunum; Simplex, Compositum; Absolutum, imperfectè Mistum; Fibrosum atque venosum, simplicis positurae siue æquum; Similare, Dissimilare; Specificatum, non Specificatum; Organicum, Inorganicum; Animatum, Inanimatum; neque ultra rem extendimus. Sensibile enim & Insensibile, Rationale & Irrationale, ad Doctrinam de Homine reijcimus. Appetituum verò & Motuum duo genera sunt: Sunt enim vel Motus Simples, in quibus Radix omnium Naturalium Actionum continetur, pro ratione tamen Schematismorum Materie; vel Motus Compositi siue Producti; à quibus ultimis recepta Philosophia, (quæ parùm de Corpore Naturæ stringit) auspiciatur. Debent autem haberi huiusmodi Motus Compositi, (quales sunt Generatio, Corruptio, & reliqui) pro Pensis quibusdam, aut Summis Motuum Simplicium, potius quam pro Motibus Primitiuis. Motus simplices sunt, Motus Antitypiæ, quem vulgò Motum, ne fiat Penetratio Dimensionum, vocant; Motus Nexûs, quem Motum ex Fugâ Vacui appellant; Motus Libertatis, ne detur Compressio aut Extensio Præternaturalis; Motus in Sphæram nouam, siue ad Rarefactionem & Condensationem; Motus Nexûs secundi, siue ne detur solutio Continuatis; Motus Congregationis Maioris, siue ad Massas Connaturalium suorum, qui vulgò dicitur Motus Naturalis; Motus Congregationis Minoris, qui vulgò dicitur Sympathiæ & Antipathiæ; Motus Disponens, siue ut Partes benè collocentur in Toto; Motus Assimilationis siue Multiplicationis Naturæ suæ super aliud; Motus Excitationis, ubi Agens nobilius Motum in alio latentem & sopitum excitat; Motus Sigilli siue Impressionis, Operatio scilicet absque communicatione Substantiæ; Motus Regius, siue Cohibitio reliquorum

rum Motuum à Motu prædominante; *Motus absque termino*, siue *Rotatio spontanea*; *Motus Trepidationis*, siue *Systoles & Diastoles*, Corporum scilicet, quæ locantur inter *Commoda & Incommoda*; Postremo *Decubitus*, siue *Exhorrentia Motûs*, quæ etiâ plurimarum Rerum est *Causatiua*. Huiusmodi sunt *Motus Simples*, qui ex *Penetralibus Naturæ* verè prodeunt; quique *Complicati*, *Continuati*, *Alternati*, *Frænati*, *Repetiti*, & multis modis aggregati, *Motus illos Compositos*, siue *Summas Motuum*, quæ receptæ sunt, aut illis similes constituent. *Summa Motuum*, sunt decantati illi *Motus*, *Generatio*, *Corruptio*; *Augmentatio*, *Diminutio*; *Alteratio*, & *Latio*; Etiâ *Mixtio*, *Separatio*, *versio*. Superfunt tantum tanquàm *Appendices Physicæ*, *Mensuræ Motuum*; Quid possit *Quantum*, siue *Dosis Naturæ*? Quid possit *Distância*, id quod *Orbis Virtutis* siue *Actiuitatis* non malè vocatur? Quid possint *Incitatio & Tarditas*? Quid brevis aut longa *Mora*? Quid *Vis* aut *Hebetudo rei*? Quid *Stimulus Peristaseos*? Atque hæ sunt *Physicæ* veræ de *Abstractis* *Partes genuinæ*. Etenim, in *Schematismis Materie*, in *Motibus Simplicibus*, in *Summis* siue *Aggregationibus Motuum*, & in *Mensuris Motuum*, *Physicæ de Abstractis* absoluitur. Nam *Motum voluntarium in Animalibus*; *Motum qui fit in Actionibus Sensuum*; *Motum phantasiæ*, *Appetitûs & Voluntatis*; *Motum Mentis*, *Decreti*, & *Intellectualium*; ad proprias *Doctrinas* amandamus. Illud tamen iteratò monemus, *Vniuersa hæc* quæ diximus, in *Physicâ* non vlteriùs tractari, quam vt inquirantur *Materia & Efficiens* ipsorum: *Retractantur enim in Metaphysicâ*, quoad *Formas & Fines*.

Physicæ subiungemus *Appendices insignes duas*, quæ non tam ad *Materiam*, quam ad *Modum Inquisitionis* spectant; *Problemata Naturalia*; & *Placita Antiquorum Philosophorum*. Prior *Naturæ multiplicis* siue *Sparsæ* Ap-

pendix est; Secunda *Natura unite* siue *Summarum*: Vtraque ad solertem *Dubitationem* pertinet, quæ *Scientie* Pars est non contemnenda: Nam *Problemata Particulares Dubitationes* complectuntur; *Placita generales*; circa *Principia & Fabricam Problematum* Exemplum nobile est in Libris Aristotelis: Quod genus Operis meruit certè, non solum vt Posteriorum laudibus celebraretur, verum etiam vt eorum Laboribus continuaretur; cum *Dubitationes* indies oriantur nouæ. Attamen in hac re adhibenda est Cautio, magni vtique momenti. *Dubiorum Commemoratio & Propositio* duplicem in se habet fructum; Vnum quod *Philosophiam* muniat contra Errores; quando id quod non planè liquet, non iudicatur, aut asseritur, (ne Error Errorem gigneret) sed suspenditur de eo iudicium, & non fit positium: Alterum, quod *Dubitationes*, in codicillos relatae, totidem Spongiæ sunt, quæ Incrementa Scientiæ perpetuò ad se sugant, & alliciant; vnde fit vt illa, quæ, nisi præcessissent *Dubitationes*, leuiter, & sicco pede transmissa fuissent, *Dubitationum* admonitu attentè & studiosè obseruentur. Verum hæ duæ Vtilitates vix vnum compensant Incommodum, quod, nisi sedulò prohibeatur, se ingeret; Nimirum quod *Dubitatio*, si semel admittatur tanquam iusta, & fiat quasi Authentica, statim Defensores in vtramque partem suscitabit, qui etiam posteris eandem Licentiam *Dubitandi* transmittant; adeò vt Homines Ingenia sua intendant & applicent ad hoc, vt alatur potius *Dubitatio*, quam terminetur aut soluatur. Cuius quidem Rei Exempla, & in Iurisperitis, & in Academicis, vbique occurrunt; quibus moris est, vt *Dubitationem* semel admissam, perpetuam esse velint, nec minùs *Dubitandi*, quam *Asserendi* Auctoramenta amplectantur: Cum tamen ille demum sit Ingenij Vsus legitimus, qui ex Dubijs Certa faciat, non qui Certa in Dubium vocet. Quare *Kalendarium*

rium Dubitationum, siue *Problematum* in Naturâ, & *desiderari* assero, & suscipi probo; Modò curæ sit, vt auctâ *Scientiâ* indies (quod fiet proculdubiò si nos audiant Homines) quæ clarè discussæ sint *Dubitationes*, ex Albo deleantur. Huic *Kalendario* aliud addi cuperem, non minùs vtile; Cùm enim in omni Inquisitione inueniantur hæc tria, *perspicuè Vera*, *Dubia*, *perspicuè Falsa*; vtilissimum foret *Kalendario Dubiorum*, *Kalendarium Falsitatum*, & Errorum popularium, vel in Historiâ Naturali, vel in Dogmatibus grassantium, adiungere; ne illæ ampliùs Scientijs molestæ sint.

Quod ad *Placita Antiquorum Philosophorum*, qualia fuerunt *Pythagoræ*, *Philolai*, *Xenophanis*, *Anaxagoræ*, *Parmenidis*, *Leucippi*, *Democriti*, aliorum; (quæ Homines contemptim percurrere solent;) non abs re fuerit paulò modestiùs in ea Oculos conijcere. Etsi enim Aristoteles, more Ottomanorum, regnare se haud tutò posse putaret, nisi Fratres suos omnes contrucidasset; tamen ijs, qui non Regnum aut Magisterium, sed Veritatis inquisitionem atque illustrationem sibi proponunt, non potest non videri Res vtilis, diuersas Diuersorum, circa Rerum naturas, Opiniones, sub vno aspectu intueri. Neque tamen subest spes quòd Veritas aliqua purior, ex illis, aut similibus Theorijs, speranda vllò modo sit. Quemadmodùm enim eadem Phænomena, iisdem Calculi, & Ptolomæi principijs Astronomicis, & Copernici competunt: ita Experientia ista vulgaris, quâ vtimur, atque obuia Rerum Facies, pluribus diuersis Theorijs se applicare potest; Vbi ad rectam Veritatis Indagationem longè aliâ Seueritate opus fuerit. Eleganter enim Aristoteles; *Infantes primo balbutientes, quasuis Mulieres appellare Matres; post autem propriam Matrem discernere*: sic certè puerilis Experientia, omnem *Philosophiam* appellabit Matrem; Adulta verò Matrem veram internoscet. Interea iuuabit *Philosophias* discre-

discrepantes, veluti diuersas *Naturæ Glossas*, (quarum vna fortassè vno loco, alia alio est emendatior ;) perlegere. Optarim igitur ex Vitis Antiquorum Philosophorum, ex Fasciculo Plutarchi de Placitis eorum, ex Citationibus Platonis, ex Confutationibus Aristotelis, ex sparsâ Mentione, quæ habetur in alijs libris, tam Ecclesiasticis quam Ethnicis, (Lactantio, Philone, Philostrato, & reliquis) Opus confici, cum diligentia & iudicio, de *Antiquis Philosophiis*. Tale enim Opus nondum extare video. Attamen hic monco, vt hoc fiat distinctè; ita vt singulæ *Philosophiæ* seorsum componantur, & continuentur; non per Titulos & Fasciculos (quod Plutarchus fecit) excipiantur. Quæuis enim *Philosophia* integra seipsam sustentat; atque Dogmata eius, sibi mutuò, & Lumen & Robur, adiiciunt: quod si distrahantur, peregrinum quiddam & durum sonant. Certè quando apud Tacitum lego, Facta Neronis aut Claudij, circumstantijs Temporum, Personarum, & Occasionum vestita; nil video quod à probabilitate prorsus abhorreat: cum verò eadem lego in Suetonio Tranquillo, per Capita, & Communes locos, minimèque in Serie Temporis representata, Portenta quædam videntur, & planè Incredibilia. Neque absimilis est ratio *Philosophiæ*, quando proponitur integra, & quando in Frusta concisa & dissecta. Neque verò, ex hoc *Placitorum Philosophiæ Kalendario*, nuperas Theorias & Dogmata excludo; Sicut illam *Theophrasti Paracelsi*, eloquentèr, in Corpus quoddam, & Harmoniam *Philosophiæ*, redactam, à Seuerino Dano; Aut *Telefij Consentini*, qui Parmenidis Philosophiam instaurans, Arma Peripateticorum in illos ipsos vertit; Aut *Patricij Veneti*, qui Platoniorum Fumos sublimauit; Aut *Gilberti* Popularis nostri, qui Philolai Dogmata reposuit; Aut alterius cuiuscunque, si modò dignus sit. Horum verò (quoniam Volumina integra extant) Summæ tantum

tantum inde conficienda, & cum ceteris coniungenda.
Atque de *Physicâ* cum *Appendicibus* hæc dicta sint.

Quantum ad *Metaphysicam*, assignauimus iam ei Inquisitionem *Causarum Formalium & Finalium*; Quæ Assignatio, quatenus ad *Formas*, in cassum facta videatur. Inualuit siquidem Opinio atque inueterauit, *Rerum formas essentielles*, seu *Veras differentias*, nullâ humanâ inueniri diligentia posse. Quæ Opinio interim nobis elargitur, atque concedit, *Inuentionem Formarum* ex omnibus Scientiæ Partibus dignissimam esse, quæ inuestigetur, si modò fieri possit vt reperiantur. Ad Inuentionis Possibilitatem verò quod attinet, sunt certè ignaui Regionum Exploratores, qui vbi nil nisi Cælum & Pontum vident, Terras vltra esse prorsus negant. At manifestum est, Platonem Virum sublimis Ingenij, (quique veluti ex rupe excelsâ omnia circumspiciebat) in suâ de *Idæis Doctrinâ*; *Formas esse verum Scientiæ obiectum*, vidisse; vteunque Sententiæ huius verissimæ, fructum amiserit, *Formas* penitus à *Materiâ Abstractas*, non in *Materiâ determinatas* contemplando & prensando: Vnde factum est, vt ad Speculationes Theologicas diuerteret, quod omnem Naturalem suam Philosophiam infecit & polluit. Quod si diligenter, seriò, & sincerè, ad Actionem & vsum oculos conuertamus; non difficile erit disquirere, & notitiam assequi, quæ sint illæ *Formæ*, quarum Cognitio res humanas miris modis locupletare, & beare possit. Substantiarum enim *Formæ* (vno *Homine* excepto, de quo Scriptura, *Formauit hominem de limo terra, & spirauit in faciem eius spiraculum vitæ*; non vt de ceteris Speciebus, *Producant Aquæ, producat Terra*) Species inquam creaturarum (prout nunc per compositionem & transplantationem inueniuntur multiplicatæ) ita perplexæ sunt & complicatæ, vt aut omninò de ijs inquirere frustra sit; aut Inquisitio earum, qualis esse potest, leponi ad tempus;

pus ; & postquam *Formæ* simplicioris Naturæ ritè exploratæ sint, & inuentæ, tum demùm institui debeat. Quemadmodùm enim nec facile esset, nec vlllo modo utile, *Formam* Soni inuestigare eius, qui verbum aliquod constituat ; cùm Verba, compositione & transpositione Literarum, sint infinita : at Soni, qui Literam aliquam simplicem exprimat, *Formam* inquirere (quali scilicet collisione, quali Instrumentorum vocis applicatione, constituatur) comprehensibile est, imò facile : (Quæ tamen *Formæ* Literarum cognitæ ad *Formas* Verborum illicò nos deducunt :) Eâdem prorsùs ratione, *Formam* inquirendo *Leonis*, *Quercûs*, *Auri* ; imò etiam *Aquæ*, aut *Aeris*, Operam quis lulerit : *Formam* verò inquirere *Densi*, *Rari* ; *Calidi*, *Frigidi* ; *Gravis*, *Levis* ; *Tangibilis*, *Pneumatici* ; *Volatilis*, *Fixi* ; & similium, tam *Schematismorum*, quam *Motuum*, quos in *Physicâ* tractandâ, magnâ ex parte, enumerauimus (& *Formas primæ Classis* appellare consueuimus) quique (velutî Literæ Alphabeti) numero haud ita multi sunt, & tamen *Essentias* & *Formas* omnium substantiarum conficiunt & sustinent ; hoc est, inquam, illud ipsum, quod conamur ; quòdque eam partem *Metaphysicâ*, de quâ nunc inquirimus, constituit & diffinit. Neque hæc officunt, quò minùs *Physica* easdem Naturas consideret quoque (vt dictum est) sed tantùm quoad *Causas Fluxas*. Exempli gratiâ, si de *Causâ* inquiretur *Albedinis* in Niue, vel Spumâ ; rectè redditur, quod sit subtilis Intermixtio Aeris cum Aquâ. Hæc autem, longè abest, vt sit *Forma Albedinis*, cùm Aer etiam Pulueri Vitri aut Crytalli intermixtus, *Albedinem* similiter procreet, non minùs quam si admisceatur Aquæ ; verùm *Causa Efficiens* illa tantùm est, quæ nihil aliud quàm Vehiculum est *Formæ*. At in *Metaphysicâ*, si fiat Inquisitio, huiusmodi quidpiam reperies ; Corpora duo Diaphana intermixta, Portionibus eorum Opticis, simplici

simplici ordine siue æqualitèr collocatis, constituere Albedinem. Hanc *Metaphysicæ* partem desiderari reperio. Nec mirum, quia illo inquirendi modo, qui hucusque in vsum venit, nunquàm in Seculum comparebunt *Rerum Formæ*. Radix autem Mali huius, ut & omnium, ea est; Quod Homines & properè nimis, & nimis longè, ab *Experientiâ* & *Rebus Particularibus*, Cogitationes suas diuellere & abstrahere consueverunt, & suis Meditationibus & Argumentationibus se totos dedere.

Vsus autem huius *Partis Metaphysicæ*, quam *Desideratis* antinumero, duas ob Causas vel maximè excellit. Prima est, quod Scientiarum omnium Officium sit, & propria virtus, ut *Experientiæ* Ambages, & Itinera longa (quantum Veritatis ratio permittit) abbrevient; ac proinde remedium veteri querimonix afferant, de *Vitâ breui*, & *Arte longâ*. Illud verò optimè præstatur, *Axiomata* Scientiarum in magis generalia, & quæ omni *Materiæ Rerum* indiuiduarum competant, colligendo & vniendo. Sunt enim *Scientiæ* instar Pyramidum, quibus *Historia* & *Experientia*, tanquam Basis vnica substernuntur; Ac proinde Basis *Naturalis Philosophiæ* est *Historia Naturalis*: Tabulatum primum à Basi est *Physica*; Vertici proximum *Metaphysica*: Ad Conum quod attinet & punctum Verticale (*Opus quod operatur Deus à principio vsque ad finem*; *Summariam* nempe *Naturæ legem*) hæsitamus meritò, an Humana possit ad illud Inquisitio pertingere. Cæterum hæc tria, veræ sunt Scientiarum contabulationes, suntque apud Homines propriâ Scientiâ inflatos, & Theomachos, tanquam tres Moles Giganteæ,

Ter sunt conati imponere Pelio Ossam,

Scilicet atque Ossæ frondosum involuere Olympum.

Apud eos verò, qui seipsos exinanientes, omnia ad Dei gloriam referunt, tanquam trina illa Acclamatio, *San-*

ctæ,

ete, Sancte, Sancte. Sanctus enim Deus in Multitudine Operum suorum, Sanctus in Ordine eorum, Sanctus in Unione. Quare Speculatio illa Parmenidis & Platonis, (quamvis in illis nuda fuerit Speculatio) excelluit tamen; *Omnia per Scalam quandam ad unitatem ascendere.* Atq; illa demum Scientia ceteris est præstantior, quæ Humanum Intellectum minimum multiplicitate onerat, quam liquet esse *Metaphysicam*, quippe quæ contemplatur præcipuè *simplices illas rerum Formas*, (quas superius *Formas primæ Classis* nominauimus) quandoquidē licet numero pauca, tamen commensurationibus & coordinationibus suis omnem varietatē constituunt. Secunda Res, quæ hanc *Metaphysicæ* partem de *Formis* nobilitat, hæc nimirum est; Quod Potestatem humanam emancipet maximè, & liberet; eamque in amplissimum & apertissimum Operandi Campum educat. Nam *Physica* per angustas, & impeditos calles, humanam operam dirigit, Naturæ ordinariæ flexuosos tramites imitata; sed *late undique sunt sapientibus viae*; *Sapientia* nimirum (quæ à Veteribus *Rerum diuinarum & humanarum scientia* diffiniebatur) Mediorum Copia & Varietas semper suppetit. *Causæ* enim *Physicæ*, nouis Inuentis, in simili materiâ, lucem & ansam præbent; At qui Formam aliquam nouit, nouit etiam *Vltimam possibilitatem superinducendi Naturam illam in omnigenam Materiam*; eoque minùs inter operandum restringitur, & alligatur, vel ad *Materiæ Basim*, vel ad *Conditionem Efficientis*. Quod genus Scientiæ eleganter describit etiam Solomon, etsi sensu magis diuino, *Non arctabuntur gressus tui, & currens non habebis offendiculum.* Intelligit scilicet *Sapientia* vias, nec Angustijs, nec Obicibus obnoxias esse.

Metaphysicæ Pars secunda est *Finalium Causarum* Inquisitio, quam non vt prætermissem, sed vt malè collocatam notamus. Solent enim inquiri inter *Physicæ*, non inter

inter *Metaphysica*. Quanquam si Ordinis hoc solum vitium esset, non mihi fuerit tanti. Ordo enim ad Illustrationem pertinet, neque est ex substantiâ Scientiarum. At hæc Ordinis Inversio, defectum insignem peperit, & maximam Philosophiæ induxit calamitatem. Tractatio enim *Causarum Finalium* in *Physicis*, Inquisitionem *Causarum physicarum* expulit & deiecit; effecitque ut Homines in istiusmodi speciosis & umbratilibus *Causis* acquiescerent, nec Inquisitionem *Causarum Realium*, & verè *Physicarum* strenuè virgerent; ingenti Scientiarum detrimento. Etenim reperio hoc factum esse, non solum à Platone, qui in hoc Litore semper Anchoram figit, verum etiam ab Aristotele, Galeno, & alijs, qui sapissimè etiam ad illa vada impingunt. Etenim qui Causas adduxerit huiusmodi, *Palpebras cum pilis, pro sepi & vallo esse, ad munimentum oculorum*; Aut *Corij in Animalibus firmitudinem esse ad propellendos calores & frigora*; Aut *Ossa pro columnis & trabibus à naturâ induci, quibus fabrica corporis innitatur*; Aut *Folia arborum emitti, quo fructus minimis patiantur à Sole & Vento*; Aut *Nubes in sublimi fieri, ut terram imbris irrigent*; Aut *Terram densari & solidari, ut statio & mansio sit Animalium*; & alia similia; is in *Metaphysicis* non malè ista allegarit; in *Physicis* autem nequaquam. Imò, quod cœpimus dicere, huiusmodi Sermonum discursus (instar Remorarum (vbi fingunt) nauibus adhaerentium) *Scientiarum* quasi velificationem & Progressum retardarunt, ne Cursum suum tenerent, & ulterius progredierentur; & iam pridem effecerunt, ut *Physicarum Causarum* Inquisitio, neglecta deficeret, ac silentio præteriretur. Quapropter Philosophia Naturalis Democriti, & aliorum, qui Deum & Mentem à fabricâ Rerum amouerunt; & Structuram Vniuersi infinitis Naturæ Præfationibus & Tentamentis, (quas vno nomine *Fatum* aut *Fortunam* vocabant)

attribuerunt; & Rerum particularium *Caussas* Materię necessitati, sine intermixtione *Caussarum Finalium*, assignarunt; nobis videtur, (quantum ex Fragmentis & Reliquijs Philosophiæ eorum, conijcere licet) quatenus ad *Caussas Physicas*, multò solidior fuisse, & aliùs in Naturam penetrasse, quam illa Aristotelis, & Platonis: Hanc unicam ob *Caussam*, quod illi in *Causis Finalibus* nunquam operam triuerunt; hi autem eas perpetuò inculcârunt. Atque magis in hac parte accusandus Aristoteles quàm Plato, quandoquidem Fontem *Caussarum Finalium*, Deum scilicet, omiserit, & Naturam pro Deo substituerit; *Caussasque* ipsas *Finales* potiùs ut Logice Amator, quam Theologiæ, amplexus sit. Neque hæc eò dicimus, quod *Causæ illæ Finales* veræ non sint, & Inquisitione admodum dignæ, in Speculationibus *Metaphysicæ*; sed quia dum in *Physicarum Caussarum* possessiones excurrunt, & irruunt, miserè eam Prouinciam depopulantur, & vastant. Alioquin, si modò intra terminos suos coerceantur; magnoperè hallucinantur, quicunque eas *Physicis Causis* aduersari aut repugnare putent. Nam *Causa* reddita, quod *Palpebrarum pili oculos muniant*, nequicquàm sanè repugnat alteri illi, quod *pilositas soleat contingere humiditatum orificijs*.


Muscosi fontes, &c.

Neque *Causa* reddita, quod *Coriorum in Animalibus firmitudo pertinet ad cœli iniurias propulsandas*, aduersatur illi alteri, quod *illa firmitudo sit ob contractionem pororum, in extimis corporum, per frigus, & depredationem Aeris*: & sic de reliquis: Conspirantibus optimè utriusque *Causis*; nisi quod altera Intentionem, altera simplicem Consecutionem denotet. Neque verò ista res in dubium vocat Prouidentiam Diuinam, aut ei quicquam derogat; sed potiùs eandem miris modis confirmat, & euehit. Nam sicut in Rebus Ciuilibus, Prudentia Politica fuerit multò altior, & mirabilior, si quis

quis operâ aliorum, ad suos fines & desideria, abuti possit, quibus tamen nihil consilij sui impertit; (vt interim ea agant, quæ ipse velit, neutiquàm verò se hoc facere intelligant;) quam si Consilia sua cum Administris Voluntatis suæ communicaret : Sic Dei Sapiencia effulget mirabiliùs, cum Natura aliud agit, Prouidentia aliud elicit ; quàm si singulis Schematibus, & Motibus naturalibus, Prouidentia Characteres essent impressi. Scilicet Aristoteli, postquam Naturam *Finalibus Causis* impregnasset ; *Naturamque nihil frustra facere ; suiq; voti semper esse compotem, (si impedimenta abessent ;)* & huiusmodi multa eò spectantia posuisset ; ampliùs Deo non fuit opus : At Democritus & Epicurus, cum Atomos suos prædicabant, eòusque à subtilioribus nonnullis tolerabantur ; verùm cum ex eorum fortuito concursu, Fabricam ipsam rerum, absque Mentecoaluisse assererent ; ab omnibus risu excepti sunt. Adeò vt tantum absit, vt *Causse Physicæ* Homines à Deo & Prouidentia abducant, vt contra potius Philosophi illi, qui in iisdem eruendis occupati fuerunt, nullum exitum Rei reperiant, nisi postremò ad Deum & Prouidentiam confugiant. Atque hæc de *Metaphysicâ* dicta sint, cuius Partem de *Causis Finalibus*, in Libris & *Physicis*, & *Metaphysicis* tractatam non negauerim ; in his rectè, in illis perperam propter Incommodum inde secutum.

CAPUT V.

Partitio Operatiuæ Doctrinæ de Naturâ, in Mechanicam, & Magiam: Quæ respondent Partibus Speculatiuæ; Physicæ Mechanica, Metaphysicæ Magia: & Expurgatio Vocabuli Magiæ. Appendices duæ Operatiuæ; Inuentaria Opum Humanarum, & Catalogus Polychrestorum.

 *Peratiuam de Naturâ similiter in duas Partes diuidemus, idque ex necessitate quâdam. Subijcitur enim hæc diuisio, Diuisioni priori Doctrinæ Speculatiuæ. Physica, siquidem, & Inquisitio Causarum Efficientium, & Materialium, producit Mechanicam; At Metaphysica, & Inquisitio formarum, producit Magiam; Nam Causarum Finalium Inquisitio sterilis est, & tanquam Virgo Deo consecrata, nihil parit. Neque nos fugit, esse & Mechanicam sæpius merè Empyricam, & Operariam, quæ à Physicâ non pendeat; Verùm hanc in Historiam Naturalem coniecimus; à Philosophiâ Naturali segregamus. Loquimur tantùm de eâ Mechanicâ, quæ cum Causis Physicis coniuncta est. Veruntamen interuenit quædam Mechanica, quæ nec prorsus Operaria est, neque tamen Philosophiam propriè attingit. Operum enim Inuenta omnia, quæ in Hominum notitiam venerunt; Aut Casu occurrerunt, & deinceps per Manus tradita sunt; Aut de industriâ quæsitæ: Quæ autem intentionaliter inuenta sunt; Illa aut per Causarum, & Axiomatum lucem eruta sunt; Aut per Extensionem quandam,*

quandam, vel translationem, vel compositionem In-
uentorum priorum deprehensa; quæ magis ingeniosa
quædam res est, & sagax, quam Philosophica. Hanc
verò Partem, quam neutiquam contemnimus, non
multò post, cum de *Experientiâ Literatâ* inter *Logica*
tractabimus, cursim perstringemus. Enimverò *Mecha-*
nicam, de quâ nunc agimus, tractauit Aristoteles pro-
miscuè; Hero in *Spiritibus*; etiâ Georgius Agri-
cola, Scriptor recens, diligentèr admodum in *Minerali-*
bus; Alijque quamplurimi in subiectis particularibus;
adco vt non habeam quod dicam de *Omissis* in hac
parte; nisi quod *Mechanica* promiscua, secundum Ex-
emplum Aristotelis, diligentius debuissent continuari,
per labores Recentiorum; præsertim cum delectu eo-
rum *Mechanicorum*, quorum aut *Causæ* magis ob-
scuræ, aut *Effectus* magis nobiles. Verum qui in hisce
insistunt, quasi Oras tantum maritimas perreptant,

— *Premendo littus iniquum;*

Meo siquidem iudicio, vix possit aliquid in Naturâ ra-
dicitus verti, aut innouari, vel per *Calus* aliquos fortui-
tos, vel per *Tentamenta Experimentorum*, vel ex luce
Causarum Physicarum; sed solummodò per *Inuentio-*
nem Formarum. Si igitur desiderari eam partem *Meta-*
physicæ, quæ de *Formis* agit, posuimus, sequitur vt *Nat-*
uralis etiâ *Magia*, quæ ad eam est Relatiua, similiter
desideretur. Verum hoc loco postulandum videtur,
vt Vocabulum istud *Magia*, in deteriore partem iam
pridem acceptum, Antiquo & Honorifico Sensui resti-
tuatur. Etenim *Magia* apud Persas, pro Sapientiâ subli-
mi, & Scientiâ consensuum rerum Vniuersalium, accipi-
ebatur; atque etiâ tres illi Reges, qui ab Oriente ad
Christum adorandum venerunt, *Magorum* nomine vo-
cabantur. Nos verò eam, illo in sensu intelligimus,
vt sit Scientia, quæ cognitionem *Formarum Abdita-*
rum ad Opera admiranda deducat, atque, quod dici
solet,

solet, *Actiua cum Passiuis coniungendo*, Magnalia Naturæ manifestet. Nam quantum ad *Naturalem Magiam* (quæ in Libris plurimorum volitat) credulas quasdam & superstitiolas Traditiones, & obseruationes, de *Sympathijs & Antipathijs rerum*, atque de *Occultis & specificis proprietatibus* complectentem, cum friuolis vt plurimum Experimentis, potius occultandi artificio, & laruâ, quam re ipsâ admirandis: non errauerit sanè, qui eam dixerit, à Scientiâ quam quaerimus, tantum distare, quoad Veritatem Naturæ, quantum Libri Rerum gestarum Arthuri ex Britannia, aut Hugonis Burdegalensis, & huiusmodi Heroum umbratiliū, differunt à Cæsaris Commentarijs, quoad Veritatem Historicâ. Manifestum enim est, Cæsarem maiora reuerâ perpetrasse, quam illi de Heroibus suis confingere ausi sunt; sed Modis faciendi minimè fabulosi. Huiusmodi Doctrinas benè adumbravit *Fabula de Ixione*; Qui cum Iunonis, Potentiæ Deæ, Concubitum animo sibi designaret, cum euaniidâ nube rem habuit; ex quâ Centauros & Chimæras progeniuit. Sic qui insanâ & impotenti cupiditate feruntur, ad ea, quæ per imaginationis tantum Fumos, & Nebulas cernere se putant, loco Operum, nil aliud quam Spes inanes, & deformia quædam ac Monstruosa Spectra, suscipiunt. Huius autem *Magiæ Naturalis*, levis & degeneris, Operatio super Homines, similis est soporiferis quibusdam Medicamentis; quæ Somnum conciliant, atque insuper interdormiendum, læta & placentia Somnia immittunt. Primò enim Intellectum humanum in Soporē coniicit; cauendo Proprietates Specificas, & Virtutes occultas, & tanquam cœlitus demissas, & per Traditionum susurros solummodò perdiscendas; unde Homines ad veras Causas eruendas, & indagandas, non ampliùs excitantur, & euigilant; sed in huiusmodi otiosis, & credulis opinionibus acquiescunt: Dein-

de verò innumera Commenta grata, & qualia quis optaret maximè, instar somniorum, insinuat. Atque Operæ-premium est notare, in illis Scientijs, quæ nimium trahunt ex Phantasiâ & Fide, (quales sunt, *Magia* ista levis, de quâ nunc loquimur, *Alchymia*, *Astrologia*, & aliæ consimiles) Media sua, & Theoriam, solere esse magis monstrosa, quam Finis ipse est, & Actio quò tendunt. Versio Argenti, aut Argenti viui, aut alicuius alterius Metallum in Aurum, Res creditu dura: Attamen longè verisimilius est, ab Homine, qui *Ponderis*, *Coloris flavi*, *Malleabilis* & *Extensibilis*, *Fixi* etiâ & *Volatilis*, Naturas cognitâs & perspectas habuerit; quique similiter prima Mineralium Semina & Menstrua diligenter introspexerit; posse Aurum multâ & sagaci molitione tandem produci; quam quod pauca *Elixiris* Grana, paucis momentis, alia Metalla in Aurum vertere valeant, per Actiuitatem eiusdem *Elixiris*, quæ Naturam scilicet perficere, & omni impedimento liberare possit. Similiter, Senectutis retardatio, aut Gradus alicuius Iuuentutis instauratio, non facilè fidè reperiat: Attamen longè verisimilius est, ab Homine, qui Naturâ *Arefactionis*, & *Spirituum super solida corporis depradationes*, benè nôrit; quique Naturam *Assimilationis*, atque *Alimentationis*, vel perfectioris vel prauioris, perspexerit; Naturam etiâ *Spirituum*, & quasi *Flammæ Corporis*, aliâs ad consumendum appositâs, aliâs ad reparandum, notârît; posse per Dietas, Balnea, Vnctiones, Medicinas proprias, accommodata etiâ Exercitia, & similia, Vitam prolongari, aut vigorem Iuuentutis, aliquâ ex parte, renouari: quam quod hoc fieri possit, per Guttas pauculas, aut Scrupulos alicuius *Pretiosi Liquoris*, aut *Quintessentie*. Rursus, ex Astris Fata elici posse, non statim aut facilè Homines consenserint; Illa verò; Quod Hora Natiuitatis, (quæ sæpissimè ex pluribus Accidentibus Naturalibus, vel acceleratur, vel differtur,)


Vitæ totius Fortunam regat; Aut quod Hora Quæstionis, sit cum Re ipsâ, quæ quæritur, confatalis; meras nugas dixeris. Attamen tanta exercet Humanum Genu Impotentia & Intemperies, ut non solum, quæ fieri non possunt, sibi spondeant, sed etiam maximè ardua, sine molestiâ aut sudore, tanquam feriantes, se adipisci posse confidunt. Verùm de *Magiâ* hæc nunc; cuius & Vocabulum ipsum ab Infamiâ vindicabimus; & Speciem veram à falsâ, & ignobili, segregauimus.

Huius verò Partis, *Operatiue* scilicet de *Naturâ*, duæ sunt *Appendices*, magni utraque Pretij. Prima est, vbi fiat *Inuentarium Opum Humanarum*, quo excipiantur & breuiter enumerentur omnia Hominum Bona, & Fortunæ (siue sint ex Fructibus & Prouentibus Naturæ, siue Artis) quæ iam habentur, & quibus Homines fruuntur; adiectis ijs, quæ olim innotuisse constat, nunc autem perierunt; ad hunc finem, ut qui ad noua Inuenta accingitur, de iam inuentis, & extantibus, negotium sibi non faceat. Hoc verò *Inuentarium* magis erit artificiosum, magisque etiam vtile; si quæ communi Hominum opinione *Impossibilia* reputantur, in vnoquoque genere adiunxeris; atque vnâ *Proxima Impossilibus*, quæ tamen habentur, copules; ut alterum Humanam Inventionem acuat; alterum quadantenus dirigat; utque ex his *Optatiuis*, & *Potentialibus*, *Actiua* promptius deducantur. Secunda est, ut fiat *Kalendarium eorum Experimentorum*, quæ maximè *Polychrestâ* sunt, & ad aliorum Inventionem faciunt, & ducunt. Exempli gratiâ, *Experimentum Artificialis Conglaciationis Aqua*, per Glaciem cum Sale nigro, ad infinita pertinet: Hoc enim modum Condensationis secretum reuelat, quo Homini nihil est fructuosius. Præstò enim est Ignis ad Rarefactiones; verùm in Condensationibus laboratur. Plurimum au-

tem facit, ad inueniendi Compendium, si huiusmodi *Polychresta* proprio Catalogo excipiantur.

CAPVT VI.

De Magnâ Philosophiæ Naturalis, tam Speculatiuæ quàm Operatiuæ, Appendice Mathematicâ: quòdque inter Appendices potius poni debet, quàm inter Scientias Substantiuas. Partitio Mathematicæ, in Puram; & Mixtam.

rimè Aristoteles, *Physicam & Mathematicam* generare *Practicam* siue *Mechanicam*. Quare, cum iam, tam *Speculatiuam*, quam *Operatiuam* Partem *Doctrinæ de Naturâ*, tractauerimus, locus est, ut de *Mathematicâ* dicamus, quæ ad utramque est *Scientia Auxiliaris*. Hæc siquidem in *Philosophiâ* receptâ, *Physicæ & Metaphysicæ* pars tertia adiungitur; At nobis ista retractantibus & recolentibus, si eam ut *Scientiam Substantiuam*, & principalem, designare in Animo esset, magis consentaneum videretur, & Rei ipsius *Naturæ*, & *Ordinis* perspicuitati, ut constitueretur tanquam *Portio Metaphysicæ*. *Quantitas* enim (quæ subiectum est *Mathematicæ*) *Materiæ* applicata, veluti *Dosis Naturæ* est; & plurimorum *Effectuum* in *Rebus Naturalibus* causatiua: ideoque inter *Formas Essentiales* numeranda est. *Figure* autem & *Numerorum Potentia*, in tantum apud Antiquos valere visa est, ut *Democritus* principia *Varietatis Rerum*, in *Figuris Atomorum* præcipuè collocauerit: Ac *Pythagoras* *Naturam rerum ex numeris* constitui asseruerit.

Illud interim verum est, Quantitatem inter *Formas Naturales*, (quales nos eas intelligimus) omnium maximè esse Abstractam, & à Materiâ Separabilem: Quod ipsum in Causâ fuit, cur & diligentius excolta, & acius inquisita ab Hominibus fuerit, quam Aliæ quæcunque *Formæ*, quæ omnes in Materiâ magis sunt immersæ. Cum enim id Hominum Animis planè insitum sit (plurimo certè cum Scientiarum detrimento) ut *Generalium* quasi *Campis liberis*, magis quam *Particularium Sylvis* & *Septis* delectentur, nil repertum est *Mathematicis* gratius, & iucundius, quo Appetitus iste expatiandi & Meditandi expleretur. Etsi autem hæc vera sint, nobis tamen, qui non tantum Veritati & Ordini, verum etiam Usui & Commodis Hominum consulimus, satius demùm visum est, *Mathematicas*, cum & in *Physicis*, & in *Metaphysicis*, & in *Mechanicis*, & in *Magicis*, plurimùm polleant, ut omnium *Appendices*, & *Copias* auxiliares designare. Quod etiã quodammodo facere compellimur, propter delicias & Fastum Mathematicorum, qui hanc Scientiam *Physicæ* ferè imperare discupiant. Nescio enim quo Fato fiat, ut *Mathematica* & *Logica*, quæ Ancillarum loco erga *Physicam* se gerere debeant, nihilominus Certitudinem suam præ eâ iactantes, Dominatum contrà exercere præsumant. Verùm de Loco, & Dignitate huius Scientiæ minùs curandum, de Re ipsâ videamus.

Mathematica aut *Pura* est, aut *Mixta*. Ad *Puram* referuntur Scientiæ, quæ circa *Quantitatem* occupatæ sunt, à Materiâ & *Axiomatibus Physicis* penitus *Abstractam*. Ex duæ sunt, *Geometria* & *Arithmetica*: *Quantitatem* altera *Continuam*, altera *Discretam* tractans. Quæ duæ Artes, magno, certè cum acumine & industriâ, inquisitæ & tractatæ sunt: veruntamen & *Euclidis Laboribus*, in *Geometricis*, nihil additum est à sequentibus, quod intervallo tot Seculorum dignum sit;

& *Doctrina de Solidis*, nec à veteribus, nec à Modernis, pro Rei Vsu & Excellentia, instructa & aucta est. In *Arithmeticis* autem, nec satis varia & commoda inuenta sunt *Supputationum* Compendia, præsertim circa *Progressiones*, quarum in *Physicis* Vfus est non mediocris: nec *Algebra* benè consummata est; atque *Arithmetica* illa *Pythagorica* & *Mystica*, quæ ex Proclo, & reliquijs quibusdam Euclidis coepit instaurari, expatiatio quædam Speculationis est. Hoc enim habet Ingenium humanum, vt cum ad Solida non sufficiat, in Superuacaneis se atterat. *Mixta* habet pro Subiecto *Axiomata* & *Portiones Physicas*: *Quantitatem* autem considerat, quatenus est ad ea elucidanda, & demonstranda, & actuan- da, Auxiliaris. Multæ siquidem Naturæ Partes, nec satis subtiliter comprehendendi, nec satis perspicue demon- strari, nec satis dextrè & certò ad Vsum accommodari possint, sine ope & interuentu *Mathematicæ*. Cuius ge- neris sunt *Perspectiua*, *Musica*, *Astronomia*, *Cosmographia*, *Architectura*, *Machinaria*, & nonnullæ Aliæ. Cæterum in *Mathematicis Mixtis* integras aliquas Portiones *Desideratas* iam non Reperio, sed multas in posterum præ- dico, si Homines non ferientur. Prout enim *Physica*, maiora indies Incrementa capiet, & noua *Axiomata* edu- cet; eò *Mathematicæ* operâ nouâ in multis indigebit, & plures demùm fient *Mathematicæ Mixtæ*.

Iam autem *Doctrinam* de *Naturâ* pertransiuimus, & *Desideratâ* in ipsâ notauimus. Quâ in re, si à priscis, & receptis Opinionibus discesserimus, eoque nomine contradicendi ansam cuiquam præbuerimus; quod ad nos attinet, vt Dissentiendi Studium longè à nobis abest, ita etiâ & Contendendi Consilium. Si hæc vera sunt;

Non Canimus surdis, respondent omnia Syluæ;
 Vox Naturæ ingeminabit, etsi Vox Hominum recla-
 met. Quemadmodum autem Alexander Borgia dicere
 A a 2 solebat,

solebat, de Expeditione Gallorum Neapolitanâ, Eos
 venisse cum Cretâ in Manibus, quò Diuersoria sua notarent,
 non cum Armis, ut perirumperent; Sic nobis magis Cor-
 di est, Pacificus Veritatis Ingressus; vbi quasi Cretâ con-
 signentur Animi, qui tantam Hospitem excipere pos-
 sint; quam qui pugna est, viamque sibi per
 Contentiones, & Lites Sternat. Absolutis
 igitur duabus Partibus *Philosophie*,
 De Numine, & de Naturâ, re-
 stat tertia De Homine.



FRANCISCI
BARONIS

DE
VERVLAMIO,
VICE-COMITIS

SANCTI ALBANI,

DE

Dignitate & Augmentis Scientiarum

LIBER QVARTVS.

AD REGEM SVVM.

CAPVT I.

*Partitio Doctrinæ de Homine, in Philo-
sophiam Humanitatis, & Ciuilem. Parti-
tio Philosophiæ Humanitatis, in Doctri-
nam circa Corpus Hominis, & Doctri-
nam circa Animam Hominis. Constitutio
vnius Doctrinæ generalis de Naturâ, siue
de Statu Hominis. Partitio Doctrinæ de
Statu Hominis, in Doctrinam de Perso-
nâ*

nâ Hominis, & de Fœdere Animi & Corporis. *Partitio* Doctrinæ de Personâ Hominis, in Doctrinam de Miseriis Hominis, & de Prærogatiuis. *Partitio* Doctrinæ de Fœdere, in Doctrinam de Indicationibus, & de Impressionibus. *Assignatio* Physiognomiæ, & Interpretationis Somniorum Naturalium, Doctrinæ de Indicationibus.



I quis me (Rex optime) ob aliquid eorum, quæ proposui, aut deinceps proponam, impetat aut vulneret, (præterquam quod intra Præsidia Maiestatis tuæ tutus esse debeam,) sciat is, se contra Morem & Disciplinam Militiæ facere. Ego enim Buccinator tantum, pugnam non inco; Vnus fortalsè ex ijs, de quibus Homerus;

Χαίρετε κήρυκες, Διὸς ἄγγελοι, ἡδὲ καὶ ἀνδρῶν:

Hi enim inter Hostes, etiâ infensissimos & acerbissimos, vltro citroque inuiolati vbique commebant. Neque verò nostra Buccina Homines aduocat & excitat, vt se mutuò Contradictionibus proscindant, aut secum ipsi præliantur & digladiantur; sed potius vt pace inter ipsos facta, coniunctis viribus, se aduersus *Naturam Rerum* comparent, eiusque Edita & Munita capiant & expugnent; atque Fines Imperij Humani (quantum Deus Opt. Max. pro Bonitate suâ indulserit) proferant.

Veniamus

Veniamus nunc ad eam *Scientiam*, ad quam nos ducit Oraculum Antiquum; Nempe ad *Scientiam nostri*. Cui, quò magis nostrâ intersit, eò incumbendum est diligentius. Hæc *Scientia Homini pro fine est Scientiarum*; at *Naturæ ipsius Portio tantum*. Atque hoc pro Regulâ ponatur Generali; Quod omnes *Scientiarum Partitiones* ita intelligantur, & adhibeantur, vt *Scientias* potius fignent, aut distinguant, quam secent & diuellant; vt perpetuò euitetur *Solutio Continuitatis* in *Scientijs*. Huius etenim Contrarium Particulares *Scientias* steriles reddidit, inanes, & erroneas, dum à Fonte, & Fomite communi non aluntur, sustentantur, & rectificantur. Sic videmus Cicronem Oratorem, de Socrate, & eius Scholâ conquerentem, quod hic primus *Philosophiam* à *Rhetoricâ* disiunxerit; vnde facta sit *Rhetorica*, Ars loquax & inanis. Constat similiter Sententiam Copernici de *Rotatione Terræ* (quæ nunc quoque inualuit) quia Phænomenis non repugnat, ab *Astronomicis Principijs* non posse reuinci; à *Naturalis tamen Philosophiæ Principijs*, rectè positis, posse. *Artem* denique *Medicam* videmus, si à *Naturali Philosophiâ* destituatur, Empyricorum Praxi haud multum præstare. Hoc igitur posito, accedamus ad *Doctrinam de Homine*. Ea duplex est. Aut enim contemplatur *Hominem segregatum*; aut *Congregatum*, atque in *Societate*. Alteram harum *Philosophiam Humanitatis*; Alteram *Ciuilem* vocamus. *Philosophia Humanitatis* siue *Humana*, ex Partibus similibus illis, ex quibus Homo ipse, consistit; Nempe ex *Scientijs quæ circa Corpus*; & ex *Scientijs quæ circa Animam* versantur. Verùm priusquàm Distributiones Particulares persequamur; constituamus *Scientiam vnam Generalem*, de *Naturâ & Statu Hominis*: Digna enim certè Res est, vt emancipetur hæc *Scientia*, & in *Scientiam* seorsum redigatur. Conficitur autem illa ex
ijs

ijs rebus, quæ sunt tam *Corpori* quam *Animæ* communes. Rursus, hæc *Scientia de Naturâ, & Statu Hominis*, distribui potest in duas Partes; Attribuendo alteri *Naturam Hominis indivisam*; alteri *Vinculum ipsum Animæ & Corporis*. Quarum primam, *Doctrinam de Personâ Hominis*; Secundam, *Doctrinam de Fœdere* vocabimus. Liqueat autem hæc omnia, cum sint Communia & Mixta, primæ illi Divisioni *Scientiarum* circa *Corpus*, & *Scientiarum* circa *Animam* versantium, assignari non potuisse.

Doctrina de Personâ Hominis duas res præcipuè complectitur; Contemplationes scilicet de *Miserijs Humani Generis*; & de eiusdem *Prærogatiuis*, siue *Excellentijs*. Atque *Deploratio Humanarum Ærumnarum*, elegantè & copiosè, à compluribus adornata est, tam in *Scriptis Philosophicis*, quam *Theologicis*. Estque *Res & dulcis simul, & salubris*.

At illa altera de *Prærogatiuis*, digna visa res nobis, quæ inter *Desiderata* proponatur. Elegantissimè certè *Pindarus* (ut plerunque solet) inter laudandum *Hieronem* ait, *Eum decerpere summitates ex omnibus virtutibus*. Equidem plurimum ad *Magnanimitatem*, & *Humanum Decus* conferre posse putarem; si *Ultimitates* (ut loquuntur *Scholastici*) siue *Summitates* (ut *Pindarus*) *Humanae Naturæ*, colligerentur; præcipuè ex *Historiæ fide*; Illud est, quid *Ultimum*, & *Supremum* fuerit, quò unquam *Humana Natura* per se ascenderit, in singulis & *Corporis* & *Animi* Dotibus. Quanta *Res*, quæ de *Cæsare* narratur, quod *Amanuensibus* quinque simul *dictare* suffecerit? Quin & *Exercitationes* illæ antiquorum *Rhetorum*, *Protagoræ*, *Gorgiæ*; Etiam *Philosophorum*, *Callisthenis*, *Possidonij*, *Carnæadis*; ut de quovis *Themate*, in utramque partem ex-tempore *differere elegantè & copiosè* potuerint, *Ingenij Humani Vires* haud parùm nobilitant. Res autem

tem Vſu minor, at Oſtentione & Facultate fortasſè maior; quam de Archiâ Magiſtro ſuo memorat Cicerò; *Eum magnum numerum optimorum Verſuum, de ijs rebus quæ tum agerentur, potuiſſe dicere ex tempore.* Tot Millibus Hominum, Nomina reddere potuiſſe Cyprium aut Scipionem, magnum *Memoriæ* Decus. At *Virtutum Moralium* Palmæ non minùs celebres, quàm *Intellectualium*. Quantam rem, in Exercitio *Patientiæ*, exhibet Hiſtoria illa vulgata de Anaxarcho, qui quæſtioni & Tormentis ſubiectus, Linguam (indicij ſpem,) dentibus præſcidit, & in os Tyranni expuit? Neque Tolerantiâ cedit, (licet dignitate plurimum,) quod ſeculo noſtro accidit in Burgundo quodam, Principis Auranſionenſis Interfectore; Is virgis Ferreis flagellatus, & Forcipibus Ignitis laceratus, nullum prorsùs gemitum edidit: Quinetiâ cum fortè fractum aliquid deſupèr in Caput Aſtantis cuiuſpiam incideret, vſculatus iam Nebulo, & in medijs tormentis, riſit; Qui tamen paulò ante, cum Cincinni Capillitij, quos geſtabat, tonderentur, fleuerat. *Animi quoque mira Serenitas, & Securitas*, ſub ipſum *Tempus Mortis*, in pluribus enituit; qualis fuit illa Centurionis apud Tacitum: Is, cum à Milite, qui eum ex Imperato occiſurus eſſet, iuberetur, vt Ceruices porrigeret fortitè, *Vtinam* (inquit ille) *tu tam fortitè ferias.* At Ioannes Dux Saxonix, cum inter Ludum Scacchorum, Diplôma, quo Nex eius in poſterum diem mandabatur, allatum eſſet, Aſtantiem quendam ad ſe vocauit, & ſubridens; *ſpecta*, inquit, *num non potiores partes Ludi huius teneam.* *Iſte enim* (ad Collulorem innuens) *me mortuo, iactabit ſuas potiores partes fuiſſe.* Noſter verò Morus, Angliæ Cancellarius, cum pridie quo moriturus eſſet, Tonſor ad eum veniret (miſſus ſcilicet ad hoc, ne fortè Capillitio promiſſo eſſet apud Populum in ſpectaculo miſerabilior,) cumque interrogaret, num tonderi placeret; re-

nuit; atque ad Tonsorem versus, Mihi, inquit, cum Rege de capite meo controuersia est; Antequam vero illa terminata fuerit, sumptus in illud non faciam. Quin & idem, sub ipsum Mortis Articulum, postquam iam caput in Truncum fatalem reclinasset, rursus se paululum erexit, & Barbâ, quæ ei erat promissior, lenitèr amotâ, At certè hæc (inquit) non offendit Regem. Verum, ne hoc loco longiores simus, satis patet quid velimus; nempe ut Miracula Naturæ Humanæ, Viresque eius et Virtutes ultimæ, tam animi quam Corporis, in Volumen aliquod colligantur; quod fuerit instar Fastorum de Humanis Triumphis. Quâ in re, institutum Valerij Maximi, et C. Plinij probamus, diligentiam et iudicium eorum requirimus.

Quantum ad Doctrinam de Fœdere, siue de Communi Vinculo Animæ & Corporis; Ea in duas partes tribui possit. Quemadmodum enim, inter Fœderatos intercedunt, & mutua Rerum suarum Communicatio, & mutua Officia; sic Fœdus istud Animæ & Corporis, duabus similiter rebus continetur; Nimirum ut describatur, quomodo hæc duo (Anima scilicet & Corpus) se inuicem detegant; & quomodo inuicem in se agant; Notitia siue Indicatione; & Impressione. Harum prior, (Descriptio scilicet, qualis possit haberi Notitia de Anima, ex Habitu Corporis; Aut de Corpore, ex Accidentibus Animi) duas nobis peperit Artes; utramque Predictionis; Inquisitionibus alteram Aristotelis, alteram Hippocratis decoratam. Quanquam autem Tempora recentiora, has Artes, superstitionis & phantasticis mixturis, polluerint; repurgatae tamen, ac in integrum restituta, & Fundamentum habent in Naturâ solidum, & Fructum edunt, ad Vitam communem, utilem. Prima est Physiognomia; quæ per Corporis Lineamenta, Animi indicat Propensiones: Altera Summorum Naturalium Interpretatio, quæ Corporis Statum, & Dispositionem, ex

Animi Agitationibus detegit. In harum priore, Partem nonnullam desiderari perspicio. Siquidem Aristoteles ingeniosè & soletèr, Corporis Fabricam, dum quiescit, tractauit; eandem in Motu, (nimirum Gestus Corporis,) omisit; qui tamen non minus Artis obseruationibus subiiciuntur, & maioris sunt vsùs. Etenim Lineamenta Corporis, Animi Inclinationes & Propensiones generales, ostendunt; Oris autem, & Partium Motus & Gestus, insuper Aditus, & Tempora, & præsens Dispositionis & Voluntatis Signa declarant. Vt enim aptissimis atque elegantissimis Maiestatis tuæ Verbis utar, *Lingua Aures ferit, Gestus verò oculos alloquitur.* Hoc verò benè nòrunt Veteratores complures, & astuti Homines, quorum Oculi in aliorum Vultu & Gestibus habitant; idque in commodum suum trahunt; utpote in quo Facultatis, & Prudentiæ suæ Pars maxima vertatur. Nec sanè negari potest, hoc ipsum, Simulationis in altero, Indidem esse mirificum, & monere Homines optimè, de Electionibus Temporum et opportunitatum, ad eundi Personas; quæ Ciuilis Prudentiæ pars est non parua. Nemo autem putet, huiusmodi Solertiam, aliquid quidem valere, circa Homines Indiuiduos; Sub Regulâ autem non cadere: Nam ad vnum ferè modum omnes ridemus, et ploramus, et erubescimus, et Frontem contrahimus; et sic (ut plurimum) de Moribus subtilioribus. Si quis autem hîc *Chiromantie* meminit; sciat Rem esse prorsus vanam; et in huiusmodi Sermonibus, quos tractamus, nec dignam quidem quæ nominetur. Quod verò ad *Somniorum Naturalium Interpretationem* attinet; Res est quorundam Laboribus pertractata, sed plurimis Ineptiis scatens. Illud tantum in præsentia inuuo, Basim illam huius Rei, quæ maximè est solida, non subterni. Ea huiusmodi est; vbi idem fit ab internâ Causâ, quod fieri quoque solet ab externâ,

Actus ille externus transit in somnium. Similis est Stomachi oppressio, ex crasso Vapore, atque incubitu ponderis externi; Itaque qui Incubo laborant, pondus sibi superimponi, magno cum Apparatu Circumstantiarum, somniant. Similis viscerum Pensilitas, ex Fluctuum agitatione in Mari, & ex Flatu circa Praecordia collecto: Itaque Hypochondriaci saepius Navigationes, & Agitationes super Aquas somniant. Sunt, & innumera id genus.

Posterior Pars *Doctrinae Faldoris*, (quam *Impressio-*
nem nominauimus) in Artem nondum redacta est, sed obiret tantum, & caprum, inter alios Tractatus, aliquando interuenit. Illa eandem Antistrophei cum priori habet. Quippe duo Considera: *Aut quomodo, & quousque, Humores, & Temperamentum Corporis immutent Animam, in eamque agant; Aut rursus, quomodo, & quousque, Anima Passiones, vel Apprehensiones, immutent Corpus, & in illud agant?* Horum prius, in re Medicâ, interdum tractari videmus; at id ipsum se miris modis Religionibus inseruit. Pharmaca enim praescribunt Medici, quae *Morbis Animae* persanandis inseruiant, ut in Curationibus Maniae, & Melancholiae; quin etiam Medicinas porrigunt, ad Animum exhilarandum, ad Cor municiendum, atque inde Fortitudinem augendam, ad Ingenium acuendum, ad Memoriam roborandam, & similia. At Dieta, & delectus Ciborum & Potuum, & Ablutiones, & aliae circa Corpus Observantiae, in Sectâ Pythagoraeorum, & in Hierosi Manichaeorum, & in Legè Mahometi, omnem modum superant. Ordinationes quoque Legis Caeremonialis, Sanguinis & Adipis elum prohibentes, ac *Animalia Munda* ab *Immundis* distinguentes, (quatenus ad Cibi usum) & plurimae sunt, & praecise. Imò Christiana Fides ipsa, (quamuis à Caeremoniarum Nube libera & serena) usum tamen retinet Ieiuniorum, Abstinentiarum, & aliarum rerum, quae ad

Corporis Macerationē & Humiliationē spectant, tamquam Rerum non merè Ritualium, sed etiā Fructuolarum. Atqui Radix omnium huiusmodi Præceptionum (præter ipsam Cæremoniam, & Exercitium Obedientiæ) in hac re consistit, de quâ loquimur; Nimirum, quod Anima compatiatur Corpori. Si quis autem iudicio infirmior existimet, istas Corporis in Animam Impressiones, aut Immortalitatem Animæ in dubium reuocare, aut Imperio Animæ in Corpus derogare; leui Dubitationi leue Responsum suffecerit. Exemplum perat, vel ab Infante in Vtero Matris; qui simul cum Matris Affectibus compatiatur, & tamen à corpore Matris suo tempore excluditur; vel à Monarchis, qui licet potentes, à seruatorum impetu quandoque hœdantur, salua interim Maiestate suâ Regiâ.

Iam quod ad Partem reciprocam, (de Animâ, & Affectibus eius in Corpus agentibus) illa quoque in Medicinâ locum inuenit. Nemo enim Medicus est paulò prudentior, quin *Accidentia Animi*, ut rem maximi ad Sanationes suas momenti, quæque omnia alia Remedia plurimum vel adiunct, vel impediat, consideret & tractet. At aliud quippiam, quod huc pertinet, parcè admodum, nec pro Rei vel subtilitate, vel utilitate, inquisitum est; quatenus scilicet (missis Affectibus) ipsa *Imaginatio Animæ*, vel *cogitatio perquam fixa*, & *valgi in Fidem quandam exaltata*, valeat ad immutandum corpus Imaginantis? Quamuis enim vim habeat ad Nocendum manifestam; haud tamen inde sequitur pari potentia prædictum esse ad Subueniendum. Non magis herelè, quam si quis concluderet, quoniam ceperit aliquis *Aerem pestilens*, ut subito interimat, debet quoque esse aliquem *Aerem ita salubrem*, ut Decumbentem subito restituat. Atque hæc Inquisitio nobilis profecto esset vltus; verum (ut ait Socrates) *Natatore Delio* indiget, quia mergitur in Profundo.

Rursus inter has *Doctrinas* de *Fœdere*, siue *Consensibus Animæ & Corporis*, non alia fuerit magis necessaria, quam illa *Disquisitio* de *Sedibus proprijs & Domilijs*, quæ singulæ *Animæ Facultates* habent in *Corpore*, eiusque *Organis*. Quod genus *Scientiæ*, qui sectati fuerint, non desunt; sed quæ habentur in plerisque, aut controuersa sunt, aut leuiter inquisita; ut maiori *Diligentiâ & Acumine* opus sit. Nam *Sententia* introducta à *Platone*; quâ *Intellectus* in *Cerebro*, tanquam in *Arce* collocatus est; *Animositas* (quam ille satis imperitè *Iracundiam* vocauit, cum *Tumori & Superbiæ* sit propior) in *Corde*; *Concupiscentia* autem & *Sensualitas* in *iecinore*; neque prorsus contemnenda est, neque cupidè recipienda. Rursus nec *Collocatio Facultatum illarum intellectualium* (*Phantasiæ, Rationis, Memoria*) secundum *Ventriculos Cerebri*, *Erroris* expers est. Atque *Doctrinam* de *Naturâ Hominis* inquisitâ, ac etiam de *Fœdere Animæ & Corporis*, explicauimus.

CAPUT II.

Partitio Doctrinæ circa Corpus Hominis, in Medicinam; Cosmeticam; Athleticam; & Voluptariam. Partitio Medicinæ in Officia tria, viz. in Conferuationem Sanitatis; Curationem Morborum; & Prolongationem Vitæ: Quodque Pars postrema de Prolongatione Vitæ disungi debeat à duabus reliquis.

Doctrina circa Corpus Hominis eandem recipit Diuisionem, quam Bona Corporis ipsius, quibus inseruit. Bona Corporis Humani quatuor sunt: Sanitas; Forma siue Pulchritudo; Vires; Voluptas. Totidem igitur Scientiæ: Medicina; Cosmetica; Athletica; & Voluptaria, quam Tacitus appellat *Eruditum luxum*.

Medicina Ars imprimis nobilis, & ex generosissimâ Prosapiâ secundum Poetas. Illi enim introduxerunt Apollinem primarium Medicinæ Deum; cui Filium dederunt Aesculapium, Deum itidem, & Medicinæ Professore: Quippe cum Sol in Naturalibus sit Vitæ Author, & Fons; Medicus eiusdem Conseruator, & tanquam Scaturigo altera. At Decus longè illustrius accedit Medicinæ, ex Operibus Seruatoris, qui & Animæ & Corporis Medicus fuit; Et sicut Animam Doctrinæ suæ Cœlestis, ita Corpus Miraculorum suorum, Obiectum veluti proprium constituit. Nusquam enim legimus Miraculum aliquod ab eo patratum, circa Honores, aut Pecunias (præter vnicum, quod Tributum redderetur Cæsari) sed tantum circa Corpus Humanum, aut conseruandum, aut sustentandum, aut persanandum.

Subiectum istud *Medicinæ* (*Corpus nimirum Humanum*) ex omnibus, quæ Natura procreauit, maximè est capax Remedij; sed vicissim illud Remedium, maximè est obnoxium Errori. Eadem namque subiecti subtilitas & Varietas, vt magnam Medendi Facultatem præbet, sic magnam etiâ Aberrandi Facilitatem. Quocirca quemadmodum Ars ista (præsertim quo nunc habetur modo) inter præcipuè Coniecturales; ita Inquisitio eius reponenda est inter summè arduas, & accuratas. Neque propterea, cum Paracello & Alehy-
misticis ita desipimus, vt putemus, inueniri in Corpore humano,

humano, quæ singulis Vniuersitatis Rerum Speciebus (*Stellis, Mineralibus, & alijs*) respondeant, sicut illi fabulantur, leuiter & crassâ Mineruâ traduentes, Emblema illud Veterum (quod Homo esset *Microcosmus*, siue Epitome totius Mundi) ad hoc Commentum suum. Verum nihilominus huc res redit, ut (quod occupimus dicere) non inueniatur inter Corpora Naturalia, aliquod tam multipliciter compositum, quam *Corpus Humanum*. Videmus enim Herbas & Plantas ex Terrâ & Aquâ nutriri; Animalia ex Herbis & Fructibus: Hominem verò ex Carnibus ipsorum Animalium, (*Quadrupedum, Auium, Piscium;*) Etiam ex Herbis, Granis, Fructibus, Succis & Liquoribus varijs; non sine multiplici commixtione, conditurâ, & præparatione horum Corporum, priusquam Homini sint in Cibum. Adde quod Animalibus viuendi Modus sit simplicior, Affectusque, qui in Corpus agant, pauciores, & ad vnum ferè modum operantes; vbi Homo, locis Habitationum, Exercitationibus, Affectibus, Somno & Vigilijs, vices propè infinitas variarum Mutationum subit. Usque adeo verum est, vnam, inter res cæteras, *Corporis Humani* Massam, maximè fermentatam, & ex plurimis coagmentatam esse. At *Anima* contra Substantiarum est simplicissima, ut non malè cecinerit ille;

— *Purumq; reliquit*
Æthereum sensum, atque Auræ simplicis ignem.

Vnde minimè est mirandum, *Animam* sic collocatam, Requiem non inuenire, iuxta Axioma illud, *Motum rerum extra Locum esse rapidum, placidum in Loco*. Verum ut ad rem redeamus. Varia ista & subtilis *Corporis Humani* Compositio & Fabrica effecit, ut sit instar Organi Musici operosi & exquisiti, quod Harmoniâ suâ facile excidit. Quare apud Poetas, summâ ratione, Musica cum Medicinâ in Apolline coniungitur; quia similis ferè

ferè sit utriusque Artis Geniùs; Atque in eo consistat
planè Medici officium, ut sciat Humani Corporis Ly-
ram, ut tendere & pulsare, ut reddatur Concentus mi-
nimè discors, & iuliuus. Ergo demum ista Subjecti
Inconstantia & Varietas, Artem reddidit magis Con-
iecturalem: Ars autem tam Coniecturalis cum sit, lo-
cum ampliorem dedit non solum Errori, verum etiam
Imposturæ. Siquidem omnes alie propemodum Ar-
tes, & Scientiæ, Virtute sua & Functione, non Successu
aut Opere, iudicantur. Advocatum ipsa Agendi & Di-
cendi Facultas, Non Exitus Causæ commendat; Gu-
bernator Naulis, Clavi tenendi peritiâ, non Expeditio-
nis Fortunâ, se probat. At Medicus, & fortasse Politi-
cus, vix habent Actiones aliquas proprias, quibus Spe-
cimen Artis, & Virtutis suæ, liquidò exhibeant; sed ab
Euentu præcipue Honorem aut Dedecus reportant, ini-
quissimo prorsus Iudicio. Quotus enim quisque nouit,
Aegrotò mortuo aut restituto, item Rep. stante vel la-
bante, vtrum sit Res Calus, an Consilij? Fit itaque sa-
pissime, ut Impostor Palmam, Virtus Censuram referat.
Quin ea est Hominum infirmitas, & credulitas, ut
sæpenumero Agyrta, aut Sagam, docto Medico præ-
ponant. Quare Poetæ oculati planè & perspicaces fu-
isse videntur; cum Æsculapio Circem Sororem dede-
rant, vtrunque è Sole progenitum; sicut habetur in
Versibus; De Æsculapio Phœbigenâ,

Ille repertorem Medicinæ talis, & Artis,

Fulmine Phœbigenam Stygias detrusit ad undas.

Et similiter de Circe Solis Filia,

Dives inaccessis ubi Solis Filia lucis

Vix odoratam nocturna in Lumina cedrum.

Omnibus enim Temporibus, Famâ & Opinione vul-
gi, Saga, & Amicula, & Impostores, Medicorum quo-
dammodo Riuales fuisse; & de Curationum celebri-
tate cum iisdem fere certant. Ex hoc die sodes

quid sequitur? Nempe ut Medici ita secum, quem-
admodum Salomon in re grauiori; *Si vnus & stulti
& meus euentus erit, quid mihi prodest quod maiorem Sapi-*
entia dedi operam? Equidem Medicis minùs succen-
sco, si saepenumero vacent alicui alteri studio, quod
adamant, magis quam Arti suæ propriæ. Inuenies ete-
nim inter eos, Poetas, Antiquarios, Criticos, Rhetores,
Politicos, Theologos, atque in ijs Artibus magis quàm
in professione propriâ eruditos. Neque hoc fit, ut ar-
bitror, quia (ut quidam Declamator contra Scientias
Medicis obijcit) habeant quæ sibi obuersentur Obiecta
tam foeda & tristia, ut Animum ad alia abducere ijs
omniño sit opus; (Nam qui Homines sint, *Nihil
Humani à se alienum putent;*) Sed ob hoc ipsum, de
quo nunc agimus; Nempe quod arbitrentur parùm
ipsis interesse, vel ad Existimationem, vel ad Lucrum,
vtrum Artis suæ Mediocritatem, an Perfectionem in eâ
maiores assequantur. Morbi enim tædia, Vitæ dul-
cedo, Spei fallacia, & Amicorum commendatio, effici-
unt, ut Homines facili in Medicis qualibuscunque fi-
duciam collocent: Verùm si quis hæc attentius per-
pendat, ea potius ad culpam Medicorum, quàm ad
culpæ excusationem spectant. Neque enim spem ab-
ijcere, sed vires potius intendere debuerant. Nam si
cui placet observationem expergefacerè suam, & pau-
latim circumspicere, etiàm ex Exemplis obuijs, & fa-
miliaribus, facili deprehendet; quantum obtineat im-
perij, *Intellectus Subtilitas & Acumen,* in Varietatem siue
Materiae, siue *Formae rerum.* Nil magis varium, quam
Hominum Facies & Vultus; Eorum tamen Discrimi-
na infinita retinet Memoria: Imò Pictor ex pauculis
Colorum testis, acie Oculi vsus, & vi Phantasiae, &
Manus constantia, omnium Facies, qui sunt, fuerunt,
atque etiàm (si coràm representarentur) qui futuri
sunt, penicillo imitari ac describere posset. Humanâ
Voce

Vocem nil magis varium; Huius tamen discrimina in singulis Personis facilè internoscimus: Quinetiàm non desunt Moriones & Pantomini quidam, qui, quotquot libuerit, reddere sciunt, & ad viuum exprimere. Nil magis varium quam Soni Articuli, Verba scilicet; Via tamen inita est, ea reducendi ad paucas Literas Alphabeti. Atque illud verissimum est, non ex eo, quod Mens humana sit minùs subtilis aut capax, Perplexitates & Acatalepsias in Scientijs plerunque prouenire; sed ex eo potiùs, quod Obiectum nimis in remoto collocatum sit. Sicut enim Sensus, procul ab Obiecto distans, plurimùm fallitur; debitè appropinquatus, non multùm errat; ita fit in Intellectu. Solent autem Homines Naturam, tanquam ex præaltâ Turri, & à longè despicerè, & circa Generalia nimium occupari; quando si descendere placuerit, & ad Particularia accedere, Resque ipsas attentius & diligentius inspicere, magis vera & utilis fieret Comprehensio. Itaque huius Incommodi Remedium, non in eo solum est, ut Organum ipsum vel acuant, vel robovent, sed simul ut ad Obiectum propius accedant. Ideoque dubitandum non est, quin si Medici, missis paulisper istis Generalibus, Naturæ obuiam ire vellet; compotes eius fierent, de quo ait Poeta,

Et quoniam variant Morbi, variabimus Artes;

Mille Mali Species, mille Salutis erunt.

Quod eò magis facere debent, quia Philosophiæ ipsæ, quibus innituntur Medici, siue Methodici, siue Chymici, (Medicina autem in Philosophiâ non fundata, Res infirma est;) parui reuerà sunt. Quare si nimis Generalia (licet vera fòrent) hoc vitium habeant, quod non benè Homines ad Actionem deducant; certè maius est periculum ab illis Generalibus, quæ in se falsa sunt; atque, loco deducendi, seducunt.

Medicina igitur (vtri perspeximus) adhuc talitèr

comparata est, ut fuerit magis Ostentata, quam Elaborata; etiā magis Elaborata, quam Amplificata; cum labores in eam insumpti, potius in Circulo, quam in Progressu se exercuerint. Plurima enim in eā video à Scriptoribus iterata, addita pauca. Eam in tres Partes diuidemus, quæ tria eius Officia nominabimus. Primum est *Conseruatio Sanitatis*; secundum *Curatio Morborum*; tertium *Prolongatio Vitæ*. At istud postremum, non videntur Medici, tanquā Partem Principalem Artis suæ agnouisse, verū idem reliquis duobus satis imperitè immiscuisse. Putant enim, si propulsentur Morbi antequā ingruant, & curentur postquā inuaserint; Prolongationem Vitæ ultro sequi. Quod licet minimè dubium sit, tamen parū acutè prospiciunt, horum vtrūque ad Morbos tantū pertinere, & ad eam solummodò *Vitæ Prolongationem*, quæ à Morbis abbreviatur & intercipitur: Atqui Filum ipsum Vitæ producere, ac Mortem, per Resolutionem Simplicem, & Atrophiam Senilem, sensim obrepentem, ad tempus summouere; Argumentum est, quod nemo ex Medicis pro dignitate tractauit. Neque verò subeat animos Hominum ille Scrupulus, ac si hæc Res Fato & Diuinæ Prouidentiae commissa, in Artis Officium & Munus iam primum à nobis reuocaretur: Prouidentia enim protuldubiò Mortes quascunque, siue ex violentiā, siue ex Morbis, siue ex Decursu ætatis, paritèr regit; Neque tamen idè Præuentiones & Remedia excludit. Ars autem & Industria Humana, Naturæ & Fato, non imperant, sed subministrant. Verū de hac Parte, paulò post dicemus; hæc tantū interea præfati; ne quis tertium istud Officium Medicinæ, cum duobus prioribus, (quod ferè adhuc factum est,) imperitè confundat.

Quod ad Officium *tuendæ Sanitatis* attinet, (ex Officijs prædictis Medicinæ primum) multi de eo scripserunt,

serunt, cum in alijs rebus satis imperitè, tùm nimium (vt arbitramur) Delectui Ciborum, minùs quàm par est, Quantitati eorum tribuentes. Quin & in Quantitate ipsâ, tanquam Philosophi Morales, Mediocritatem nimis laudârunt; Cùm & Ieiunia in consuetudinem versa, & Victus liberalis, cui quis assueuerit, melius Sanitatem tueantur, quàm istæ Mediocritates, quæ Naturam ignauam ferè reddunt, neque Excessûs neque Indigentia, cùm opus fuerit, patientem. Exercitationum autem Species, quæ in Sanitate tuendâ plurimùm pol-
lent, nemo ex Medicis benè distinxit, aut annotauit; cùm vix inueniatur aliqua Inclination in Morbum, quæ non Exercitatione quâdam propriâ corrigi possit. Morbis Renum Globorum Lusus conuenit, Pulmonum Sagittatio, Stomachi Deambulatio & Gestatio, atque alijs aliæ. Verùm cùm hæc Pars, de *Valetudinis Conseruatione*, secundum totum tractata sit, Defectus minores persequi non est nostri Instituti.

Quod verò ad *Curationem Morborum* attinet, Illa demùm pars est *Medicina*, in quâ plurimum Laboris insumptum est, licet Fructu satis tenui. Continet autem *Doctrinam* de Morbis, quibus Corpus humanum subijcitur; vnâ tum eorundem *Causis*, *Symptomatibus*; & *Medelis*. In hoc secundo Officio *Medicine*, multa sunt quæ desiderantur; Ex his pauca sed maximè insignia, proponemus, quæ enumerasse satis duxerimus, absque aliquâ Ordinis, aut Methodi lege.

Primum est, *Intermissio Diligentia* illius *Hippocratis*, utilis admodum & accuratæ; cui moris erat Narratiuam componere, Casuum circa Aegrotos specialium; referendo qualis fuisset Morbi Natura, qualis Medica-
tio, qualis Euentus. Atque huius rei hæctis nobis iam Exemplum, tam proprium atque insigne, in eo scilicet viro, qui tanquàm Parens Artis habitus est; minime opus erit Exemplum aliquod forissecum, ab alienis
Artibus

Artibus petere; Veluti à Prudentiâ Iurisconsultorum, quibus nihil antiquius, quàm illustriores Casus, & novas Decisiones, scriptis mandare; quò meliùs se ad futuros Casus muniant, & instruant. Ista proinde *Continuationem Medicinalium Narrationum desiderari* video; præsertim in vnum Corpus cum diligentia & iudicio digestam; Quam tamen non intelligo ita fieri debere amplam, vt planè Vulgata, & quæ quotidie obueniant, excipiat, (Id enim infinitum quiddam esset, neque ad rem;) Nec rursus tam angustam, vt solummodò Mirabilia & Stupenda (Id quod à nonnullis factum est) complectatur. Multa enim in Modo rei, & Circumstantijs eius, noua sunt, quæ in *Genere* ipso, noua non sunt: Qui autem ad obseruandum adiiciet Animum, ei etiàm, in rebus quæ vulgares videntur, multa obseruatu digna occurrent.

Item in *Disquisitionibus Anatomicis* fieri solet, vt quæ *Corpori Humano* in *uniuersum* competant, ea diligentissimè, vsque ad curiositatem, & in minimis quibusque, notentur: At circa *varietatem*, quæ in *diuersis Corporibus* reperitur, Medicorum diligentia fatiscit. Idcoquæ *Anatomiam Simplicem* luculentissimè tractari assero; *Anatomiam Comparatam desiderari* statuo. Partes enim singulas rectè perscrutantur Homines, earumque *Consistentias, Figuras, Situs*; sed *illarum Partium diuersam in diuersis Hominibus Figuram & Conditionem*, minùs obseruant. Atque huius Omissionis causam, non aliam esse arbitramur, quàm quod ad primam Inquisitionem, inspectio vnus aut alterius *Anatomiae* sufficere possit; ad posteriorem verò, (quæ Comparatiua est, & casum recipit,) necesse est, vt plurimarum Dissectionum attenta & perspicax Obseruatio adhibeatur; Prior etiàm res est, in quâ Homines docti, in prælectionibus suis, & in cœtu Astantium, se iactare possunt: at secunda ea est, quæ tacitâ & diutinâ *Experientiâ tantum, acquiri potest.*

Illud interea minimè dubium est, quod internarum Partium Figura & Structura, parùm admodùm Externorum Membrorum Varietati & Lineamentis cedat; Quodque Corda, aut Iecinora, aut Ventriculi, tam dissimilia sint in Hominibus, quàm aut Frontes, aut Nasi, aut Aures. Atque in his ipsis differentijs Partium Internarum, reperiuntur sæpius *Causse continent* multorum Morborum; quod non attendentes Medici, Humores interdum minimè delinquentes criminantur; cum ipsa Mechanica Partis alicuius Fabrica in culpâ sit. In quorum Morborum Curâ, operâ iudicatur, si adhibeantur Medicinæ alterantes, (quæ Res Alterationem non recipit) sed emendanda Res est, & accommodanda, seu pallianda, per Viêtus Regimen, & Medicinas familiares. Similitè, ad *Anatomiam comparatam* pertinent, accuratæ Observationes, tam *Humorum omnigenum*, quàm *Vestigiorum & Impressionum Morborum*, in Corporibus varijs dissectis; Et enim *Humores* in *Anatomijs*, tanquàm Purgamenta & Fastidia ferè prætermitti solent, cum tamen imprimis necessarium sit notare, *quales & quàm multiplices* sint *Humorum* differentium *Species* (non nimium in hac re tribuendo Divisionibus eorum receptis) qui in Corpore Humano aliquando inueniantur; Et in quibus *Cavitatibus*, & *Receptaculis*, quilibet ipsorum, Sedes & Nidulos suos figere potissimùm soleat; quoque iuuamento aut damno; atque his similia. Itidè *Vestigia*, & *Impressiones morborum*, & *Interiorum Partium* ab ijs *Lesiones & Devastationes*, in diuersis *Anatomijs* cum diligentia notanda; Nempe, Apostemata, Ulcera, Solutiones Continuitatis, Putrefactiones, Exesiones, Consumptiones; Rursus Contractiones, Extensiones, Conuulsiones, Luxationes, Dislocationes, Obstructiones, Repletiones, Tumores; vnâ cum omnibus Materijs Præter-Naturalibus, quæ in Corpore Humano

Humano inveniuntur, (veluti Calculis, Carnoficibus, Tuberculis, Vermibus, & huiusmodi:) Hæc (inquam) omnia, & his similia, per eam, quam diximus, *Anatomiam comparatam*, & multorum Medicorum Experimenta in vnum collata, magnâ cum curâ perquiri & componi debent. At *Varietas ista Accidentium in Anatomicis* aut perfunctorie tractatur, aut silentio præteritur.

De illo verò altero Defectu circa *Anatomiam*, (nempe quod non fieri consueverit in *Corporibus Vitis*) quid attinet dicere? Res enim hæc Odiosa, & Barbarâ, & à Celso rectè Damnatâ. Neque tamen illud minus verum est, (quod annotatum fuit à Priscis) Poros complures, & Meatus, & Perfusiones, quæ sunt ex Subtilioribus, in Anatomicis Dissectionibus non comparere; quippe quæ in Cadaveribus occluduntur & latent; cum in Viventibus dilatentur, & possent esse conspicui. Itaque, ut & Vfus consulatur simul & Humanitati, non est omnino rejicienda *Anatomia Vitorum*, neque ad fortuitas Chirurgicorum Inspectiones (quod Celsus fecit) remittenda, cum hoc ipsum bene expediri possit, per Dissectionem Brutorum Vitorum, quæ, non obstante suarum Partium dissimilitudine ab Humanis, huic Inquisitioni, adhibito iudicio, satisfacere possint.

Item in Inquisitione illorum de Morbis, inveniunt Morbos complures, quos *Insanabiles* decernunt, alios iam inde à Principio Morborum, alios post talem quampiam Periodum. Ita ut L. Syllæ & Triumvirorum Proscriptiones, Res nihili fuerint, præ Medicorum Proscriptionibus, per quas tot Homines iniquissimis Edictis Morti dedunt, Quorum tamen plurimi minore cum difficultate evadunt, quàm illi olim inter Proscriptiones Romanas. Neque igitur dubitabo inter *Desiderata* reponere Opus aliquod de *Curationibus Morborum*, qui habentur pro *Insanabilibus*, ut cu-

centur & excitentur Medici aliqui egregij, & magnanimi, qui huic Operi (quantum largitur Natura rerum) incumbant; quando hoc ipsum, *istos morbos pronunciare insanabiles*, Neglectum & Incuriam veluti Lege sanciat; & Ignorantiam ab Infamia eximat.

Item ut paulò ulterius insistant. Etiam planè cen-
seo ad officium Medici pertinere, non tantum ut *Sanitatem restituat*; verum etiam ut *Dolores & Cruciatu Morborum* mitiget: Neque id ipsum solummodo, cum illa Mitigatio Doloris, veluti Symptomatis periculosi, ad *convalescentiam* faciat & conducat; imò verò cum abiectà prorsus omni Sanitatis spe, *Excessum* tantum præbeat *Vitæ* magis *lenem & placidum*. Siquidem non parva est *Fœlicitatis* pars; (quam sibi tantoperè precari solebat Augustus Cæsar) illa *Euthanasia*; Quæ etiam observata est in Excessu Antonini Pij, quando non tam Mori videretur, quàm dulci & alto Sopore excipi. Scribitur etiam de Epicuro, quod hoc ipsum sibi procuraverit; cum enim Morbus eius haberetur pro desperato, Venter & Sensus, Meri largiore haustu, & ingurgitatione obruit; unde illud in Epigrammate,

Hinc stygias ebrius hausit aquas.
Vino scilicet Stygij Laticis Amaritudinem sustulit. At nostris Temporibus, Medicis quasi Religio est, Aegrotis, postquam deplorati sint, assidere; vbi meo iudicio, si Officio suo, atque adeò Humanitati ipsi deesse nolint, & Artem ediscere, & diligentiam præstare deberent, quâ Animam agentes, facilius & mitius *Vitæ* demigrent. Hanc autem Partem, Inquisitionem de *Euthanasia exteriori* (ad differentiam eius *Euthanasia*, quæ Animæ præparationem respicit) appellamus, eamque inter *Desiderata* reponimus.

Item in *Curationibus Morborum* illud generalitèr *desiderari* reperio; Quod Medici huiusce Ætatis, licet *generales Intentiones Curationum* non malè persequantur,

particularis, tamque Medicinæ, quæ ad Curationes Mor-
borum singulorum, proprietas quidam spectant, aut
non bene norunt, aut non religiose observant. Nam
Medici Traditionum & Experientia probata Fru-
ctum, Magistratibus suis destruxerunt, & sustule-
rum; Addendo, & demendo, & mutando circa Medi-
cina, prout ijs libitum fuerit; & ferè Pharmacope-
orum more, Quid pro Quo substituendo, ita superbe
imperantes Medicinæ, ut Medicina non amplius impe-
ret Morbo. Dempcis enim Theriaca, & Mithridatio,
& fortasse Diacordio, & Confectione Alkermes, &
paucis alijs Medicinis, ad nulla ferè certa Pharmaca
se religiose & severe astringunt. Nam Medicamenta
illa, quæ in Officiis prostant venalia, potius in prom-
ptu sunt ad Intentiones Generales, quam accommo-
data & propria ad Curationes Particulares. Siquidem
speciatim nullum Morbum magnopere respiciunt, ve-
rum generatim ad Obstructiones aperiendas, Conco-
ctiones confortandas, Intemperies alterandas pertinent.
Atque hinc præcipue fit, ut Empyrici & Vetula sæpe
numero in curandis Morbis feliciter operentur, quam
Medici eruditi; quia Medicinarum Probatarum Con-
fectionem & Compositionem fideliter & scrupulose
retinent. Equidem memini Medicum quendam apud
nos in Angliâ, Practicâ celebrem, Religionem propè
Iudæum, Librorum lectione tanquam Arabem, soli-
tum dicere; Medici vestri Europæi sunt quidem viri
docti; sed non norunt particulares curationes morborum.
Quinetiam idem ludere solebat, parum decore, di-
cendo, Medicos nostros similes esse Episcopis; ligandi &
solvendi claves habere, & nihil amplius. Sed ut serio
quod res est dicamus; Plurimum referre censemus, si
Medici aliqui, & eruditione & practicâ insigniores,
Opus aliquod conficiant, de Medicinis probatis &
experimentalibus, ad Morbos Particulares. Nam quod
speciosâ

speciosâ quis ratione nixus, existimet decere Medicum doctum, & habitâ ratione Complexionis Egro- rum, Aetatis, Tempestatis anni, Consuetudinum, & huiusmodi) potius Medicinas ex tempore aptare, quam certis aliquibus præscriptis insistere; id fallax Res est, & Experientiae non satis attribuit, Iudicio plus mi- mis. Sanè quemadmodum in Rep. Romanâ, Ciues erant utilissimi, & optimè compositi, qui aut Consu- les Populo fauebant, aut Tribuni in Patres Senatûs inolebant: ita in hac Materia, de quâ agimus, Me- dicos eos probamus, qui aut in magnâ Eruditione, traditiones Experientiae plurimum faciunt; aut in Practicâ insigni, Methodos & Generalia Artis non aspernantur. Modificationes verò Medicinarum (si quando sit opus eas adhibere) potius in Vehiculis ea- rum exercenda sunt, quam in ipso Corpore Medici- narum, in quo nil nouandum, absque euidenti ne- cessitate. Hanc igitur Partem, quæ de *Medicinis Au- thenticis, & Positivis* tractet, desiderari statuimus. Res autem est, quæ tentari non debet, absque acri & se- uero Iudicio, & tanquàm in Synodo Medicorum selectorum.

Item, inter Preparationes Medicinarum, mirari su- bit (præsertim cum *Medicine ex Mineralibus* à Chy- micis in tantum euectæ & celebratæ sint, cumque tales Medicinæ tutius adhibeantur ad Exteriora, quam intrò sumantur) neminem adhuc inuentum, qui per *Artem, Thermas Naturales, & Fontes Medicinales* imi- tari annixus fuerit; cum tamen in confesso sit, Ther- mas illas & Fontes, Virtutes suas, ex Venis Minerali- um, per quas permeant, nancisci: Quinetiâ, in ma- nifestum huius rei documentum, benè nôrit Humana Industria, discernere & distinguere per Separatio- nes quasdam, ex quo genere Mineralium, huiusmodi Aquæ inficiantur; veluti an ex Sulphure, Vitriolo,

Chalybe, aut aliquod simili. Quæ naturalis. Aquarum
 mixtura, sed Artificialis, compositiones reduci possit;
 facit in potestate Hominis, & plura genera earum
 (propter usus postulat) efficere, & ut præmentum ip-
 sum pro arbitrio regere. Hanc igitur Partem, de
Imitatione Naturæ in Balneis Artificialibus (re proculdus
 bidio & vili, & in promptu) desideramus. *Ne* vero
 singula scrupulosius exquiratur, quam
 vel Instituto nostro, vel huiusce Tractatus Naturæ con-
 venit, claudemus hanc Partem. Descendit alterius cu-
 iusdam enumeratione, qui maximi nobis videtur mo-
 menti; Nimirum, quod *Medendi ratio*, quæ obtinuit,
 sit *nimio plus compendiosa*, quam ut Insigne aliquid aut
 Arduum præstare possit. Etenim iudicio nostro, opi-
 nio fuerit magis blanda, quam vera, si quis ex-
 istimet Medicamentum aliquod tam potens aut fe-
 lix fieri posse, ut *Ulus* eius simplex, Curationi
 alicui grandiori sufficiat. Mirabilis profecto foret
 Oratio, quæ pronuntiata, aut etiam sæpius repetita,
 Vitium aliquod Animo penitus insitum, aut inuetera-
 rum, corrigere aut tollere possit. Longè certè abest.
 Verùm quæ in Naturâ eximie possunt & pollent, sunt
 Ordo, Prosecutio, Series, Vicissitudo Artificialia. Quæ,
 licet maius quoddam in præcipiendo iudicium, maiori-
 remque in parendo constantiam, requirant, tamen Ef-
 fectuum magnitudine abundè rem compensant. Et si
 autem ex Opera Medicorum quotidianâ, quam, inui-
 scendo, assidendo, præscribendo, Egrotis præstant, pu-
 tarer quispiam haud segnitè ipsos Curationem perse-
 qui, atque in eadem, certâ quâdam viâ, insistere: Ta-
 mèn si quis ea, quæ præscribere & ministrare soleant
 Medici, acutiùs introspiciat, inueniet pleraque vacilla-
 tionis & Inconstantie plena, & quæ ex tempore exco-
 gitentur, & in Mentem illis veniant, absque certo ali-
 quo, aut præuiso Curationis tramite. Debuerant au-

tem. Nam ab initio, post Morbum bene perspectum & cognitum, Seriem curandi ordinem, medicarum, neque ab eis, quæ gravi Causâ, discedere. Atque sciant pro certo Medici, posse (exempli gratia) tria formasse, aut quatuor Medicamenta, ad Morbum aliquem grauem curandum rectè præscribere, quæ debito ordine, & debito intervallo sumpta, Curationem præstent: quorum singula, si per se tantum sumerentur, aut siordo inueneretur, aut intervallum non seruetur, fuerint prorsus nocitura. Neque tamen id volumus, ut omnis scrupulosa & suspensiosa curandi Ratio in præcio sit tantquam optima, (non magis quam omnis *Via ardua*, tota sit ad *Cælum*). Hæc enim vtiq; recta sit *Via*, ad ardua & difficilia. Hanc autem Partem, quam *Filium medicinale* vocabimus, desiderari posuimus. Atque hæc illa sunt, quæ in *Doctrinâ Medicinæ de Curatione Morborum*, desideramus: nisi quod restet. Vnicum, quod pluris est quam illa omnia. *Desideratur* nimirum *Philosophia Naturalis Vera & Actiua*, cui *Medicina Scientia* inædificetur. Ceterum illa non est huiusce Tractatus.

Tertiam Partem *Medicinæ*, posuimus illam de *Prolongatione Vitæ*, quæ noua est, & desideratur. Estque omnium Nobilissima. Si enim tale aliquid inueniri possit, non versabitur tantum *Medicina* in *Curationum sordibus*, nec Medici ipsi propter *Necessitatem* solummodo honorabuntur: sed utique propter *Donum Mortalibus*, ex terrenis, quasi maximum, cuius poterint esse, secundum Deum, *Dispensatores & Administri*. Licet enim *Mundus* *Homini Christiano*, ad *Terram promissionis* contendenti, tanquam *Eremitus* sit; tamen in *Eremo* ipso proficiscentibus, *Calceos & Vestes* (Corpus scilicet nostrum, quod *Animæ loco Tegminis* est) minis atteri, *Gratiæ* *Diuinæ* *Munus* quoddam æstimandū. Hæc dedit, quia est ex optimis, càmque inter *Desiderata* posuimus, ex more nostro, & *Monita* dabimus, & *Indicia*, & *Præcepta*.

Primo

Primo monemus, ex Scriptoribus, circa hoc Argumentum, neminem esse, qui aliquid Magni, ne dicamus aliquid Sani, repererit. Aristoteles, certe Commentarium de hoc edidit perpusillum, in quo nihil inest Acuti; quod ipse Omnia esse vult, ut solet. Ac Recentiores tam oscitantur, & superstitiose, de hoc scripserunt, ut Argumentum ipsum ob eorum Vanitatem, tanquam vanum & veeors haberi ceciperit.

Secundo monemus, ipsas Intentiones, quae huc spectant, Medicorum, Res nihili esse; & Cogitationes Hominum à re potius abducere, quam versus eam dirigere. Sermocinantur enim, Mortem in Destitutione Calidi, & Humidi consistere: Deberi itaque Calorem Naturalem confortari, Humorem autem Radicalem foueri; Perinde ac si hæc res Talculis, aut Læticis & Maluis, aut Amygd, aut Iuinibis, aut rursus Aromatibus, aut Vino generoso, aut etiam Spiritu Vini, & Oleis Chymicis, confici possit; Quæ omnia obsunt potius, quam profunt.

Tertiò monemus, ut Homines nugari desinant, nec tam faciles sint, ut credant, grande illud opus, quale est Naturæ Cursum remorari & retrouertere, posse Haustu aliquo Matutino, aut Vsu alicuius Pretiosæ Medicinæ, ad exitum perducere; Non Auro potabili, non Margaritarum Essentijs, & similibus Nugis; sed ut pro certo habeant, Prolongationem Vitæ esse rem operosam, & quæ ex compluribus Remedijs, atque eorum inter se Connexione idonea, consistet: Neque enim quisquam ita stupidus esse debet, ut credat, quod nunquam factum est adhuc, id fieri iam posse, nisi per modos etiam nunquam tentatos.

Quartò monemus, ut Homines ritè animaduertant & distinguant, circa ea, quæ ad Vitam sanam, & ea, quæ ad Vitam longam, conferre possunt. Sunt enim nonnulla, quæ ad Spiritum Alacritatem, & Functionum Robur,

hunc & Morbos arcendos, profone, qui tamen de
summa Vita detrahunt, & Atrophiam senilem absque
Morbis accelerant: Sunt & alia, quae ad Prolonga-
tionem Vitae, & Atrophiam senilem longius summo-
vendam iuvant, sed tamen non usurpantur absque pe-
riculo Valetudinis; Adeo ut qui hys ventur ad Prolon-
gationem Vitae, debeant simul Incommodis occurrere,
quae alioquin ex eorum usu superuenire possint. Acque
Materia tractemus dedimus.

Quod ad Indicia attinet, Tale huius rei (quam
Animo movetur) Plafma est. Conseruatur res &
durat duobus Modis: Aut in Identitate sua; Aut per
Reparationem. In Identitate sua, ut Musca, aut For-
mica, aut Succina; Flos, aut Pomum, aut Eignum in
Conseruatorio Nitilibus; Cadaver inter Balsama. Per
Reparationem, ut in Flamma, & in Mechanicis
Operantibus Prolongationem Vitae, utroque genere uten-
dum est, (disiuncta minus possunt) Corpusque Hu-
manum conseruandum, quemadmodum Inanimata
conseruantur; Ac rursum quemadmodum Flamma
conseruatur; Ac denique quadamtenus ut Mechanica
conseruantur. Tres igitur sunt ad prolongandam Vitam
Intentiones: Retardatio Consumptionis; Prohibitio Repa-
rationis, & Renovatio eius quod capiti veterascere. Con-
sumptio fit a duabus Depradationibus; Depradatione
Spiritus Inimici; & Depradatione Aeris Ambientis.
Prohibitio vtriusque duplex; Aut si Agentia illa fiant
minus Predatoria; aut si Patientia (Succi scilicet Cor-
poris) reddantur minus Depradabilia. Spiritus fit mi-
nus Predatorius, si aut substantia densetur, ut in usu
Opiorum & Nitratorum, & in Contristationibus;
Aut Quantitate minuat, ut in Diets Pythagorici &
Monastici; Aut Motu lenitur, ut in Otio & Tran-
quillitate. Aer ambiens fit minus Predatorius, si aut
minus incalens a Radijs Solis, ut in Regionibus fr-
gidioribus,

gidioribus; in Speluncis; in Montibus; & in Columnis
 Anachoretarum: Aut summouetur à Corpore, ut in
 Cate densa, & in plumis Anium, & in usu Olei & Un-
 guentorum absque Aromatibus. Succi Corporis red-
 duntur minus depredabiles, si aut Duri facti sint, aut
 Roscidi sive oleosi. Duri, ut in Victu aspero; vita in
 Frigido; Exercitationibus robustis; Balneis quibusdam
 Mineralibus. Roscidi, ut in usu Dulcium, & abstin-
 tia à Salsis & Acidis, & maxime omnium, in tali Mi-
 stione Potus, quæ sit Partium valde tenuium & sub-
 tilium, absque tamen omni Acrimonia aut Acedine.
 Reparatio sit per Alimenta; Alimentatio autem pro-
 mouetur quatuor Modis: Per Concoctionem Visce-
 rum ad Extrusionem Alimenti, ut in confortantibus
 Viscera principalia; Per Excitationem Partium Exte-
 riorum ad Attractionem Alimenti, ut in Exercitatio-
 nibus & Fricationibus debitis, atque Vnctionibus qui-
 busdam & Balneis appropriatis; Per Preparationem
 Alimenti ipsius, ut facilius se insinuet, & Digestiones
 ipsas quadamtenus anticipet, ut in varijs & artificio-
 sis Modis Cibi condiendi, Potus miscendi, Panis fer-
 mentandi, & horum trium Virtutes in vnum redigen-
 di; Per Confortationem ipsius ultimi Actus Assimila-
 tionis, ut in Somno tempestino, & Applicationibus
 quibusdam exterioribus. Renouatio eius quod coepit
 veterascere, fit duobus Modis; vel per Intenerationem
 Habitûs Corporis ipsius, ut in usu Malacificationum ex
 Balneis, Emplastris, & Vnctionibus; quæ talia sunt ut
 imprimant, non extrahant: Vel per Expurgationem
 Succi veteris, & Substitutionem Succi noui, ut in tem-
 pestiuis & repetitis Purgationibus, Sanguinis Missioni-
 bus, & Dietis attenuantibus, quæ Florem Corporis re-
 stituunt. Atque de Indicijis hætenus.

Præcepta, quanquam ex ipsis Indicijis plurima pos-
 sint deduci; tria tamen veluti præcipua subiungere
 visum

visum est. *Præcipimus* primò, ut Prolongatio Vitæ expectetur potius à Diætis Statis, quàm à Regimine aliquo Violentius familiari; aut etiàm à Medicamentorum Particularium Excellentia. Etenim, quæ tantâ Virtute pollent, ut Naturam retrouertere valeant; fortiora plerunque sunt, & potentiora ad alterandum, quàm ut simul in aliquâ Medicinâ componi, multò minùs in Viâ familiari interspergi possint. Superest itaque ut seriatim, & regularitèr, & ad Tempora certa, & vicibus certis recurrentia, adhibeantur.

Secundò *præcipimus*, ut Prolongatio Vitæ, expectetur potius ab Operatione in Spiritus, & à Malacificatione Partium, quàm à Modis Alimentandi. Etenim, cum Corpus humanum, eiusque Fabrica (missis externis) à tribus patiatur; Spiritibus scilicet; Partibus; & Alimentis; Via Prolongationis Vitæ per Alimentandi Modos longa est; atque per multas ambages & circuitus; At viæ per Operationes super Spiritus, & super Partes, multò breuiores sunt, & quibus citiùs ad Finem desideratum peruenitur; Eò quod Spiritus subito patiantur, & à Vaporibus, & ab Affectibus, quæ miris modis in eos possunt, Partes item, per Balnea, aut Vnguenta, aut Emplastra, quæ subitas etiàm Impressiones faciunt.

Tertiò *præcipimus*, quod Malaciffatio Partium per Exteriùs, fieri debet, per *Consubstantialia*, *Imprimentia*, & *Occludentia*. *Consubstantialia* enim beneuolè Partium amplexu libentèr excipiuntur, & propriè malacissant. *Imprimentia* autem, & Virtutem Malacissantium, tanquàm Vehicula, faciliùs & altiùs deducunt, atque ipsa Partes nonnihil expandunt. *Occludentia* autem, Virtutem utrorumque retinent, & paulisper figunt, & Perspirationem, quæ est res Malaciffationi opposita, (quia Humidum emittit,) cohibent. Itaque per hæc tria; (sed potius ordine disposita, & succedentia, quàm commixta,) Res absoluitur. Interim in hac Parte mo-

nemus, non eam esse Intentionem Malacificationis, ut nutriat Partes per Exterius; sed tantum ut eas reddat magis idoneas ad Nutriendum. Quicquid enim magis Aridum est, minus est Activum ad Assimilandum. Atque de *Prolongatione Vitæ*, quæ est Pars tertia *Medicinæ* noviter ascripta, hæc dicta sint.

Veniamus ad *Cosmeticam*, quæ certè Partes habet Civiles, Partes rursus Effœminatas. Corporis enim Munditia, & Decor honestus, rectè existimatur promanare à Modestiâ quâdam Morum, & à Reuerentiâ; inprimis erga Deum, cuius Creaturæ sumus; tum erga Societatem, in quâ degimus; tum etiam erga nosmetipsos, quos non minus, imò magis quàm alios reuereri debemus. Verùm Adulterina illa Decoratio, quæ Fucos & Pigmenta adhibet, digna certè est illis Defectibus, qui eam semper comitantur; cum non sit, aut ad fallendum satis ingeniosa, aut ad utendum satis commoda, aut ad Salubritatem satis tuta & innocua. Miramur autem pravam hanc consuetudinem Fucandi, Leges Censorias, tam Ecclesiasticas quàm Civiles (quæ alias in Luxuriam circa Vestes, aut Cultus Capillorum effœminatos, admodum fuerint seueræ) ita diu fugisse. Legimus certè de *Iezabele*, quod Pigmentis faciem obliuerit; verùm de *Estherâ*, & *Iudithâ*, nil tale perhibetur.

Pergamus ad *Athleticam*; Eam sensu intelligimus paulò largiori, quàm accipi consuevit. Huc enim referimus, quicquid versatur circa conciliandâ qualemcunque (quam Corpus humanum suscipit) *Habilitatem*; siue sit *Agilitatis*, siue *Tolerantiæ*. Quarum *Agilitas* duas habet Partes, *Robur* & *Velocitatem*. Ac *Tolerantia* item duas, vel *Indigentiarum Naturalium patientiam*, vel in *Cruciatibus Fortitudinem*. Quorum omnium, videmus sæpenumerò Exempla insignia, in Practicâ Funambulorum; in duro victu Hominum quorundam Barbarorum; in Stupendis viribus Maniacorum; & in

constantia nonnullorum inter exquisita Tormenta. Imò si aliqua alia reperitur Facultas, quæ in priorem Partitionem non cadit (qualis in *Vrinatoribus* sæpè conspicitur, qui mirificè Anhelitum cohibere possunt) ad hanc ipsam Artem aggregari volumus. Atque quod talia fieri quandoque possint, manifestissimum est: At Philosophia & inquisitio Causarum circa eadem ferè neglecta iacet; Hanc arbitramur ob Causam, quòd Hominibus persuasum sit huiusmodi Magisteria Naturæ, solummodò vel ex peculiari certorum Hominum indole, (quæ sub Disciplinam non cadit,) vel à diutinâ, ab Annis usque Puerilibus, consuetudine, (quæ potius imperari quam doceri solet) obtinere. Quod etsi verum prorsus non sit, tamen *Defectus* huiusmodi Rerum quid attinet notare? Certamina enim Olympica iam diù cessarunt; Tum etiâ in eiusmodi rebus Mediocritas sufficit ad usum; Excellentia autem Mercenariæ cuidam Ostentationi ferè inferuit.

Postremò accedimus ad *Artes Voluptarias*. Eæ secundum sensus ipsos dispersitæ sunt: Oculos oblectat præcipuè *Pictoria*, cum alijs Artibus innumeris, (quæ ad Magnificentiam spectant) circa *Edificia*, *Hortos*, *Vestes*, *Vasa*, *Calices*, *Gemmas*, & similia. Aures demulcet *Musica*, quæ tantâ Vocum, Spiritus, Chordarum, Varietate, & apparatu, instructa est. Olin etiam *Hydraulica*, pro *Coryphaeis* quibusdam Artis eius habita sunt, quæ nunc propè obsoleverunt. Atque Artes, quæ ad Visum, aut Audium spectant, præ alijs præcipuè *Liberales* habitæ sunt. Sensus hi duo magis casti; Scientiæ magis eruditæ; quippe qui etiam *Mathematicam*, veluti Ancillam, in Familijs suis habeant: Etiam Altera ad Memoriam & Demonstrationes; Altera ad Mores & Affectus Animi nonnihil respicit. Reliquorum Sensuum Oblectationes, atque Artes circa ipsos, minùs in honore sunt; veluti *Luxuriæ* quam *Magnificentia*

centia propiores, Unguenta, Odoramenta, Deliciae & Cupedia Mensarum, maximè autem Incrementa Libidinis, rectius Censore quàm Doctore indigent. Optimè sanè à quibusdam annotatum est, nascentibus & crescentibus Rebus pub. Artes Militares florere; in statu & culmine positas Liberales; ac ad declinationem & decasum vergentibus Voluptarias. Hæc verò Aetas nostra, vereor ne tanquàm in decasu felicitatis, in Artes voluptarias inclinet. Quare ista missa faciamus. Cum Artibus Voluptarijs Ioculares copulo. Deceptiones siquidem Sensuum, inter Delectationes Sensuum reponendæ sunt.

Iam verò transcursumus Doctrinis illis, circa Corpus Humanum, (Medicinâ, Cosmeticâ, Athleticâ, Voluptariâ) illud obiter monemus; Cum in Corpore Humano tot Res in considerationem veniant, Partes, Humores, Functiones, Facultates, Accidentia; Cùmque, (si nobis integrum esset) constitui oportuisset Corpus unicum Doctrinæ de Corpore Humano, quæ ista omnia complecteretur (simile illi Doctrinæ de Anima, de quâ mox dicemus) tamen ne Artes nimis multiplicentur, neque Veteres Artium Limites (plusquàm necesse fuerit) transponantur; Doctrinam de Partibus Corporis Humani, de Functionibus, de Humoribus, de Respiratione, de Somno, de Generatione, de Fœtu & Gestatione in Utero, de Augmentis, de Pubertate, de Canicia, de Impinguatione, & similibus, in Corpus Medicinæ recipimus; licet ad Officia illa tria non propriè pertineant; Sed quia Corpus ipsum Hominis, sit per omnia Medicina Subiectum. Motum autem Voluntarium, & Sensum, ad Doctrinam de Anima rejicimus; siquidem Animæ Partes in his duobus sunt potiores. Atque sic Doctrinam, quæ circa Corpus Hominis versatur (quod Animæ pro Tabernaculo duratur est) claudimus.

CAPVT III.

Partitio Philosophiæ Humanæ circa Animam, in Doctrinam de Spiraculo; & Doctrinam de Animâ Sensibili suæ Productâ. Partitio secunda eiusdem Philosophiæ, in Doctrinam de Substantiâ & Facultatibus Animæ; & Doctrinam de Vsu, & Obiectis Facultatum. Appendices duæ Doctrinæ de Facultatibus Animæ; Doctrina de Diuinatione Naturali; & Doctrina de Fascinatione. Distributio Facultatum Animæ Sensibilis, in Motum; & Sensum.



Eniamus ad *Doctrinam de Animâ Humanâ*; è cuius Thesauris, omnes cæteræ *Doctrinæ* depromptæ sunt. Eius duæ sunt Partes; Altera tractat de *Animâ Rationali*, quæ Diuina est; Altera de *Irrationali*, quæ communis est cum Brutis. Notauimus autem paulo superius (ubi de *Formis* loquebamur) differentes illas duas *Animarum* Emissiones, quæ in primâ, verusque Creatione, se dant conspiciendas; Nimirum, quod altera Ortum habuerit à *Spiracula Dei*; Altera e *Matricibus Elementorum*. Nam de *Animæ Rationalis* Generatione Primitiua, ita ait Scriptura, *Formauit Dominus de limo Terræ, & spiritum in faciem eius spiraculum Vitæ*. At Generatio *Animæ Irrationalis*, siue *Brutorum*, facta est per Verba illa, *Producat Aquæ, Producat Terra*; Hæc autem *Animæ* (qualis est in Homine) *Animæ Rationali* Organum tantum

tantum est, atque Originem habet, & ipsa quoque, quemadmodum in Brutis, è Limo Terræ: Neque enim dictum est, *Formavit Corpus Hominis de Limo Terræ*; sed *Formavit Hominem*, integrum scilicet Hominem, excepto illo Spiraculo. Quamobrem Partem primam *Doctrinæ Generalis* circa *Animam Humanam*, *Doctrinam de Spiraculo* appellabimus; Secundam verò, *Doctrinam de Animâ Sensibili* siue *Productâ*. Neque tamen, cum hactenus *Philosophiam* solam tractemus (quippe *Sacram Theologiam* in Fine Operis collocauimus) Partitionem istam à *Theologiâ* mutuaremus, nisi etiâ cum principiis *Philosophiæ* conueniret. Plurimæ enim & maximæ sunt *Animæ Humane* præcellentiæ supra *Animas Brutorum*, etiâ Philosophantibus secundum Sensem manifestæ. Vbicunque autem tot & tantarum inuenitur Excellentiarum Symbolum, ibi meritò semper constitui debet Differentia specifica. Itaque nobis non nimium placet, confusa illa & promiscua Philosophorum de *Animæ Functionibus* Tractatio; ac si *Anima Humana*, Gradu potius quàm Specie, discriminata esset ab *Animâ Brutorum*; Non aliter quàm Sol inter Astra, aut Aurum inter Metalla.

Subiungenda est etiâ Partitio alia *Doctrinæ Generalis* circa *Animam Humanam*, antequàm de Speciebus fufius loquamur. Etenim, quæ de Speciebus postea dicemus, utramque Partitionem, tum illam quam iam modò posuimus, tum istam quam nunc proponemus, simul tractabunt. Secunda igitur Partitio sit, in *Doctrinam de Substantiâ & Facultatibus Animæ*; & *Doctrinam de Vfu et Obiectis Facultatum*.

Præmissis itaque his Partitionibus geminis, ad Species accedamus. *Doctrina de Spiraculo*, eademque de *Substantiâ Animæ Rationalis*, complectitur Inquisitiones illas de Naturâ eius; Vtrum *Natiua* sit illa, an *Aduentitia*; *Separabilis*, an *Inseparabilis*; *Mortalis*, an *Immortalis*;

*talis; quatenus Legibus Materie alligata, quatenus minime; & similia: Quæ verò huius sunt Generis, licet etiam in Philosophiâ, & diligentiorẽ & altiorẽ Inquisitionem subire possint, quàm adhuc habetur; vtcunque tamen in fine, Religioni determinanda & diffinienda rectius transmitti censemus: Aliter enim, Erroribus haud paucis, & Sensûs Illusionibus omninò exponuntur. Etenim, cùm *Substantia Anima*, in Creatione suâ, non fuerit extracta aut deducta, ex Massâ Cœli & Terræ, sed immediate inspirata à Deo; Cùmque Leges Cœli & Terræ, sint propria Subiecta Philosophiæ; quomodo possit Cognitio de *Substantiâ Animæ Rationalis* ex Philosophiâ peti & haberi? Quinimò ab eadem Inspiratione Diuinâ hauriatur, à quâ *Substantia Anima* primò emanauit.*

Doctrina verò de *Animâ Sensibili* siue *Productâ*, etiam quatenus ad *Substantiam* eius, verè inquiritur: At ea Inquisitio nobis quasi *desiderari* videtur. Quid enim ad *Doctrinam* de *Substantiâ Animæ* faciunt, *Actus ultimus*, & *Forma Corporis*, & huiusmodi Nugæ Logicæ? *Animâ* siquidem *Sensibilis* siue *Brutorum*, planè *Substantia Corporca* censenda est, à Calore attenuata, & facta Inuisibilis; *Aura* (inquam) ex Naturâ Flammeâ & Aereâ conflata, Aeris mollicie ad Impressionem recipiendam, Ignis vigore ad Actionem vibrandam dotata; partim ex Oleosis, partim ex Aqueis nutrita; Corpore obduta, atque in Animalibus perfectis in Capite præcipuè locata, in Neruis percurrentes, & Sanguine spirituofo Arteriarum resecta & reparata; quemadmodum *Bernardinus Telesius*, & *Discipulus* eius *Augustinus Dominus*, aliquâ ex parte, non omninò inutiliter, asseruerunt. Itaque de hac *Doctrinâ*, diligentior fiat Inquisitio: Eò magis, quod hæc Res non benè intellecta, Opiniones supersticiosas, & planè contaminatas, & Dignitatem *Animæ Humane* pessimè conculcantes, de *Metempsychosî*, &

& *Lustrationibus Animarum* per Periodos Annorum, denique de nimis propinquâ *Anima Humana* erga *Animas Brutorum* per omnia *Cognitione*, peperit. Est autem hæc *Anima* in *Brutis Anima principalis*, cuius *Corpus Brutorum Organum*; In *Homine* autem, *Organum tantum* & ipsa *Anima Rationalis*; & *Spiritus* potius *Appellatione*, quàm *Anime* indigetari possit. Atque de *Substantiâ Animæ* hætenus.

Facultates autem *Animæ* notissimæ sunt; *Intellectus*, *Ratio*, *Phantasia*, *Memoria*, *Appetitus*, *Voluntas*, denique *uniuersæ illæ*, circa quæ versantur *Scientiæ Logicæ*, & *Ethicæ*: Sed in *Doctrinâ de Animâ*, *Origines* ipsarum tractari debent, idque *physicè*, prout *Animæ innatæ* sint, & adhæreant: *Usus* tantum ipsarum, & *Obiecta*, illis alteris *Artibus*, deputantur. Atque in hac parte, nihil egregij (vt nobis videtur) adhuc repertum est; quanquàm desiderari eam haud sanè dixerimus. Habet etiam *Pars ista*, *De Facultatibus Animæ*, *Appendices* duas; quæ & ipsæ, quemadmodum tractantur, potius *Fumos* nobis exhibuerunt, quàm *Flammam aliquam lucidam Veritatis*: Altera harum est *Doctrina de Diuinatione Naturali*; Altera de *Fascinatione*.

Diuinationem ab *Antiquis*, nec malè, in duas *Partes* diuisam habemus; *Artificialem*, & *Naturalem*: *Artificialis* *Ratiocinando*, ex *Indicatione Signorum*, *Prædictionem* colligit; *Naturalis*, ex ipsâ *Animi præensione internâ*, absque *Signorum Adminiculis*, præfagit. *Artificialis* duplex; Altera argumentatur ex *Causis*; Altera ex *Experimentis* tantum, cecâ quâdam *Auctoritate*: Quæ posterior, vt plurimum, *superstitiosa* est; quales erant *Ethnicorum Disciplinæ*, circa *Inspectionem Exororum*, *Volatum Avium*, & similia. Etiam *Chaldaeorum Astrologia* solentior, non multò melior. At *Artificialis Diuinatio* vtraque, inter diuersas *Scientias* spargitur. Habet *Astrologus* *Prædictiones* suas, ex situ *Astrorum*.
Habet

Habet etiam Medicus suas, De Morte ingruente; De
 Convalescentiâ; De Symptomatibus Morborum su-
 peruenturis, ex Venis, Pulsibus, Aspectu Aegrorum, &
 similibus. Habet & Politicus suas; O Urbem Vienalem,
 & cito perituram, si Emplorem invenerit. Cuius Vati-
 cini fides non diu morata est; impleta primam in
 Sylla, postea in Cesare. Huiusmodi igitur Prædictio-
 nes, presentis non sunt Instituti, verum ad Artes pro-
 prias remitti debent. Naturalis autem Divinatio, ex vi
 scilicet internâ Animi Ortum habens, ea demum est,
 de qua nunc agitur. Hæc duplex est; Altera *Natiua*;
 Altera per *Influxum*. *Natiua* hoc nititur Suppositionis
 Fundamento; Quod Anima in se reducta, atque colle-
 cta, nec in Corporis Organa diffusa, habeat ex vi pro-
 pria Essentiæ suæ, aliquam Prænotionem Rerum futu-
 rarum. Illa vero optime cernitur, in Somnis, Ecstasi-
 bus, Confinijs Mortis; rarius inter Vigilandum, aut
 cum Corpus sanum sit ac validum. Huiusmodi vero
 status Animi, procuratur ferè, aut adiuuatur, ex Absti-
 nentijs, atque illis Rebus, quæ Animam à Muneribus
 Corporis exercendis maximè seuocant, ut suâ Naturâ
 absque Impedimentis Exteriorum gaudere possit. *Di-
 uinatio* vero per *Influxum*, hoc altero suppositionis Fun-
 damento nititur; Quod Anima, veluti Speculum, Illu-
 minationem quandam secundariam, à Præscientia Dei,
 & Spirituum excipiat; Cui etiam idem, qui priori,
 Status & Regimen Corporis confert. Eadem enim
 Animæ seuocatio efficit, ut & suâ Naturâ impenius
 utatur, & Divinorum Influxuum sit magis susceptiva:
 Nisi quod in *Divinationibus* per *Influxum*, Anima Fer-
 uore quodam, atque tanquam Numinis præsentis Im-
 patientiâ (quæ apud Priscos *Sacri Furoris* nomine vo-
 cabatur) corripiatur; In *Divinatione* autem *Natiua*,
 Quietis potius & Vacationi propior sit. *Rascinatio* autem, est Vis & Actus Imaginationis

intensius, in Corpus alterius: (Vim enim Imaginationis super Corpus proprium ipsius Imaginantis superius perstrinximus.) In hoc genere Schola Paracelsi, & e mentitæ Naturalis Magie Cultores, tam fuerunt immodici, ut Imaginationis Imperium & Apprehensionem, Miracula patranti Fidei tantum non exequantur. Alij ad Similitudinem Veri propius accedentes; cum occultas Rerum Energias & Impressiones, Sensuum Irradiationes, Contagionum de Corpore in Corpus Transmissiones, Virtutum Magneticarum Delationes, acutiùs intuerentur; in eam opinionem deueniunt, ut multò magis à Spiritu in Spiritum (cum Spiritus præ Rebus omnibus sit, & ad Agendum strenuus, & ad Patiendum tener & mollis) Impressiones & Delationes, & Communicationes fieri poterint. Vnde increbuerunt Opiniones factæ quasi Populares, De Genio superiori, De Hominibus quibusdam infauis & ominoſis, De Ictibus Amoris & Inuidiæ, & aliæ his similes. Atque huic coniuncta est Disquisitio, quomodo Imaginatio intendi & fortificari possit: Quippe si Imaginatio fortis tantarum sit virium, operæ pretium fuerit nosse, quibus modis eam exaltari, & seipsâ maiorem fieri detur? Atque hic oblique, nec minùs periculosè, se insinuat Palliatio quædam, & Defensio maximæ Partis Magiæ Ceremonialis. Speciosus enim fuit Prætextus, Cæremonias, Characteres, Incantationes, Gesticulationes, Amuleta, & similia, non ex aliquo tacito, aut Sacramentali cum malis Spiritibus contractu, vires nancisci; sed eò pertinere tantum, ut Imaginatio illius, qui his utitur, roboretur & exaltetur: Quemadmodum etiã in Religione, vsus Imaginum, ad Mentes Hominum in Rerum Contemplatione defigendas, & Deuotionem Precantium excitandam, inualuit. Attamen mentalis est Sententia; Etiam si detur vim Imaginationis esse utique potentem, atque insuper Cæremonias vim illam intendere

intendere & roborare; posito denique, quod adhibeantur Cæremoniæ ad hanc Intentionem sincerè, atque tanquàm Remedium Physicum, absque aliquâ vel minimâ cogitatione, de inuitandis per ipsas auxilijs Spirituum; haberi nihilominus debent pro illicitis, propterea quod Sententiæ illi Diuinæ, aduersus Hominem propter Peccatum latæ, repugnent & recalcitent, *In sudore vultûs comedes panem tuum*. Siquidem Magia eius generis, egregios illos Fructus, quibus Deus Pretium Laborem constituit, adipiscendos proponit, per paucas, easque faciles, & minimè operosas Obseruantias.

Superfunt *Doctrinæ* duæ, quæ ad *Facultates Animæ Inferioris* siue *Sensibilis*, præcipuè spectant; vtpote quæ cum Organis Corporeis maximè communicât. Altera de *Motu Voluntario*; Altera de *Sensu & Sensibili*. In priori harû, etiâ alias satis ieiunè inquisitâ, Vnica Pars ferè integra *deest*. Etenim de Officio, & Fabricâ cômодâ Neruorû & Musculorû, & aliorum quæ ad hunc Motû requiruntur; Quæque Pars Corporis quiescat dum alia moueatur; Tum quod huiusce Motûs Rector & quasi Auriga sit Imaginatio, adeò vt dimissâ Imaginatione ad quam Motus fertur, statim intercipiatur & sistatur Motus ipse, (vt cum decambulamus, si alia subeat Cogitatio acris & defixa, continuò consistimus;) & aliæ nonnullæ Subtilitates non malæ, in Obseruationem & Inquisitionem iam pridem venerunt. Quomodo verò Compressiones, & Dilatationes, & Agitationes Spiritûs, (qui proculdubio Motûs Fons est) corpoream & crassam Partium Molem, flectat, excitet, aut pellat, adhuc diligenter inquisitum & tractatum non est. Neque mirum, cum *Animâ ipsâ Sensibili*, hætenus potius pro Entelechiâ & Functione quâdam habita sit, quam pro Substantiâ. At quando iam innotuerit, ipsam esse Substantiam Corpoream & Materiata, necesse est etiâ, vt quibus nixibus, Aurâ tam pusilla & tenera, Corpora

tam crassa & dura, in *Motu* ponere possit, inquiratur. De hac Parte igitur, cum *desideretur*, fiat Inquisitio.

At de *Sensu* & *Sensibili*, longè vberior & diligentior adhibita est Inquisitio, tam in Tractatibus circa ea generalibus, quam in Artibus specialibus, utpotè *Perspectivâ*, *Musicâ*: quam verè, nihil ad Institutum: quandoquidem illa tanquàm *Desiderata* ponere non liceat. Sunt tamen duæ Partes Nobiles & insignes, quas in hac Doctrinâ *desiderari* statuimus: Altera de *Differentiâ Perceptionis* & *Sensûs*; Altera de *Formâ Lucis*.

Atque Differentiam inter *Perceptionem* & *Sensum*, benè enucleatam, debuerant Philosophi Tractatibus suis de *Sensu* & *Sensibili* præmittere, ut rem maximè fundamentalem. Videmus enim, quasi omnibus Corporibus Naturalibus, inesse vim manifestam *Percipiendi*; Etiam Electionem quandam Amica amplectendi, Inimica & Aliena fugiendi. Neque nos de subtilioribus *Perceptionibus* tantùm loquimur; veluti cum Magnes Ferrum allicit; Flamma ad Naphtham affilit; Bulla Bullæ approximata coit; Radiatio ab Obiecto albo dissilit; Corpus Animalis vtilia assimilat, inutilia excernit; Spongiæ Pars (etiam super Aquam eleuata) Aquam attrahit, Aerem expellit; & huiusmodi; Etenim quid attinet talia enumerare? Nullum siquidem Corpus ad aliud admotum, illud immutat, aut ab illo immutatur, nisi Operationem præcedat *Perceptio* Reciproca. *Percipit* Corpus Meatus quibus se insinuat; *Percipit* Impetum alterius Corporis, cui cedit; *Percipit* Amotionem alterius Corporis, à quo detinebatur, cum se recipit; *Percipit* Diuulsionem sui Continui, cui ad Tempus resistit; ubique denique est *Perceptio*. Aer verò Calidum & Frigidum tam acutè *percipit*, ut Eius *Perceptio* sit longè subtilior quàm Tactûs Humani; qui tamen pro Calidi & Frigidi Normâ habetur. Duplex igitur deprehenditur circa hanc Doctrinam Hominum Culpa;

Culpa; Alia, quod eam intactam, & intractatam (cùm tamen sit Res nobilissima) plerunque reliquerunt: Alia, quod qui huic Contemplationi fortè Animum adiecerunt, longiùs, quàm par est, prouecti sunt, & *Sensum* Corporibus omnibus tribuerunt: vt piaculum ferè sit Ramum Arboris auellere, ne fortè instar Polydori ingemiscat. At debuerant illi *Differentiam Perceptionis & Sensus*, non tantùm in Comparatione Sensibilium ad Insensibilia, secundum Corpus integrum, explorare, (veluti Plantarum & Animalium;) verùm etiàm in Corpore ipso Sensibili animaduvertere, quid in Causâ sit, cur tot Actiones expediantur, absque omni tamen *Sensu*? Cur Alimenta digerantur, egerantur; Humores & Succi, sursùm, deorsùm, ferantur; Cor & Pulsus vibrent; Viscera, sua quæque Opificia, sicut Officinæ, producant; & tamen hæc omnia, & complura alia, absq; *Sensu* fiant? Verùm Homines non satis acutè, qualis sit Actio *Sensus*, viderunt; atque quod Genus Corporis, quæ Mora, quæ Conduplicatio Impressionis ad hoc requirantur, vt Dolor vel Voluptas sequatur? Denique *Differentiam* inter *Perceptionem* simplicem, & *Sensum*, nullo modo nosse videntur; nec quatenus fieri possit *Perceptio* absq; *Sensu*. Neque enim hæc Verborum tantùm Controuersia est, sed de Re magni prorsus Momenti. De hac igitur *Doctrinâ* (vt in primis vtili, & ad plurima spectante) meliùs inquiretur. Quandoquidem etiàm circa hanc Rem Inscitia, tantum apud nonnullos ex Antiquis Philosophis potuerit, vt omnibus sine discrimine Corporibus Animam infundi putauerint: Neque enim videbant, quomodò *Motus* cum discretionem fieri potuerit absque *Sensu*; aut *Sensus* adesse absque *Animâ*.

De *Formâ Lucis*, quod debita non facta fuerit Inquisitio (præsertim cùm in *Perspectinâ* strenuè elaborârunt Homines) stupenda quædam negligentia censeri possit.

possit. Etenim, nec in *Perspectivâ*, nec aliàs, aliquid de Luce, quod valeat, inquisitum est. Radiationes eius tractantur, Origines minimè. Sed Collocatio demùm *Perspectivæ* inter *Mathematica*, hunc ipsum Defectum, & alios similes peperit; quia à *Physicis* præmaturè discessum est. Tractatio autem de *Luce*, & *Causis* eius, in *Physicis* rursus superstitiosa ferè est, tanquàm de Re inter *Divina* & *Naturalia* mediâ; adeò ut quidam ex *Platonicis*, eam *Materiâ* ipsâ antiquiorem introduxerint: Cùm enim *Spatium* esset difflatum, id primum *Lumine*, postea verò *Corpore* impletum fuisse, vanissimo commento asseruerunt: Quando tamen *Scripturæ Sacræ*, *Massam* *Cœli* & *Terræ*, tenebrosam, ante *Lucem* creatam, disertè posuerint. Quæ verò *physicè*, & secundum *Sensum* de eâ tractantur, ea statim ad *Radiationes* descendunt, ut parùm *Physicæ Inquisitionis* circa hanc rem extet. Debuerant autem *Homines* *Contemplationes* suas submittere paulisper, & quid sit *Corporibus* omnibus *Lucidis* commune inquirere, tanquàm de *Formâ Lucis*. Etenim quam immensa est corporis *Differentia*, (si ex dignitate considerentur) inter *Solem* & *Lignum* putridum, aut *Squamas* etiàm *Piscium* putridas? Inquirere etiàm debuerant, quid tandem in causâ sit, cur aliqua ignescant, & *Lucem* ex se iaciant calefacta, alia minimè? *Ferrum*, *Metalla*, *Lapides*, *Vitrum*, *Ligna*, *Oleum*, *Seuum*, ab *Ignis*, vel *Flammam* vibrant, vel saltèm rubescunt: At *Aqua*, *Aer*, acerrimo & tanquàm furenti *Calore* feruefacta, nihil tamen *Lucis* adipiscuntur, nec splendent. Quod si quis hoc eò fieri putet, quod proprium sit *Ignis* *lucere*, *Aqua* autem & *Aer* *Igni* omninò inimica sint; Is sanè nunquàm per *Obscura Noctis*, in *Aquâ falsâ*, tempestate calidâ, remigavit; cùm guttulas *Aquæ* ex *Remorum Concussione* subsilientes, micare & *lucescere* videre potuisset. Quod etiàm fit in *Spumâ* *Maris* feruentiore,

uentiore, quam *Pulmonem Marinum* vocant. Quid denique habent commune cum Flammâ & Ignitis, Cicendulæ & Luciolæ; & Musca Indica, quæ Cameram totam illustrat; Et Oculi quorundam Animalium in Tenebris; & Saccharum inter radendum aut frangendum; & Sudor Equi nocte æstuosâ festinantis; & Alia nonnulla? Quin & Homines tam parùm in hâc re viderunt, vt plerique Scintillas è Silice, Aerem attritum putent. Attamen quando Aer Calore non ignescat, & *Lucem* manifestò concipiat, quomodò tandem fit, vt Noctuæ, & Feles, & alia nonnulla Animalia, noctù cernant? Adcò vt ipsi Aeri, (quandò Visio absque *Luce* non transigatur) necesse est inesse *Lucem* aliquam Naturam & genuinam, quamuis tenuem admodùm & infirmam, quæ tamen sit Radijs Visiuis huiusmodi Animalium proportionata, ijsque ad videndum sufficiat. Verùm huiusce Mali (vt plurimorum) Causa est, quod Homines ex Instantijs particularibus, *Formas* Naturarum *Communes* non elicuerunt; Id quod nos tanquàm Subiectum proprium *Metaphysicæ* posuimus; Quæ & ipsa *Physicæ*, siue *Doctrinæ de Naturâ* Pars est. Itaque de *Formâ & Originibus Lucis* fiat Inquisitio, eâque interim inter *Desiderata* ponatur. Atque de *Doctrinâ circa substantiam Animæ*, tam *Rationalis* quàm *Sensibilis*, cum *Facultatibus suis*; atq; de eiusdem *Doctrinæ Appendicibus*, hæc dicta sint.

neque enim quia Puerum Mox vocat Quid de-
nunc habent commune cum Flammis & Ignis Ci-
cadas & Lucioles; & Mules Indicae quae Canem in
totam illustret; Et Oculi quorundam Animalium in
Tenebris; & Saccharum inter radendum aut tangen-
dum; & Sudor Ebori nocte aestuosissimorum; & Alas
bonas; Quia & Homines tam parum in hac re vi-
derunt ut plerique Scintillas & Silice, Artem autem
puerit. Atamen quando Aer Calore non ignescat, &
Aerem manifeste concipiat, quomodo tandem sic ut
Noctuae, & Felis, & alia nonnulla Animalia, nocte
certant; Adco ut ipsi Aer (quando Visus ipse Aer
non transigatur) necesse est nescit Aerem aliquid Na-
turam & generum, quibus tamen admodum & in-
firmis, quae tamen in Radijs Visus huiusmodi Ani-
malium proportionata, ipsae ad videndum sufficiat.
Verum huiusce Mali (ut plurimum) Causa est, quod
Homines ex Instantijs particularibus, Formae Natura-
lis communes non eliciunt; Id quod nos tandem
Subiectum proprium Metaphysice posuimus; Quae &
ipsa Physice, sine Doctrina de Natura Pars est. Itaque de
Formis & Originibus Aetris hac Inductio, eadem in-
tuitu inter Desiderata ponatur. Atque de Doctrina
circumstantiis Aetris tam Rationalis quam
Sensibilis cum Essentialibus suis; ad
de eisdem Doctrinae Appen-
dixibus, haec dicta

FRANCISCI BARONIS

DE
VERVLAMIO,
VICE-COMITIS
SANCTI ALBANI,

DE
Dignitate & Augmentis Scientiarum
LIBER QUINTVS.

AD REGEM SVVM.

CAPVT I.

*Partitio Doctrinæ circa Vsum & Obiecta
Facultatum Animæ Humanæ, in Logi-
cam; & Ethicam. Partitio Logicæ, in
Artes Inueniendi; Iudicandi; Retinen-
di; & Tradendi.*



Doctrina circa Intellectum, (Rex optime)
atque illa altera *circa Voluntatem Ho-
minis*, in Natalibus suis tanquam Ge-
mellæ sunt. Etenim *Illuminationis Pu-
ritas, & Arbitrij Libertas*, simul ince-
perunt, simul corruerunt. Neque da-
tur in Vniuersitate Rerū, tam intima Sympathia, quàm
illa Veri & Boni. Quo magis rubori fuerit Viris doctis,

si Scientiâ sint tanquàm Angeli Alati, Cupiditatibus verò, tanquàm Serpentes, qui humi reptant; circumgerentes Animas, instar Speculi sanè, sed Menstruati.

Venimus iam ad *Doctrinam circa Vsum & Obiecta Facultatum Animæ Humane*. Illa duas habet Partes, easque notissimas, & consensu receptas; *Logicam*, & *Ethicam*: Nisi quod *Doctrinam Civilem*, quæ vulgò ut Pars *Ethicæ* collocatur, iam antè emancipauerimus; & in integram *Doctrinam de Homine Congregato*, siue in *Societate*, constituerimus; hîc tantum de *Homine segregato* tractantes. *Logica de Intellectu & Ratione*; *Ethica de Voluntate, Appetitu, & Affectibus* differit: Altera *Decreta*, Altera *Actiones* progignit. Verum quidem est, quod Phantasia in utrâque Prouinciâ, tam Iudiciali quàm Ministeriali, Legati cuiusdam, aut Internuncij, aut Procuratoris reciproci, vices gerit. Nam Sensus Idôla omnigena Phantasie tradit, de quibus postea Ratio iudicat: At Ratio vicissim Idôla electa, & probata Phantasie transmittit, priusquàm fiat Executio Decreti. Siquidem Motum voluntarium perpetuò præcedit, cumque incitat Phantasia: adeò ut Phantasia sit utrique tam Rationi quàm Voluntati Instrumentum commune: nisi quod Ianus iste Bifrons sit, & duas obuertat Facies: Facies enim Rationem aspiciens, Veritatis habet Effigiem; Facies autem Actionem aspiciens, Effigiem Bonitatis: Quæ tamen sint Facies,

— Quales decet esse sororum.

Neque verò merus & nudus Internuncius est Phantasia; sed Auctoritatem non exiguam, vel accipit, vel usurpat, præter Delationem simplicem Mandati. Rectè enim Aristoteles; *Id Imperij habet Anima in Corpus, quod Dominus in Mancipium*: Ratio verò in phantasiam, quod in liberâ Ciuitate Magistratus in Ciuem; Ad quem possit suâ vice redire Dominatio. Videmus enim quod in ijs, quæ sunt Fidei & Religionis, Phantasia supra ipsam

Rationem

Rationem scandalat & euehatur: Non quod Illuminatio Diuina locum habeat in Phantasiâ; (quin potius in ipsâ Arce Mentis & Intellectûs:) verum quemadmodum Gratia Diuina in Virtutibus, vtitur Motibus Voluntatis; ita similiter Gratia Diuina in Illuminationibus vtitur Motibus Phantasiæ; vnde fit vt Religio semper Aditum sibi ac Viam ad Animum quæsierit, per *Similitudines, Typos, Parabolas, Visiones, Insomnia*. Rursus haud humile est Regnum Phantasiæ in persuasionibus, à vi Eloquentiæ insinuatis. Nam vbi per Orationis Artificia Hominum Animi demulcentur, inflammantur, & in quamcunque Partem pertrahuntur; totum illud fit per Exuscitationem Phantasiæ, quæ impotens iam facta, non solum Rationi insultat, verum eidem vim quodammodo facit, partim occaecando, partim extimulando. Neque tamen Causa videtur, cur à Partitione priore discedamus. Nam Phantasia Scientias ferè non parit: Siquidem Poesis (quæ à principio Phantasiæ attributa est) pro Lusu potius Ingenij, quam pro Scientiâ, habenda. Potestatem autem Phantasiæ in Naturalibus, Doctrinæ de Animâ paulò antè assignauimus. Eam verò quam habet cum Rhetoricâ cognitionem, illi ipsi Arti, (de quâ infra tractabimus) remitti par est.

Pars ista *Humanae Philosophiæ*, quæ ad *Logicam* spectat, Ingeniorum plurimorum gustui ac palato minùs grata est; & nihil aliud videtur quam spinosæ Subtilitatis Laqueus ac Tendicula. Nam sicut verè dicitur, *Scientiam esse Animi pabulum*; ita in hoc Pabulo appetendo, & deligendo, plerique Palatum nacti sunt Israelitarum simile in Deserto; quos Cupido incessit redeundi ad *Ollas Carnium*, *Mannæ* autem fastidium cepit: Quæ licet Cibus fuerit cœlestis, minùs tamen sentiebatur almus & sapidus. Eodem modo (vt plurimùm) illæ *Scientiæ* placent, quæ habent Infusionem nonnullam

Carnium magis esculentam; Quales sunt *Historia Civilis*, *Mores*, *Prudentia Politica*, circa quas Hominum Cupiditates, Laudes, Fortunæ vertuntur & occupatæ sunt. At istud *Lumen siccum*, plurimorum mollia & madida Ingenia offendit, & toffret. Cæterum vnamquamque rem, propriâ si placet dignitate metiri, *Rationales Scientie* reliquarum omnino Claves sunt. Atque quemadmodum *Manus Instrumentum Instrumentorum*, *Anima Forma Formarum*, ita & illæ, *Artes Artium* ponendæ sunt. Neque solum dirigunt, sed & roborant; sicut *Sagittandi Vfus & Hæbitus*, non tantum facit ut melius quis collimet, sed ut *Arcum* tendat fortiozem.

Artes Logicae quatuor numero sunt; diuisæ ex Finibus suis, in quos tendunt. Id enim agit Homo in *Rationalibus*; Aut ut inueniat quod quæsiuerit; Aut iudicet quod inuenerit; Aut retineat quod iudicauerit; Aut tradat quod retinuerit. Necessè igitur est, ut totidem sint *Artes Rationales*. *Ars Inquisitionis* seu *Inventionis*; *Ars Examinis* seu *Iudicij*; *Ars Custodiæ* seu *Memoriæ*; & *Ars Elocutionis* seu *Traditionis*. De quibus iam sigillatim dicemus.

CAPVT

CAPVT II.

*Partitio Inuentiux, in Inuentiuam Artium;
& Argumentorum: Quodque prior harum
(quæ eminet) desideretur. Partitio In-
uentiux Artium, in Experientiam Lite-
ratam, & Organum Nouum. Delineatio
Experientiæ Literatæ.*



*Inuentiois duæ sunt Species, valde pro-
fectò inter se discrepantes; Vna Artium
& Scientiarum; altera Argumentorum &
Sermontum. Priorem harum desiderari
prorsùs pronuncio. Qui quidem talis
mihi videtur esse Defectus; ac si quis in Inuentariò con-
ficiendo Bonorum alicuius Defuncti ita referat; Nu-
meratæ pecuniæ nihil. Vt enim cætera omnia Pecuniâ
parantur; ita & per hanc *Artem* reliquæ acquiruntur.
Atque sicut India Occidentalis nunquàm nobis inuen-
ta fuisset, nisi præcellisset *Acus Nauticæ* Inuentio; li-
cet Regionēs illæ immensæ, Versoriæ Motus pusillus
sit: Ita non est cur miretur quispiam, in *Artibus* perlu-
strandis & promouendis, ampliores Progressus factos
non esse; quandoquidem *Ars* ipsa *Inueniendi* & *Perlu-
strandi Scientiæ* hæcenus ignoretur.*

*Hanc Scientiæ desiderari Partem planè in confesso
est. Primò enim Dialectica nihil proficitur, imò ne
cogitat quidem, de inueniendis Artibus, siue Mechanicis,
siue (quas vocant) Liberalibus; Aut etiàm de Illarum
Operibus, Harum verò Axiomatibus eliciendis; sed quasi
præteriens Homines alloquitur, & dimittit, edicens, vt
Culquis in sua Arte credant. Celsus vir prudens, non so-
lum Medicus (licet moris sit omnibus in laudes Artis
propriæ*

propterea effundi) graviter & ingenuè, de Empyricis & Dogmaticis Medicorum Sectis loquens, fatetur; Medicamenta & remedia prius fuisse inventa, de causis verò & rationibus posterius disceptatum; non ordine converso, causas ex natura rerum primo eruias fuisse, easque Inventioni Remedium prælatuisse. Ac Plato non semel inquit, Particularia infinita esse, maxime rursus generalia minimis certa documenta exhibere; Medullam igitur Scientiarum, quâ Artifex ab Imperito distinguitur, in medijs propositionibus consistere, quas per singulas Scientias tradidit & docuit experientia. Quin & illi, qui de Primis Rerum Inventoribus, aut Scientiarum Originibus verba fecerunt, Casum potius quam Artem celebrarunt; Atque Animalia Bruta, Quadrupedes, Aves, Pisces, Serpentes, magis quam Homines, tanquam Scientiarum Doctores, introduxerunt.

Dictamnus Genitrix Dictææ carpit ab Ida,

Puberibus caulem folijs, & flore comantem

Purpureo, non illa feris incognita Capris

Gramina, cum tergo volucres basere sagittæ

Adeo ut minimè mirum sit, cum in more apud

Antiquos fuerit Rerum utilium Inventores consecra-

re) apud Ægyptios Gentem priscam, (cui plurimæ

Artes initia sua debent,) Tempia plena fuisse Simula-

chris Brutorum, Hominum verò Simulachris propè

vacua;

Omni genumque Deum monstra, & lator Anubis,

Contra Neptunum, & Venerem, contraque Mineram,

&c.

Quod si malis, ex traditione Græcorum, Artes po-

nus Hominibus ut Inventoribus tribuere, haudqua-

quam tamen dixeris Promethæum ad Ignis Inventio-

nem Contemplationes adhibuisse; Aut cum Silicem

primo percuteret, Scintillas expectasse; sed casu in illud

incidisse, atque (ut aiunt) Furtum Ioui fecisse. Ita ut ad

Artium

Artium Inventionem quod attinet, Capræ Syluestri pro Emplastris, Philomelæ pro Modulationibus Musi-
cis, Ibidi pro Lauationibus Intestinatorum, Operculo
Ollæ quod dissiliit pro Re Tormentariâ, denique (vt
verbo dicamus) Casui, aut cuius alteri rei plus debeat
mus, quam Dialecticæ. Nec verò multò aliter se ha-
bet Modus ille Inueniendi, quem rectè describit Vir-
gilius,

Vt varias usus meditando extunderet Artes

Paulatim —

Non enim alia hîc proponitur Inueniendi Methodus,
quam cuius Bruta ipsa sunt capacia, & quam crebrò
vsurpant; nimirum attentissima circa vnam rem Solli-
citus, eiusque perpetua Exercitatio, quas sui conser-
uandi necessitas huiusmodi Animantibus imponit.
Cicero enim verè admodum; *Vsus omni rei deditus, &
Naturam, & Artem sæpè vincit.* Quare si prædicetur de
Homnibus,

Labor omnia vincit

Improbis, & duris virgens in rebus Egestas

Etiam de Brutis similiter quaritur,

Quis expedituit psittaco suum Xaipa?

Coruo quis Auctor fuit, vt magnâ siccitate lapillos
immitteret Arbori caua, vbi Aquam fortè conspexerit,
vt surgentem Laticem rostro posset attingere? Quis vi-
am monstrauit Apibus, qui per Aerem, tanquam va-
stum Mare, Agros floridos, licet multum ab Alueari-
bus distitos, solent petere, & Fauos suos denuò repetere?
Quis Formicam docuit, vt Grana in colliculo suo repo-
nenda circumroderet prius, ne reposita germinarent, &
Spem suam illuderent? Quod si in Versu illo Virgilia-
no quis notet Verbum illud *Extundere*, quod Difficul-
tatem Rei; & Verbum illud *Paulatim*, quod Tardita-
tem inuit; redibimus vnde profecti sumus, ad Ægyp-
tiorum illos Deos, cum hætenus Homines modicè
Rationis

Rationis facultate, neutiquàm verò Officio Artis vfi
sint, ad Inuenta detegenda.

Secundò hoc ipsum quod asserimus, (si aduertatur
paulò diligentius) demonstrat *Inductionis* Forma, quam
proponit *Dialectica*; quâ scilicet Scientiarum Principia
inueniantur, & probentur; quæ vitiosa planè est, & in-
competens, & Naturam, tantùm abest, vt perficiat, vt
etiàm eam peruertat & detorqueat. Qui enim Modum
acutè introspexerit, quo Ros iste Æthereus Scientiarum,
similis illi de quo loquitur Poeta,

Aerei mellis cœlestia Dona,

Colligatur; (Cùm & Scientiæ ipsæ ex Exemplis singu-
lis, partim Naturalibus, partim Artificialibus, tanquàm
Prati floribus & Horti, extrahantur) reperiet profectò
Animum suapte sponte, & nativâ Indole, *Inductio-
nem*, solertiùs conficere, quam quæ describitur à Dia-
lecticis. Siquidem ex nudâ Enumeratione Particula-
rium (vt Dialectici solent) vbi non inuenitur Instan-
tia Contradictoria, vitiosè concluditur; neque ali-
quid aliud, huiusmodi *Inductio* producit, quam Con-
iecturam probabilem. Quis enim in se recipiet, cùm
Particularia quæ quis novit, aut quorum meminit, ex
vnâ tantùm parte compareant; non delitescere aliquod,
quod omninò repugnet? Perinde ac si Samuel acqui-
eisset in illis Isai Filijs, quos coràm adductos videbat
in Domo; & minimè quæ fuisset Dauidem, qui in
Agro aberat. Atque hæc *Inductionis* Forma, (si verum
omninò dicendum sit) tam pinguis est & crassa, vt in-
credibile videatur, tam acuta & subtilia Ingenia (qua-
lia in his Rebus Meditationes suas exercuerunt) potu-
isse eam Mundo obtrudere. Nisi illud in causa fuis-
set, quod Operâ festinatâ ad Thebias & Dogmata
contendissent; Particularia autem, (præsertim moram
in ijs longiorem) ex fastu quodam & elatione Animi,
despexissent. Illi enim Exempla, siue Instantias Particu-
lares

lares, vix Lictorum aut Viatorum adhibuerunt ad sum-
mouendam Turbam, vt Dogmatibus suis viam ape-
rissent; ne utiquam autem ea inde ab initio in consilium
aduocarent, vt legitima fieret & matura de Rerum
Veritate Deliberatio. Certe perculserit Animos pia
& religiosa quadam Admiratio, cum videamus eadem
calcata vestigia, ad Errorem ducepta, in Diuinis
& Humanis. Quomodo enim in Diuina Ve-
ritate percipiendâ, ægrè quis in animum indu-
cat, vt fiat tanquam Parvulus, ita in Humanâ per-
discendâ, Prouectos utique, Puerorum more, pri-
ma Inductionum Elementa adhuc legere & re-
tractare, res humilis existimatur, & quasi contem-
nenda.

Tertio, si concedatur Principia Scientiarum, ex *Indu-
ctione* quâ vtuntur, vel Sensu & Experientiâ, rectè posse
constitui; certissimum est tamen, Axiomata inferiora
ab ijs per Syllogismum non posse (in rebus Naturali-
bus, quæ participant ex Materia) rectè & tuto deduci.
In Syllogismo enim fit Reductio Propositionum ad
Principia per Propositiones medias. Hæc autem siue
Inueniendi siue *Probandi* Forma, in Scientijs Popularibus
(voluti Ethicis, Politicis, Legibus, & huiusmodi) locum
habet: Imò & in Theologicis, quandoquidem Deo pro
Bonitate suâ placuit capiti Humano se accommo-
dare. At in Physicis, vbi Natura Operis non Aduersa-
rius Argumento constringendus est, elabitur planè
Moribus ex Manibus, propter longè maiorem Natura-
lium Operationum, quam Verborum subtilitatem:
Audebim succumbere Syllogismo, Inductionis (verè sci-
licet & emendatæ) officio ubique opus sit, tam ad
Principia magis generalia, quam ad Propositiones in-
feriores. Nam Syllogismi ex Propositionibus con-
sistunt, Propositiones ex Verbis, Verba Notionum
Tessera sunt, Quæ si Notiones ipsæ (quæ Verbo-

rum Animæ sunt) malè & variè, à rebus abstrahan-
 tur, tota Fabrica corrumpitur. Neque laboriosa vel con-
 sequentiarum Argumentorum, vel Veritatis Proposi-
 tionum Examinatio, rem in integrum vnquam resti-
 tueret: cum Error sit (ut loquuntur Medici) in Digesti-
 one primæ, quæ à functionibus sequentibus non recti-
 ficatur. Non igitur absque magnâ & evidenti causâ
 euentis, ut complures ex Philosophis (Aliqui autem
 eorum maximè insignes) Academici fuerint & Scep-
 tici, qui Scientiæ Humanæ, & Syllepsium certitudi-
 nem sustulerunt, ultra Verisimilitudinem aut Proba-
 bilitatem negantes eam perungere. Inficias non iue-
 rim, visum esse nonnullis, Societatem, cum Scientiæ
 certitudinem à se amoueret, per Ironiam tantum hoc
 fecisse, & Scientiam dissimulando simulasse, Renuncian-
 do scilicet ijs quæ manifestò sciebat, ut eo modo, eti-
 am, quæ nesciebat, scire putaretur. Neque etiam
 in Recentiore Academia, (quam amplexus est Ci-
 cero) illa Opinio *Acatalepsis* admodum sincere culta
 fuit. Etenim qui Eloquentiâ floruerunt, hanc ferè
 Sectam sibi desumpserunt, ut in utramque Partem col-
 piosè differendi Gloriam assequerentur: unde à viâ illâ
 rectâ, per quam ad Veritatem pergere debuissent, tan-
 quam ad Deturbationem quædam amoenas, Animi
 causâ institutas, delectum est. Constat tamen, non-
 nullos sparsim in utraq. Academia, (Veteri & Nouâ)
 multò magis inter Scepticos, *Acatalepsiam* istam sim-
 pliciter & integre tenuisse. Verum in hoc maximè
 ab illis peccatum est, quod sensuum perceptiones cal-
 lumbabantur, unde *Sceptici* radicibus elullebant.
 Sensus verò, licet sapientiorum Homines aut fallant,
 aut destituant, possint tamen multa adiungi industriâ ad
 Scientiæ sufficiens. Id quæ non vltimò per Instrumento-
 rum (licet & hoc quoque aliquâ ex parte peccant) quàm
 Experimentorum, cuius generis quæ Obiecta subtili-
 ra,

ra, quam pro Sensûs Facultate, ad Obiecta sensu comprehensibilia, producere queant. Debuerant autem potius, Defectum hâc in parte, imputasse Mentis tum Erroribus tum Contumaciâ, (quæ Rebus ipsis morigera esse recusat) & prauis Demonstrationibus, & modis ratiocinandi, & concludendi, ex perceptione sensuum, perperam institutis. Hæc autem loquimur, non quo Intellectui detrahatur, aut Negotium totum deferatur; sed quo Intellectui Auxilia commoda comparentur & subministrentur; quibus Rerum Ardua, & Naturæ Obscuritatem vincere possunt. Nemo enim tantâ pollet Manûs Constantiâ, aut etiâ Habitû; vt rectam lineam ducere, aut perfectum Circulum circumscribere, manu liberâ possit; quod tamen ope Regulæ, aut Circini, facere in promptu est. Hæc igitur Res ipsa est quam paramus, & ingenti conatu molimur, vt scilicet Mens per Artem fiat Rebus par: Vtque inueniatur Ars quædam Indicij & Directionis, quæ cæteras Artes, earumque Axiomata, atque Opera detegat, & in conspectum det. Hanc enim meritò desiderari posuimus.

Ars ista Indicij (ita enim eam appellabimus) duas habet Partes: Aut enim defertur Indicium ab Experimentis ad Experimenta; Aut ab Experimentis ad Axiomata, quæ & ipsa noua Experimenta designent. Priorem harum Experimentiam Literatam nominabimus, posteriorem vero Interpretationem naturæ, siue Nolum Organum: (Prior quidem (vt alibi attingimus) vix pro Arte habenda est, aut Parte Philosophiæ, sed pro Sagacitate quâdam; vnde eam eam Venationem Panis (hoc nomen ex Fabulâ mutuati) quandoque appellamus: Attamen quemadmodum possit quis, in viâ suâ, triplici modo progredi; Aut cum palpat ipse in tenebris; Aut cum alterius manu ducatur, ipse parum coidens; Aut denique cum Vestigia Lumine adhibita regat. Similiter cum quis Ex-

perimenta omni genera, absque ulla serie aut Methodo tentet, ea demum mera est Palpatio. Cum vero nonnulla tentatur in experimentanda directione, & Ordine, perinde est ac si Manu ducatur. Atque hoc illud est quod per Experimenti Literatam intelligimus. Nam Lumen ipsum, quod tertium fuit, ab Interpretatione Naturæ, siue Novo Organo, perendum est.

Literata Experimentia, siue Variatio Panis modos Experimentandi tractat. Eam (cum desiderari posuerimus, neque Res sit planè perspicua) pro more & Instituto nostro aliquatenus adumbrabimus. Modus Experimentandi præcipuè procedit, Aut per Variationem Experimenti; Aut per Productionem Experimenti; Aut per Translationem Experimenti; Aut per Infectionem Experimenti; Aut per Compulsionem Experimenti; Aut per Applicationem Experimenti; Aut per Copulationem Experimenti; Aut denique per Sortes Experimenti. Vniuersa verò ista cohibita sunt, circa Terminos Axiomatis alicuius inueniendi. Illa enim altera Pars de Novo Organo, omnem Transitionem Expectationum in Axiomata, caput Axiomatium in Experimenta, sibi vindicat.

Variatio Experimenti sit primò in Materia; scilicet, quando Experimentum in iam cognitæ, certæ Materię ferè adhæsit; tunc vero in illis, quæ similis sunt Speciei, tentetur. Veluti Confectio Papyri, in Panis Linteis tantum probata est, in sericis minimè; (nisi forte apud Chineses.) Neque rursus in Filaceis, compositis ex Setis & Filis, ex quibus conficitur (quod vocamus) Camelorum; Neque denique in Linteis, Gossipio, & Pellibus; quanquam hæc tria postrema magis esse videntur Heterogenea. Itaque admisceri possunt potius, quam per se vtilia esse. Item Inscis in Arboribus Fructifera in usu est; In Arboribus Sylvestribus, raro tentata; licet perhibetur Vnum in Vnum insitam miras producere Foliorum Virgines. Inscis etiam in Floribus,

ribus, rara admodum est; licet hoc iam coeperit fieri in Rosis Muscatellis, quæ Rosis Communibus feliciter inoculantur. Etiam *Variationem in Parte Rei*, inter *Variationes in Materia* ponimus. Videmus enim *Surculum in Trunco Arboris insertum* felicius pullulare, quam si Terræ indatur. Cur non & Semen Cephæ, Capiti alterius Cephæ viridis inditum, felicius germinet, quam si nudæ Terræ commissum fuerit? Atque hic *Radix pro Trunco* variatur, ut hæc res Insitio quædam in Radice videri possit. *Variatio Experimenti* fit secundo in *Efficiente*. Radij solis per Specula comburentia, calore ita intenduntur, ut Materiam, quæ Ignem facile concipiat, accendere possint: Num & Radij Lunæ, per eadem, ad lenissimum aliquem Gradum Teporis actuari possunt, ut videamus, vtrum Corpora omnia Cœlestia sint potestate calida? Item Calores Radiosi, per Specula scilicet, intenduntur: Num etiam Calores Opaci (quales sunt Lapidum & Metallorum antequam candeant) idem patiuntur, an potius sunt Luminis in hac re Partes nonnullæ? Item Succinum & Gagates fricata paleas trahunt: Num etiam & ad Ignem reposita? *Variatio Experimenti* fit tertio in *Quanto*: circa quod diligens admodum est adhibenda Cura, cum hoc multi circumstant Errorēs. Credit enim Homines, effectū aut multiplicari Virtutem, pro rata augeri aut multiplicari Virtutem. Et hoc ferè postulant & supponunt, tanquam Res sit Mathematica potiusdam cœtitudinis: Quod omnino falsissimum est. Globus plumbeus unius Libræ à Turri demissus (puta) decem pulsum spatio, ad Terram descendit; Num Globus duarum Librarum (in quo Impetus iste, Motus (quem vocant) Naturalis, duplicari debet) spatio quinque Pulsum Terram feriet? At illo æquali ferè tempore descendet, neque accelerabitur iuxta Rationem *Quantitatis*. Item Sulphuris (puta) Drachma

Drachma una, Semilibra Chalybis admista, cum fluere faciet & colliquari: Num igitur Vncia sulphuris, quatuor Libris Chalybis, ad Colliquationem sufficiat? At illud non sequitur. Certum enim est, Obstinatorem Materie in Patiente, per Quantitatem, augeri amplius; quam Activitatem Virtutis in Agente. Porro Nimum æquè fallit, ac Parum. Etenim in Excoctionibus, & Depurationibus Metallorum, Error est familiaris; ut ad Excoctionem promouendam, aut Calorem Fornacis, aut addicimenti, quod iniiciunt, molem augeant. At illa supra Modum aucta Operationem impediunt; propterea quod vi & acrimoniâ suâ, multum ex Metallo puro in fumos vertant & asportent; ut & iactura fiat, & Massa, quæ remanet, magis sit obstinata & dura. Debent igitur Homines Ludibrium illud Mulieris Æsopi cogitare; quæ sperarat, ex duplicata Mensurâ Hordei Gallinam suam duo Ova quondam parituram. At illa impinguata nullum peperit. Eforsus non tutum fuerit alicui Experimento Naturali confidere, nisi facta fuerit Probatio, & in minore, & in maiore. Quanto. Atque de Variatione Experimenti hætenus.

Productio Experimenti duplex; Repetitio, & Extensio; Nimirum, cum aut Experimentum iteratur, aut ad subtilius quiddam vergitur. Repetitionis Exemplum tale sit. Spiritus Vini fit ex Vino per Distillationem unicam; estque Vino ipso multò acrior & fortior: Num etiâ Spiritus Vini ipse destillatus, siue sublimatus, seipsum Fortitudine æquè superabit? At Repetitio quoque non absque Fallaciâ est: Etenim, tum secunda Exaltatio, prioris excessum non æquat; cum etiâ sæpenumero per Iterationem Experimenti, post Statum siue Acmen quandam Operationis, tantum abest ut progrediatur Natura, ut potius relabatur. Iudicium igitur in hac re adhibendum. Item Argentum Vivum, in Linteo, aut aliâ, in medio plumbi liquefacti, cum refrigerare coeperit,

insertum,

insertum, stupefit; nec amplius fluit. Num & idem
 Argentum Vivum, si sæpius immissum fuerit, ita figetur,
 ut fiat Malleabile? *Extensionis exemplum tale sit: A-*
qua in summo posita, & pensilis facta, & per rostrum vi-
tri oblongum, in Vinum dilutum immersa, separabit
 Aquam à Vino; Vino in summum se paulatim recipien-
 te, Aquam in imo subsidente: Num etiã, quemad-
 modum Vinum & Aqua, (Corpora scilicet diuersa)
 hoc ingenio separantur; possint quoque Partes Vini,
 (Corporis nimirum integri,) subtiliores à crassioribus
 separari; ut fiat tanquam Destillatio per pondus; & in
 summo reperiatur aliquid Spiritui Vini proximum, sed
 fortè delicatius? Item *Magnes Ferrum integrum trahit:*
 Num etiã Frustum Magnetis, in Dissolutione Ferri
 immersum, Ferrum ad se alliciet, & se Ferro obducat?
 Item, *Perforatũ Acus Nauticus* se ad Polos Mundi applicat:
 Num etiã eadem viã & consecutione quã Cœlestia?
 Videhæet, ut si quis Acum in contrario situ, hoc est, in
 puncto Australi ponat, & paulisper teneat, ac deinde vim
 omittat: Num fortè Acus, ad Septentriones se conse-
 ret, eligendo potius rotarẽ per Occidentem in Situm
 desideratum, quam per Orientem? Item, *Aurum Argen-*
tum Vivum, iuxta positum, imbibit. Num verò Aurum re-
 cipit illud Argentum Vivum intra se, sine Extensione
 Molis suæ, ut fiat Massa quædam ipso Auro pondero-
 sior? Item, *Homines Memoriæ seruiunt collocando Imagines*
Personarum in Locis. Num etiã idem assequuntur
 (nullis Locis) & affigendo Actiones aut Habitus Per-
 sonis? Atque de Productione Experimenti hæcenus.
 Translatio Experimenti triplex, Aut à Natura ad
 Casum, Aut ab Arte ad Præcticam, Aut à Parte
 alicuius Artis in Partem diuersam eiusdem
 Translatio: à Natura aut Casu in Artem, Minutius sunt
 Exempla: adeo ut omnes fere Artes Mechanicæ, & te-
 nibus illis, Natura aut Casu præbitis, Orum habu-
 erint.

erint. Adagio receptum erat, *Botrum contra Botrum citius maturare*: Id quod, de mutuis Amicitiae Operis & Officij, increbuit. At Nostri Cydræ (Vini scilicet ex Pomis) Confectores, hoc optime imitantur. Cauent enim, ne Poma rudentur, aut exprimantur, antequàm nonnullo tempore in Aeuos coniecta mutuo contactu maturuerint; vnde nimia Potus aceditas emendetur. Itém, *Iridum Artificiosarum Imitatio* ex aspersione spissæ Guttularum, ab Iridibus Naturalibus ex Nube rosida, facili ductu translata est. Itém *Modus destillandi*, vel ex alto peti, ex Imbribus scilicet aut Rore; vel ex humili illo Experimento Guttarum, in Patinis, Ollis Aquæ bullientis, superimpositis, adherentium, desumi potuit. *Tonitruum* autem & *Fulgura* imitari verius quis esset, nisi Operculum Monachi illius Chymici, magno impetu & fragore, subito in sublime iactum, submo- nuisset. Verum quo hæc Res magis Exemplis abundet, eo pauciora adducere Opus fuerit. Debuerant autem Homines, si illis vtilia inquirere vacaret, Naturalia Opificia & Operationes singulas, attentè, & minutim, & ex composito intueri; & secum perpetuò & agriter cogitare, quoniam, ex ipsis ad Artes transferri possint. Speculum enim Artis Natura. Nec pauciora sunt Experimenta, quæ ab Arte in Artem, seu à Practicâ in Practicam transferri possunt; licet hoc rarius in usu sit. Natura enim ubique omnibus occurrat; at Artes singulæ Artificibus tantum proprijs cognitz sunt. *Specilla Ocularia* ad Visum debilem iuuandum inuenta sunt. Num & comminisci quis queat aliquod Instrumentum, quod Auribus appensus, Surdastris ad Audiendum iuuet? Itém *Imballes* & *Mal Cadavera* conseruant; Annon possit aliquid ex his, in Medicinam transferri, quod etiâ viuus Corporibus prosit? Itém *Sigillorum Practica* in Corâ Cimentis, & Plumbo antiqua fuit. At hæc etiâ Impressioni

Impressioni in Chartis, siue Arti Typographicae, viam monstrauit. Item *Sal* in *Coquinaria* carnes condit, idque melius Hyeme quam Aestate. Annon hoc ad Balnea vtiliter transferri possit, eorumque temperamentum, quando opus fuerit, vel imprimendum, vel extrahendum? Item *Sal*, in nupero *Experimento*, de *Conglaciationibus Artificialibus*, magnas vires ad condensandum obtinere reperitur. Annon possit hoc transferri ad Condensationes Metallorum, cum iam pridem notum sit, Aquas Fortes, ex nonnullis Salibus, compositas, deijcere & praecipitare Arenulas Auri, ex Metallis aliquibus, Auro ipso minus densis? Item *Pictoria* *Imaginem Memoriam* rei renouat. Annon hoc tractatum est in *Artem* eam, quam vocant, *Memoria*? De his in genere monitum sit, Quod nihil ad Imbrem quendam Inuentorum vtilium, eorundemque nouorum, veluti coctus deducendum, tantum valere possit, quantum si Experimenta complurium Artium Mechanicarum, vni Homini, aut paucis, qui se muticam Colloquijs acutere possint, in noticiam venerint, ut per hanc, quam dicimus, *Experimentorum Translationem*, Artes se mutuo fouere, & veluti commixtione Radiorum, accendere possint. Quamuis enim *Era Rationalis* per Organum longe maiora spondeat, attamen haec *Sagax*, per *Experientiam* *luculentam*, plurima interim ex his, quae in proximo sunt, in Genus Humanum, (tanquam Missilia apud Antiquos Donatua,) proijcet & sparget. Superest illa *Translatio de Parte Arta in Partem deuerfam*, quae parum differt a *Translatione de Arte in Artem*: Verum quia Artes nonnulla Spacia magna occupant, ut etiam *Translationem Experimentorum* ferre intra seipias possint, hanc etiam Speciem *Translationis* subungere visum est. Praecipue, quia magni prope est in nonnulla Arte Momenti. Plurimum enim ad *Artem Medicinam* amplificandam profuerit, si *Experi-*

menta Partis illius Medicinæ de Curationibus Morborum,
ad Partes illas de Tuendâ Sanitate, & Prolongatione Vi-
æ satisfaciatur. Si enim Opiatum aliquod infigne, ad
Spirituum, in Morbo Pestilenti, furibundam Incensio-
nem reprimendam, suffecerit; non dubitet quispiam,
quâ simile aliquod, debitâ Dosi familiare redditum, &
nam Intensionem, eam gliscentem, & obrepentem,
quæ per Ætatem fit, aliquâ ex parte frenare, & re-
tardare possit. Atque de Translatione Experimenti ha-
ctenus. *Inversio Experimenti* fit, cum contrarium eius, quod
Experimento constat, probatur. Exempli gratiâ: Ca-
lidum per Specula incenditur. Num etiam Frigidum?
Item Calidum se diffundendo, fertur tamen potius in Sur-
sus: Num etiam Frigidum se diffundendo, fertur magis
in Deorsum? Exempli gratiâ. Accipias Bacillum Ferre-
um, illudque in vno sine calefacias; & deinde erigas
ferri, parte calefactâ subtrus locatâ, in superiore parte
manu appositâ, aditum manum, aduret; parte autem
calefactâ supra locatâ, & manu subtrus, multo tardi-
us aduret. Num etiam, si totum Bacillum calefiat, &
Finis alter Nive, vel Spongiâ, in Aquâ frigidâ, tinctâ,
madefiat. Si Nix aut Spongia superius locetur, num
(inquam) Frigus deorsum mittere citius, quam inferi-
us locatâ, sursum? Item, Radij solis supra Album disti-
liunt, supra Nigrum congregantur. Num etiam Um-
bræ super Nigrum disperduntur, super Album con-
gregantur? Id quod in loco renebroso, Luce per Fo-
ramen exiguum tantum immisâ, fieri videmus, vbi
Imagines Rerum, quæ foras sunt, super Papyrum quæ
Alba est, excipiuntur, super Nigram minimè. Item,
Kenæ Frontis ad Dolorem Hemicranicum insciditur. Num
etiam Hemicranium scarificatur ad Sodam? Atque de
Inversione Experimenti hæctenus.
Conquisitio Experimenti fit, vbi vrgerur & producitur
Experi-

Experimentum, ad Annihilationem, vel Priuationem Virtutis: In reliquis enim Venationibus, Fera capiunt tantum; At in istâ, occiditur. Exemplum *Compulsionis* tale est. *Magnes Ferrum trahit*. Virge ergo Ferram, aut virge Magnetem, ut amplius non fiat Attractio: Veluti, nûm fortè si Magnes vltus fuerit, aut in Aquis Fortibus maceratus, virtutem suam deponet, aut saltè remittet. Contrâ, si Chalybs, aut Ferram in Crocum Martis redigantur, vel in Chalybem quem vocant Præparatum, vel etiam in Aquâ Forti soluantur, nûm adhuc ea alliciat Magnes? Rursus, *Magnes Ferrum trahit per Vniuersa*, quæ nouimus, Media: Nempe si interponatur Aurum, Argentum, Vitrum: Virge igitur aliquod Medium, si fieri possit, quod Virtutem intercipiat. Probetur Argentum Vium, Probetur Oleum, Gummi, Carbo ignitus, & alia, quæ adhuc probata non sunt. Itè, *Introducenda sunt nupèr Perspicilla*, quæ Visibilia Minuta, miris modis multiplicent. Virge vsum eorum, vel ad Species tam pusillas, ut amplius non valeant, vel ita grandiusculas, ut confundantur. Scilicet, Nûm poterint illa in Vrina, clare detegere ea, quæ aliis non perspicerentur? Nûm poterint in Gemmis, ex omni parte puris, & nitidis, grana aut nubesculas conspicienda dare? Nûm & Putresculla in Sole (quæ Democrito pro Atomis suis, & Principijs Rerum, falsissimè obijcebantur), tanquam Corpora grandiuscula monstrare? Nûm Pulverem crassiusculum, ex Cinnabari, & Cerussâ, ita ostendere distributum, ut appareant hic Granula Rubra, illic Alba? Nûm rursus, Imagines maiores (puta Faciem, Oculum, &c.) in tantum multiplicatas ostendere, in quantum, Pulicem, aut Vermiculum? Nûm Byssum, aut huiusmodi Textile Linteam, delicatius, & paulò aperius, ita foraminatum ostendere, ut si esset Rete? Verum in *Compulsionibus* Ex-

perimentorum minus moramur, quia ferè extra limites *Experientie Literatae* cadunt, & ad *Causas*, & *Axiomata*, & *Novum Organum* potius spectant. Vbicunque enim sit *Negativa*, aut *Privativa*, aut *Exclusiva*, coepit iam præberi Lux nonnulla ad *Inventionem Formarum*. Atque de *Compulsione Experimenti* hæctenus.

Applicatio Experimenti nihil aliud est, quàm ingeni-
osa *Transductio* eius, ad *Experimentum* aliud aliquod v-
tile. Exemplum tale sit. *Corpora* quæque *suas habent*
Dimensiones, *sua pondera*: Aurum plus *Ponderis*, mi-
nus *Dimensionis* quam *Argentum*; Aqua quam
Vinum. Ab hoc traducitur *Experimentum* utile; Ut
ex *Mensurâ* impletâ, & *pondere* excepto, possis digno-
scere quantum *Argenti* fuerit admixtum *Auro*, vel A-
qua *Vino*; quod fuit eūpmæ illud *Archimedis*. Item,
Carnes in nonnullis Cellis citius putrescunt, quàm in alijs:
Vtile fuerit, *Experimentum* hoc traducere, ad digno-
scendos *Aeres*, magis aut minus salubres, ad *Habitati-*
onem; ubi scilicet *Carnes* diutius vindicentur à *Putre-*
dine: Possit idem applicari, ad revelandas *Salubriores*
aut *pestilentiore*s *Tempestates Anni*. Verùm innume-
ra sunt eiusmodi. Evigilent modò *Homines*, & *Oculos*
perpetuò, aliàs ad *Naturam Rerum*, aliàs ad *Vsus Humana-*
nos vertant. Atque de *Applicatione Experimenti* hæctenus.

Copulatio Experimenti est *Applicationum Nexus* &
Catena; cum quæ singula profutura non fuissent ad
usum aliquem, connexa valeant. Exempli gratiâ; *Rosas*
aut *Fructus serotinos habere cupis*; Hoc fiet, si *Gemmas*
præcociore*s auellas*; Idem fiet, si *Radices*, usque ad
Ver adultum, denudes, & *Aer* exponas; At multò ma-
gis si copuletur utrunque. Item, *Ad refrigerandum max-*
imè faciunt Glacies, & Nitrum; *Vtrunque commixtum*
multò magis. Verùm & hæc res per se perspicua est.
Attamen fallacia ei sæpè subesse possit, (ut & omnibus,
ubi desunt *Axiomata*) Si *Copula* fiat ex *Rebus*, quæ di-
uersis,

uersis, & quasi pugnantibus modis, operantur. Atque de *Copulatione Experimenti* haec tenus.

Restant *Sortes Experimenti*. Hic verò Experimentandi Modus, planè Irrationalis est, & quasi Furiosus; cum aliquid experiri velle Animum subeat, non quia aut Ratio, aut aliquod aliud *Experimentum* re ad illud deducat, sed prorsus, quia similis res adhuc nunquam tentata fuit. Haud tamen scio, an in hac ipsa re (de qua nunc agimus) non aliquid magni lateat: si inquam omnem Lapidem in Naturâ moueas. Magnalia enim Naturæ ferè extra vias tritas, & Orbitas notas iacent, vt etiâ Absurditas rei aliquandò iuuet. At si Ratio simul comitetur; id est, vt & manifestum sit, simile Experimentum nunquam tentatum fuisse, & tamen Causa subsit magna cur tentetur; tum verò hæc res ex optimis est, & planè Sinus Naturæ excutit. Exempli gratiâ: In *Operatione Ignis super aliquod Corpus Naturale*, alterum horum haec tenus semper euênit, vt aut aliquid euolet, (velut Flamma, & Fumus, in Combustione vulgari) aut saltem fiat Separatio Partium localis, & ad nonnullam distantiam, vt in Destillatione, vbi feces subsident, vapores in Receptacula, postquam luserint, congregantur. At *Destillationem Clausam*, (ita enim eam vocare possumus) nemo mortalium adhuc tentauit: Verisimile autem videtur vim Caloris, si intra Claustra Corporis, sua in alterando edat facinora; cum nec iactura fiat Corporis, nec etiâ liberatio; tum demum hunc Materię Proteum, veluti Maricis detentum, ad complures transformationes adaeturam; si modo Calor ita temperetur & alternetur, vt non fiat Vasorum Contractio. Est enim hæc res Matrîci similis Naturali, vbi Calor operatur, nihil Corporis aut emittitur, aut separatur: Nisi quod in Matrîce coniungatur Alimentatio: Verum quatenus ad Versionem eadem res videtur. Tales igitur sunt *Sortes Experimenti*.

Illud

Illud interim, circa huiusmodi Experimenta, monemus; ut nemo Animo concidat, aut quasi confundatur, si Experimenta, quibus incumbit, Expectationi suae non respondeant. Etenim quod succedit, magis complacet, ac quod non succedit, sapientum tamen non minus informat. Atque illud semper in Animo tenendum (quod perpetuo inculcavimus) Experimenta Lucifera, etiam adhuc, magis quam Fructifera ambienda esse. Atque de Literata Experimentia haec dicta sint, quae (ut iam ante diximus) Sagacitas potius est, & Odoratio quaedam Venatica, quam Scientia. De Novo Organo autem filemus, neque de eo quicquam praeibamus. Quoniam de eo (cum sit res omnium maxiora) Opus integrum (amulante favore Divino) conficere nobis in Animo est.

CAPUT III.

Partitio Inventuarum Argumentorum, in Promptuariam, & Topicam. Partitio Topica, in Generalem; & Particularem. Exemplum Topicae Particularis, in Inquisitione, De Graui & Leui.



Inventio Argumentorum, Inventio proprie non est. Invenire enim est ignorare Detegere, non ante cognita recipere, aut revocare. Huiusce autem Inventionis, usus atque Officium non aliud videtur, quam ex Malsa Scientia, quae in Animo congesta & recondita est, ea quae ad rem, aut Questionem institutam faciunt, dextere deprimere. Nemini parum aut nihil de Subiecto quod proponitur, innotuit, ei Loci Inventionis non profunt. Contra, cui Domi paratum est, quod ad

Rem

Rem adduci possit; is etiam absque Arte, & *Locis Inventionis*, Argumenta tandem (licet non ita expeditè & commodè) reperiet & producet. Adeò vt hoc genus *Inventionis* (sicut diximus) *Inuentio* propriè non sit; sed Reductio tantùm in Memoriam, siue Suggestio tum Applicatione. Attamen, quoniam Vocabulum inualuit, & receptum est; vocetur sanè *Inuentio*; Siquidem etiam Fera alicuius Venatio, & *Inuentio*, non minus cum illa intra Viuariorum Septa indageretur, quam cum in Saltibus apertis, dici possit. Mihi verò Verborum scrupulis, illud conficit, Scopum & Finem huiusce rei, esse promptitudinem quandam, & expeditum Vsum Cognitionis nostræ, potius quàm eiusdem Amplificationem, aut Incrementum.

Arque vt parata sit ad differendum Cópia, duplex Ratio iniri potest: Aut vt designetur, & quasi indice monstretur, ad quas partes Rem indagare oporteat; atque hæc est ea, quam vocamus *Topicam*. Aut vt iam antea composita sint, & in vsum reposita Argumenta, circa eas res, quæ frequentius incidunt, & in Descriptionem veniunt; atque hanc *Promptuariam* nominabimus. Hæc autem posterior tanquàm *Scientiæ Pars*, vix dici meretur; cum in Diligentia potius consistat, quàm in Eruditione, aliquâ artificiosa. Verumtamen hæc in Parte Aristoteles ingeniosè quidem, sed tamen daniosè, Sophistas sive temporis decider, iniquiens; Perinde illos facere, ac si quis calcearium professus, rationem calcei conficiendi non doceret; sed exhiberet tantum calceos complurimos, diuersæ tam Formæ, quàm Magnitudinis. Attamen hic regere dicitur; Calcearium, si inofficiâ nil Calceorum haberet; neque posset consuleret nisi rogatus, regem proptius malurum, & per paucos inuictum. Erpentes. Sed longè aliter Salustius postulat. *Distinctorum Scientiæ verba faciens*, inquit, *Omnia Scriba doctus in Regno Calceum, similis est Homi-*

ni Patrifamiliâs, qui profert, de Thesauris suis, noua & Ve-
 tera. Videmus etiam priscos Rhetores Oratoribus
 præcepisse ut præstò haberent Locos Communes varios,
 iam pridem adornatos, & in utramque partem tra-
 ctatos & illustratos: Exempli gratiâ: Pro Sententiâ Le-
 gis, aduersus Verba Legis; & e contra: Pro Fide Argu-
 mentorum, aduersus Testimonia; & e contra. Cicero au-
 tem ipse, longâ doctus Experienciâ, planè asserit, posse
 Oratorem diligentem & sedulum, iam præmeditata &
 elaborata habere, quæcunque in Disceputationem veni-
 ent; Adeò ut in Causâ ipsius Actione, nihil nouum aut
 subitum inseri necesse fuerit, præter Nomina noua, &
 Circumstantias aliquas speciales. At Demosthenis Di-
 ligentia & Sollicitudo eò vsque processit, ut quoniam
 primus ad Causam Aditus, & Ingressus, ad Animos Au-
 ditorum præparandos, plurimum virium haberet; opera-
 prærium putaret, complura Concionum & Orationum
 Exordia, componere, & in promptu habere. Atque
 hæc Exempla & Auctoritates, merito Aristotelis O-
 pinioni præponderare possint, qui nobis Auctor foret,
 ut Vestiarium cum Forfice commutaremus. Itaque
 non fuit omittenda hæc Pars Doctrinæ circa Promptu-
 ariam, de quâ hoc loco satis. Cum enim sit vtrique,
 tam Logicæ, quam Rhetoricæ communis; vilius est
 eam hic inter Logica cursim tantum perstringere;
 pleniorẽ eius Traditionem, ad Rhetoricam rei-
 cientes. Partem alteram Inuentiæ, (nimirum Topicam) parci-
 emur in Generalem; & Particularem. Generalis illa est,
 quæ in Dialecticâ diligenter, & abundè tractata est; ut
 in eius Explicatione morari non sit opus. Illud tamen
 obiter monendum videtur, Topicam istam non tan-
 tum in Argumentationibus, vbi cum alijs Manibus con-
 scribimus; verum & in Meditationibus, cum quid nobis
 cum ipse commentamur, aut reuoluimus, valere. Imò,
 neque

neque solummodò in hoc sitam esse, vt inde fiat Sug-
gestio aut Admonitio, quid *Affirmare* aut *Afferere*, ve-
rùm etiàm quid *Inquirere*, aut *Interrogare* debeamus.
At prudens *Interrogatio*, quasi Dimidium Scientiæ.
Rectè siquidem Plato, *Qui aliquid quærit, id ipsum quod*
querit, generali quâdam notione comprehendit, aliter quâ
fieri potest, vt illud cum fuerit inuentum, agnoscat? Idcir-
cò quò amplior & certior fuerit Anticipatio nostra; eò
magis directâ & compendiosa erit Inuestigatio. Idem
igitur illi Loci, qui ad Intellectus nostri Sinus intra
nos excutiendos, & congestam illic Scientiam depro-
mendam, conducent; etiàm ad Scientiam extrinsecus
hauriendam iuuabunt: Ita vt si præstò fuerit quis Rei
gnarus & peritus, commodè & prudenter de eâ inter-
rogari à nobis possit; & similiter Auctores, & Libri,
& Partes Librorum, qui nos de jis quæ quærimus,
edoceant & informant, vtiliter deligi & euolui.

At *Topica Particularis*, ad ea quæ dicimus, longè
confert magis, & pro Re fructuosissimâ habenda est.
Illius certè Mentio leuis à nonnullis Scriptoribus fa-
cta est; sed integrè, & pro rei dignitate, minimè tracta-
ta. Verùm missum facientes Vitium illud & Factum, quæ
nimium diù regnarunt in Scholis; Videlicet, vt quæ
præstò sint, infinitâ Subtilitate perlequantur; quæ pau-
lò remotiora, ne attingant quidè; Nos sanè *Topicam*
Particularem, tanquam Rem apprimè vtilem ample-
ctimur; hoc est, *Locos Inquisitionis & Inuentionis, Par-*
ticularibus Subiectis & Scientijs appropriatos. Illi au-
tem, Mixturæ quædam sunt, ex *Logicâ*, & *Materiâ*
ipsâ propriâ singularum Scientiarum. Futilem enim
esse constat, & angusti cuiusdam Animi, qui existimet
Artem, de *Scientijs* inueniendis, perfectam iam à Prin-
cipio, excogitari & proponi posse; eandemque postea
in Opere poni, & exerceri debere. At certò sciant Ho-
mines, *Artes inueniendi solidas & veras, adolescere & In-*

crementa sumere, cum ipsis Inuentis: Adeò vt cum quis primum ad perscrutationem *Scientiæ* alicuius accesserit, possit habere *Præcepta Inuentiue* nonnulla vtilia; postquam autem, ampliores in ipsâ *Scientiâ* progressus fecerit, possit etiâ, & debeat, noua *Inventionis Præcepta* excogitare; quæ ad vltiora eum felicius deducant. Similis est sanè hæc Res Viæ initæ in Planitie: postquam enim Viæ partem aliquam fuerimus emensi; non tantum hoc lucrati sumus, vt ad exitum Itineris propius accesserimus; verum etiâ vt, quod restat viæ, clariùs prospiciamus. Eodem modo, in *Scientijs*, gradus Itineris quisque, ea quæ à tergo reliquit, præteruectus, etiâ illa quæ supersunt, propius dat in conspectum. Huius autem *Topica Exemplum*, quoniam eam inter *Desiderata* reponimus, subiungere visum est.

*Topica Particularis, siue Articuli Inquisitionis de
Graui & Leui.*

1. **I**nquiratur, qualia sint Corpora, quæ Motûs Grauitatis sunt susceptibilia; qualia, quæ Leuitatis; & si quæ sint *Mediæ, siue Adiaphoræ Naturæ*?
2. Post Inquisitionem de Grauitate & Leuitate Simplicem, procedatur ad Inquisitionem Comparatam; Quæ nimirum ex Grauib. plus; quæ minùs ponderent, in eodem Dimenso? Etiâ, quæ ex Leuib. celerius ferantur in altum, quæ tardiùs?
3. Inquiratur de eo quod possit & operetur Quantum Corporis ad Motum Grauitatis. Atqui videatur hoc primo aspectu quasi superuacuum; quia Rationes Motûs debeant sequi Rationes Quanti: sed res aliter se habet; Nam licet in Lancibus, Quantitas Grauitatem Corporis ipsius compenset (viribus Corporis undique coeuntibus

tibus per Repercussionem, siue Resistentiam Lancium vel Trabis) tamen ubi parua datur Resistentia (ueluti in Decasu Corporum per Aerem) Quantum Corporis parum valet, ad Incitationem Descensus: Cum viginti pondo Plumbi, & Libra una, eodem fere spatio cadant. 4. Inquiratur utrum Quantum Corporis ita augeri possit, ut Motus Grauitatis prorsus deponatur, ut sit in Globo Terre, qui pensilis est, non cadit? Vtrum igitur possint esse alie Massae tam grandes, ut se ipsae sustentent? Nam Latio ad Centrum Terre Resistentia est, Atque omnis Massa grandis, Motum Lationis quemcumque exhorret, nisi ab alio Appetitu fortiori vincatur.

5. Inquiratur de eo, quod possit & operetur Resistentia Corporis Medij, vel occurrentis, ad Regimen Motus Grauitatis: Corpus vero descendans, aut penetrat & fecat Corpus occurrens, Aut ab eo Sistitur: Si penetrat, fit Penetratio; Aut cum leui Resistentia, ut in Aere; Aut cum fortiori, ut in Aqua: Si Sistatur, sistitur aut Resistentia dispari, ubi fit Praegratio, ut si Lignum superponatur Cere, Aut aqua, veluti si Aqua superponatur Aque, aut Lignum, eiusdem generis Ligno; Id quod appellat Schola (Apprehensione quadam inani) Non ponderare corpus nisi extra locum suum. Atque haec omnia Motum Grauitatis variant: Aliter enim mouentur Graua in Lancibus, aliter in Decasu; Etiam aliter (quod mirum videri possit) in Lancibus pendentibus in Aere, aliter in Lancibus immersis in Aqua; Aliter in Decasu per Aquam; aliter in Natantibus siue Vectis super Aquam.

6. Inquiratur de eo, quod possit & operetur Figura Corporis descendens, ad regendum Motum Grauitatis; vcluti Figura Lata cum tenuitate, Cubica, Oblonga, Rotunda, Pyramidalis; & quando se vertant Corpora, quando eadem, qua dimittuntur, positura permanant.

7. Inquiratur de eo, quod possit & operetur Continuatio & Progressio ipsius Casus siue Descensus, ad hoc,

ut maiori incitatione & impetu feratur. Et quâ proportionem, & quousque inualescat illa Incitatio? siquidem veteres leui Contemplatione opinati sunt, (cum Motus Naturalis sit iste) eum perpetuo augeri & intendi.

8. Inquiratur de eo, quod possit & operetur Distantia, aut proximitas Corporis descendens à Terrâ, ad hoc, ut celerius cadat, aut tardius, aut etiâ non omnino, (si modo fuerit extra Orbem Activitatis Globi Terræ, quæ Gilberti opinio fuit.) Atque simul de eo quod operetur Immersio Corporis Descendentis magis in profundo Terræ, aut Collocatio eiusdem propius ad Superficiem Terræ: Etenim hæc res etiâ Motum variat, ut Operantibus in Mineris perspectum est.

9. Inquiratur de eo, quod possit & operetur Differentia Corporum, per quæ Motus Gravitatis diffunditur & communicatur: Atque utrum æque communicetur per Corpora Mollia & Porosa, ac per Dura & Solida: veluti si Trabs Lancis, sit, ex alterâ parte Lingula, lignea, ex alterâ, argentea, (licet fuerint reductæ ad idem pondus,) utrum non progignat variationem in Lancibus? Similiter, utrum Metallum, Lana, aut Vesica inflata, super-impositum, idem ponderet, quod in Fundo Lancis?

10. Inquiratur de eo, quod possit & operetur, in communicatione Motus Gravitatis, Distantia Corporis à Libramine; Hoc est, cita & sera Perceptio Incubitus, siue Depressionis: Veluti in Lancibus, ubi altera Pars Trabis est longior (licet reducta ad idem Pondus) an inclinet hoc ipsum Lancem? Aut in Tubis arcuatis, ubi longior pars certe trahet Aquam, licet brevior pars (facta scilicet capacior) maius contineat pondus Aquæ?

11. Inquiratur de eo, quod possit Intermixtio siue Copulatio Corporis Levis, cum Corpore Graui, ad eleuandam Corporis Gravitatem; ut in Pondere Animalium Vivorum, & Mortuorum?

12. Inquiratur de secretis Ascensibus, & Descensibus

Partium Leuiorum & Grauiorum in vno Corpore integro: unde fiant sepe accurata Separationes; Vt in Separatione Vini & Aquæ, in Ascensione Floris Lactis, & similibus?

13. Inquiratur, quæ sit Linea, & Directio Motûs Grauitatis; & quatenus sequatur vel Centrum Terræ, id est Massam Terræ; vel Centrum Corporis ipsius, id est Naxum Partium eius. Contra enim illa ad Demonstrationes apta sunt; in Naturâ nihil valent.

14. Inquiratur, de Comparatione Motûs Grauitatis, cum Motibus alijs; quos scilicet vincat, quibus cedat? veluti in Motu (quem appellant) violento, Motus Grauitatis compescitur ad Tempus. Etiam, cum Pondus longè maius Ferri, ab exiguo Magnete attrahitur, cedit Modus Grauitatis, Motui Sympathie.

15. Inquiratur de Motu Aeris, prout fertur sursum, an sit tanquam Adiaphorû? Quod difficile est iudicari, nisi per Experimenta aliqua exquisita. Nam Exsiccatio Aeris in fundo Aquæ, fit potius per Plagam Aquæ, quàm per Motum Aeris; cum idem etiâ fiat in Ligno. Aer autem Aeri commistus nihil prodit, cum non minùs Leuitatem exhibeat Aer in Aere, quàm Grauitatem Aqua in Aquâ: In Bullâ autem, exili obductâ pelliculâ, ad tempus stat.

16. Inquiratur, quis sit Terminus Leuitatis? Neque enim quemadmodum Centrû Terræ posuerunt Centrum Grauitatis, volunt (credo) vt vltima Conuexitâs Cœli sit Terminus Leuitatis: An potius, veluti Grauiâ videntur eoufque ferri, vt decumbant, & tanquàm ad Immobile; ita Leuiâ eoufque ferantur, vt rotari incipiant, & tanquàm ad Motum sine Termino?

17. Inquiratur, quid in Causâ sit, cur Vapores & Halitus eoufque in altum, ac sita est Regio (quam vocant) Media Aeris, ferantur; cum & crassiuscula sint Materie, & Radij solis per Vices (noctû scilicet) cessent?

18. Inquiratur de Regimine Motûs Flammæ in sursum;

lum; quod eo abstrusus est, quia singuli momenti flamma perit, nisi forte in medio Flammarum Maiorum; Etenim Flamme abrupte à Continuitate sua, parum durant.

De Inquisitione de Mora in sursum ipsius Activitatis Validi; veluti cum Calor in Ferro candente, citius gliscit in sursum, quam in Deorsum?

Exemplum igitur Topicæ Particulari tale sit: Illud interim, quod monere occupamus, iterum monemus, Nempe ut Homines debeant Topicas Particulares suas alternare, ita ut post maiores progressus aliquos, in Inquisitione factos, aliam & subinde aliam instituant Topicam; si modo Scientiarum Fastigia conscendere cupiant. Nos autem Topicis Particularibus tantum tribuimus, ut proprium Opus de ipsis, in subiectis Naturalibus dignioribus, & obscurioribus, conficere in Animo habeamus. Domini enim Questionum sumus, Rerum non item. Atque de Inventioniâ hætenus.

CAPVT

CAPVT IIII.

Partitio Artis Iudicandi, in Iudicium per Inductionem; & per Syllogismum. Quorum prius aggregatur Organo Nouo. Partitio prima Iudicij per Syllogismum, in Reductionem Rectam; & Inuersam. Partitio secunda eius in Analyticam, & Doctrinam De Elenchis. Partitio Doctrinæ de Elenchis, in Elenchos Sophismatum; Elenchos Hermeniæ; & Elenchos Imaginum siue Idolorum. Partitio Idolorum, in Idola Tribus; Idola Specûs; & Idola Fori. Appendix Artis Iudicandi, videlicet de Analogiâ Demonstrationum pro Natura Subiecti.



IRanſeamus nunc ad *Iudicium*, ſiue *Artem Iudicandi*, in quâ agitur de *Naturâ Probationum* ſiue *Demonſtrationum*. In *Arte* autem iſtâ *Iudicandi* (vt etiâ vulgò receptum eſt) aut per *Inductionem*, aut per *Syllogiſmum* concluditur. Nam *Enthymemata*, & *Exempla*, illorum duorum *Compendia* tantum ſunt. At quatenus ad *Iudicium*, quod fit per *Inductionem*, nihil eſt quod nos detinere debeat: Vno ſiquidem eodemque *Mentis opere*, illud quod quaeritur, & inuenitur, & iudicatur. Neque enim per *Medium* aliquod res tranſigitur, ſed immediate, eodem ſerè modo, quo fit in *Senſu*. Quippe ſenſus in *Obiectis* ſuis *primarijs*, ſi-

mul

mul & Obiecti Speciem arripit, & eius Veritati consentit. Aliter autem fit in *Syllogismo*; cuius Probatio immediata non est, sed per Medium perficitur. Itaque alia res est *Inuentio Medij*, alia *Iudicium de Consequentiâ Argumenti*. Nam primò discurrit Mens, postea acquiescit. At *Inductionis* Formam vitiosam prorsus valere iubemus; legitimam ad *Nouum Organum* remittimus. Itaque de *Iudicia per Inductionem* hoc loco satis.

De illo altero per *Syllogismum* quid attinet dicere; cum subtilissimis Ingeniorum Limis, hæc res ferè attrita sit, & in multas minutias redacta? Nec mirum, cum sit res, quæ cum Intellectu humano magnam habeat Sympathiam. Nam Animus humanus, miris modis ad hoc contendit, & anhelat, ut non pensilis sit, sed nanciscatur aliquid fixum & immobile, cui tanquam Firmamento, in Transcursibus & Disquisitionibus suis, Inhiatatur. Sanè quemadmodum Aristoteles probare conatur inueniri in omni Motu Corporum, aliquid quod quiescit; & Fabulam Antiquam de Atlante, qui ipse erectus Cælum humeris sustinuit, pereleganter ad Polos Mundi traducit, circa quos Conuersiones expediuntur: Similiter magno studio appetunt Homines, aliquem habere intra se Cogitationum Atlantem, aut Polos, qui Intellectus Fluctuationes & Vertigines aliquatenus regant; Timentes scilicet, ne Cælum ipsorum ruat. Itaque ad Principia Scientiarum constituenda præpropere festinarunt; circa quæ omnis Disputationum varietas verteretur, sine periculo Ruinæ & Casûs: Nescientes profectò eum, qui certa nimis propere captauerit, in dubijs finiturum; qui autem Iudicium tempestiuè cohibuerit, ad certa peruenturum.

Manifestum est igitur, *Artem* hanc *Iudicandi per Syllogismum*, nihil aliud esse, quam Reductionem Propositionum ad Principia, per Medios *Terminos*. Principia autem consensu recepta intelliguntur, atque à Quæsti-

one eximuntur. At Terminorum Mediorum Inuclatio, libero Ingeniorum Acumini & Inuestigationi permittitur. Est autem *Reductio* illa duplex, *Directa* scilicet; & *Inuersa*. *Directa* est, cum ipsa Propositio ad ipsum Principium reducitur; Id quod *Probatio Ostensiva* vocatur. *Inuersa* est, cum Contradictoria Propositionis reducitur ad Contradictorium Principij; quod vocant *Probationem per Incommodum*. Numerus vero Terminorum Mediorum, siue Scala eorum minuitur, aut augetur, pro remotione Propositionis à Principio.

His positis, partiemur *Artem Iudicij* (sicut vulgò ferè solet) in *Analyticam*, & *Doctrinam de Elenchis*: Altera indicat, altera cauet: *Analytica* enim veras Formas instituit, de Consequentij Argumentorum; à quibus si varietur, siue deflectatur, vitiosa deprehendit esse Conclusio. Et Atque hoc ipsum in se Elenchum quendam, siue Redargutionem continet. *Rectum enim* (ut dicitur) *Est sui Index est, & obliqui*. Tutissimum nihilominus est *Elenchos*, veluti Monitores adhibere, quò facilius detegantur Fallaciae, Iudicium alioquin illaqueaturæ. In *Analytica* verò, nihil desiderari reperimus; quin potius oneratur Superfluis, quam indiget Accessionibus.

Doctrinam de Elenchis, in tres Partes diuidere placet: *Elenchos Sophismatum*; *Elenchos Hermeneæ*; & *Elenchos Imaginum* siue *Idolorum*. *Doctrina de Elenchis Sophismatum* apprimè utilis est: Quamuis enim pinguius Fallaciarum Genus, à Senecâ, non in scitè comparetur cum Præstigiatorum technis; in quibus quo pacto res geratur nescimus, aliter autem se habere rem quam videtur, satis nouimus: Subtiliora tamen *Sophismata*, non solum id præstant, ut non habeat quis, quod respondeat; sed & Iudicium ipsum seriò confundunt.

Hæc Pars de *Elenchis Sophismatum* præclare tractata

est ab Aristotele, quoad Præcepta: Etiam à Platone adhuc melius, quoad Exemplà: Neque illud tantum in Personâ Sophistarum Antiquorum (*Gorgias, Hippia, Protagoras, Euthydemus*, & reliquorum) verum etiam in Personâ ipsius Socratis, qui cum illud semper agat, ut nihil affirmet, sed à Cæteris in medium adducta infirmet, ingeniosissime Obiectionum, Fallaciarum, & Redargutionum Modos expressit. Itaque in hac Parte, nihil habemus quod desideremus. Illud interim notandum; quamvis Usus huius Doctrinæ probum, & præcipuum, in hoc posuerimus, ut redarguantur sophismata; liquidò nihilominus patere, Usum eius degenerem & corruptum, ad Captiones, & Contradictiones per illa ipsa Sophismata struendas & concinnandas spectare. Quod genus Facultatis, etiam pro Eximio habetur, & haud parvas affert Utilitates. Licet eleganter introducta sit à quopiam illa Differentia inter Oratorem, & Sophistam; quod alter tanquam Leporarius Cursu præstet, Alter tanquam Lepus ipso Flexu.)

Sequuntur *Elenchi Hermeneis*, ita enim (vocabulum potius quam Sensum ab Aristotele mutuantes) eos appellabimus. Redigamus igitur Hominibus in Memoriam, ea quæ à Nobis de *Transcendentibus*, & de *Aduentijs Entium Conditionibus*, siue *Adiunctis* (cùm de *Philosophiâ primâ* ageremus) superius dicta sunt. Ea sunt, *Maius, Minus; Multum, Paucum; Prius, Posterius; Idem, Diuersum; Potentia, Actus; Habitus, Priuatio; Totum, Partes; Agens, Patiens; Motus, Quies; Ens, Non Ens;* & similia. Inprimis autem meminerint & notent, differentes eas, quas diximus, harum Rerum Contemplationes; videlicet quod possint inquiri vel *Physicè*, vel *Logicè*: *Physicam* autem circa eas Tractationem, *Philosophiæ Primæ* assignauimus: superest *Logica*; Ea verò ipsa est Res, quam in præsentî, *Doctrinam de Elenchis Hermeneis* nominamus. Portio certè est hæc Doctrinæ

fana

sana & bona. Hoc enim habent Notiones illæ Generales & Communes, vt in omnibus Disputationibus vbique intercurrent; adeò vt nisi accuratè, & anxio cum iudicio, benè iam ab initio distinguantur; vniuerso Disputationum Lumini, caliginem miris modis offusuræ sint; & eò rem ferè deducturæ, vt desinant Disputationes in Pugnas Verborum. Etenim Equiuocationes, & malæ Acceptiones Verborum, (præsertim huius generis,) sunt *Sophismata Sophismatum*. Quare etiã melius visum est, istarum Tractationem istorum constituere, quam eam, vel in *Philosophiam primam* siue *Metaphysicam*, recipere; vel ex parte *Analyticae* subijcere, vt Aristoteles satis confusè fecit. Dedimus autem ei nomen ex usu, quia verus eius Vfus est planè Redargutio, & Cautio circa vsum Verborum. Quinimò Partem illam de *Prædicamentis*, si rectè instituatur, circa Cautiones de non confundendis aut transponendis Definitionum & Diuisionum Terminis, præcipuum vsum sortiri existimamus, & huc etiã referri malimus. Atque de *Elenchis Hermeneia* hætenus. *Ad Elenchos* verò *Imaginum*, siue *Idolorum* quod attinet, sunt quidem *Idola*, profundissimæ Mentis Humanæ Fallaciæ. Neque enim fallunt in Particularibus, vt ceteræ; Iudicio caliginem offundendo, & tendiculas struendo: Sed planè ex prædispositione Mentis præuâ, & perperam constitutâ; quæ tanquam omnes Intellectus Anticipationes detorquet & inficit. Nam *Mens Humana* (Corpore obducta & obfuscata) tantum abest vt Speculo plano, æquali, & claro similis sit, (quod Rerum Radios sincerè excipiat & reflectat,) vt potius sit instar Speculi alicuius Incaneati, pleni Superstitionibus & Spectris. Imponuntur autem Intellectui *Idola*, Aut per *Naturam ipsam Generis Humani Generalem*; Aut per *Naturam cuiusque Individualem*; Aut per *Verba*, siue *Naturam communicatiuam*. Primum Genus *Idola*

Tribus, Secundum Idola Speciei, Tertium Idola Fori vocare consuevimus. Est & Quartum Genus, quod *Idola Theatri* appellamus, atque super-inductum est à *primis Theorijs* sue *Philosophijs*, & *peruersis Legibus Demonstrationum*: Verum hoc Genus abnegari potest & deponi; Itaque illud in præsentia omitemus. At reliqua planè obsident mentem, neque prorsus euelli possunt. Igitur non est, quod quis in istis, *Analyticam* aliquam expectet; sed *Doctrina de Elenchis* est, circa ipsa *Idola*, *Doctrina primatia*. Neque (si verum omninò dicendum sit) *Doctrina de Idolis*, in *Artem* redigi possit; sed tantum adhibenda est, ad ea cauenda, *Prudentia* quædam *Contemplatiua*. Horum autem *Tractationem* plenam & subtilem, ad *Nouum Organum* amandamus; pauca generaliter tantum de ijs hoc loco dicturi.

Idolorum Tribus Exemplum tale sit. Natura Intellectus Humani magis afficitur Affirmatiui & Actiui, quam Negatiui & Priuatiui; cum ritè & ordine æquum se utrique præbere debeat. At ille, si res quæpiam aliquandò existat & teneat; fortiolem recipit de eà *Impressionem*, quàm si eadem longè pluriès fallat, aut in contrarium eueniat. Id quod omnis *Superstitionis*, & *vanæ Credulitatis*, quasi *Radix* est. Itaque rectè respondit ille, qui, cum *suspensa Tabula* in *Templo* monstraretur, eorum qui *vota soluerant*, quod *Naufragij Periculum* effugissent, atque interrogando premeretur, annon tum demùm *Neptuni Numen* agnosceret? quæsiuit vicissim, *At ubi sunt illi depicti, qui post vota nuncupata perierunt?* Atque eadem est ratio *Superstitionum* similium, sicut in *Astrologicis*, *Insomnijs*, *Ominibus*, & reliquis: Alterum Exemplum est huiusmodi; *Animus Humanus* (cum sit ipse *Substantia æqualis & vniformis*) *maiolem præsupponit, & affingit in Naturâ Rerum Æqualitatem, & Vniformitatem, quam reuera est*. Hinc Com-

mentum Mathematicorum, In caelestibus omnia moueri per Circulos perfectos, reiiciendo Lineas Spirales: Hinc etiã fit, quod cum multa sint in Naturâ Monodica, & plena Imparitatis, affingat tamen semper Cogitatio Humana, Relatiua, Parallela, & Coniugata; Ab hoc enim Fonte, Elementum Ignis, cum Orbe suo, introductum est, ad constituendam quaternionem cum reliquis tribus, Terrâ, Aquâ, Aere. Chymici autem fanaticum instruxerunt Rerum vniuersarum Phalangem, inanissimo commento inueniri fingentes, in quatuor illis suis Elementis, (Cœlo, Aere, Aquâ, & Terrâ,) Species singulas parallelas inuicem, & conformes. Tercium Exemplum est superiori finitimum; quod Homo fiat, quasi Norma & Speculum Naturæ. Neque enim credibile est, (si singula percurrantur & notentur) quantum Agmen Idolorum Philosophiæ immiserit, Naturalium Operationum, ad Similitudinem Actionum Humanarum, Reductio. Hoc ipsum inquam, quod putetur talia Naturam facere, qualia Homo facit. Neque multò meliora sunt ista, quam Hæresis Anthropomorphitarum, in Cellis ac Solitudine stupidorum Monachorum orta: Aut Sententia Epicuri huic ipsi in Paganismo respondens, qui Dijs Humanam Figuram tribuebat. At non opus fuit Velleio Epicureo interrogare, Cùm Deus Cœlum Stellis & Luminibus, tanquam Edilis, ornasset? Nam si summus ille Opifex, admodum Edilis se gessisset, in pulchrum aliquem & elegantem ordinem stellas digerere debuisset, operosis Palatiorum Laquearibus consimilem; cum è contrâ agrè quis ostendat, in tam infinito Stellarum numero, Figuram aliquam vel quadratam, vel Triangularem, vel Rectilinearem. Tanta est Harmoniæ discrepantia, inter Spiritum Hominis, & Spiritum Mundi.

Quod ad Idola Speciei attinet, illa ortum habent ex propria cuiusque Naturâ & Animi & Corporis; atque etiã

ex Educatione & Consuetudine, & fortuitis rebus, quæ singulis Homini-
bus accidunt. Pulcherrimum enim Emblemata, est illud de Specu Platonis. Siquidem si quis
(missa illâ exquisitâ Parabola subtilitate) à primâ Infantiâ, in Antro, aut
Cavernâ obscurâ & subterraneâ, ad maturam usque Ætatem degeret, & tunc
deropente in Aperta prodiret, & hunc Cœli & Rerum Apparatum
contueretur; dubium non est, quin animum eius subi-
rent, & perstringerent, quamplurimæ miræ & absurdis-
simæ Phantasiæ. Nos verò scilicet, sub Aspectu Cœli
degimus; interea tamen Animi in Cavernis Corporum
nostrorum conduntur; ut infinitas Errorum & Falsita-
rum Imagines hautire necesse sit, si è Specu suâ raro tan-
tum, & ad breue aliquod tempus prodeant; & non in
Contemplatione Naturæ perpetuo, tanquàm sub Dîo
morentur. Emblemati siquidem illi de Specu Platonis,
optimè conuenit Parabola illa Heracliti, Quod Homi-
nes Scientias in Mundis proprijs, & non in Mundo maiore
quarant. *At Idola Fori molestissima sunt, quæ ex Fœdere tacito
inter Homines, de Verbis & Nominibus impositis, se in In-
tellectum insinuârunt. Verba autem plerumque ex cap-
tu Vulgi induntur, atque per Differentias, quarum
Vulgus capax est, res secant, Cùm autem Intellectus
acutior, aut Observatio diligentior res melius distin-
guere velit, Verba obstrepunt. Quod verò huius Re-
medium est, (Definitiones scilicet,) in plurimis huic
malo mederi nequit; quoniam & ipsæ Definitiones
ex verbis constent, & Verba gignant Verba. Etsi au-
tèm putemus Verbis nostris nos imperare; & illud fa-
cile dictu sit, Loquendum esse ut vulgus, sentiendum ut
Sapientes; Quinetiam Vocabula Artium (quæ apud
peritos solùm valent) huic rei satisfacere videri possint;
& Diffinitiones (de quibus diximus) Artibus præmissæ,
(secundum Prudentiam Mathematicorum) Vocabu-
lorum*

lorum prauas Acceptiones corrigere valeant; attamen hæc omnia non sufficiunt, quo minus Verborum præstigia & Incantationes, plurimis modis seducant, & vim quandam Intellectui faciant, & impetum suum, (more Tartarorum sagittationis) retrò in Intellectum (vnde profecta sint) retorqueant. Quare altiore, & nouo quodam remedio, ad hoc Malum opus est: Verum hæc iam cursim perstringimus, interim desiderari pronunciantes hanc Doctrinam, quam *Elenchos* magnos, siue de *Idolis Animi humani natiuis & aduentitijs* appellabimus. Eius autem Tractationem legitimam, ad *Organum Nouum* referimus.

Superest *Artis Iudicandi Appendix* quædam insignis; quam etiam desiderari statuimus. Siquidem Aristoteles Rem notauit, Modum Rei nullibi persecutus est. Ea tractat, quales *Demonstrationes ad quales Materias, sua Subiecta, applicari debeant*; vt hæc Doctrina tanquam *Iudicationes Indicationum* contineat. Optimè enim Aristoteles, Neque *Demonstrationes ab Oratoribus*, neque *Suasiones à Mathematicis* requiri debere monet. Vt si in Probationis genere aberratur, Iudicatio ipsa non absoluitur. Quando verò sint quatuor *Demonstrationum genera*, vel per *Consensum immediatum & Notiones communes*, vel per *Inductionem*, vel per *Syllogismum*, vel per eam (quam rectè vocat Aristoteles) *Demonstrationem in Orbem*; (non à Notionibus scilicet, sed tanquam de Plano) habent hæc *Demonstrationes singulæ certa subiecta, & Materias Scientiarum* in quibus pollent; alia, à quibus excludantur. Etenim Rigor & Curiositas, in poscendo Probationes nimium seueras, in aliquibus; multò magis Facilitas & Remissio, in acquiescendo Probationibus leuioribus in alijs; inter ea sunt numeranda, quæ Detrimenti plurimum, & Impedimenti Scientijs attulerunt. Atque de *Arte Iudicandi* hæc dicta sint.

CAPUT V.

*Partitio Artis Retinendi siue Retentivæ,
in Doctrinam de Adminiculis Memo-
riæ, & Doctrinam de Memoria ipsâ.
Partitio Doctrinæ de Memoria ipsâ, in
Prænotationem; & Emblemata.*



*Artem Retinendi siue Castodiendi, in duas Do-
ctrinas partiemur. Doctrinam scilicet de
Adminiculis Memoria; & Doctrinam de Me-
moria ipsâ. Adminiculum Memoriae planè
Scriptio est: Atque omninò monendum, quod Memo-
ria sine hoc Adminiculo, Rebus prolixioribus & ac-
curatioribus, impar sit; neque vllò modo, nisi de
Scripto, recipi debeat. Quod etiàm in Philosophiâ In-
ductivâ, & Interpretatione Naturæ, præcipuè obtinet:
Tam enim possit quis Calculationes Ephemeridis, Me-
moriâ nudâ, absque Scripto absolvere, quam interpre-
tationi Naturæ per Meditationes, & vires Memoriae
natiuas & nudas, sufficere; nisi eidem Memoriae, per
Tabulas ordinatas ministraretur. Verum missâ Interpre-
tatione Naturæ, quæ Doctrina nova est, etiàm ad Vete-
res & Populares Scientias, haud quicquam ferè vtilius
esse possit; quam Memoriae Adminiculum solidum &
bonum; hoc est; Digestum probum, & eruditum, Lo-
corum Communium. Neque tamen me fugit; quod
Relatio eorum, quæ legimus aut discimus, in Locos
communes, damno Eruditionis ab aliquibus, imputetur,
ut quæ Læctionis Cursum remoretur, & Memoriam ad
feriandum inuitet. Attamen quoniam Adulterina res
est, in Scientijs præcocem esse & promptum; nisi etiàm
solidus sis & multipliciter instructus, Diligentiam &
Laborem*

Laborem in *Locis communibus* congerendis, magni prorsus rem esse *Vsûs*, & *Firmitudinis*, in studiis iudicamus; veluti quæ *Inventioni* copiam subministrat; & *Aciei Iudicij* unum contrahat. Verum est tamen, inter *Methodos* & *Synaxes Locorum communium*, quas nobis adhuc videre contigit, nullam reperiri, quæ aliquis sit pretij; quandoquidem in *Titulis* suis, *Facilem* prorsus exhibeant, magis *Scholæ*, quam *Mundi*; *Vulgares* & *pædagogicas* adhibentes *Diuisiones*, non autem eas, quæ ad *Rerum Medullas*, & *Interiora* quouis modo penetrant.

Circa *Memoriam* autem ipsam, satis segnitè & languidè videtur adhuc inquisitum. Extat certè de eâ *Ars* quæpiam; Verum nobis constat, tum meliora *Præcepta* de *Memoriâ* confirmandâ & ampliandâ haberi posse, quam illa *Ars* complectitur; tum *Practicam* illius ipsius *Artis* meliorem institui posse, quam quæ recepta est. Neque tamen ambigimus (si cui placet hanc *Arte* ad *Ostentationem* abuti) quin possint præstari per eam nonnulla *Mirabilia*, & *Portentosa*: Sed nihilominus *Res* quasi *sterilis* est, (eo quo adhibetur modo) ad *usus* humanos. At illud interim ei non imputamus, quod *Naturalem Memoriam* destruat, & super-oneret, (ut vulgò obijcitur;) sed quod non dextrè instituta sit, ad *Auxilia memoriæ* commodanda, in *Negotijs* & *Rebus* serijs. Nos verò hoc habemus (fortalsè ex genere vitæ nostræ *Politicæ*) ut, quæ *Artem* iactant, *usum* non præbent, parui faciamus. Nam ingentem *Numerum* *Nominum*, aut *Verborum* semel recitatorum, eodem ordine statim repetere; aut *Versus* complures de quouis *Argumento* extempore conficere; aut quicquid occurrit *Satyricâ* aliquâ similitudine perstringere; aut *seria* quæque in *locum* vertere; aut *Contradictione* & *Caillatione* quidvis eludere; & similia; (quorum in *Facultatibus* *Animi* haud exigua est

Copia; quæque Ingenio & Exercitatione ad Miraculum usque extolli possunt;) hæc certe omnia & his similia nos non maioris facimus, quam Funambulorum & Mimorum Agilitates & Ludicra: Etenim eadem ferè Res sunt; cum hæc Corporis, illa Animi viribus abutantur; & Admirationis forsitan aliquid habeant, Dignitatis parum.

Ars autem *Memoria*, duplici nititur Intentione; *Prænotione*; & *Emblemate*: *Prænotionem* vocamus Abscissionem quandam Investigationis infinitæ. Cum enim quis aliquid reuocare in memoriam conatur; si nullam *Prænotionem* habeat, aut *Perceptionem* eius quod quærit; quærit certè, & molitur, & hæc illuc discurret, tanquam in Infinito. Quod si certam aliquam *prænotionem* habeat; statim absconditur Infinitum, & fit *Discursus Memoriae* magis in vicino; Vt Venatio Damæ, intra Septa. Itaque & Ordo manifestò iuvat *Memoriam*. Subest enim *Prænotio*, id quod quæritur tale esse debere, ut conueniat cum Ordine. Similiter Carmina facilius discuntur memoriter, quam *Prosa*. Si enim hæretur in aliquo verbo; subest *Prænotio*, tale debere esse Verbum, quod conueniat cum Versu. Atque ista *Prænotio* est *Artificialis Memoriae* Pars prima. Nam in *Artificiali Memoria* *Locos* habemus jam antè digestos & paratos: *Imagines* extempore, prout res postulat, conficimus: At subest *Prænotio*, talem esse debere *Imaginem*, qualis aliquatenus conueniat cum *Loco*. Id quod vellicat *Memoriam*, & aliquo modo munit ad rem quam quærimus. *Emblema* verò deducit Intellectuale ad Sensibile: Sensibile autem semper fortiùs percurrit *Memoriam*, atque in eâ faciliùs imprimitur, quam Intellectuale. Adcò ut etiã Brutorum *Memoria*, per Sensibile excitetur; per Intellectuale, minimè. Itaque faciliùs retineas *Imaginem Venatoris Leporem persequentis*, aut *Pharmacopæi Pyxides ordinantis*, aut *Pedantiij*

Orationem

Orationem habentis, aut Pueri Versus memoriter recitantis, aut Mimi in Scenâ agentis; quam ipsas Notiones Inventionis, Dispositionis, Elocutionis, Memoriae, Actionis. Sunt & alia, quæ pertinent ad *Memoriam* iuuandam (vt modo diximus) sed *Ars* quæ iam habetur ex his duobus iam præmissis consistit. Particulares autem Artium Defectus persequi, fuerit ab Instituto nostro recedere. Igitur de *Arte Retinendi* siue *Custodia*, hæc dicta sint. Iam verò, ad quartum *Membrum Logicae*, quod *Traditionem* & *Elocutionem* tractat, ordine peruenimus.

Mm 2

FRANCISCI

Orationem habent, aut Pueri Vetus memoriae re-
citant, aut Aliter se agunt; quam ipsi Noni-
ones Iouanionis, Diphilionis, Elicionis, Man-
tis, Aethionis. Sunt & alii qui pertinent ad Ma-
mam inuadunt (ut modo diximus) sed & quae in ha-
bitat ex his duobus iam primis consistit. Particu-
larum autem Arrium Defectus patet, sicut ab Infirmis
nostro recedat. Igitur de his Rationibus
dic, haec dicta sunt. Jam vero, ad quatuor
Membrum Logice, quod Traditionem
& Elicionem tractat, ordine
peruenimus.

Mm. FRANCISCI

FRANCISCI
BARONIS

DE
VERVLAMIO,
VICE-COMITIS
SANCTI ALBANI,

DE
Dignitate & Augmentis Scientiarum

LIBER SEXTVS.

AD REGEM SVVM.

CAPVT I.

Partitio Traditiuæ, in Doctrinam de Or-
gano Sermonis, Doctrinam de Metho-
do Sermonis; & Doctrinam de Illu-
stratione Sermonis. *Partitio* Doctrinæ
de Organo Sermonis, in Doctrinam de
Notis Rerum, De Locatione, & De
Scriptione: *Quarum* duæ posteriores
Grammaticam constituunt, eiusque Parti-
tiones sunt. *Partitio* Doctrinæ de Notis
Rerum,

Rerum, in Hieroglyphica; & Characteres Reales. *Partitio Secunda Grammaticæ, in Literariam; & Philosophantem. Aggregatio Poeseos quoad Metrum, ad Doctrinam de Locutione. Aggregatio Doctrinæ de Ciphris, ad Doctrinam de Scriptione.*



Conceditur certe cuius (Rex Optime) Seipsum & Sua ridere & ludere. Quis igitur nouit, nūm fortè Opus istud nostrum, non descriptum fuerit, ex Libro quodam Veteri, reperto inter Libros, famosissimæ illius Bibliothecæ Sancti Victoris; quorum Catalogum excepit Magister *Franciscus Rabelesius*? Illic enim inuenitur Liber, cui Titulus est, *Formicarium Artium*. Nos sanè pusillum Aceruum Puluisculi congessimus, & sub eo complura Scientiarum & Artium Grana condidimus; quò Formicæ reptare possint, & paulatim conuiuere, & subinde ad nouos se labores accingere. At Regum Sapientissimus Pigros quoscunque remittit ad Formicas: Nos autem Pigros eos Homines pronunciamus, quibus acquisitis vti tantum, cordi sit; neque subinde nouas Scientiarum Sementes & Menses facere.

Accedamus nunc ad *Artem Tradendi*, siue *Proferendi*, & *Emunciandi* ea, quæ Inuenta, Iudicata, ac in Memoria reposita sunt; quam Nomine Generali *Traditiuam* appellabimus. Ea omnes *Artes* circa *Verba* & *Sermones* complectitur. Quamuis enim Ratio, Sermonis vetuti Anima sit; tamen in tractando diiungi debent, Ratio,

Ratio, & Sermo; non minùs quam Anima, & Corpus. *Traditum* in tres Partes diuidemus; *Doctrinam* circa *Organum* Sermonis; *Doctrinam* circa *Methodum* Sermonis; & *Doctrinam* circa *Sermonis Illustrationem*, siue *Ornatum*. *Doctrina* de *Organo* Sermonis vulgò recepta, quæ & *Grammatica* dicitur, duplex est: Altera de *Locutione*; Altera de *Scriptione*: Rectè enim Aristoteles; *Cogitationum Tessera* uerba, *Verborum Literæ*; Vtrunque *Grammaticæ* assignabimus. Verùm ut rem aliùs reperamus, antequàm ad *Grammaticam* & Partes eius iam dictas veniamus, in genere de *Organo Traditionis* dicendum est. Videntur enim esse Proles quædam *Traditionis* aliæ, præter *Verba* & *Literas*. Hoc igitur planè statuendum est; Quicquid scindi possit in Differentias satis numerosas, ad Notionum varietatem explicandam (modò Differentiæ illæ Sensui perceptibiles sint) fieri posse Vehiculum Cogitationum de Homine in Hominem. Nam videmus Nationes *Linguis* discrepantes, *Commerciorum* non malè per *Gestus* exercere. At in *Practica* nonnullorum, qui surdi & muti usque à Natiuitate fuerant, & aliàs erant ingeniosi, miròs vidimus haberi inter eos & Amicos suos, qui eorum *Gestus* perdidicerant, Dialogos. Quinetiam notissimum fieri iam cœpit, quod in Chinâ, & Prouincijs vltimi Orientis, in vfu hodiè sint, *Characteres* quidam *Reales*, non *Nominales*; qui scilicet nec Literas, nec Verba, sed Res & Notiones exprimunt. Adeò ut Gentes complures, *Linguis* prorsus discrepantes, sed huiusmodi *Characteribus*, (qui apud illos latius recepti sunt) consentientes, *Scriptis* communicent: Eòsque, ut Librum aliquem huiusmodi *Characteribus* conscriptum, quæque Gens, Patriâ *Linguâ* legere, & reddere possit.

Note igitur *Rerum*, quæ absque Ope, aut Medio *Verborum*, Res significant, duplicis generis sunt: Quarum prius Genus ex *Congruo*; Alterum ad *Placitum* significat.

significat. Prioris Generis sunt, *Hieroglyphica*; & *Gestus*: Posterioris verò, ij, quos diximus, *Characteres Reales*. *Hieroglyphicorum* Vfus vetustus admodum, & in Veneratione quâdam habitus, Præcipue apud *Ægyptios* Gentem valde antiquam: Adeo vt videantur *Hieroglyphica* fuisse *Scriptio* quædam Ante-nata, & senior ipsis *Elementis Literarum*, nisi forte apud *Hebræos*. *Gestus* autem, tanquàm *Hieroglyphica* Transitoria sunt. Quemadmodum enim Verba prolata volant, scripta manent; ita & *Hieroglyphica Gestibus* expressa transeunt, depicta durant. Cum enim *Periander*, consultus de conseruandâ Tyrannide, Legatum astare iuberet; atque ipse in Horto deambulans, Summitates Florum eminentiorum carperet, ad Sedem Procerum innuens; non minus vſus est *Hieroglyphico*, quam si id in Chartâ depinxisset. Illud interim patet, *Hieroglyphica* & *Gestus*, semper cum Re significatâ aliquid Similitudinis habere; & Emblemata quædam esse; vnde eas *Notas Rerum ex congruo* nominauimus. At *Characteres Reales*, nihil habent ex Emblemate, sed planè surdi sunt; non minus quam ipsa Elementa Literarum; & ad Placitum tantum efficti, consuetudine autem tanquàm Pacto tacito recepti. Illud interim liquet, vastâ ipsorum multitudine ad Scribendum opus esse: Tot enim esse debent, quot sunt Vocabula Radicalia. Hæc igitur Portio *Doctrinæ de Organo Sermonis* quæ est de *Notis Rerum*, nobis ponitur pro *Desiderato*. Etsi autem tenuis possit videri esse eius Vſus, cum Verba & Scriptio per Literas sint Organa *Traditiuæ* longè commodissima; visum est tamen nobis, veluti Rei non ignobilis, aliquam hoc loco Mentionem eius facere. Tractamus enim hîc, veluti Numismata Rerum Intellectualium; nec abs re fuerit nosse, quod sicut Nummi possint confici ex aliâ Materia præter Aurum & Argentum, ita & *Notæ Rerum* aliæ possint cudi, præter Verba & Literas.

Pergamus igitur ad *Grammaticam*. Ea verò, veluti Viatoris locum, erga ceteras Scientias obtinet; non nobilem illum quidem, sed inprimis tamen necessarium; præsertim cum Scientiæ, nostris Seculis, ex Linguis Eruditis, non vernaculis, potissimum hauriantur. Neque tamen Dignitas eius parua censenda est; quandoquidem Antidoti cuiusdam vicibus fungatur contra Maledictionem illam Confusionis Linguarum. Sanè hoc agit Industria humana, ut se restituat & redintegret in Benedictionibus illis, quibus Culpâ suâ excidit. Atque contra Maledictionem primam Generalem de Sterilitate Terræ, & *Comedendo panem suum in sudore vultus sui*, reliquis Artibus omnibus se munit & instruit. At contra secundam illam de Confusione Linguarum, aduocat in auxilium *Grammaticam*. Eius, in Linguis quibusque vernaculis, exiguus certè vsus est; In Externis perdiscendis, latior; Amplissimus verò in illis Linguis, quæ vulgares esse desierunt, & in Libris tantum perpetuantur.

Grammaticam etiã bipartitam ponemus; ut alia sit *literaria*; alia *Philosophica*: Altera adhibetur simpliciter ad Linguas, nempe ut eas quis, aut celerius perdiscat, aut emendatius & purius loquatur: Altera verò aliquatenus Philosophiæ ministrat: Quâ in parte occurrit nobis Cæsarem Libros *De Analogiâ* conscripisse, Atque Dubitatio subiit, utrum illi hanc, quam dicimus, *Grammaticam Philosophicam* tractarint? Suspicamur tamen nil admodum in illis fuisse subtilius, aut sublimius; sed tantum Præceptiones tradidisse de Oratione castâ & integrâ, neque à Consuetudine loquendi prauâ, neque ab Affectatione aliquorum, vitiatâ & pollutâ; in quo genere ipse excelluit. Veruntamen hâc ipsâ re moniti, cogitatione complexi sumus *Grammaticam* quandam, quæ non Analogiam Verborum ad inuicem, sed Analogiam inter Verba, & Res, siue Rati-

onem, sedulò inquirat; citra tamen eam, quæ Logicæ subseruit, Hermeniam. Vestigia certè Rationis Verba sunt: Itaque Vestigia etià aliquid de Corpore indicant: Huius igitur rei Adumbrationem quandam tenuem dabimus: Primò autem minimè probamus curiosam illam Inquisitionem, quam tamen Plato Vir eximius non contempsit; nimirum de Impositione & Originali Etymologiâ Nominum; supponendo ac si illa iam à Principio ad Placitum indita minimè fuissent, sed ratione quâdam & significantè deriuata & deducta: Materiam certè elegantem, & quasi ceream, quæ aptè fingi & flecti possit; quoniam verò Antiquitatum Penetralia perscrutari videtur, etià quodammodò Venerabilem; sed nihilominus parcè veram, & fructu cassam. Illa demùm, vt arbitramur, foret nobilissima Grammaticæ species, si quis in *Linguis* plurimis, tam Eru- ditis quam Vulgaribus eximiè doctus, de varijs *Linguarum* Proprietatibus tractaret; in quibus quæ- que excellat, in quibus deficiat, ostendens. Ita e- nim & *Linguae* mutuo commercio locupletari pos- sint; & fiet ex ijs quæ in singulis *Linguis* pulchra sunt, (tanquam Venus Apellis) Orationis ipsius quæ- dam formosissima Imago, & Exemplar quoddam insigne, ad sensus Animi ritè exprimendos. Atque v- nà etiam hoc pacto capientur signa haud leuia, sed ob- seruatu digna (quod fortassè quispiam non putaret) de Ingenijs & Moribus Populorum & Nationum, ex *Lin- guis* ipsorum. Equidem libentè audio Ciceronem no- tantem, quod apud Græcos desit Verbum, quod Lati- num illud (*Ineptum*) reddat; Proptereâ (inquit) quod Græcis hoc vitium tam familiare fuit, vt illud in se ne agnos- cerent quidem: Digna certè grauitate Romanâ Censura: Quid illud, quod Græci in Compositionibus Verborum tanta licentiâ vsi sunt, Romani contrà magnâ in hac re Seueritatem adhibuerunt? Planè colligat quis, Græcos fuisse

fuisse Artibus, Romanos Rebus gerendis magis idoneos. Artium enim Distinctiones, Verborum Compositionem ferè exigunt; At Res & Negotia, simpliciora Verba postulant. Quin Hebræi tantum Compositiones illas refugiunt, vt malint Metaphorâ abuti, quam Compositionem introducere. Quinetiam Verbis tam paucis, & minimè commixtis vtuntur, vt planè ex *Lingua* ipsâ quis perspiciat, Gentem fuisse illam Nazaræam, & à reliquis Gentibus separatam. Annon & illud Observatione dignum (licet nobis Modernis Spiritus nonnihil retundat) antiquas *Linguas* plenas Declinationum, Casuum, Coniugationum, Temporum, & similium fuisse; Modernas his ferè destitutas, plurima per Præpositiones, & Verba Auxiliaria segniter expedire. Sanè facile quis conijciat (vtrunque nobis ipsi placeamus) Ingenia priorum Seculorum nostris fuisse multò acutiora & subtiliora. Innuinera sunt eiusmodi, quæ iustum Volumen complere possint. Non abs re igitur fuerit, *Grammaticam Philosophantem*, à *Simplici* & *Literaria* distinguere, & *Desideratam* ponere.

Ad *Grammaticam* etiam pertinere iudicamus omnia illa, quæ Verbis quoquo modo accidunt, qualia sunt *Sonus*, *Mensura*, *Accentus*. At prima illa Literarum Simplicium Conabula (nempe quâ percussione *Linguæ*, quâ Aperturâ Oris, quâ Adductione Labiorum, quo Nisu Gutturis, singularum Literarum Sonus generetur) ad *Grammaticam* non pertinent, sed Portio sunt *Doctrinæ de sonis*, sub *Sensu* & *Sensibili* tractanda. *Sonus*, de quo loquimur, *Grammaticus*, ad *Euphonia* tantum pertinet, & *Dysphonia*. Illarum quædam communes sunt: Nulla enim est *Lingua*, quin *Vocalium Concurrentium Hiatus*, ac *Consonantium Concurrentium Asperitates* aliquatenus refugiat. Sunt & aliæ *Respectivæ*, quæ scilicet diuersorum Popu-

lorum Auribus gratae aut ingratae accedunt. *Graeca Lingua* Diphongis scater; *Latina* longè parcius. *Lingua Hispanica* Literas Tenuis odit, easque statim vertit in Medias. *Linguae* quae ex *Gothis* fluxere, Aspiratis gaudent: Multa sunt eiusmodi: Verùm hæc ipsa fortasse plus satis.

At *Mensura Verborum* ingens nobis Corpus Artis peperit, *Poesim* scilicet, non quatenus ad Materiam (de qua supra) sed quatenus ad Stilum & Figuram Verborum; Versus nimirum siue Carmina. Circa quæ Ars habetur quasi pusilla, Exempla accedunt grandia, & infinita. Neque tamen Ars illa (quam *Prosodiam Grammatici* appellant) ad Carminum Genera, & Mensuras edocendas tantum restringi debeat: Adijcienda enim sunt præcepta, quod Carminum Genus, cuique Materiae, siue Subiecto, optimè conueniat: Antiqui Heroica Carmina Historijs & Encomijs applicauerunt; Elegos Querimonijs, Iambos Inuectiuis; Lyricos Odis & Hymnis. Neque hæc Prudentia recentioribus Poetis in *Linguis Proprijs* defuit: Illud reprehendendum, quod quidam Antiquitatis nimium studiosi, *Linguas Modernas*, ad Mensuras Antiquas (Heroicas, Elegiacas, Sapphicas, &c.) traducere conati sunt: quas ipsarum *Linguarum* Fabrica respuit, nec minus Aures exhorrent. In huiusmodi rebus, Sensus iudicium, Artis præceptis præponendum, ut ait ille,

Cæna fercula nostræ

Malletem conuiuij quàm placuisse Cocis.

Neque verò Ars est, sed Artis abusus, cum illa Naturam non perficiat, sed peruertat. Verùm quod ad *Poesim* attinet (siue de *Fabulis*, siue de *Metro* loquamur) est illa (ut superius diximus) tanquam Herba luxurians, sine Semine nata, ex Vigore ipsius Terræ germinans. Quare ubique serpit, & latissimè diffusa est; ut superuacuum foret de Defectibus eius sollicitum

nam effe. De illâ igitur Cura est abijcienda. Quod ve-
rò ad *Accentus Verborum*, nil opus est de re tam pu-
lâ dicere; nisi fortè illud quis notatu dignum putet;
quod *Accentus Verborum* exquisitè, *Accentus* autem
Sententiarum neutiquàm in Observationem venit. At-
tamen illud forè vniuerso Generi humano commune
est, vt Vocem in fine Periodi submittant, in Interrogati-
one eleuent, & alia huiusmodi non pauca. Atque
de *Grammaticæ* Parte, quæ ad *Locutionem* spectat,
hactenus.

Quod ad *Descriptionem* attinet, ea aut *Alphabeto Vul-*
gari perficitur, (quod vbiq; recipitur,) aut *Occulto &*
Privato, de quo inter singulos conuenit, quod *Ciphras*
vocant. At *Orthographia vulgaris* etiàm *Controuersiam*
& *Quæstionem* nobis peperit; Vtrum scilicet eodem,
Verba scribere oporteat, quo pronunciantur, modo;
an potius ex more consueto? At illa *Scriptio* quæ re-
formata videri possit, (vt scilicet *Scriptio Pronunciationi*
consona sit,) est ex *Genere inutilium Subtilitatum*.
Nam & ipsa *Pronunciatio* quotidie gliscit, nec constans
est; & *Derivationes Verborum*, præsertim ex Lin-
guis extraneis, prorsus obscurantur; Denique cum
ex more recepto Scripta, morem pronuntiandi nullo
modo impediunt, sed liberam relinquunt, quorsum at-
tinet ista *Novatio*.

Ad *Ciphras* igitur veniendum. Earum *Genera* haud
pauca sunt. *Ciphræ simplices*; *Ciphræ Non significan-*
tibus Characteribus intermixtæ; *Ciphræ duplices Literas*
uno Characterè complexæ; *Ciphræ Rotæ*; *Ciphræ Cla-*
uis; *Ciphræ verborum*; alia. *Virutes* autem in *Ci-*
phris, requirendæ tres sunt: Vt sint *Expeditæ*, non
nimis operosæ ad scribendum; Vt sint *fidæ*, & nul-
lo modo pateant ad *Decipherandum*; Addo denique,
vt, si fieri possit, *suspicionem* vacent. Si enim *Episto-*
læ in *Manus* Eorum deuenient, qui in eos qui scri-
bunt,

bunt, aut ad quos scribuntur, potestatem habeant, tamen si Ciphra ipsa fida sit, & deciphratu impossibilis, tamen subijcitur hæc Res Examini & Quæstioni; nisi Ciphra sit eiusmodi, quæ aut suspicione vacet, aut Examinationem eludat. Quod verò ad Elusionem Examinis attinet, suppetit Inuentum ad hoc novum atque utile, quod cum in promptu habeamus, quorsum attinet illud inter *Desiderata* referre, sed potius id ipsum proponere? Hoc huiusmodi est; Ut habeat quis duo Alphabeta, Vnum Literarum verarum, alterum Non-significantium; Et simul duas Epistolas inuoluat, vnam quæ Secretum deferat, alteram qualem verisimile fuerit Scribentem missurum fuisse, absque periculo tamen. Quod si quis de Ciphra seuerè interrogetur, porrigat ille Alphabetum Non significantium, pro veris Literis, Alphabetum autem Verarum Literarum pro Non-significantibus; Hoc modo incidet Examiner in Epistolam illam Exteriorem; quam cum probabilem inueniet, de Interiori Epistolâ nihil suspicabitur. Ut vero suspicio omnis absit, aliud Inuentum subiiciemus, quod certè, cum Adolescentuli essemus Parisijs, excogitauimus; nec etiâ adhuc, visa nobis res digna est, quæ pereat. Habet enim gradum Ciphrae altissimum; nimirum ut *Omnia per Omnia* significari possint: ita tamen, ut Scriptio quæ inuoluitur, quintuplò minor sit, quam ea cui inuoluatur: Alia nulla omninò requiritur Condicio, aut Restrictio. Id hoc modo fiet. Primò, vniuersæ literæ *Alphabeti* in duas tantummodò Literas soluantur, per Transpositionem earum. Nam Transpositio duarum Literarum, per Locos quinque, Differentijs triginta duabus, multò magis viginti quatuor (qui est Numerus *Alphabeti* apud nos) sufficiet. Huius *Alphabeti* Exemplum tale est.

Exemplum

Exemplum Alphabeti Biliterarij.

A B C D E F
 Aaaaa. aaaab. aaaba. aaabb. aabaa. aabab.
 G H I K L M
 aabba. aabbb. abaaa. abaab. ababa. ababb.
 N O P Q R S
 abbaa. abbab. abbba. abbbb. baaaa. baaab.
 T V W X Y Z.
 baaba. baabb. babaa. babab. babba. babbb.

Neque leue quiddam obiter hoc modo perfectum
 est. Etenim ex hoc ipso patet Modus, quo ad omnem
 Loci Distantiam, per Obiecta, quæ vel Visui, vel Audi-
 tui subijci possint, Sensa Animi proferre, & significare
 liceat; si modò Obiecta illa, duplicis tantum Differen-
 tiæ capacia sunt; veluti per Campanas, per Buccinas,
 per Flammeos, per Sonitus Tormentorum, & alia quæ-
 cunque. Verùm vt Inceptum persequamur, cùm ad
 Scribendum accingeris, Epistolam Interiorem in Alpha-
 betum hoc Biliterarium solues. Sit Epistola interior;

Fuge.

Exemplum Solutionis.

F V G E.
 Aabab. baabb. aabba. aabaa.

Præstò simul sit aliud *Alphabetum Biforme*; nimirum, quod singulas *Alphabeti Communis* Literas, tam Capitales, quam minores, duplici Formâ, prout cuique commodum sit, exhibeat.

Exemplum Alphabeti Biformis.

a. b. a. b. a. b. a. b. a. b. a. b. a. b. a. b.

A A a a B B b b C C c c D D d d

a. b. a. b. a. b. a. b. a. b. a. b. a. b. a. b.

E E e e F F f f G G g g H H h h

a. b. a. b. a. b. a. b. a. b. a. b. a. b. a. b.

I I i i K K k k L L l l M M m m

a. b. a. b. a. b. a. b. a. b. a. b. a. b. a. b.

N N n n O O o o P P p p Q Q q q R

b. a. b. a. b. a. b. a. b. a. b. a. b. a. b.

R r r S S s s T T t t V V v v u u

a. b. a. b. a. b. a. b. a. b. a. b. a. b. a. b.

W W w w X X x x Y Y y y Z Z z z

Tum demum Epistolæ Interiorem, iam factæ *Biliteratæ*,
Epistolam Exteriorem *Biformem*, literatim accommo-
dabis, & postea describes. Sit Epistola Exterior;

Manere te volo donec venero.

Exemplum *Accommodationis*.

I V G I
a a b a b b a a b b a a b b a a b a a.

Manere te volo donec venero

Apposuimus etiã Exemplum aliud largius eiusdem
Ciphrae, *Scribendi Omnia per Omnia.*

Epistola Interior, ad quam delegi-
mus Epistolam Spartanam, missam
olim in Scytale.

*Perditæ Res. Mindarus cecidit. Milites
esuriunt. Neque hinc nos extricare, neque
hic diutius manere possumus.*

Epistola Exterior, sumpta ex Epistolâ
Primâ Ciceronis, in quâ Epistola Spar-
tana inuoluitur.

Ego omni officio, ac potius pietate erga te;
ceteris satisfacio omnibus: Mihi ipse nun-
quam satisfacio. Tanta est enim magni-
tudo tuorum erga me meritorum, ut quoni-
am tu, nisi perfectare, de me non congrues-
ti; ego, quia non idem in tua causa efficio,
vitam mihi esse acerbam putem. In cau-
sa haec sunt: Ammonius Regis Legatus
aperte pecuniā nos oppugnat. Res agitur
per eosdem creditores, per quos, cum tu ade-
ras, agebatur. Regis causa, si qui sunt,
qui velint, qui pauci sunt, omnes ad Pompe-
iam rem deferri volunt. Senatus Reli-
gionis calumniam, non religionem, sed ma-
lenolentia, et illius Regiae Largitionis
invidia comprobat. &c.

Doctrina autem de *Ciphris*, aliam secum traxit *Doctrinam* erga ipsam *Relatiuam*: Illa est de *Deciphratione*, siue *Reseratione* *Ciphrarum*; licet quis *Alphabetum* *Ciphræ*, aut pactum de *Latebrâ* penitus ignoret. Res sane est illa laboriosa simul & ingeniosa, & *Arcanis* *Principum*, veluti & illa prior dicata. Attamen præcautione solerti fieri possit inutilis; etsi quomodo Res nunc se habent, magni prorsus sit vsus. Etenim si *Ciphræ* introductæ essent bonæ & fideles, plurimæ fuerint, quæ operam *Deciphratoris* prorsus eluderent, & excluderent; quæ tamen sint satis commodæ, & expeditæ, ad legendum, aut *Scribendum*. Verum *Imperitia* & *Inscitia* *Secretariorum*, & *Amanuensium*, in *Aulis* *Principum* tanta est, vt maxima plerunque *Negotia* *Ciphris* infirmis & futilibus, committantur.

Interea fieri potest, vt suspicetur quispiam, Nos in *Enumerationibus*, & quasi *Censu* *Artium*, id agere, vt *Scientiarum* *Copias* (quas veluti in aciem adducimus) *Auctas* & multiplicatas, magis sint *Admirationi*; cum tamen *Numerus* earum forte ostentari, vires tam breui *Tractatu* vix explicari possint. Verum Nos *Institutum* nostrum fideliter virgemus, atque in hoc globo *Scientiarum* conficiendo, etiam *Insulas* *minores*, aut remotiores omitti nolumus. Neque verò (vt arbitramur) perfunctorie, licet cursim eas *Artes* attingimus; sed potius *Nucleos* & *Medullas* ipsarum, ex multâ *Materiæ* *massâ*, stilo acuto excerpimus. Cuius rei iudicium ipsis illis, qui in huiusmodi *Artibus* peritissimi sunt, permittimus: Cum enim plerique, qui multifעי videri volunt, hoc ferè habeant; vt *Vocabula* & *Exteriora* *Artium* passim iactantes, illarum ignaris *Admirationi*, *Magistris* ludibrio sint; speramus nostra contrarium prorsus euentum habitura, vt peritissimi cuiusque in *Artibus* singulis iudicium maximè detineant, cæteris minoris sint. Quod verò ad *Artes* illas,

las, quæ Minorum quasi Genium videri possunt; si quis existimet nos, nimium quid ipsis tribuere; circumspiciat ille & videbit, Homines in Provinciis suis, magnos saltem & celebres, cum ad Metropolim aut Sedem Imperij forte migraverint, turbæ fere immisceri, & inferioris notæ esse: similiter mirum non est, Artes illas leviores, iuxta Artes Principales & supremas collocatas, dignitate minui; cum tamen his, qui Operam illis præcipue impenderint, Res videantur utique magnæ & præclaræ. Atque de Organo Sæmonis hæc dicta sint.

CAPUT II.

Doctrina de Methodo Sæmonis constituitur ut pars Traditionis Substantiva & Principalis: Nomen ei inditur Prudentia Traditionis. Enumerantur Methodi Genera diversa, & subiunguntur eorum Comoda & Incommoda.



Eniamus ad *Doctrinam de Methodo Sæmonis*. Ea ut Pars Dialecticæ tractari consuevit. Etiam Locum in *Rhetoricâ* per Nomen *Dispositionis* reperit. Verum Collocatio eius in Famulatio aliarum Artium, in Causâ fuit, ut plurima quæ ad ipsum spectant, cognitu utilia, prætermissa sint. Visum igitur est nobis, *Doctrinam Substantivam & Principalem de Methodo*, constituere, quam nomine generali, *Prudentiam Traditionis* appellamus. Itaque *Methodi Genera* (cùm varia sint,) enumerabimus potius, quàm partemur. Atque de *vnica Methodo*, & Di-

chotomijs perpetuis, nil attinet dicere: Fuit enim Nube-
cula quædam Doctrinæ, quæ citò transijt: Res cer-
tè simul & levis, & Scientijs damnosissima. Etenim
huiusmodi Homines, cum *Methodi* suæ Legibus res
torqueant, & quæcunque in Dichotomias illas non
apte cadunt, aut omitant, aut præter Naturam in-
flectant, hoc efficiunt, ut quasi Nuclei & Grana Sci-
entiarum exilient, ipsi aridas tantum & desertas Sili-
quas stringant. Itaque inania Compendia parit hoc
genus *Methodi*, Solida Scientiarum destruit.

Constituatur igitur prima Differentia *Methodi*, ut
sit aut *Magistralis*, aut *Initiativa*. Neque verò Verbum
Initiativa ita intelligimus, quasi hæc Initia Scientiarum
tantum traderet, illa Doctrinam integram; Verum
contra (Vocabulum à Sacris mutuantes) eam dicimus
Methodum Initiativam, quæ ipsa Scientiarum Mysteria
recludat, & denudet: *Magistralis* siquidem docet;
Initiativa intimat: *Magistralis* poscit, ut fides habe-
atur ijs quæ dicuntur; *Initiativa* verò potius ut Exa-
men subeant: Altera Scientias Discendum vulgo; Alte-
ra tanquam Filijs Scientiarum tradit: Denique, Alte-
ra pro fine habet, Scientiarum (quales iam sunt) U-
sum; Altera earundem Continuationem, & vtheriorem
Progressum. Harum posterior, Via videtur *Deserta*
& *Interclusa*. Ita enim adhuc Scientiæ tradi consue-
verunt, quasi ex pacto, tam docens quam Discens, Er-
rores asciscere cupiant. Etenim qui docet, eo docet
modo, quo maximè dictis suis Fides astruatur, non
quo illa commodissimè Examine subijciantur: & qui
discit, sibi extemplo satisfieri, non legitimam Disquisi-
tionem præstolari expetit; ut magis sit ei cordi, Non
Dubitare, quam Non Errare. Ita ut & Magister, amo-
re gloriæ infirmitatem Scientiæ suæ prodere caueat, &
Discipulus, Laboris odio, Vires proprias experiri nolit.
Scientia verò, quæ alijs tanquam Tela pertexenda tra-
ditur,

ditur, *Eadem Methodo* (si fieri possit) animo alterius est insinuanda, quæ primitus inuenta est. Atque hoc ipsum fieri sanè potest in Scientiâ per *Inductionem* acquisitâ: Sed in Anticipatâ istâ & Præmaturâ Scientiâ (quâ utimur) non facile dicat quis, quo itinere, ad eam quam nactus est Scientiam, peruenire. Attamen sanè secundum Maius & Minus, possit quis Scientiam propriam reuiscere, & Vestigia suæ Cognitionis simul & Consensus remitti; atque hoc pacto, Scientiam sic transplantare in Animum alienum, sicut creuit in suo. Artibus enim idem viuuenit quod Plantis: Si Plantâ aliquâ vñ in animo habeas, de Radice quid fiat nil refert; si verò transferrere cupias in aliud Solum, tutius est Radicibus vñ quam Surtulis. Sic traditio, (quæ nunc in usu est) exhibet planè tanquàm Truncos (pulchros illos quidè) Scientiarum, sed tamen absque Radicibus, Fabro Lignario certè commodos, at Plantatori inutiles. Quod si Disciplina ut crescant, tibi Cordi sit, de Truncis minùs sis sollicitus; ad id eam adhibe, ut Radices illas, etiâ cum aliquantulo Terræ adherentis, extrahantur. Quis quidem Generis Traditionis, *Methodum Mathematicorum*, in eo Subiecto, Similitudinem quandam habet, generatim autem non video quod aut in usu sit, aut quod quis Inquisitioni eius dederit operam; proinde eam inter *Desiderata* numerabimus, eamque *Traditionem Lampadis*, siue *Methodum ad Filios* appellabimus.

Sequitur aliud *Methodi* discrimen, priori Intentione affine, Reipsâ ferè contrarium. Hoc enim habet utraque *Methodus* commune, ut Vulgus Auditorum à Selectis separet; Illud oppositum, quod prior introducit modum Tradendi solito apertiore, altera, de quâ iam dicemus, occultiore. Sit igitur Discrimen tale, ut altera *Methodus* sit *Exoterica*, altera *Acroamatica*. Etenim quam Antiqui adhibuerunt præcipuè in edendis Libris

Differen-

Differentiam; eam nos transferemus ad ipsum Modum Tradendi. Quinetiam *Acroamatica* ipsa apud Vereres in usu fuit; atque prudenter, & cum iudicio, adhibita. At *Acroamaticum* siue *Ænigmaticum* istud dicendi genus, posterioribus temporibus dehonestatum est, à plurimis, qui eo tanquam Lumine ambiguo, & fallaci abusi sunt, ad Merces suas Adulterinas extrudendas. Intentio autem eius ea esse videtur, vt Traditionis Inuolucris, Vulgus (profanum scilicet) à Secretis Scientiarum summoueatur; atque illi tantum admittantur, qui aut per Manus Magistrorum, Parabolarum Interpretationem nacti sunt; aut proprio Ingenij acumine & subtilitate, intra velum penetrare possint.

Sequitur aliud *Methodi* Discrimen, magni prorsus ad Scientias Momenti; cum scilicet Scientiæ traduntur, aut per *Aphorismos*, aut *Methodicè*. Notatu enim inprimis dignum est, in consuetudinem plerunque venisse, vt Homines ex pauculis Axiomatibus & Observationibus, in quouis modo Subiecto, Artem constituent quasi completam & solennem, eam Ingenij quibusdam Commentationibus suffarcinando, Exemplis illustrando, & *Methodo* reuinciendo. At illa altera *Traditio* per *Aphorismos*, plurima secum fert Commoda, ad quæ *Traditio Methodica* non attingit. Primum enim de Scriptore Specimen dat, vtrum ille leuiter & perfunctoriè Scientiam hauserit, an penitus imbiberit. *Aphorismi* enim, nisi prorsus forent ridiculi, necesse est, vt ex Medullis & Interioribus Scientiarum, conficiantur. Abscinditur enim Illustratio & Excursio; Abscinditur Varietas Exemplorum; Abscinditur Deductio & Connexio; Abscinditur Descriptio Practicæ: vt ad Materiem *Aphorismorum* nihil relinquatur, præter copiam Observationum benè amplam. Igitur ad *Aphorismos* non sufficiet quispiam, imò de eis nec cogitabit sanè, qui se neuiquam copiosè & solidè

lidè instructum ad scribendum perspexerit. At in *Methodis*;

— *Tantum series iuncturaque pollet,
Tantum de medio sumptis accedit Honoris*;

Vt Speciem Artis, nescio cuius, præclaræ, sæpenumerò reportent ea, quæ si solvantur, segregentur, & denu-
dentur, ad nihilum ferè recasura fòrent. Secundo, *Traditio Methodica*, ad Fidem & Consensum valet; Ad Indicationes de Praxi minùs innuit; Siquidem Demonstrationem quandam in Orbe præ se fert, par-
tibus se inuicè illuminantibus, ideoque Intellectui satisfacit magis; quia verò Actiones in Vitâ com-
muni sparguntur, non ordine componuntur, idèò magis iisdem conducunt etià sparsa Documenta. Postremò, *Aphorismi*, cùm Scientiarum Portiones quasdam & quasi Frustra tantum exhibeant, inui-
tant, vt alij etià aliquid adjiciant & erogent; Tra-
ditio verò *Methodica*, dum Scientiam integram osten-
tat, securos illicò Homines reddit, quasi iam Summa adeptos.

Sequitur aliud *Methodi* Discrimen, magni & illud quoque momenti; cùm scilicet Scientiæ traduntur, aut per *Affertiones adiectis probationibus*, aut per *Quæstiones vnà cum Determinationibus*. Hanc autem po-
steriorem *Methodum* si immoderatiùs quis persequa-
tur; Scientiarum Profectui non minùs illa officit, quam Fortunis & Progressibus Exercitùs cuiuspiam impe-
dimento & damno fòret, si in minutis quibusque Ca-
stellis aut Oppidis expugnandis subindè hæreat. E-
tenim si quis in Acie sit superior, & summæ Belli sedulò incumbat, minora illa loca vltro se submit-
tent: Illud tamen inficias non ierim, Urbem ali-
quam magnam & munitam, à tergo relinquere, haud-
quaquàm semper tutum esse: Eodem modo, Con-
futationibus in Scientiarum Traditione temperandum, iisque

ijſque parcè vtendum; & ad hoc tantùm, vt maiores Præoccupaciones Animorum & Præiudicia frangantur; minimè autem vt leuioreſ Dubitationeſ excitentur & prouocentur.

Sequitur aliud *Methodi* Discrimen, vt ſcilicet *Methodus* ſit *ſubiectæ materiæ quæ tractatur accommoda*. Alio enim modo traduntur Mathematica, (quæ ſunt inter Scientiaſ maximè Abſtracta & ſimplicia,) alio Politica (quæ maximè ſunt Immerſa & Compoſita.) Neque (vt iam diximus) *Methodus* vniformiſ in Materiâ multiformi commodè ſe habere poteſt. Equidèm quemadmodùm *Topicaſ particulares* ad Inueniendum probauimus, ita & *Methodoſ particulares* ad Tradendum ſimilitèr aliquatenus adhiberi volumus.

Sequitur aliud *Methodi* Discrimen, in tradendis Scientiis cum iudicio adhibendum. Illud autem regitur per Informationeſ, & Anticipationeſ de Scientiâ (quæ tradenda eſt) in Animis Diſcentium priuſ infulaſ & impreſſaſ. Alitèr enim tradi debet Scientia, quæ ad Animos Hominum noua & peregrina proriuſ accedit; alitèr ea, quæ Opinioneſ iam pridem imbibitiſ & receptiſ, eſt affiniſ & familiaris. Ideoque Ariſtoteleſ Democritum ſugillare cupiens, reuerà eum laudat; Si (inquit) *ſerid diſputare uelimuſ, non ſectari Similitudineſ, &c.* Id vitio vertens Democrito, quod in Comparationibuſ eſſet nimiuſ. At illi, quorum Documenta in opinionibuſ Popularibuſ iam Sedes ſuaſ collocarunt, non aliud habent quod agant, niſi vt diſputent & probent. Illiſ contra, quorum Dogmata Opinioneſ populares tranſcendunt, gemino labore opuſ eſt: primo vt intelligantur quæ aſſerunt; deinde vt probentur: Ita vt neceſſum habeant confugere ad Auxilia Similitudinum & Tranſlationum, quo ſe captui Hominum inſinuent. Videmuſ igitur ſub Infantiâ Doctrinarum; ſeculiſ rudioribuſ,

cum Syllepses illæ, quæ iam factæ sunt vulgares & tritæ, nouæ fuerant & inauditæ, omnia Parabolis & Similitudinibus plena fuisse. Alias euenisset, vt quæ proponebantur, aut absque notâ seu attentione debitâ transmissa, aut pro Paradoxis reiecta fuissent. Etenim Regula quædam est Traditionis, quod *Scientia omnis quæ Anticipationibus siue præsuppositionibus non est consona, à Similitudinibus & comparationibus suppetias petere debeat.*

Atque de Methodorum diuersis Generibus, hæc dicta sunt: ijs videlicet, quæ antehac ab alijs notata non fuerunt: Nam quantum ad cæteras illas *Methodos, Analyticam, Syntacticam, Dialecticam, etiam Crypticam, Homerica, & similes, rectè sunt ex inuentæ & distributæ; Neque causa videtur, cur illis immoremur.*

At *Methodi Genera* huiusmodi sunt, *Partes* autem duæ; Altera de *Dispositione totius Operis vel Argumenti Libri* alicuius; Altera de *Limitatione Propositionum*. Etenim ad Architecturam spectat, non solum Fabrica totius Edificij, sed etiam Efformatio & Figura Columnarum, Trabium, & similium. *Methodus* verò, veluti Scientiarum Architectura est. Atque hæc in Parte melius meruit Ramus, in optimis illis Regulis (καθόλου πᾶσι, καὶ ἀνὰ μέρος, &c.) renouandis, quam in Vnicâ suâ *Methodo & Dichotomij*s obtrudendis. Veruntamen nescio quo Fato fit, vt in Humanis (sicut sæpius fingunt Poetæ) *Rebus pretiosissimis semper adhibeantur perniciosissimi quique Custodes.* Certè Conatus Rami, circa illam Propositionum Limam, coniecit cum in Epitomas illas, & Scientiarum Vada. Auspicatò enim & felicitis cuiusdam Genij ductu processerit oportet, qui *Axiomata Scientiarum conuertibilia* facere attentauerit, & non simul eareddiderit *Circularia*, aut in semet recurrentia. Conatum nihilo secius Rami in hac parte utilem fuisse non inficiamur.

Superfunt duæ adhuc *Propositionum Limitationes*, præter eam vt fiant *Conuertibiles*; Altera de *Extensione*; altera de *Productione* ipsarum. Sanè habent *Scientiæ*, si quis rectè aduertat, præter *Profunditatem*, alias duas *Dimensiones*; *Latitudinem* scilicet, ac *Longitudinem* suam. Ac profunditas quidem ad ipsarum *Veritatem* & *Realitatem* refertur: Hæ enim sunt, quæ *Soliditatem* conferunt. Quantum ad reliquas duas, *Latitudo* accipi & computari potest de *Scientiâ* in *Scientiam*; *Longitudo* verò sumitur à summâ *Propositione* ad imam in eadem *Scientiâ*. Altera fines, & veros *Scientiarum Terminos* complectitur, vt *Propositiones* propriè, non promiscuè tractentur; & euitetur *Repetitio*, *Excursio*, denique *Confusio* omnis: Altera *Normam* præscribit, quousque & ad quem *Particularitatis gradum*, *Propositiones Scientiarum* sint deducendæ. Sanè dubium non est, quin aliquid *Exercitationi* & *Practicæ* sit relinquendum; Oportet siquidem *Antonini Pij* vitium euitari, ne simus *Cymini Sæctores in Scientijs*, neue *Diuisiones* ad infima quæque multiplicemus. Itaque qualiter in hac *Parte*, nobis ipsi temperemus, *Inquisitione* planè dignum est. Videmus enim nimium *Generalia* (nisi deducantur) partim informare; quin potius *Hominum Practicorum* ludibrio *Scientias* exponere, cum nihilo magis ad *Practicam* faciant, quam *Chorographia Ortelij* vniuersalis, ad viam monstrandam, quæ *Londino* ducit *Eboracum*. Certè *Regulæ optimæ*, *Speculis ex Metallo*, non inscitè assimulantur, in quibus continentur vsque *Imagines*, sed non antequàm expolita fuerint; Sic iuuant demùm *Regulæ & Præcepta*, postquam *Exercitationis* *Limam* subierint. Quod si tamen, vsque à principio, *Regulæ illæ* fieri possint nitidæ, & quasi *CrySTALLINÆ*, id optimū factu foret, quandoquidem *Exercitatione* assidua minus indigebunt. Atque de *Scientiâ Methodi*

(quam *Prudentiam Traditivam* nominavimus) hæc dicta sint.

Neque tamen illud prætermittendum, quod nonnulli, viri magis tumidi quam docti, insudârunt circa *Methodum* quandam, legitimæ *Methodi* nomine haud dignam, cum potius sit *Methodus* *Imposturæ*; quæ tamen quibusdam Ardelionibus acceptissima proculdubio fuerit. Hæc *Methodus* ita Scientiæ alicuius guttulas aspergit, ut quis sciolus, specie nonnullâ Eruditionis ad Ostentationem possit abuti. Talis fuit *Arts Lullij*; Talis *Typocosmia* à nonnullis exarata; quæ nihil aliud fuerunt, quam Vocabulorum Artis cuiusque Massa & Aceruus; ad hoc, ut qui Voces Artis habeant in promptu, etiâ Artes ipsas perdidicisse existimontur. Huius generis Collectaneæ Officinam referunt Veteramentariam, ubi Præsemina multa reperiuntur, sed nihil quod alicuius sit pretij.

CAPUT II.

De Fundamentis & Officio Rhetoricæ.

Appendices tres Rhetoricæ, quæ ad Promptuariam tantummodo pertinent; Colores Boni & Mali, tam simplicis, quam Comparati: Antitheta Rerum: Formulæ minores Orationis.



Enimus iam ad *Doctrinam de Illustratione Sermónis*. Ea est, quæ *Rhetorica* dicitur, siue *Oratoria*. Scientia certè & in se egregia, & egregiè à Scriptoribus exculta. Eloquencia autem, si quis verè rem æstimet, Sapientiâ proculdubio

est inferior. Videmus enim quanto intervallo hæc illam post se relinquat, in Verbis quibus allocutus est Moſem Deus, cum ille munus ſibi delatum, propter Defectum Elocutionis reculaffet, *Habes Aaronem, ille erit tibi Vice Oratoris, tu verò ei Vice Dei.* At Fructu, & populari exſtimatione, Sapientia Eloquentiæ cedit. Ita enim Salomon, *Sapiens corde appellabitur prudens, ſed dulcis eloquio maiora reperiet.* Haud obſcurè innuens, Sapientiam Famam quandam, & Admirationem cuiusdam conciliare; at in rebus gerendis, & Vitâ communi, Eloquentiam præcipuè eſſe efficacem. Ad *Artis* verò huius Culturam quod attinet; *Aristotelis* erga *Rhetores* ſui temporis Emulatio; atque *Ciceronis* ſtudium acce & vehemens, illi nobilitandæ totis viribus incumbens, cum longo uſu coniunctum; in cauſâ fuerunt, ut in *Libris* ſuis de hæc *Arte* conſcriptis, ſeipſos vicerint. Deinde *Exempla* illa luculentiffima huiusce *Artis*, quæ in *Orationibus Demosthenis & Ciceronis* habentur, Præceptorum acuminis & diligentia addita, profectus ipſius geminârunt. Quare, quæ in hæc *Arte* deſiderari inuenimus, verfabuntur potius in *Collectionibus* quibuſdam, quæ tanquam *Pediſſequæ* huic *Arti* præſto ſint, quam in *Disciplinâ* & uſu *Artis* ipſius. Nam etiâ cum *Promptuariæ* cuiusdam inter *Logica*, mentionem faceremus, uberiora eius rei *Exempla* in *Rhetoricis* polliciti ſumus. Veruntamen ut more noſtro, circa *Radices* huius *Artis*, Glebam paululum aperiamus & ſubigamus; *Rhetorica* certè *Phantafia*, quemadmodum *Dialectica* *Intellectui* ſubſeruit. Eſtque ſiquis altius reſi peneret, *Officium* & *Munus* *Rhetoricæ* non aliud, quam ut *Rationis dictamina* *phantafia* applicet & commendet, ad excitandum *Appetitum* & *voluntatem*. *Regimen* enim *Rap-tionis*, imperio & perturbari videmus tribus modis; Vel per *Itaqueſationem Sophiſmatum*, quod ad *Dialecticam* pertinet; vel per *Preſtigias Verborum*, quod ad *Rhetoricam*;

cam; vel per *Affectuum Violentiam*, quod ad *Ethicam*. Quemadmodum enim in *Negotijs*, quæ cum alijs contrahimus, vinci quis & perducì solet, vel *Astu*, vel *Importunitate*, vel *Vehementia*; ita etiam in illâ *Negotiatione internâ*, quam nobiscum exercemus, aut *Argumentorum Fallacijs* subiuimur, aut *Impressionum & Obuersionum Assiduitate* sollicitamur & inquietamur, aut *Affectuum Impetu* concutimur & rapimur. Neque verò, tam infelicitèr agitur cum *Naturâ Humanâ*, vt illæ *Artes & Facultates* ad *Rationem* deturbandam valeant, nouiquàm verò ad eandem roborandam & stabilendam: Verùm ad hanc rem longè magis. *Finis enim Dialecticæ* est, docere *Formam Argumentorum*, ad *Præsidia Intellectus*, non ad *Insidias*. *Finis* itidem *Ethicæ*, *Affectus* ita componere, vt *Rationi* militent, non autem eam inuadant. *Finis* denique *Rhetoricæ*, *Phantasiâ* implere *Obuersionibus & Simulachris*, quæ *Rationi* suppetias ferant, non autem eam opprimant. *Abusus enim Artis* ex obliquo tantum interueniant, ad *Cauendum*, non ad *Vtendum*.

Quapropter in *Platone* summa fuit *Iniquitas* (licet ex non immerito erga *Rhetores* sui temporis odio orta) cum *Rhetoricam* inter *Artes Voluptarias* collocauit: Eam similem esse dicens *Coquinaria*, quæ non minùs *Cibos salubres* corrumpere, quàm *insalubres* gratiores redderet, *Condimentorum Varietate & Delicijs* abutens. Absit autem, vt *Oratio* non frequentius versetur, in *Rebus honestis* ornandis, quàm in turpibus oblinendis: Hoc enim ubique præstò est: Siquidem nemo est, quin honestius loquatur, quàm aut sentiat, aut faciat. Sanè à *Thucydide* optimè notatum est, tale quidpiam solitum fuisse obijci *Cleoni*, quòd cum semper deteriorem partem tueretur, in hoc multis esset, vt *Eloquentiam & Sermonis gratiam* carperet: Probè quippe cum sciret, de rebus sordidis & indignis,

non

non posse quempiam pulchrè loqui; At de Rebus honestis, facillimè. Eleganter enim Plato (licet iam in Truiò decantetur) *Virtus si conspici daretur, ingentes sui Amores concitaret*: At *Rhetoricà* Virtutem & Bonum depingit planè, & reddit quasi conspicuum. Cum enim in Corporeà Effigie, illa Sensui monstrari nequeant, superest vt per Ornatum Verborum, Phantasia, representatione, quantum fieri potest, viuâ, coràm si stantur. Siquidem Mòs Stoicorum, meritò derisus est à Cicerone; qui concisis & argutis Sententijs & Conclusionibus, virtutem Animis Hominum imponere fatigebant; quæ res paruum habet cum Phantasiâ & Voluntate Consensum.

Porro, si Affectus ipsi in ordinem compulsi, & Rationi prorsus morigeri essent; verum est, nullum magno per è futurum, Periculationum, & Insinuationum, quæ Aditum ad Mentem præbere possint, vltim; sed satis fore, si Res ipsæ nudè & simpliciter proponantur, & probentur. Verum Affectus contra, tantas Secessiones faciunt; quæ etiam tantas turbas & Seditiones mouent, (secundum illud, *murmurabit anchoram*)

Videò meliora, proboque

(Deteriora sequor) & consilium nobis datur. Vt Ratio prorsus in seruitutem & Captiuitatem abrepta foret, nisi Eloquentiæ Suada efficeret, quo minus Phantasia à Partibus Affectuum staret; sed potius Opera ipsa, fedus iudicatur inter Rationem, & Phantasiam, contra Affectus. Notandum est etiam, Affectus ipsos ad Bonum Apparens semper ferri, atque hæc ex parte aliquid habere cum Ratione commune. Verum illud interest, quod Affectus intuentur præcipue Bonum in præsentia; Ratio prospiciens in longum, etiam futurum, & in summum. Idèoque cum quæ in præsentia obuersantur, impleant Phantasiam fortius, succumbit plerumque Ratio, & subiugatur. Sed postquam Eloquentiâ,

quentiâ, & Suasionum vi effectum fit, vt Futura & Remota, constituentur & conspiciantur tanquam Præsentia, tum demùm abeunte in partes Rationis Phantasiâ, Ratio fit superior.

Concludamus igitur, non deberi magis vitio verti *Rhetoricæ*, quod deteriorem Partem cohonestare sciat; quam *Dialecticæ*, quod Sophismata concinnare doceat. Quis enim nescit, Contrariorum eandem Rationem esse, licet usu opponantur? Porro non eò tantùm differt *Dialecticâ* à *Rhetoricâ*, quod (vt vulgò dicitur) Altera instar Pugni, Altera instar Palmæ sit; (Alterâ scilicet pressè, Alterâ fusè tractet;) verùm multò magis, quod *Dialecticâ* Rationem in suis Naturalibus, *Rhetoricâ*, qualis in Opinionibus Vulgi sita est, consideret. Prudentèr igitur Aristoteles, *Rhetoricam* inter *Dialecticam*, & *Ethicam* cum *Politica*, collocat, cùm ex utrisque participet. Siquidem Probationes & Demonstrationes *Dialecticæ*, universis Hominibus sunt communes; at Probationes & suasiones *Rhetoricæ*, pro ratione Auditorum variari debent; vt quis tanquam Musicus, Auribus diuersis se accommodans, sit demùm

Orpheus in Sylvis, inter Delphinas Arion.

Quæ quidem Applicatio, & Variatio Orationis (si quis eius Perfectionem & Culmen desideret) eò usque extendi debet; vt si eadem ipsa apud diuersos Homines sint dicenda, apud singulos tamen alijs atque alijs verbis sit vtendum. Quanquam hæc Parte Eloquentiæ (Politica scilicet & Negociosa, in priuatis Sermonibus) maximos Oratores plerunque destitui certum sit; dum Ornatum & Formulas elegantes Orationis captantes, volubili illâ applicatione, & Characteribus Sermonum, quibus versus singulos vti consultius foret, excidunt. Certè, non abs re fuerit, circa hoc ipsum, de quo nunc dicimus, nouam instituere Inquisitionem, càmque nomine *Prudentiæ Sermonis priuati* indigere, atque inter

Desiderata

Desiderata reponere: Rem certè, quam quò attentius quis recogitet, eò pluri facit. Vtrum verò hæc inter *Rhetoricam*, an *Politica* collocetur, haud magni refert.

Descendamus modò ad *Desiderata* in hac *Arte*, quæ (vt antè diximus) eius sunt generis, vt pro *Appendicibus* potius censeri debeant, quam pro *Portionibus Artis* ipsius; & pertinent omnia ad *Promptuariam*. Primò igitur non inuenimus, qui *Prudentiam* illam, simul & diligentiam *Aristotelis*, benè persecutus sit, aut suppleuerit. Hic nimirum cœpit colligere, *Signa popularia*, siue *Colores Boni ac Mali Apparentis*, tam simplicis quam comparati, qui sunt verè *Sophismata Rhetorica*. Sunt autem eximij Vsus, præsertim ad *Negotia*, & *Prudentiam Sermonis priuati*. Labores verò *Aristotelis* circa *Colores* istos in tribus claudicant; Primò, quod cum multi sint, paucos admodum recenscat: Secundò, quod *Elenchos* suos non habeant adiunctos: Tertiò, quod videtur ille vsum eorum ex parte ignorasse: Vsum enim eorum, non magis ad *Probandum*, quam ad *Afficiendum* & *Com-mouendum* subseruit. Complures siquidem loquendi *Formulae*, quæ idem significant, variè tamen afficiunt. Nam longè fortius penetrat, quod acuminatum est, quàm quod obtusum; licet in ipsâ percussione vires æqualitèr intendantur. Nemo est certè, qui non magis afficiatur, audiens, *Inimici tui de hoc miros triumphos agent*.

Hoc Ithacus velit, & magno mercentur Atrida;

Quam si simpliciter dicatur, *Hoc rebus tuis incommodabit*. Itaque *Muerones* isti, & *Aculei Sermonū*, minimè sunt negligendi. Cum verò hanc rem, vt *Desideratam* proponamus, ex consuetudine nostrâ, illam *Exemplis* fulciemus; *Præcepta* enim minùs rem illustrauerint.

Exempla Colorum Boni & Mali tam

Simplicis quam Comparati.

Sophisma.

Quod laudant Homines & celebrant, Bonum;

Qq

quod

quod vituperant & reprehendunt, Malum.

Elenchus.

Fallit *Sophisma* quatuor modis; scilicet, Aut propter *Ignorantiā*; Aut propter *Malā Fidem*; Aut propter *Studia & Factiones*; Aut propter *Ingenia Laudatorū & Vituperatorum*. Propter *Ignorantiā*; Quid Vulgi Iudicium ad Examen Boni & Mali? Melius Phocion, qui, cum populus ei præter solitum applauderet, quæ fuit, Num forte deliquisset? Propter *Malā Fidē*; Laudantes enim & Vituperantes suam Rem sæpius agant, neque loquuntur ut sentiunt.

Laudat Venales qui vult extrudere Merces.

Itē, *Malū est, malū est* (inquit *Emptor*) sed cum recesserit, tum gloriabitur. Propter *Factiones*; Cuius enim patet, consuescere Homines, eos qui suarum Partium sunt, immodicis efferre Laudibus; qui autem contrariarum sunt, infra Meritum deprimere. Propter *Ingenia*; Alij enim Naturā facti sunt, & cōpositi, ad Adulationē Servilem; Alij contra Momi & tetrici; Ut laudando & vituperando, suis *Ingenijs* tantum obsecundent, parū de Veritate solliciti.

Sophisma.

2 Quod etiam ab Inimicis laudatur, magnum Bonum; quod verò etiam ab Amicis reprehenditur, magnum malum.

Sophisma Fundamento hoc niti videtur; quod quæ ingratijs, & contra Animi nostri Affectum, & propensionem loquimur, ea ipsa, vim veritatis à nobis extorquere, facile creditur.

Elenchus.

Fallit *Sophisma* propter *Astutiam*, tam *Inimicorum*, quam *Amicorum*. *Inimici* enim Laudes quandoque tribuunt, non inuitè, nec à vi veritatis coacti; sed eas tamen diligentes, quæ *Inimicis* suæ invidiam & pericula conflare possint. Itaque apud Græcos, superstitio quædam inualuit, ut crederent, si quis ab altero laudaretur, Animo maleuolo, & proposito nocendi, Naribus eius *Pustulam* amasce solere. Fallit iterum, quia Laudes in-

terdum

terdum impertiunt *Inimici*, tanquam *Præfatiunculas* quasdam, ut postea liberiùs, & maliciosius calumniarentur. Ex alterâ parte, fallit etiâ hoc *Sophisma* propter *Astutiam Amicorum*. Solent enim & illi vitia Amicorum interdum agnoscere, & prædicare; non quod aliqua vis Veritatis eos cogat, sed ea eligentes, quæ minimùm Amicos suos lædere possint: ac si cætera quidem, viri optimi essent. Fallit iterum, quia *Amici* quoque *Reprehensionibus* suis (sicut de *Inimici* laudibus diximus) tanquam *præfatiunculis* quibusdam vtuntur, quò paulò post in laudes effusius excurrant.

Sophisma.
3. *Cuius Priuatio bona, id ipsum Malum; cuius Priuatio mala, id ipsum Bonum.*

Elenchus.
Fallit *Sophisma* duobus modis; Aut propter *Comparisonem Boni & Mali*; Aut propter *SucceSSIONem Boni ad Bonum, aut Mali ad Malum*. Propter *Comparisonem*; Si bonum fuerit *Generi Humano*, priuari *Esu Glandium*, non sequitur, quod malus ille erat, sed *Dodona bona, Ceres melior*. Neque si malum fuit *Populo Syracusano*, *Dionysio Seniore* priuari, sequitur quod *Dionysius* ille bonus fuerit, sed minùs malus quam *Iunior*. Per *SucceSSIONem*; Etenim *Priuatio Boni* alicuius non semper dat locum *Malo*, sed quandoque maiori *Bono*; ut cum *Flos* decidit, *Fructus* succedit: Nec *Priuatio* alicuius *Mali* dat semper locum *Bono*, sed interdum maiori *Malo*. Nam sublato *Inimico Clodio*, *Milo* simul & *Segetem Gloriæ* perdidit.

Sophisma.
4. *Quod Bono, aut Malo vicinum est, id ipsum itidem Bonum, aut Malum; quod verò remotum est à Bono, Malum; quod à Malo, Bonum.*

Habet hoc ferè *Rerum Natura*, ut quæ *Naturâ suâ* conueniant, etiâ *Locis* conueniant; quæ verò con-

trariae Naturae sunt, etiam Interuallis distent: Cum singula Amica sibi associare, Inimica summouere gaudeant.

Elenchus.

Sed fallit *Sophisma* tribus modis: Primo propter *Destitutionem*, secundo propter *Obscuritatem*, tertio propter *Protectionem*. Propter *Destitutionem*; Fit, ut quae in suo genere amplissima sunt, & maxime excellunt, omnia, quantum fieri potest, ad se trahant, & in vicino quaeque posita destituant, ac quasi in media conficiant. Itaque in propinquo Arborum grandium Virgulta nunquam laeta reperies. Recte etiam ille, *Diuitis Serui maxime Serui*. Nec male cauillatus est qui inferius Famulitium in Aulis Principum, *Festorum vigilijs* comparauit; quae Festa sua in proximo attingunt, ipsae autem Ieiunijs addicuntur. Propter *Obscuritatem*; Etenim & hoc habent, quaeque, in suo genere, praestantissima; ut licet proxima non extinguant, aut destituant, tamen obscurant, & obumbrant. Quod etiam de Sole notant Astrologi; quod sit scilicet Aspectu bonus, Coniunctione & Approximatu malus. Propter *Protectionem*; Nam non solum res coeunt & congregantur propter Consortium, & Naturae similitudinem; sed etiam Malum (praesertim in Civilibus) confugit ad Bonum, ut lateat, & protegatur. Itaque Scelerati Homines petunt Asyla Diuorum; & Vitium ipsum se in Virtutis Vmbra recipit; *Saepe latet vitium proximitate Boni.*

Contra & Bonum se aggregat ad Malum, non propter Consortium, sed ut illud conuertat, & reformet in Bonum. Itaque & Medici, magis accedunt ad Aegrotos, quam ad Sanos; & Seruatori nostro obiectum est, quod conuersaretur cum publicanis & peccatoribus.

Sophisma.

Cui ceterae Partes, vel Sectae, Secundas unanimiter deferunt, (cum singula Principatum sibi vendicant) melior reliquis

reliquis videtur: Nam primis quæque ex Zelo videtur
sumere, secundas autem ex vero & Merito tribuere.

Ita Cicero argumentatur. Sectam Academicorum,
quæ Acataleptiam tenet, Philosophiarum fuisse præ-
stantissimam. Interrogantem (inquit) Stoicum, quæ Se-
cta sit potior; ille suam cæteris anteponebat. Deinde quæ se-
cundas teneat, Academicam fatebitur. Age similiter cum E-
picureo (qui Stoici vice aspectum tolerauerit) postquam su-
am Sectam collocarit in summo, collocabit Academicam in
proximo. Similiter, vacante Dignitate aliquâ, Princeps
si Competitores singulos interrogaret, quibus post se
potissimum commendare vellent, Verisimile est, Secun-
da illorum vota, in eum qui præcipue dignus, & opti-
mè meritis fuerit, concursura.

Elenchus. Fallit Sophisma propter Inuidiam. Solent enim Homi-
nes, proxime post se, & Factionem suam, in eos incli-
nare & propendere, qui reliquorum maximè sunt ener-
ues & imbelles, qui quæcis minimum molestiæ exhibue-
runt; in Odium illorum, qui illis plurimum insultarunt,
aut incommodarunt.

Sophisma. Cuius Excellentia vel Exuperantia melior, id totò ge-
nere melius.

Huc pertinent Formule illæ vsitæ; Ne peruagetur
in Generalibus. Conferamus particularem aliquem cum par-
ticulari, & c.

Elenchus.

Videtur hoc Sophisma satis nervosum; & magis Dia-
lecticum quiddam, quam Rhetoricum. Attamen inter-
dum fallit. Primo, quia sunt Res haud paucæ, periculo
plurimum obnoxiae, quæ tamen, si euadant, cæteris
antecellant. Ita ut Genere sint deteriores, quia sæpi-
us periclitantur & excidunt; Individuo autem No-
biliore. In hoc numero est Gemma Martia, de quâ

Gallicum

Gallicum Adagium; *Filius Parisiorum, & Gemma Mensis Martij, si ex illis euadat vnus, erit instar decem aliorum.* Adcò vt in Genere, Gemma Maij Gemma Martij præstet; sed tamen in Individuo, Optima Gemma Martij optimæ Gemmæ Maij præferatur. Fallit secundo, propter *Naturam Rerum*, in aliquibus Generibus aut Speciebus magis æqualem, in aliquibus magis inæqualem: Quemadmodum in observationem venit, Climata Calidiora generalitèr Ingenia producere acutiora; at in Frigidioribus, Ingenia illa quæ eminent, etiã acutissimis Calidarum Regionum præstare. Similitèr, in Exercitiis compluribus, si Res Duello inter singulos transigeretur, fortassè ad vnã Partem accederet Victoria; si Copijs vniuersis, in alteram. Etenim Excellentia & Exuperantia casum recipiunt; at Genera Naturæ aut Disciplinæ reguntur. Quinctiam in Genere, Metallum Lapide pretiosius; Attamen Adamas præcellit Auro.

Sophisma.

Quod rem integram seruat, Bonum; Quod sine receptu est, Malum: Nam se recipere non posse, Impotentia genus est; Potentia autem Bonum.

Hinc confinxit Æsopus Fabulam de duabus Ranis; quæ in magnâ siccitate, cum Aquæ vbique deficerent, deliberârunt, quid sibi demùm agendum esset: Prior autem; *Descendamus* (inquit) *in puteum profundum, neque enim verisimile est ibi Aquam defuturam: Cui altera ita regerit; Quin si fortè ibi quoquè Aqua deficiet, quomodo exinde rursus ascendere poterimus?* Firmamentum autem huius Sophismatis est; Quod Actiones Humanæ adcò sint incertæ, & Periculis expostæ, vt illud optimum videatur, quod plurima habeat Effugia. Huc spectant Formulæ illæ, quæ in vsu sunt; *Obligatum planè & Obstrictum te reddes: Non tantum quantum voles, sumes ex Fortunâ, &c.*

-*zerrinos aq[u]o s[u]b bono* *Elenchus.* Maius idv, s[u]b bono
 -*en* Fallit *Sophisma* primò, quia in *Actionibus* humanis,
 fortuna vrget, vt aliquid demùm decernatur. Etenim
 vt eleganter à quopiam dictum est; *Etiàm non Statuere,*
est aliquid Statuere. Adeò v[er]o saepenumero Consilij Sus-
 pensio, pluribus nos implicet Necessitatibus; quam si
 aliquid statuissemus. Videtur autem iste Morbus qui-
 dam Animi, similis ei, qui reperitur in Auaris: Sed
 translatus à Cupiditate retinendi Opes, ad Cupiditatem
 retinendi Arbitrium & Potestatem. Siquidem Auarus
 frui non vult, ne quid detrahatur de Summâ; Ita & huius-
 modi Scepticus nil exequi vult, vt omnia ei sint integra.
 Fallit secundo, quia Necessitas, & illud (quod aiunt)
Facta est alea, Stimulos addit Animis; sicut inquit ille,
Ceteri pares, necessitate certè superiores estis.

Sophisma.
 8 *Quod quis culpâ suâ contraxit, maius Malum; quod*
ab externis imponitur, minus Malum.

Huius Rei Causa est, quod Morsus Conscientiæ Ad-
 uersa conduplicet: Contra, Conscium sibi esse, quod
 culpâ quis vacet, magnum præbet in Calamitate Sola-
 tium. Itaque Poetæ ea Pathemata maximè exaggerant,
 tanquam Desperationi propiora, vbi quis seipsum accu-
 set, & discruciet;

Seque vnum clamat Causamque Caputque Malorum.
 Contra Calamitates Virorum insignium, eleuat & di-
 luit Innocentiæ & Meriti Conscientia. Porro cum
 Malum ab alijs intenteretur, habet quiuis, quod libere
 conqueri possit; vnde Dolores sui exhalent, neque Cor
 suffocent: Etenim ijs, quæ ab iniuriâ Hominum pro-
 fecta sunt, indignari solemus, aut vltionem meditari,
 aut denique Nemese[m] Diuinam vel implorare, vel ex-
 pectare: Quinetiam, si à Fortunâ ipsâ inflictum quid
 sit, tamen datur quædam cum Patris ipsis Expostulatio;
Atque Deos, atque Astra vocat crudelia Mater.

Contra,

Contrà, vbi quis Malum aliquod suâ Culpâ contraxerit, stimuli Dolores intro vertuntur, Animumque magis vulnerant, & confodiunt. *Elenchus.*

1. Fallit istud *Sophisma*, primò propter *Spem*; quæ Malorum magnum est Antidotum. Etenim Culpæ Emendatio, sæpè in nostrâ Potestate sita est; Fortunæ verò minimè. Itaque Demosthenes, non semel Ciues suos huiusmodi Verbis affatus est, *Quod ad præterita pessimum, id ad futura optimum est. Quid hoc tandem sit? Hoc ipsum scilicet, quod vestrâ incuriâ & culpâ, res vestræ malè se habeant: Nam si vos officio vestro per omnia perfuncti essetis, & nihilominus Status vester, ut nunc, laborasset, na spes quidem reliqua esset, eum futurum aliquando meliorem. Cum verò Errores vestri in causâ potissimum fuerint; confidendum planè, Vos illis emendatis, pristinum statum vestrum recuperaturos.* Similiter Epictetus de Gradibus Tranquillitatis Animi verba faciens; Infimum locum illis attribuit, qui alios accusant; Superiorem ijs, qui se ipsos; Supremum verò illis, qui nec alios, nec se ipsos. Fallit secundò, propter insitam Animis humanis *Superbiam*; quâ ægre adducuntur Homines, ut Errores proprios agnoscant. Hoc verò ut euitent, Patientiam adhibent longè maiorem, in ijs malis, quæ culpâ suâ contraxerunt. Etenim, quemadmodum fieri videmus, ut cum culpa admissa sit, neque de Auctore constiterit, supra modum excandescunt Homines, & tumultuantur: Quod si postea in notitiam peruenierit, culpam illam ad Filium, aut Vxorem, aut Gratosum aliquem pertinere, statim sedantur turbæ & consilescunt: Eodem modo fit, cum Res aliqua accidit, propter quam Necessitas incumbit, culpam in nos ipsos recipiendi. Id quod in mulieribus sæpissimè conspicitur, quæ si quid infelicitè egerunt, contra consensum Parentû, aut Amicorû, qualecûq; Infortuniû sequatur, illud sedulo dissimulabunt.

Sophisma.

Sophisma.

Gradus Privationis maior videtur, quam Gradus Diminutionis; & pariter, Gradus Inceptionis maior videtur, quam Gradus Incrementi.

Canon est in Mathematicis; Nulla esse Rationes Nihil ad Aliquid. Itaque Gradus Nullitatis, & Quidamitatis, maiores videntur Gradibus Incrementi, & Decrementi. Sicut Monoculo durius est, unum perdere Oculum, quam utrunque Oculum habenti. Similiter, complures Liberos habenti, gravis est, ultimum, qui superstes fuerit, Filium amittere, quam reliquos priores. Itaque & Sibylla, cum duos priores Libros combussisset, precium tertij duplicavit: Siquidem illius Amissio Gradus fuisset Privationis, non Diminutionis.

Blanchus.

Fallit Sophisma primo, propter eas res, quarum Usus in Sufficiencia quadam, siue Competencia, hoc est, Quantitate Determinata, consistit. Si quis enim obligetur poenaliter, ad Solutionem certae Pecuniae Summae, ad Diem certum; gravis ei fuerit, Nummo unico Aureo carere, quam si, posito quod ille unicus parari non potuerit, deessent etiam decem alij. Similiter in Decoctionibus Fortunarum, dampnolior videtur Gradus Obexationis, qui primus Sortem minuit; quam extremus, qui ad Egestatem redigit. Huc spectant Formulae illae usitatae; *Sera in fundo Parsimonia*. Parum interest, utrum nihil habedas, an quod nihil iuvet, &c. Fallit secundo, propter illud Principium in Natura, Quod Corruptio unius sit Generatio alterius. Adco ut Gradus ipse Privationis ultima, minus interdum incommodet, quoniam Ansam & Stimulum praebet, novae alicui Rationi incundae. Vnde etiam Demosthenes saepius conqueritur apud Cives suos; Conditiones minus utiles, & honorificas, quas à Philippo impositas subibant, nihil aliud esse, quam Alimenta quedam ipsorum Ignaviae & Socordiae; ut multo ijs fuisset satius illis omnino

carere; propterea quod hoc pacto Industria illorum melius accui possit ad alia paranda Remedia. Nouimus certe Medicū quendam, qui, Mulierib' delicatis, querentib' se male habere, sed tamē à Medicamētis omnib' abhorrere solebat dicere, non minus facere, quam morari. *Hic omnino opus est, ut deterius valeant, quo Medicamenta etiā que libenter tolerantur.* Quis etiā ipse Gradus Privationis, siue Indigētis ultimæ, salutaris esse possit, non tantū ad exercitandā Industriam, verū etiā ad imperandā Patientiā. Quod ad secundum Membrum huius Sophismatis, illud eodem, quo prius, fundamento, de Gradibus Quidam dicatis & Nullitatis, utitur. Hinc tanta visuspanitur, de Iulij Negotorum, Praconia, 2 : *quicquid iuris tu*

Dimidium facti, qui bene cepit, habet. &c.

Hinc Astrologorum Superstitio, qui iudicium faciunt, de Dispositione aut Fortunā Hominis, ex Momento siue Articulo Natiuitatis aut Conceptus.

Elonabur.

Fallit Sophisma primò, quoniam in nonnullis, prima Rerum Inceptiones, nihil aliud sunt, quàm quæ Epicurus, in Philosophiā suā, appellat *Tantamenta*, id est Rudimenta quædam, quæ nihili sunt, nisi iterentur, aut prouchantur. Itaque in hoc casu, Gradus secundus dignior videtur & potentior, quàm primus : Quemadmodum in Plaustris, Equus qui per multum est, plus confert ad Motum Plaustri quàm Primus. Etiā non ineptè dici solet : *Conuiuium regestum, illud esse, quod pugne sit reum.* Prius enim fortasse præteruolaturum fuisset. Itaque prius Malo Principium dedit, sed posterius modum abstulit. Fallit Sophisma secundò, propter Dignitatem Persecutionis, quæ in progressu, non in Aggressu sita est. Etenim Casus, aut Natura, primum impetum progignere possunt : at Affectus tantummodò maturus, & Iudicium, Constantiam. Fallit tertio in ijs rebus, quarum Natura & Cursus

ordi-

ordinarius in contrarium Rei inceptae fertur. Ita
 ut prima Inceptio perpetuo euacuetur, nisi vi-
 res continuentur. Quemadmodum in formulis il-
 lis vñatis dicitur; Non progredi, est regredi. Et, Qui
 non proficit, deficit. Ut in Cursu in aduersum Mon-
 tis; Remigatione in aduersum Gurgitis. At con-
 trā, si in decliui Montis Motus incipiat; aut secundo
 Flumine Remigatio fiat; cum Gradus Inceptus longē
 potiores Partes tenet. Porro iste Color, non tantum ex-
 tenditur ad Gradum Inceptionis, qui sit à potentia ad
 actum, comparatum cum Gradu, qui sit ab Actu ad Incre-
 mentum. Verum etiam ad Gradum, qui sit ab Impotentia ad
 potentiam, comparatum cum gradu, qui sit à potentia ad A-
 ctum. Etenim Gradus, ab Impotentia ad Potentiam, maior
 videtur, quam à Potentia ad Actum.

Sophisma Quod ad Veritatem refertur, maius est, quam quod
 ad Opinionem. Modus autem, & Probatio eius, quod ad O-
 pinionem pertinet, haec est; quod quis, si clam putaret fore,
 factum non esset.

Ita pronunciant Epicurei, de Felicitate Stoicorum, in
 Virtute collocatā; quod similis sit Felicitati Eustrionis
 in Scenā, qui sit à Spectatoribus, & plausu eorum de-
 structetur, Animis statim consideret. Itaque Virtutem
 per ignominiam Bonum Theatrale vocant. Aliter sit
 in Diuitijs, de quibus ille, *Populus melsibit, At mihi plaudo.*

Indem in Voluptate, *Grata sub ima* Vixit, *Gaudia Corde premens, Vultu simulans Pudorem.*

Elenchus.

Fallacia huius Sophismatis subtilior paulò est, licet
 Responso ad Exemplum, quod adducitur, facilis. Ne-
 que enim Virtus eligitur, Propter Auram popularem.

Cum etiam illud præceptum sit, *Vt qui maxime omnium seipsum reueretur.* Ita ut Vir Bonus, idem fuerit in Solitudine, idem in Theatro. Licet forte intendatur Virtus nonnihil per laudes, quemadmodum Calor augetur per Reflexionem. Sed hoc Suppositionem negat, non Fallaciam redarguit. *Elenchus* vero talis est. Dato, quod Virtus, (præsertim ea, quæ Labores & Conflictus subit) non eligeretur, nisi quod Laudes & Fama eam comitari soleant; haud inde sequitur, quod Appetitus & Motus ad Virtutem, non sit præcipue propter se. Si quidem Fama possit esse, Causa tantum *Impulsiva*, aut *Sine qua non*; neutiquam *Efficiens*, aut *Constituens*. Exempli gratia; Si duo fuerint Equi, quorum vnus, Calcaribus non admotis, quæuis haud segnitè præstaret: At alter, Calcaribus admotis, præbent longè superaret: Posterior iste (arbitror) Palmam referet, & pro Equo meliore iudicabitur. Neque quenquam iudicij sani commouent Formulæ illæ; *Apagæstus Equum, cuius Spiritus sit in Calcaribus.* Quandoquidem enim Instrumentum Ordinarium Equitanti sit Calcar, neque villo modo oneri ad impedimentum ei sit; non minoris propterea aestimandus est Equus, qui Calcare incitatur. Neque etiam ille pler, qui absque Calcaribus mira præstet, eo ipso melior, sed debior tantum habendus est. Simili ratione, Gloria & Honor, Virtuti, pro Similibus & Calcaribus, subseruiunt. Adhuc Virtus, si ne illis, paulò futura esset languidior, tamen cum semper illa præstò sint ei, etiam non inuitata; nil officit, quò minus Virtus propter se quoque expetatur: Itaque rectè redarguitur illa Positio; *Nota autem rei, quod propter Opinionem, & non propter Veritatem eligitur, hæc est; quod quis si clam putaret fore, facturum non fuisset.* *Sophismata* ad Exempla adhibenda. *Quæ opera & virtute nostra partum est, minus Bonum;*

num; Quod ab alieno Beneficio, vel ab Indulgentiâ Fortune delatum est, minus Bonum.

Causæ huius Rei hæ sunt: Primò, propter *Spem de Futuro*. Siquidem in aliorum Gratiâ, aut Fortune ipsius Ventis secundis, non multum inest certitudinis; Propria verò Industria, aut Virtus, semper Domi adsunt. Adeò ut, postquam Boni quid nobis hoc modo paratum fuerit, mancant etiâ eadem Instrumenta, in novos vsus parata; quæ & consuetudine, & successu reddita validiora. Secundò, quia quod alieno Beneficio adipiscimur, eius etiâ alijs Debitores sumus; cum, quæ per nos ipsi comparaucrimus, nihil oneris secum trahant. Etiam si quid Indulgentiâ Diuinâ in nos cumulauerit, retributionem quandam erga Dei Bonitatem efflagitat, quod Homines prauos & improbos mordet; ubi in priore genere illud Prophetæ usu-veniat, *Latantur, & exultant, immolant plagis suis, & sacrificant reti suo*. Tercio, quia ea, quæ à Virtute nostrâ minimè profecta sunt, nulla sequitur Laus & Existimatio. Quæ enim Felicitatis sunt, Admirationem quandam pariunt, Laudem minimè. Sicut ait Cicero ad Cæsarem; *Quæ miremur habemus, quæ laudemus expectamus*. Quarto, quia quæ Industria propria acquiruntur, cum Laboribus & Contentione ferè coniuncta sunt, quod nonnullam habet in se *Securitatem*; ut Salomon, *Suavis Oribus à Vanis*.

Elenchus.

At quatuor inveniuntur Colores oppositi, qui rem in contrariam partem inclinant, possintque esse prioribus illustrat *Elenchorum*. Primò, quia Felicitas videtur esse *Signum quoddam, & Character Favoris Diuini*, & propterea, tum in nobismetipsis Confidentiam & Alacritatem generat, tum apud alios Auctoritatem & Reuerentiam. Felicitas autem ista etiâ Fortuna complectitur, ad quæ Virtus agere aspirat; Veluti cum Cæsar ad Navis Gubernatorem, Animos addendo, dixit, *Cæsarem portas*

portas & Fortunam eius. Quod si dixisset, *Cesarem portas, & virtutem eius*, frigidum prorsus fuisset Solatium periclitanti in procellâ. Secundò, quia ea quæ à Virtute, aut Industria procedunt, sunt imitabilia, & alijs patent; cum Felicitas sit Res inimitabilis, & Prærogatiua quædam Hominis Individui. Itaque, in Genere videmus, Res naturales Artificialibus præponi, quia Imitationem non recipiunt. Quod enim imitabile est, potentiâ vulgatum est. Tertiò, quæ ex Felicitate proueniunt, Bona videntur gratuita, nec laboribus empta; At quæ virtute propriâ, Pretio veluti acquisita. Itaque eleganter Plutarchus, de Rebus Timoleontis, Hominis longè Fortunatissimi, cum Rebus Agesilai & Epaminondæ, qui vno æuo vixerunt, comparatis, dixit: *Illas Homeri Carminibus fuisse similes, quæ cum alijs excellent, sponte etiam fluere videantur, & quasi Genium sapere.* Quartò, quia quod præter Spem, aut præter Expectatum contingit, gratius, & maiore cum Voluptate in Hominum Animos influit. Illud verò neutiquam competit ijs, quæ propriâ curâ, & ambitu comparantur.

Sophisma

12. Quod ex pluribus constat & Diuisibilibus, est maius, quam quod ex paucioribus, & magis unum; Nam omnia per Partes considerata maiora videntur. Quare & pluralitas Partium Magnitudinem præ se fert; Fortius autem operatur pluralitas partium, si Ordo absit: Nam inducit Similitudinem Infiniti, & impedit Comprehensionem.

Sophisma istud videtur etiam primo intuitu fallax, & quasi palpabile: Siquidem, non pluralitas Partium tantum, sed Maioritas earundem poterit constituere Totum auctius. Attamen abripit hoc ipsum Sophisma sæpius Phantasiam, quinetiam insidiatur Sensui. Etenim Aspectus ipsi breuior videtur, via, in planitie; vbi nihil intercurrat quod Visum frangat, quam in tali Tractu Terræ, vbi simul conspiciuntur Arbores, aut Edificia,

Edificia, aut aliud aliquod Signum, quod Spatium me-
 um & eludere possit. Sic homini bene iumento, post-
 quam Arcas fangs & Marsupia, diuiserit, & digesserit,
 maior eriam quam antea debet. *Phantasma*
 Habet etiam, vbi in Amplificationibus, si Res in plures
 Portiones diuidatur, atque singula seorsum tractentur.
 Hoc vero adhuc magis *Phantasma* implet, si fiat pro-
 miscue, & sine Ordine. Confusio enim Multitudinis
 opinionem generat. Siquidem quæ ordine ostenduntur,
 aut propinqua, tum ipsa magis facile apparent, tum
 certum præbent Argumentum, nihil esse prætermis-
 sum. Aut contra, quæ confusè representantur, non solum
 in se numerosa putantur, sed & Suspicioni locum relin-
 quunt, restare adhuc plura, quæ omittuntur.

Eleuebus
 Fallit *Sophisma* primò, vbi quis ampliorem præce-
 perit de Re alicuius Opinionem, quam pro verâ Rei ip-
 sius magnitudine. Etenim cum hoc fit, Distributio fal-
 sam illam Opinionem destruet, & rem in Veritate suâ,
 non autem cum Amplificatione, monstrabit. Itaque si
 quis Morbo, aut Dolori corripatur, Horæ longiores ei
 videbuntur, absque Horologio, aut Clepsidrâ, quam si
 isdem mensurentur. Nam si Tædium & Vexatio Mor-
 bi, tempus videri longius faciunt, quam reuerà est, at
 Computatio temporis errorem illum corrigit, & breui-
 us facit, quam Opinio illa falsa conceperat. Etiam in
 Planitie, contra quam superius dictum est, aliquandò eue-
 nit. Elicet enim visus in Principio viam ostendet breui-
 orem sensus, quia indiuisa est; tamen si ex eo obrepit
 opinio, de longè minori Intervallo, quam reperitur;
 Opinionis eius vana Frustratio efficit, vt videatur de-
 mum, etiam quam reuerà est, productior. Itaque si
 quis Opinioni alicuius falsæ, de Magnitudine Rei cu-
 iuspiam, velificari cupiat, caueat à Distributionibus, sed
 rem integram vique extollat. Fallit *Sophisma* secundo,
 si

si Distributio ea distraharatur, non autem simul obuer-
setur, aut vno Aspectu visum feriat. Itaque si Flores in
Horto aliquo in plures Torulos distinguantur, maioris
Quantitatis Speciem praebeant, quam si omnes in vno
Toro simul crescerent; Modò Toruli illi, oculis simul
subijciantur; Aliter enim Vno Distributioni distractae
praeualebit. Sic Reditus eorum maiores videntur, qui-
bus Prædia & Latifundia sua vicina aut coniuncta sunt.
Nam si sparsim sita sint, non veniunt tam facile sub
Aspectum. Fallit *Sophisma* tertio, propter Dignitatem
Unitatis, supra Multitudinem. Omnis enim Composi-
tio, Indigentia in singulis; Signum est certissimum;
vbi illud usu venit,

Et quæ non prosunt Singula, Multa iuvant.

Itaque Mariæ Partes potiores; *Martha, Martha, atten-
dis ad plurima, vnum sufficit.* Hinc illa Fabula *Æsopi*
de Vulpe & Felis. Iactabat enim Vulpes, quantas Ar-
tes haberet, & Effugia, quibus se à Canibus eriperet;
Felis autem se vnico tantum confidere Auxilio dixit, vt
pote quæ tenuem Scandendi Facultatem haberet:
Quod tamen reliquis illis vulpinis longè præstantius
præsidium fuit: vnde Adagium; *Multa novit vulpes,
sed Felis vnum magnum.* Quin etiam in huius Fabulæ
significatione Morali idem cernitur: Nam potenti &
fido Amico niti, plus præsidij habet, quam Artes &
Astutiæ complurimæ.

Atque hæc Exempli loco sufficient. Superest autem
nobis eiusmodi *Colorum* Numerus etiam magnus, quos
olim Adolescentes congeessimus: attamen sine Illustra-
tionibus suis, atque *Elenchis*; Quos hoc tempore con-
cinnare non vacat: Ideoque Colores illos nudos, abs-
que Illustrationibus suis, (cum superiores isti vestiti pro-
deant,) proponere, minimè nobis consentaneū videtur.
Illud interim monemus, Rem istam, qualiscunque ea
videri

videri possit, haud parui, iudicio nostro, esse pretij: utpote quæ ex *Philosophiâ primâ*, & ex *Politica*, & ex *Rhetoricâ*, participet. Atque de *Signis Popularibus*, siue *Coloribus Boni ac Mali apparentis*, tam *Simplicis*, quàm *Comparati*, hactenus.

Secunda Collectio, quæ pertinet ad *Promptuariam*, & desideratur, ea est, quam Cicero (ut superius in *Logicâ* diximus) inuit; cum præcipit, ut in promptu habeantur *Loci communes*, in utramque Partem, disputati & tractati. Quales sunt, *Pro verbis Legis*, & *Pro Sententiâ Legis*, &c. Nos vero hoc Præceptum, etiam ad alia extendimus; ut non solum ad Genus *Iudiciale*, sed etiam ad *Deliberatiuum*, & *Demonstratiuum* adhibeatur. Omnino hoc volumus, *Locos* omnes, quorum frequens est usus, (siue ad *Probationes* & *Refutationes*; siue ad *Suasiones*, & *Dissuasiones*; siue ad *Laudes* & *Vituperia* spectent;) meditados iam haberi; eosque ultimis Ingenij viribus, & tanquam improbè, & prorsus præter Veritatem attolli, & deprimi. Modum autem huius *Collectionis*, tam ad usum, quàm ad *Breuitatem*, optimum fore censemus, si huiusmodi *Loci* contrahantur, in *Sententias* quasdam acutas, & concisas; tanquàm *Glomos* quosdam, quorum *Fila* in fusiores *Discursus*, cum res postulat, explicari possint. Atque similem quandam *Diligentiam*, in *Senecâ* reperimus, sed in *Hypothesibus* siue *Casibus*. Eius generis, cum plurima parata habeamus, aliqua ad *Exemplum* proponere visum est. Ea autem *Antitheta Rerum* nominamus.

Ss

Exempla

Exempla Antithetorum.

NOBILITAS. I.

Pro.

Quibus virtus à Ge-
nere penitus insita
est; ij iam non mali
esse nolunt, sed nequeunt.

Nobilitas Laurea, quâ
Tempus Homines coronat.

Antiquitatem etiâ in
Monumentis Mortuis Vene-
ramur; quanto magis in
Vivis?

Si Nobilitatem Familia-
rum contempnas, que tandem
erit Differentia, inter Sobo-
lem Hominum, & Bruto-
rum?

Nobilitas Virtutem Invi-
die subducit, Gratia tradit.

Contra.

Raro ex Virtute Nobi-
litas; rariùs ex No-
bilitate Virtus.

Nobiles Maiorum depre-
catione ad Veniam sæpiùs
utuntur, quam suffragatione
ad Honores.

Tanta solet esse Industria
Hominum novorum, ut No-
biles præ illis tanquàm Sta-
tue videantur.

Nobiles in Stadio respe-
ctant nimis sæpè; quod mali
Cursoris est.

FORMA. II.

Pro.

Deformes Naturam ul-
cisci solent.

Et Virtus nil aliud, quam In-
terna Forma; & Forma nil
aliud, quam Externa Virtus.

Deformes se à Contemptu,
per Malitiam utique suam
vindicare cupiunt.

Forma Virtutes splendere
facit, Vitia rubere.

Con.

Virtus, ut Gemma Nobi-
lis, meliùs inseritur sine mul-
to Auro, & Ornatu.

Quod Vestis lauta Defor-
mi, hoc Forma improbo.

Similiter plerunque leues
sunt, quos Forma ornat, &
quos mouet.

IUVENTVS. III.

Pro.

Prime Cogitationes, & Iu-
uenum Consilia, plus habent e
Numine.

Senes sibi sapiunt magis, a-
lijs & Reip. minus.

Si conspici daretur, magis
deformat Animos quam Cor-
pora Senectus.

Senes omnia metuant, pre-
ter Deos.

Con.

Iuuentus pœnitentia Cam-
pius.

Ingenitus est Iuuenibus
Senilis Auctoritatis Con-
temptus; ut quisque suo pe-
riculo sapiat.

Tempus, ad que Consilia
non aduocatur, nec rata habet.

Senibus Veneres mutantur
in Gratias.

VALETUDO. IIIL.

Pro.

Cura Valetudinis Animum
humilem facit, & Corpori
supplicem.

Corpus sanum, Hospes A-
nimæ est; Ægrum, Ergastu-
larius.

Nil tam Summas Actio-
num promouet, quam prospe-
ra valetudo; at contrà infir-
ma, feriatur nimis.

Con.

Sæpè Conualescere est sæpè
Iuuenescere.

Excusatio Valetudinis Po-
lychresta; ad quam etiã Sa-
ni confugimus.

Nimis arcto fœdere Cor-
pus Animæ iungit Sanitas.

Et Lectus magna Imperia
administrauit; & Lectica
magnos Exercitus.

VXOR & LIBERI. V.

Pro.

Charitas Reip. incipit à
Familiâ.

Vxor & Liberi Discipli-
na quedam Humanitatis; at
Cœlibes tetrici & seueri.

Cœlibatus & Orbitas ad nil
aliud

Con.

Qui uxorem duxit & Li-
beros suscepit, Obsides For-
tune dedit.

Generare, & Liberi, Hu-
mana sunt; Creare, & Opera,
Diuina.

Sf 2

Bru-

aliud conferunt, quam ad Fugam.

Morti sacrificat, qui Liberos non procreat.

Cetera felices, in Liberis ferè infortunati sunt: ne Divinae Sorti nimium appropinquent Homines.

Brutorum Aeternitas Soboles; Virorum Fama, Merita, & Instituta.

Oeconomicae Rationes publicas plerumque evertunt.

Aliquibus Fortuna Privati placuit, qui suis omnibus superstes fuit.

DIVITIAE. VI.

Pro.

Con.

Diuitias contemnunt, qui desperant.

Invidia Diuitiarum Virtutem effecit Deam.

Dum Philosophi dubitant, curius ad Virtutem an Voluptatem omnia sint referenda, collige Instrumenta Virtutis usque.

Virtus per Diuitias vertitur in Commune Bonum.

Cetera Bona Provinciale habent Administrationem, Diuitia sola Generalem.

Diuitiarum magnarum, vel Custodia est, vel Dissensatio quaedam, vel Fama; at nullus Usus.

Annon vides Lapillis, & id genus Delicijs, fingi pretia, ut possit esse aliquis magnarum Diuitiarum Usus?

Multi dum Divitijs suis omnia venalia fore crediderunt, ipsi in primis venerunt.

Non aliud Diuitias dixerim, quam Impedimenta Virtutis. Nam Virtuti, & necessaria sunt, & graves.

Diuitia bona Ancilla, pessima Domina.

HONORES. VII.

Pro.

Con.

Honores non Tyrannorum, (ut loquuntur) sed

Pro.

Dum Honores appetimus, Libertatem exuimus.

Ho-

*Providentia Diuino Calenti
sunt.*

*Honores faciunt & Virtutes,
& Vitia conspicua: Ita-
que illas prouocant, hac re-
fronant.*

*Non nouit quisspiam, quan-
tum in Virtutis Cursu profe-
cerit; nisi Honores ei Cam-
pum praebeant apertum.*

*Virtutis, ut Rerum alia-
rum, rapidus Motus est ad
Locum, placidus in Loco: Est
autem Virtutis Locus Honos.*

*Honores dant ferè Pote-
statem earum Rerum; quas
optima Conditio est Nolle,
proxima non posse.*

*Honorum Ascensus ardu-
us, Statio lubrica, Regressus
praecipuus.*

*Qui in Honore sunt, vul-
gi Opinionem mutuuntur o-
portet, ut seipsos Beatos pu-
tent.*

IMPERIA VIII.

Pro.

*Felicitate frui, magnum
Bonum est; sed eam & alijs
impertiri posse, adhuc maius.*

*Reges non Hominum in-
star, sed Astrorum sunt: Nam
& in Singulos, & in Tempo-
ra ipsa, magnum habent in-
fluxum.*

*Qui Dei Vices gerunt, ijs
resistere, non tantum lese
Maiestatis Crimen est, sed
Theomachia quaedam.*

Con.

*Quam miserum habere, nil
ferè quod appetas, infinita
que metuas.*

*Qui in Imperijs sunt, simi-
les sunt Corporibus Celesti-
bus, quae magnam Veneratio-
nem habent, Requiem nullā.*

*Nemo Humanae Sortis ad
Deorum Conuiuia admitti-
tur, nisi ad Ludibrium.*

LAUS, EXISTIMATIO. IX.

Pro.

*Virtutis Radix reflexi
Laudes.*

*Laus Honor is est, ad quem
liberis*

Con.

*Fama deterior Index,
quam Nuncia.*

*Quid Viro bono cum Sa-
liua*

liberis Suffragijs peruenitur.

Honores à diuersis Politijs conferuntur, sed Laudes ubique sunt Libertati.

Vox Populi habet aliquid Diuinum. Nam quomodo aliter tot Capita in unum conspirare possint?

Ne mireris, si Vulgus verius loquatur, quam Honoratiores; quia etiam tutius loquitur.

linâ vulgi?

Fama veluti Fluvius, leuia attollit, Solida mergit.

Infimarum Virtutum apud Vulgum Laus est; Mediarum Admiratio; Supremarum Sensus nullus.

Laus magis ex Ostentatione, quam ex Merito: & Ventosis magis accedit, quam Realibus.

NATURA. X.

Pro.

Consuetudinis Progressus est Arithmeticus; Naturæ Geometricus.

Ut in Rebus publicis se habent Leges Communes erga Consuetudines; eodem modo in singulis se habet Natura ad Consuetudinem.

Consuetudo contra Naturam, quasi Tyrannus quedam est: & citò, ac leui occasione corrumpitur.

Con.

Cogitamus secundum Naturam; Loquimur secundum Præcepta; sed Agimus secundum Consuetudinem.

Natura Pedantius quidam est; Consuetudo Magistratus.

FORTUNA. XI.

Pro.

Virtutes aperta Laudes pariunt, occultæ Fortunas.

Virtutes Officiorum Laudes pariunt, Facultatum Fortunas.

Fortuna

Con.

Stultitia vnius, Fortuna alterius.

In Fortunâ illud præcipue laudauerim, quod cum non eligat, non tueatur.

Viri

Fortuna veluti Galaxia;
hoc est, Nodus quarundam
obscurarum Virtutum, sine
Nomine.

Fortuna saltem ob Filias
suas honoranda est; Consi-
dentiam scilicet, & Auctori-
tatem.

VITA. XII.

Pro.

Absurdum est Accidentia
Vitæ magis amare, quam Vi-
tam ipsam.

Præstat ad omnia, etiam
ad Virtutem, Curriculum
longum, quam breue.

Absque Spatijs Vitæ maio-
ribus, nec perficere datur, nec
perdiscere, nec poenitere.

Con.

Philosophi, dum tantum
Apparatum, aduersus Mor-
tem colligunt, ipsam magis
timendam effecerunt.

Mortem Homines timent,
quia nesciunt, ut Pueri Te-
nebras.

Non inuenias inter Hu-
manos, Affectum tam pusil-
lum, qui si intendatur paulo
vehementius, non Mortis
Metum superet.

Mori velle, non tantum
Fortis, aut Miser, aut Pru-
dens, sed etiam Fastidiosus
potest.

SUPERSTITIO. XIII.

Pro.

Qui zelo peccant, non
probandi, sed tamen amandi
sunt.

Mediocritates Moralibus
deben-

Con.

Vt Simia, Similitudo cum
Homine, Deformitatem ad-
dit; ita Superstitioni, Simi-
litudo cum Religione.

Quale

debentur; Extremitates Di-
uini.

Superstitiosus Religiosus
Designatus.

Fabulosissima quæque Por-
tenta cuiusvis Religionis, citi-
us crediderim, quàm hæc om-
nia sine Numine fieri.

Quale Odium est Affecta-
tionis in Civilibus, tale Su-
perstitionis in Diuinis.

Præstat nullam habere de
Dij Opinionem, quàm contu-
meliosam.

Non Epicuri Schola, sed
Stoa, veteres Respublicas per-
turbauit.

Non cadit in Mentem Hu-
manam, ut sit merus Athei-
sta Dogmate; sed magni Hy-
pocrite, sunt veri Atheistæ;
qui Sacra perpetuo contra-
etant, sed nunquam veren-
tur.

SUPERBIA. XIII.

Pro.

Superbia etiam Vitæ inso-
ciabilis; atque ut Venenum
Veneno; ita haud pauca Vi-
tia Superbia expelluntur.

Facilis, etiam alienis vi-
tijs obnoxius est; Superbus
tantum suis.

Superbia, si ab aliorum con-
temptu, ad sui contemptum
ascendet, fiet demum Philo-
sophia.

Con.

Hedera Virtutum ac Bo-
norum omnium Superbia.

Cetera Vitia Virtutibus
tantum contraria; Superbia
Sola contagiosa.

Superbia optimâ Vitiorum
conditione caret, id est, Late-
bris.

Superbus, cum ceteros con-
temnit, se interim negligit.

INGRATITUDO. XV.

Pro.

Crimen Ingrati Animi, nil
aliud est, quam perspicacia
quedam

Con.

Crimen Ingrati Animi,
non Supplicijs coercetur,
sed

quedam, in Caussam Beneficij collati.

Dum grati erga quosdam esse volumus; nec ceteris Iusticiam prestamus, nec nobis ipsis Libertatem.

Beneficij gratia eò minus reddenda est, quod de pretio non constat.

sed Furijs permittitur.

Arctiora sunt Vincula Beneficiorum quam Officiorum: quare, qui ingratus, iniustus, & omnia.

Ea est Conditio Humana! Nemo tam publicâ Fortunâ natus est, quin priuâtæ & Gratiæ, & Vindictæ se omnino debeat.

INVIDIA. XVI.

Pro.

Naturale est Exprobrationem Fortunæ suæ odisse.

Inuidia in Rebus pub. tanquàm salubris Ostracismus.

Con.

Inuidia Festos Dies non agit.

Nemo Virtuti Inuidiam reconciliauerit præter Mortem.

Inuidia Virtutes Laboribus exercet, ut Iuno Hercule.

IMPUDICITIA. XVII.

Pro.

Zelotypiæ debetur, quod Castitas sit facta Virtus.

Multâ Tristitiâ opus est, ut quis Venerem rem seriam putet.

Quid vel Diætæ Partem, vel Munditiæ Speciem, vel Superbiæ Filiam, inter Virtutes collocas?

Amorum, ut Auium Syluestrium, nulla Proprietas est,

Con.

Pessima Circes Transformatio Impudicitia.

Impudicus prorsus Reuerentiam suam perdidit; quod Frænum est omnium Viti-
rum.

Omnes ut Paris, qui Formæ Optionem faciunt, Prudentiæ & Potentiæ iacturam faciunt.

In Veritatem non vulga-

Tt rem

est, sed Iui possessione transfertur.

remincidit Alexander; cum Somnum & Venerem, Mortis Arrhabones esse dixit.

CRUELITAS. XVIII.

Pro.

Nulla Virtutum tam sepe rea est, quam Clementia.

Crudelitas, si à Vindicta est, Iusticia est, si à periculo, prudentia.

Qui Misericordiam Inimico impertit, sibi denegat.

Non sepius Phlebotomie necessariae sunt in Curationibus, quam Cades in Civilibus.

Con.

Cadibus grassari, aut Fera, aut Furia est.

Crudelitas Viro bono semper fabulosa esse videtur, & Fictio Tragica.

GLORIA VANA. XIX.

Pro.

Qui suas Laudes appetit, aliorum simul appetit Utilitates.

Qui tam Sobrius est, ut nihil alienum curet, vereor ne & publica aliena putet.

Ingenia in quibus aliquid inane est, facilius Curam Reipub. recipiunt.

Con.

Gloriosi semper Factiosi, Mendaces, Mobiles, Nimij.

Thraso Gnathonis Præda.

Turpe est Proco sollicitare Ancillam: est autem Virtutis Ancilla Laus.

IUSTITIA. XX.

Pro.

Imperia & Politia, Iusticie tantum Additamenta sunt: Si enim Iusticia aliter possit

Con.

Si hoc est iustum esse; Quæ tibi fieri nolis, ea alteri non facere, Clementia demum Iusticia

possit exerceri, illis minime fuerit Opus.

Iusticie debetur, quod Homo Homini sit Deus, non Lu-

pus. Iusticia est, Vitia tollere

non possit, tamen hoc efficit, ut non laedantur.

Præceptis, gregales sunt.

non tu, ut te non; antequam

Præceptis, gregales sunt.

III. X. ALTRA T. XXI.

Pro. Nil terribile nisi ipse Ti-

mor. Nil aut in Voluptate soli-

dum, aut in Virtute muni-

tum, ubi Timor infestat.

Qui Pericula apertis Ocu-

lis intuetur, ut excipiat, ad-

uertit & ut euitet.

Ceteræ Virtutes nos à Do-

minatu liberant Vitiorum;

Fortitudo sola à Dominatu

Iusticia est.

Si suum cuique tribuendum est, certe & Venia Humanitati.

Quid mihi Equitatem

narras, cum sapienti omnia

inequalia sint.

Considera qualis Reorum

Comditio fuerit apud Roma-

nos, & pronuncia Iusticiam

è Repub. non esse.

Vulgaris ista Iusticia Po-

litiarum, Philosophus in Au-

lâ: hoc est, facit tantum ad

Reuerentiam Imperantium.

III. X. ALTRA T. XXI.

Pro. Nil terribile nisi ipse Ti-

mor. Nil aut in Voluptate soli-

dum, aut in Virtute muni-

tum, ubi Timor infestat.

Qui Pericula apertis Ocu-

Con.

Præclara virtus velle pe-

rire, et perdas.

Præclara Virtus quam e-

tiâ Ebricitas inducit.

Vita sue prodigiosa, aliene

periculosus.

Virtus Ferrea Etatis For-

titudo.

III. X. ALTRA T. XXI.

Pro. Nil terribile nisi ipse Ti-

TEMPERANTIA. XXII.

Pro.

Eadesu ferè vis Abstinen-

di & Sustinendi.

Uniformitates, Concordia,

Con.

Negatiue istæ Virtutes non

placent: nam Innocentiam

prestare, non Merita.

Et Mensura Motuum, cele-
stia sunt, Et Characteres
Aeternitatis. Vnde et
Temperantia, velut Fri-
gora salubria, Animi vires
colligit Et firmat. Exquirit
vagi Sensus, Narcoticis indigens simili-
ter Et Affectus. Non est
Exquisitus vagi Sensus,
Narcoticis indigens simili-
ter Et Affectus. Non est
Exquisitus vagi Sensus,
Narcoticis indigens simili-
ter Et Affectus. Non est

Languet Mens quae Ex-
cessibus caret. Haec
Virtutes, quae Excel-
lentiam Actionis inducunt,
non Hebetudinem Passionis.
Cum Consonantes Animi
Motus ponit, paucos ponit.
Nam Pauperis est numerare
Pecus.
Ista (Non uti ut non ap-
petas; Non appetere ut non
timeas) pusillanimi sunt Et
diffidentis.

CONSTANTIA, XXIII.

Pro.

Con.

Basis Virtutum Constantia.
Miser est, qui qualis ipse fu-
turus sit, non novit.

Imbecillitas Humani Iu-
dicii, rebus ipsis constare non
potest; quare saltē sibi con-
stet.

Etiā Vitijs decus aspirat
Constantia.

Si ad Fortune Inconstan-
tiam, accedat etiā Incon-
stantia Mentis, in quantis
Tenebris vivitur?

Fortuna, tanquā Prote-
us, si perseueres, ad Formam
redit.

Constantia, ut Ianitrix
morosa, multa vtilia Indicia
abigit.

Aequum est, ut Constan-
tia Res aduersas bene toleret,
nam fere inducit.

Stultitia breuissima op-
tima.

MAGNANIMITAS. XXIII.

Pro.

Con.

*Si Animus semel generosus
Fines optauerit, statim non
modo Virtutes circumstant,
sed & Numina.*

*Magnanimitas est Virtus
poetica.*

*Virtutes ex Habitu, aut
Præceptis, gregales sunt; ex
Fine, Heroicæ.*

SCIENTIA, CONTEMPLATIO. XXV.

Pro.

Con.

*Eademum Voluptas est se-
cundum Naturam, cuius non
est Satietas.*

*Contemplatio, speciosa In-
ertia.*

*Dulcissimus Prospectus in
Errores aliorum subiacentes.*

*Bene Cogitare, non multò
melius est, quam bene Som-
niare.*

*Quam bonum est Orbes
Mentis habere Concentricos
Vniuerso?*

*Orbem Numen curat, tu
Patriam.*

*Omnes Affectus prauis, fal-
se estimationes sunt; atque
eadem sunt Bonitas & Ve-
ritas.*

*Vir Politicus etià Con-
templationes serit.*

LITERAE. XXVI.

Pro.

Con.

*Si de Rebus minutis, Li-
bri scripti fòrent, totus vllus
esset Experientiæ Vsus.*

*In Academijs discunt Cre-
dere.*

*Lectio est Conuersatio cum
Prudentibus; Actio ferè cum
Stultis.*

*Quæ vnquam Ars docuit,
tempestiuum Artis Vsum?*

*Non inutiles Scientiæ ex-
istimande*

*Sapere ex Regulâ, & ex
Experientiâ, planè contra-
riæ rationes sunt; vt qui al-
teri*

istimande sunt, quarum in se nullus est usus, si Ingenia accuant, & ordinent.

teri assuefactus sit, ad alterum sit ineptus.

Artis sapissime ineptus usus est, ne sit nullus.

Hoc fere omnes Academici habent, ut ex qualibet re, soleant agnoscere, quod sci-ant, & non addiscere, quod nesciant.

PROMPTITUDO. XXVII.

Pro.

Opportuna Prudentia non est, quae celeris non est.

Qui citò errat, citò Errorem emendat.

Qui ex composito, & non obiter prudens est, nil magni facit.

Con.

Prudentia non altè peti-
tur, quae praestà est.

Prudentia, ut vestis, le-
vis, quae expedita.

Cuius Consilia non matu-
ra Deliberatio, nec Pruden-
tiam Auit.

Quae ad breue Tempus ex-
cogitantur, ad breue Tempus
placent.

TACITURNITAS IN SECRETIS. XXVIII.

Pro.

Taciturno nil reticetur;
quia Omnia tutò communi-
cantur.

Qui facile loquitur quae
scit, loquitur & quae nescit.

Secretis etiàm Mystéria
debentur.

Con.

Varietas Morum optimè A-
nimum collocat in Secreto.

Taciturnitas Confessoris
Virtus.

Taciturno omnia reticen-
tur, quia Silentium rependitur.

Tectus, ignoto proximus.

FACILITAS. XXIX.

Pro.

Amo Virum alieno Affe-
ctui

Con.

Facilitas, iudicij quaedam
inepta

Etui obnoxium, sed tamen Iudicium ab obsequio reuocantem.

Flexibilem esse, ad Naturam Auri proximè accedit.

inepta Priuatio.

Facilium Beneficia, Debita videntur; Negationes, Iniuria.

Sibi gratiam habet, qui à Facili aliquid impetrat.

Facilem omnes Difficultates premunt, nam omnibus se implicat.

Facilis ferè se recipit cum pudore.

POPULARITAS. XXX.

Pro.

Prudentibus eadem ferè placent, at Stultorum varietati occurrere, prudentia est.

Colere populum, est Coli.

Qui ipsi magni Viri sunt, neminem unum ferè habent, quem vereantur, sed Populum.

Con.

Qui valdè cum stultis congruit, ipse suspectus esse potest.

Qui Turba placet, ferè & Turbas miscet.

Nil moderatum Vulgo gratum est.

Infima Assentatio est Assentatio vulgi.

LOQVACITAS. XXXI.

Pro.

Qui filet, aut alios habet pro suspectis, aut suspectus est ipse sibi.

Custodia omnes infelices, miserrima Silentij.

Silentium stultorum Virtus: Itaque rectè ille Silenti: Si Prudens es, stultus es; si stultus, Prudens.

Silentium, veluti Nox, Infidijs

Con.

Silentium Verbis, & Gratiam addit, & Auctoritatem.

Silentium, veluti Somnus quidam, alit Prudentiam.

Silentium Fermentatio Cogitationum.

Stilus Prudentia Silentium.

Silentium ambit Veritatem.

Cum

Insidijs opportunum.

*Cogitationes in Profluen-
te sanissima.*

*Silentium Solitudinis Ge-
nus.*

*Opinionem se venditat, qui
flet.*

*Silentium, nec prauas Co-
gitationes egerit, nec bonas
distribuit.*

DISSIMULATIO. XXXII.

Pro.

Con.

*Dissimulatio compendiaria
Sapientia.*

*Non idem dicere, sed idem
spectare debemus.*

*Etiā in Animo deformis
Nuditas.*

*Dissimulatio & Decor
est, & Praesidio.*

*Sepes Consiliorum Dissi-
mulatio.*

Aliqui Bono suo falluntur.

*Qui indissimulanter om-
nia agit, eque decipit: nam
plurimi, aut non capiunt, aut
non credunt.*

*Indissimulatio nihil ali-
ud, quam Animi Impotentia.*

*Cum cogitare secundum
Rerum Veritatem non possi-
mus; at loquamur secundum
cogitationem.*

*Quibus Artes Civiles supra
Capitum Ingenij sunt, ijs Dis-
simulatio pro Prudentia erit.*

*Qui dissimulat, precipuo
ad Agendum Instrumento se
priuat; i. Fide.*

*Dissimulatio Dissimulati-
onem inuitat.*

*Qui dissimulat, liber non
est.*

AUDACIA. XXXIII.

Pro.

Con.

*Docet improbare qui ve-
recundatur.*

*Quod Actio Oratori, id
Audacia*

Audacia Stultitiae Viator.

*Inuerecundia inutilis nisi
ad Imposturam.*

Confiden-

Audacia Viro Ciuili; Primum, Secundum, Tertium.

Confitentem Verecundiam amo, accusantem odi.

Confidentia Morum Animos promptius sociat.

Placet obscurus Vultus, & perspicua Oratio.

Confidentia Stultorum Imperatrix, Prudentium Scurra.

Audacia est Stupor quidam Sensus, cum Malitiâ voluntatis.

Ceremoniæ. Puntos. Affectatio. XXXIIII.

Pro.

Vultus & Gestus decora Moderatio, verum Condimentum Virtutis.

Si & in Verbis vulgo paremus, quid ni in Habitu, & Gestu?

Qui in Leuibus, & quotidianâ Consuetudine, decus non retinet, sit licet Vir magnus, nôris tamen hunc tantum certis Horis sapere.

Virtus, & Prudentia sine Punctis, velut peregrine Lingue sunt; nam vulgo non intelliguntur.

Qui vulgi Sensum, per Congruitatem non nouit, is si nec per Observationem nouerit, omnium Stultissimus est.

Puncti, Translatio sunt Virtutis in Linguam Vernaculam.

Con.

Quid deformius, quam Scenam in Vitam transferre.

Ex ingenuitate Decorum, ex Arte Odium.

Magis placent Cerussata Bucca, & Calamistrata Coma, quam Cerussati & Calamistrati Mores.

Qui Animum ad tam exiles Observationes applicat, magna Cogitationis Capax non est.

Affectatio, Ingenuitatis Putredo lucens.

Ioc. XXXV.

Pro.

*Oratorum Ara Iocus.**Qui in omnibus modestum Leporem miscet, Libertatem Animi retinet.**Res est supra Opinionem Politica; facile transire à Ioco ad Serium, à Serio ad Iocum.**Veritatis alias non perventura sepe vehiculum Iocus.*

Con.

*Istos Deformatum ac Concinnitatum Aucupes, quis non contemnat?**Rerum Magnitudinē eluere ioco, improbum Artificiū est.**Iocos tum considera, cum Risu destituti sunt.**Facetiisti ferē non penetrant ultra superficiem Rerum; ubi Ioci Sedes est.**Vbi Iocus ad Seria Momenti aliquid habet, ibi Leuitas puerilis est.*

AMOR. XXXVI.

Pro.

*Annon vides omnes se querere? at Amans solus se inuenit.**Non est melior Ordinatio Animi, quam ex Imperio Affectus alicuius insignis.**Qui sapit, Desiderium querat: nam qui non aliquid insigniter appetit, ei omnia ingrata sunt, & tadio plena.**Quidni in Vnitate acquiescat Vnus?*

Con.

*Amori multum debet Scena, nihil Vita.**Nil tam varij Nominis est quam Amor: Nam Res, aut tam Stulta est, ut se nesciat, aut tam turpis, ut se fuco condat.**Odi istos Mono-Pbrontistas.**Angusta admodum Contemplatio Amor.*

AMICITIA. XXXVII.

Pro.

Eadem facit Amicitia, que Fortitudo, sed suavius.

Suaue

Con.

Qui amicitias arctat, co- pulat, novas Necessitates sibi im-

im-

Suaue Condimentum omnium Bonorum Amicitia.

Pessima Solitudo, non veras habere Amicitias.

Digna male Fidei Vltio, Amicitijs priuari.

imponit.

Animi imbecilli est, Partiri Fortunam.

ADVLATIO. XXXVIII.

Pro.

Adulatio magis ex More, quam ex Malitiâ.

Laudando instituere, semper Formula fuit, debita Potentioribus.

Con.

Adulatio Stilus Seruorum.

Adulatio Calx Vitiorum.

Adulatio Aucupij illud genus, quod similitudine vocis, Aues fallit.

Adulationis Deformitas Comica, Nocumentum Tragicum.

Auribus mederi difficillimum.

VINDICTA. XXXIX.

Pro.

Vindicta Priuata Iusticia agrestis.

Qui vim rependit, Legem tantum violat, non Hominem.

Vtilis Metus vltionis priuatae; Nam Leges nimium saepe dormiunt.

Con.

Qui Iniuriam fecit, Principium Malo dedit; qui reddidit, Modum abstulit.

Vindicta, quò magis Naturalis, eò magis coercenda.

Qui facile Iniuriam reddit, is fortassè tempore, non voluntate posterior erat.

INNOVATIO. XL.

Pro.

Omnis Medicina Innovatio.

Con.

Noui Partus deformes sunt.

Qui

Vvz

Nullus

*Qui noua Remedia fugit,
noua Mala opperitur.*

*Nouator maximus Tem-
pus: quidni igitur Tempus
imitemur?*

*Exempla remota inepta
sunt; Recentia corrupta &
ambitiosa.*

*Imperitis & Contentiosis
permittite, vt ad Exempla Res
agant.*

*Sicut qui nobilitatem, in
Familiam introducunt, digni-
ores ferè sunt Posteris: ita
Nouationes Rerum plerun-
que præstant ijs, quæ ad Ex-
empla fiunt.*

*Morosa Morum retentio,
res turbulenta est, æq; ac No-
uitas.*

*Cum per se Res mutantur
in deterius, si Consilio in me-
lius non mutantur, quis finis
erit Mali?*

*Moris Serui, Temporis Lu-
dibria.*

MORÆ. XLI.

Pro.

*Fortuna multa festinanti
vendit, quibus morantem do-
nat.*

*Dum Initia Rerum ample-
cti properamus, umbras
prensamus.*

Fluctu-

*Nullus Auctor placet, præ-
ter Tempus.*

*Nulla Nouitas absque In-
iuriâ; nam præsentia con-
uellit.*

*Quæ vsu obtinuerunt, si non
bona, at saltem apta inter se
sunt.*

*Quis Nouator Tempus i-
mitatur; quod Nouationes ita
insinuat, vt sensus fallant?*

*Quod præter Spem euenit,
cui prodest, minus acceptum,
cui obest, magis molestum.*

Con.

*Occasio primùm Ansam
Vasis porrigit, deinde Ven-
trem.*

*Occasio instar Sibyllæ mi-
nuit Oblatum, pretium auget.
Celeritas Orci Galea.*

Quæ

Fluctuantibus rebus aduertendum, inclinantibus agendum.

Prima Actionum Argo committenda sunt, extrema Briarco.

Qua maturè fiunt, iudicio fiunt, quæ serò, per ambuium.

PRAEPARATIO. XLII.

Pro.

Con.

Qui paruis Copijs rem magnam aggreditur, fingit Opportunitatem, et speret.

Paruis Apparatibus non Fortuna, sed Prudentia emitur.

Optimus Terminus parandi, prima Occasio agendi.

Nemo speret se Fortunam Apparatu ligare posse.

Alteratio Apparatus & Actionis, Politica sunt: Distinctio tumida & infelix.

Magnus Apparatus prodigus & Temporis, & Rerum.

PRINCIPIIS OBSTARE. XLIII.

Pro.

Con.

Plura Pericula fallunt, quàm vincunt.

Minus Operis est Periculo Remedium adhibere, quam Progressum eius obseruare & custodire.

Non iam leue est Periculum, si leue videatur.

Docet Periculum progredi, qui accingitur, & periculum figit remedio.

Etiàm in remedijs Periculorum, leuia Pericula subsistunt.

Prestat cum paucis Remedijs, quæ inualuerunt, rem habere; quàm cum Minis singulorum.

CON-

CONSILIA VIOLENTA. XLIIII.

Pro.

Qui lenem istam Prudentiam amplectuntur, ijs Augmenta Mali salubria sunt.

Neceſſitas, quæ violenta conſulit, eadem exequitur.

Con.

Omne Remedium Violentum, prægnans noui Mali.

Violenta Conſilia Nemo dat, præter Iram & Metum.

SUSPICIO. XLV.

Pro.

Diffidentia Nerui Prudentiæ; at Suspicio Medicamentum arthriticum.

Merito eius fides ſuſpecta eſt, quam Suspicio labefacit.

Suspicio fragilem fidem ſoluit, fortem intendit.

Con.

Suspicio fidem abſoluit.

Suſpicionum Intemperies eſt Mania quædam Ciuilis.

VERBA LEGIS. XLVI.

Pro.

Non eſt Interpretatio, ſed Diminutio, quæ recedit à literâ.

Cum receditur à literâ, Iudex tranſit in Legislatorem.

Con.

Ex omnibus Verbis eliciendus eſt Senſus, qui interpretetur ſingula.

Pèſſima Tyranni Lex in Equuleo.

Pro Teſtibus contra Argumenta. XLVII.

Pro.

Secundum Oratorem, non ſecundum Cauſſam pronunciat, qui Argumenti nititur.

Qui Argumentis potiùs Credit, quam Teſtibus; etiàm Ingenio,

Con.

Si Teſtibus credendum ſit contra Argumenta, ſufficit tantùm Iudicem eſſe, non ſurdum.

Argumenta Antidotum contra

genio, magis debet fidere, *tra Venena Testimoniorum.*
quam Sensui. *Ijs probationibus tutissi-*

Tutum foret Argumentis inò creditur, quæ rarissimè
credere, si Homines nihil ab-
mentiuntur.
surdi facerent.

Argumenta, cum sint con-
tra Testimonia, hoc præstant;
vt res mira videatur, non
autem vt vera.

Atque hæc *Antitheta*, (quæ nunc proposuimus) for-
tasse tanti non fuerint; sed cum iam olim parata & col-
lecta à nobis essent, nolimus Diligentia nostræ Inue-
nilis Fructum perire: Præsertim cum, (si quis acutiùs
introspeciat) *Semina* sint, non *Flores*. In illo autem A-
dolescentiam planè inspirant, quod sint in *Morali*, siue
Demonstratiuo Genere, vberiora; in *Deliberatiuo*, & *Iu-*
diciali, per pauca.

Tertia *Collectio*, quæ pertinet ad *Promptuariam*, atque
etiàm desideratur, est ea, quam vocare placet, *Formula-*
rum Minorum. Illæ autem sunt, veluti *Vestibula*, *Pos-*
tica, *Ante-Cameræ*, *Re-Cameræ*, *Transitus*, &c. *Orati-*
onis; quæ indiscriminatim omnibus Subiectis compe-
tere possint. Quales sunt *Prefationes*, *Conclusiones*, *Di-*
gressiones, *Transitiones*, *Promissiones*, *Declinationes*, & plu-
rima eiusmodi. Quemadmodum enim in *Ædificijs*,
plurimum facit, & ad *Voluptatem*, & ad *Vitam*, vt *Fron-*
tispicia, *Gradus*, *Ostia*, *Fenestræ*, *Aditus*, *Transitus*, &
huiusmodi, commodè distribuuntur; eodem modo,
etiàm in *Oratione* fit, vt *Additamenta* & *Interpositio-*
nes istæ, (si decorè, & peritè formentur & collocentur)
plurimum tum gratiæ, tum commoditatis, vniuersæ
Orationis Structuræ adijciant. Harum *Formularum Ex-*
emplum vnum aut alterum proponemus, neque diuti-
us hîdem immorabimur. Etsi enim sint Res haud ex-
igui

igui vsus, tamen cum nihil in his addamus de nostro, sed tantum *Formulas* nudas, ex Demosthene, aut Cicero-
ne, aut alio quopiam selecto Auctore, describamus, inferius quiddam videntur, quam vt in eo Tempus te-
ramus.

Exempla Formularum Minorum.

Conclusio Deliberatiuæ.

*Sic & culpam præteritam, fas erit redimere, & futuris
incommodis eadem operâ prospicere.*

Partitionis Accuratæ Corollarium.

*Vt omnes intelligant, nihil me & subterfugere voluisse
reticendo, aut obscurare dicendo.*

Transitio cum Monito.

*Verum hæc ita prætereamus, vt tamen intuentes, & re-
spectantes, relinquamus.*

Præoccupatio contra Opinionem inueteratam.

*Faciam, vt intelligatis in totâ causâ, quid res ipsa tule-
rit, quid Error affuixerit, quid inuidia conflauerit.*

Hæc pauca enumerasse, ad Exempla, satis fuerit; cum
quibus, *Appendices Rhetoricæ*, quæ ad *Promptuariam*
spectant, concludimus.

CAPVT III.

Appendices generales duæ Traditiuæ; Cri- tica; & Pædagogica.



Vpersunt duæ *Appendices Traditiuæ* in ge-
nero; Altera *Critica*, Altera *Pædagogica*. Si-
cut enim Pars *Traditiuæ* præcipua in *Scrip-
tione Librorum* consistit, ita Pars eius *Re-
latiua* in *Librorum* versatur *Lectiōe*: *Lectio* autem, vel
Magistrorum

Magistrorum ope regitur, vel industriâ cuiusque propriâ perficitur; Atque huic rei inseruiunt *Doctrinæ* illæ, quas diximus, duæ.

Ad *Criticam* spectant, primò *Authorum probatorum limata Correctio, & emendata Editio*; quibus & ipsorum Authorum Honor vindicatur, & Studiosis Lumen præfertur. Quâ tamen in re, studijs haud parùm Detrimenti intulit, quorundam Hominum Diligentia temeraria. *Criticis* enim haud paucis mos est, ubi incidunt in quidpiam, quod non intelligunt, Vitium statim in Exemplari supponere; Veluti in illo loco Taciti: Cùm quædam Colonia ius Asyli apud Senatum affereret, narrat Tacitus, non æquis admodum Auribus, quæ ab ijs proferebantur, fuisse ab Imperatore & Senatu audita: Itaque Legati causâ diffusi, bonam Pecuniæ summam Tito Vinio dederunt, ut eis patrocina-retur; hoc itaque pacto res obtinuit: *Tum* (inquit Tacitus) *Dignitas & Antiquitas Coloniae valuit*: quasi Argumenta, quæ antea leuia videbantur, accedente pretio nouum tum pondus acceperant. At *Criticus* quidam, non ex infimis, Verbum *Tum* expunxit, & *Tantum* reposuit. Atque hæc prauâ *Criticorum* consuetudine factum est, ut (Quod non-nemo prudenter notauit) *Exemplaria maxime castigata sint sæpenumerò minime omnium casta*. Quinimò, ut verum dicamus, nisi *Critici* fuerint eruditi in Scientijs illis, de quibus Libri ab ipsis editi tractant, periculo Diligentia eorum non vacat.

Secundò ad *Criticam* spectant, *Authorum Interpretatio & Explicatio, Commentarij, Scholia, Notæ, Spicilegia, & similia*. In istiusmodi autem Laboribus, pessimus ille *Criticorum* nonnullos quasi Morbus inuasit, ut multa ex obscurioribus transilient, in satis verò perspicuis ad fastidium vsque immorentur, & expatientur. Scilicet, non tam illud agitur, ut Author ipse illustretur, quam ut *Criticus* ille, multiplicem suam Eruditionem, & variam

Lectionem, ubique arrepta occasione, ostendet. Optandum imprimis foret (licet hæc res ad Traditiuam principalem, non ad Appendices pertineat) ut qui Argumenta Obscuriora, & Nobiliora pertractet Scriptor, suas ipse Explicationes subiungat; ut & Textus ipse Digressionibus aut Explicationibus non abrumpatur; & Notæ à Scriptoris Mente non recedant. Cuiusmodi quidpiam suspicamur de *Theone Euclidis*.

Tertiò, ad *Criticam* spectat (quod etiam Nomen eidem indidit) de *Authoribus quos edunt*, breue aliquod iudicium interponere; Et illos cum cæteris Scriptoribus, qui eadem tractant, comparare; ut per huiusmodi censuram, Studiosi, & de Librorum delectu, moneantur, & ad ipsam Lectionem eorum instructiores accedant. Atque hoc vltimum, est *Criticorum* tanquam Cathedra, quam certè nostrâ ætate nobilitârunt Viri nonnulli magni, maiores certè, nostro iudicio, quàm pro Modulo *Criticorum*.

Ad *Pædagogicam* quod attinet, breuissimum foret dictu; *Consule Scholas Iesuitarum*. Nihil enim, quod in vsum venit, his melius. Nos tamen pauca more nostro monebimus, tanquam spicas legentes. Omnino *Institutionem Pueritiæ & Iuuentutis Collegiatam* probamus; Non in Ædibus priuatis; Non sub Ludi-magistris tantum. Adest Adolescentulis in *Collegijs* Æmulatio maior erga Æquales; Adest quoque ipse vultus & Aspectus virorum grauium, quod facit ad Verecundiam, & teneros Animos etiam à Principio conformat ad Exemplar: Denique sunt quidè plurima *Educationis Collegiatæ* Commoda. In *Ordine* autem & *Modo* Disciplinæ, illud imprimis consuluerim; ut *caueatur à Compendijs*; & à *Præcocitate quâdam Doctrinæ*, quæ Ingenia reddat audacula; & magnos Profectus potius ostendet, quàm faciat. Quin & *fauendum nonnihil Ingeniorum Libertati*, ut si quis, quæ ex more Disciplinæ sunt, faciat, & simul tempus ad alia, in quæ propensus est,

est, suffuratur, ne utique cohibeatur. Porro Opera-pre-
tium fuerit diligentè animadvertere (quod fortalsè ad-
huc non fuerit notatum) esse duos *Assueficienti*, & *Ex-
ercendi*, & *Preparandi Ingenia* Modos, eosque tanquam
Antistrophos. Alter incipit à *Facilioribus*, & ad magis
Ardua paulatim deducit; Alter ab initio, *duriora imperat*
& *urget*, ut ijs obtentis, *facilioribus* quis etiàm suavi-
tè perfungi possit. Alia enim est *Methodus*, Incipere
Natare cum vtribus, qui subleuent; Alia, Incipere Sal-
tare cum Calceis ponderosis, qui aggrauent. Neque fa-
cile est dictu, quantum harum *Methodorum* prudens In-
termixtio, conferat ad promouendas, tam Animi, quam
Corporis, Facultates. Item *Applicatio & Delectus Studi-
orum*, pro naturâ Ingeniorum quæ erudiuntur, res est
singularis & vsus & iudicij; quam etiàm benè & verè
notatam & perspectam Magistri Parentibus Adolefcenti-
um debent; ut de genere Vitæ, cui Filios suos desti-
nent, consulere possent. Verùm & illud attentius pau-
lò obseruandum, non tantum in ijs, ad quæ Naturâ
quique sua fertur, longè maximos fieri Protectus; sed
etiàm ad ea, ad quæ vitio Naturæ quis maximè fuerit in-
habilis, reperiri in Studijs ad hoc propriè delectis, Re-
media & Curationes. Exempli gratiâ; Si cupiam In-
genium tale sit, quale est Avium, ut facile abigriatur,
nec per moram (qualem oportet) iumentum esse susti-
neat; Remedium huic rei præbebunt *Mathematica*, in
quibus si euagetur paulò mens, de integro renouanda
est Demonstratio. Etiam *Exercitiorum*, in erudiendo,
Partes liquet esse vel maximas. At illud à paucis no-
tatum est, quod *Exercitiorum* debeat esse, non solum
prudens Institutio, sed etiàm prudens Intermixtio. Op-
timè siquid in Cicero notauit, Quod in *Exercitijs*, ple-
rùmque exerceri contingat, non minus Vitia, quam Faculta-
tes; adeo ut malus Habitus, quandoque simul acqui-
ratur, & se infuset cum bono. Itaque tutius est inter-

mittere *Exercitia*, & subinde repetere, quam assidue
 continuare & virgere. Verum de hisce. Sunt certe
 haec, primo aspectu, minus grandes & solennes, sed
 fructuosae tamen & efficaces. Quemadmodum enim
 in Plantis, ad felicitatem vel infelicitatem ipsarum, plu-
 rimum faciunt Iniuriae aut Auxilia, quae iidem cum te-
 neræ fuissent interuenerint; quemadmodum etiam In-
 crementa illa immensa Imperij Romani, mento à qui-
 busdam attribuuntur, Virtuti & Prudentiae Sex illorum
 Regum, qui eidem in Pueritiâ suâ, veluti Tutores fue-
 runt aut Nutritij: Sic certe, Cultura & Institutio Anno-
 rum Pueriliū aut teneriorum, eas habet vires, licet la-
 tentes, & minimè in cuiusvis observationem incurren-
 tes, quas neque Temporis Diuturnitas, neque Labo-
 rum Assiduitas & Contentio, postea, Aetate maturiore,
 possint villo modo æquiparare. Non abs re fuerit etiam
 notare, Facultates vel mediocres, si in magnos Viros,
 aut Res magnas inciderint, graues & insignes interdum
 producere effectus. Eius rei ponemus Exemplum Memo-
 rabile, Quod cō magis adducimus, quia Iesuitæ eandem
 Disciplinam non videntur aspernari; Sano (ut nobis
 videtur) iudicio. Atque est res, quæ si sit Professoria,
 infamis est: Verum Disciplinaria facta, ex optimis est.
 Intelligimus autem *Actionem Theatralem*. Quippe quæ
 Memoriam roborat; Vocis & Pronunciationis To-
 num atque Efficaciam temperat; Vultum & Gestum
 ad Decorem componit; Riduciam non parvam conci-
 liat; denique Oculis Hominum Iuuenis assuefacit. E-
 rit autem Exemplum, è Tacito desumptum, *Vibuleni*
 cuiusdam, olim Ilistrionis, tunc temporis autem Mili-
 tantis, in Legionibus Pannonicis. Ille, sub excessu Au-
 gusti, Seditionem mouerat, ita ut Blasus praefectus, al-
 quos ex seditiosis in Carcerem conijceret. Milites ve-
 rò, Impressione factâ, illos effractis Carceribus libera-
 runt. At Vibulenus, apud Milites concionabundus,

sic

sic orsus est: Vos (inquit) his innocentibus & miserrimis lucem & spiritum reddidistis: Sed quis Fratri meo vitam, qui Fratrem mihi reddit? quem missum ad vos à Germanico Exercitu, de communibus commodis, nocte proxima iugulauit per Gladiatores suos, quos in Exitium Militum habet atque armat. Responde Bliese, ubi cadauer abieceris? Ne hostes quidem Sepulturam inuident. Cum osculis, cum lachrymis dolorem meum impleuero, me quoque trucidari iube; dum interfectos, nullum ob scelus, sed quia utilitati Legionum consulebamur, hi sepeliant. Quibus verbis Inuidiæ ac Contumaciationis nimium quantum conciuuit; Adeò vt nisi breuè postea innotuisset, nihil horum fuisse, quinetiam Fratrem eum nunquam habuisse, vix à Præfecto Milites manus abstinuissent: Ille verò rem totam, tanquam Fabulam, in Scenâ peregit.

Nunc verò, ad Colophonem peruenimus, Tractatus nostri, de *Doctrinis Rationalibus*. In quibus, licet à *Partitionibus* receptis interdum recesserimus, nemo tamen existimet, nos illas omnes improbare *Partitiones*, quibus vsi non sumus. Duplex enim nobis imponitur Necessitas partitiones mutandi: Vna, quia hæc duo, nimirum, Res Naturâ proximas, in vnâ Classem redigere; & Res ad vsum promendas, conijcere in vnum Cumulum; Fine ipso & intentione, sunt omninò diuersa. Exempli gratiâ; Secretarius aliquis Regis, aut Reip. in Museo, Chartas suas ita proculdubio distribuit, vt quæ similis sint Naturæ, simul componat; Veluti Fœdera seorsum, seorsum Mandata, Literas ab Exteris, Literas Domesticas, & similia, seorsum omnia: Contrâ, in Scrinio aliquo particulari, illas simul componit, quas, licet diuersi generis sunt, simul tamen vsui fore existimet: Sic nimirum, in hoc vniuersali Scientiæ Repositorio, nobis pro Naturâ Rerum ipsarum, *Partitiones* erant instituendæ; cum tamen, si particularis aliqua Scientia fuisset pertractanda, *Partitiones* fu-

issemus

issemus secuti, vsui & Praxi potius accommodatas. Altera Necessitas Partitiones mutandi est, quia *Desideratorum* ad *Scientias* Adiectio, & eorum cum reliquis in integrum Corpus Redactio, etiam, per consequentiam, *Scientiarum* ipsarum Partitiones transtulit. Nam (Demonstrationis gratia) esto quod Artes quae habentur rationem habeant Numeri 15. adiectis autem *Desideratis* Numeri 20. Dico quod Partes Numeri 15. non sunt eadem partes quae Numeri 20. Nam Partes Numeri 15. sunt 3. & 5. Partes vero Numeri 20. sunt 2. 4. 5. & 10. Itaque patet quod haec aliter fieri non potuerint. Atque de *Scientijs*

Logici haec dicta sunt.

FRANCISCI



FRANCISCI
BARONIS

DE
VERVLAMIO,
VICE-COMITIS

SANCTI ALBANI,

DE
Dignitate & Augmentis Scientiarum

LIBER SEPTIMVS.

AD REGEM SVVM.

CAPVT I.

Partitio Ethicæ, in Doctrinam de Exemplari; & Georgica Animi. Partitio Exemplaris, (scilicet Boni) in Bonum Simplex; & Bonum Comparatum. Partitio Boni Simplicis, in Bonum Individuale; & Bonum Communionis.

Peruen-



Eruentum est (Rex optime) ad *Ethicam*, quæ *Voluntatem Humanam* intuetur & tractat. *Voluntatem* gubernat *Recta Ratio*, seducit *Bonum Apparens*; *Voluntatis Stimuli Affectus*, *Ministri Organa* & *Motus voluntarij*. De hac *Salomon*, *Ante omnia* (inquit) *custodi Fili cor tuum*; nam inde procedunt *Actiones Vitæ*. In huius *Scientiæ* pertractatione, qui de eâ scripserunt, perinde mihi fecisse videntur, ac si quis *Scribendi Artem* tradere pollicitus; pulchra tantum exhibeat *Exemplaria*, *Literarum* tam *Simplicium*, quam *Copulatarum*; de *Calamo* verò *ducendo*, aut modis *Characteres* efformandi, nihil præcipiat: Ita & isti proposuerunt nobis *Exemplaria bella*, & *luculenta*, atque *Descriptiones* siue *Imagines accuratas*, *Boni*, *virtutis*, *officiorum*, *Felicitatis*, tanquam vera *Obiecta*, & *Scopos* *Voluntatis* & *Appetitûs Humani*: Verum quomodo quis possit optimè, ad hos *Scopos*, (excellentes sanè, & benè ab illis positos) collimare; hoc est, quibus *Rationibus* & *Institutis*, *Animus* ad illa assequenda subigi & componi possit; aut nihil præcipiunt, aut perfunctoriè, & minùs vtilitèr. Dissera-
 mus, quantum libuerit, *Virtutes Morales* in *Animo Humano* esse habitualitèr, non naturalitèr: Distingua-
 mus solennitèr, inter *Spiritus generosos*, & *Vulgus ignobile*; quod illi *Rationum Momentis*, hi *Præmio* aut *Pœnâ*, ducantur: Præcipiamus ingeniosè, *Animum Humanum*, ut reuifcetur, instar *Bacilli*, in contrariam *Partem Inclinationis* suæ flecti oportere: Aliaque in-
 super huiusmodi hinc inde spargamus: Longè tamen abest, ut hæc & alia id genus, *Absentiam Rei* excusent, quam modò requirimus.

Huiusce Neglectus Causam, haud aliam esse reor,
 quam latentem illum Scopulum, ad quem tot *Scientiae*
Nauiculae impingentes, Naufragia passae sunt: Nimi-
 rum, quod fastidiant Scriptores versari in Rebus vulga-
 ris & Plebeijs; quae nec satis subriles sunt ad Disputan-
 dum, nec satis illustres ad Ornandum. Sanè haud facile
 quis Verbis assequatur, quantam Calamitatem attulerit
 hoc ipsum, quod dicimus; quod Homines ingentia su-
 perbia, & gloria vanâ, eas Materias Tractationum, eos-
 que Modos Tractandi sibi delegerint, quae Ingenia ipso-
 rum potius commendent, quam Lectorum Utilitatibus
 inseruiant. Optimè Seneca, *Nocet illis Eloquentia, quibus non Rerum facit cupiditatem, sed sui*: Siquidem Scrip-
 ta talia esse debent, vt Amores Documentorum ipso-
 rum, non Doctorum excirent. Igitur rectè incedunt
 viâ, qui de Consilijs suis id prædicare possint, quod fe-
 cit Demosthenes, atque hâc clausulâ ea concludere;
*Quae si feceritis, non Oratorem dumtaxat in praesentiâ lau-
 dabit, sed Vosmetipsos etiam non ita multo post, statu re-
 rum vestrarum meliore.* Ego certè, (Rex optime) vt de
 meipso, quod res est, loquar; & in ijs quae nunc edo,
 & in ijs quae in posterum meditor, Dignitatem Ingenij
 & Nominis mei, (si qua sit) saepius sciens & volens pro-
 iicio, dum Commodis Humanis inseruiam: Quisque
 Architectus fortasse in Philosophiâ & Scientijs esse de-
 beam, etiam Operarius & Baiulus, & quiduis demùm
 fio, cum haud pauca, quae omninò fieri necesse sit, alij
 autem ob innatam Superbiam subterfugiant, ipse susti-
 neam & exequar. Verùm (vt ad rem redeamus) quod
 cepimus dicere, delegerunt sibi Philosophi in *Ethica*,
 Massam quandam Materiae splendidam & nitentem, in
 quâ potissimum, vel Ingenij Acumen, vel Eloquentiae
 Vigorem venditare possint. Quae verò Practicam maxi-
 me instruunt, quandoquidem tam bellè ornari non
 possint, maximâ ex parte omiserunt.

Neque tamen debuerant, Viri tam eximij, desperasse de Fortunâ, simili ei, quam Poeta Virgilius, & sibi spondere aulus, & reuerâ consequutus est; qui non minorem, Eloquentiæ, Ingenij, & Eruditionis, gloriam adeptus est, in explicando Observationes Agriculturæ, quam Aeneæ Res gestas Heroicas enarrando.

Nec sum animi dubius, verbis ea vincere magnum,

Quam sit & angustis his addere rebus Honorem.

Certè, si serîo Hominibus cordi sit, non in otio scribere, quæ per otium legantur, sed reuerâ vitam Activam instruere & subornare; Georgica ista *Animi Humani*, non minore in pretio apud Homines haberi debeant, quam Heroicæ illæ Effigies *Virtutis, Boni, & Felicitatis*, in quibus tam operosè est insudatum.

Partiemur igitur *Ethicam*, in Doctrinas Principales duas: Alteram de Exemplari siue *Imagine Boni*; Alteram de *Regimine & Culturâ Animi*, quam etiam Partem *Georgicam Animi* appellare consuevimus: Illa *Naturam Boni* describit, hæc *Regulas de Animo ad illam conformando* præscribit.

Doctrina de Exemplari (quæ Boni *Naturam* intuetur & describit) Bonum considerat, aut Simplex; aut Comparatum; aut Genera (inquam) Boni; aut Gradus. In posteriore horum, Disputationes illas infinitas, & Speculationes circa Boni *supremum Gradum*, quem *Felicitatem, Beatitudinem, summum Bonum* vocitarunt (quæ Ethnicis instar Theologiæ erant) Christiana tandem Fides sustulit, & missas fecit. Quemadmodum enim Aristoteles ait, *Adolescentes posse etiam beatos esse, sed non aliter quam spe*; eodem modo, à Christianâ Fide edocti, debemus nos omnes Minorum & Adolescentum loco statuere, ut non aliam Felicitatem cogitemus, quam quæ in Spe sita est.

Liberati igitur (bonis Anibus) ab hac Doctrinâ, tanquàm de Cœlo Ethnicorum; (Quâ in Parte proculdu-

biò Eleuationem Naturæ Humanæ, attribuerunt maiorem, quam cuius illa effet capax: Videmus enim quali Cothurno Seneca, *Verè magnum, habere Fragilitatem Hominis, Securitatem Dei*) Reliqua certè ab illis, circa *Doctrinam Exemplaris*, tradita, minore aut Veritatis aut Sobrietatis iacturâ, magnâ ex Parte recipere possumus. Etenim, quod ad *Naturam Boni Positui & Simplicis* spectat, illam certè pulcherrimè, & ad viuum, veluti in Tabulis eximijs depinxerunt; *Virtutum & Officiorum Figuras, Posituras, Genera, Affinitates, Partes, Subiecta, Prouincias, Actiones, Dispensationes*, diligentissimè sub Oculos repræsentantes. Neque hic Finis: Nam hæc omnia Animo Humano, magno quoque Argumentorum Acumine & Viuacitate, & Suasionum Dulcedine, commendârunt atque insinuârunt: Quinetiam (quantum Verbis præstari possit) eadem contra prauos & populares Errores, & Insultus, fidelissimè muniuerunt. Quatenus verò ad *Naturam Boni comparati*, huic rei etiâ nullo modo defuerunt; *In constituendis trinis illis Ordinibus Bonorum; In Collatione Vitæ Contemplatiuæ cum Actiuâ; In Discriminatione Virtutis cum Reluctatione, & Virtutis iam Securitatem nactæ, & confirmatæ; In Conflictu & Pugnâ Honesti & Vtilis; In virtutum inter se libramine, nimirum cui quæque præponderet; & similibus.* Adeò vt hanc Partem de *Exemplari*, insignitèr excultam iam esse, & Antiquos, in eâ re, mirabiles se viros præstitisse, reperiam: Ita tamen, vt Philosophos longo post se interuallo reliquerit, pia & strenua Theologorum Diligentia; in *Officijs, & Virtutibus Moralibus, & Casibus Conscientiæ, & Peccati Circumscriptionibus* pensitandis & determinandis, exercitata.

Nihilò secius (vt ad Philosophos redeamus) si illi (antequàm ad Populares & receptas Notiones, *Virtutis, Vitij, Doloris, Voluptatis, & cæterorum*, se applicassent) supersedissent paulisper, & Radices ipsas Boni &

Mali, & Radicum illarum Fibras indagassent; ingen-
tem, meo iudicio, Lucem illis omnibus, quæ postea in
Inquisitionem ventura fuissent, affudissent: Ante om-
nia, si *Naturam Rerum*, non minùs quam *Axiomata Mo-
ralia*, consuluissent, *Doctrinas* suas minùs prolixas, magis
autem profundas reddidissent. Quod cum ab illis, aut
omnino omissum, aut confusè admodum tractatum
fuerit, nos breuiter retractabimus; & *Fontes* ipsos *Re-
rum Moralium* aperire, & purgare conabimur; ante-
quam ad *Doctrinam de Culturâ Animi*, quam ponimus
vt *Desideratam*, perueniamus. Hoc enim (vt arbitra-
mur) *Doctrinam de Exemplari*, nouis quodammodò
viribus donabit.

Inditus est atque impressus, vnique Rei Appeti-
tus, ad duplicem *Naturam Boni*: Alteram, qua *Res Totum
quiddam est in seipsâ*; Alteram, quâ est *Pars Totius alicu-
ius Maioris*. Atque posterior hæc illâ alterâ dignior est,
& potentior; cum tendat ad *Conseruationem Formæ
Amplioris*. Nominetur prima, *Bonum Individuale*, siue
Switatis; posterior, *Bonum Communione*. Ferrum Sym-
pathiâ particulari fertur ad Magnetem: at si paulò pon-
derosius fuerit, Amores illos deserit, & tanquam Bo-
nus Ciuis, & Amator Patriæ, Terram petit, Regionem
scilicet *Connaturalium* suorum. Vltèriùs paulò perga-
mus; Corpora Densa & Grauiâ Terram petunt, Congre-
gationem magnam Corporum Densorum: Attamen,
potiùs quam *Natura Rerum* Diuulsionem patiatur, &
detur (vt loquuntur) *Vacuum*, Corpora huiusmodi in
sursùm ferentur; & cessabunt ab Officio suo erga
Terram, vt præstent Officiu suu *Mundo* ipsi debi-
tum: Ita quasi perpetuò obtinet, vt *Conseruatio For-
mæ* magis *Communis*, minores Appetitus in ordinem re-
digat. At Prærogatiua ista *Boni Communione* signatur
præcipuè in Homine, si non degenerauerit; iuxta memo-
rabile illud Pompeij Magni dictum; Qui, quo tempore
Romam

Romam Fames premeret, Annonæ importandæ Præpositus, vehementissimè autem ab Amicis interpellatus, ne Mari, atroce Tempestate ingruente, se committeret, illud tantum respondit, *Necesse est ut eam, non ut viuam*: Adeo ut Vitæ Desiderium, (quod in Indiuiduo maximum est) Amore & Fide in Rempub. apud eum non præponderaret. Sed quid moramur? Nulla, omnibus Seculis, reperta est vel Philosophia, vel Secta, vel Religio, vel Lex aut Disciplina, quæ in tantum Communionis Bonum exaltauit, Bonum verò Indiuiduale depresso, quantum *Sancta Fides Christiana*: Vnde liquidò pateat, vnum eundemque Deum fuisse, qui Creaturis Leges illas Naturæ, Hominibus vero Legem Christianam dedisset. Propterea legimus nonnullos ex Electis, & Sanctis Viris, optasse se potius erasos ex *Libro Vitæ*, quàm ut Salus ad Fratres suos non perueniret; Ecstasi quâdam Charitatis, & impotenti Desiderio Boni Communionis, incitati.

Hoc positum, ita ut immotum maneat & inconcussum, nonnullis ex grauissimis in Morali Philosophiâ Controuersijs, finem imponit. Primò enim *Questionem* illam determinat, de *Vitâ Contemplatiuâ Actiuæ præferendâ*; idque contra Sententiam Aristotelis. Omnes siquidem Rationes, quæ ab illo pro *Contemplatiuâ* afferuntur, Bonum priuatum respiciunt, atque Indiuidui tantum ipsius Voluptatem, aut Dignitatem; quibus in rebus *Contemplatiua* Palmam haud dubiè reportat. Etenim *Contemplatiua* non absimilis est Comparationi, quâ vsus est Pythagoras, ut Philosophiæ & Contemplationi Honorem ac Decus assereret. Qui ab Hierone, quisnam esset, interrogatus, respondit; *Hieronem non latere* (si fortè unquam Olympicis Certaminibus interfuisset) id ibi loci contingere, ut veniant eò Alij Fortune suæ in agonibus periculum facturi; Alij verò ut Mercatores, ad Merces distrahendas; Alij ut Amicos vndique

Undique confluentes convenirent, & Epulis ac Hilaritati indulgerent; Alij denique ut ceterorum essent Spectatores: Se autem unum esse ex illis, qui Spectandi gratiâ venerit. Verum Homines nosse debent, in hoc humana Vitæ Theatro, Deo & Angelis solum convenire, ut Spectatores sint. Neque sanè fieri potuit, ut hæc de re Dubitatio in Ecclesiâ unquam suscitaretur; (utcumque plurimis in ore fuerit Dictum illud, *Pretiosa in Oculis Domini Mors Sanctorum eius*; Ex quo loco, Mortem illam Civilem, & Instituta Vitæ Monasticæ & Regularis attollere soleant;) nisi illud etiâ unâ subesset, quod Vita illa Monastica merè Contemplativa non sit; verum planè in Officijs Ecclesiasticis versetur; Qualia sunt iugis Oratio; & Votorum Sacrificia Deo oblata; Librorum itè Theologorum, multo in otio, conscriptio, ad Legis Divinæ Doctrinam propagandam; quemadmodum & Moses fecit, cum per tot Dies, in Montis secessu moratus esset. Quinetiâ Henoch, ab Adamo Septimus, qui videtur fuisse Princeps *Vitæ contemplativæ* (etenim cum Deo ambulasse perhibetur) nihilominus Ecclesiam, *Prophetia Libro* (qui etiâ à Sancto Iudâ citatur) dotavit. Contemplativam verò quod attinet meram, & in seipsâ Terminatam; quæque Radios nullos siue Caloris siue Luminis, in Societatem Humanam diffundat; nescit eam certè Theologia.

Determinat etiâ Questionem, tantâ contentione agitatam, inter Scholas Zenonis & Socratis ex unâ parte; qui Felicitatem in Virtute, aut solâ, aut adornatâ (cuius semper in Officijs Vitæ Partes potissimæ) collocârunt; & reliquas complures Sectas & Scholas, ex alterâ parte; veluti Scholas *Cirenaicorum* & *Epicuræorum*, qui eam in Voluptate constituerunt; Virtutem autem (sicut fit in Comædijs aliquibus, ubi Hera cum Famulâ Vestem mutat) planè Ancillam statuerunt; utpote sine quâ Voluptati commodè ministrari non posset: Nec minùs illam

illam alteram *Epicuri Scholam*, quasi *Reformatam*; quæ Felicitatem nihil aliud esse prædicabat, quam Animi Tranquillitatem & Serenitatem, à Perturbationibus liberi & vacui; Ac si Iouem de Solio derurbare vellent, & Saturnum cum Aureo Seculo, reducere: quando neque Æstas, nec Bruma fuissent; Non Ver, nec Autumnus; sed vna & æquabilis Aeris temperies; Denique & illam explosam *Pyrrhonis* & *Herilli Scholam*, qui fixam autumauerunt Felicitatem, in Scrupulis quibusque Animi prorsus eliminandis; nullam statuentes fixam & constantem Boni aut Mali Naturam, sed Actiones pro Bonis aut Malis habentes, prout ex Animo, motu puro & irrefracto, aut contrà, cum Auerfatione & Reluctatione, prodirent; Quæ tamen Opinio in *Heresi Anabaptistarum* reuixit; qui cuncta metiebantur iuxta Motus & Instinctus Spiritus, & Constantiâ vel Vacillatione Fidei. Liquer autem ista, quæ recensuimus, omnia, ad priuatâ Animorum Tranquillitatē, & Complacentiâ, nullo modo autem ad *Bonum Communionis*, spectare.

Porro redarguit etiâ *Philosophiam Epicteti*, qui hoc vtitur Præsupposito; Felicitatem, in ijs poni debere, quæ in Potestate nostrâ sunt; ne scilicet Fortunæ & Casibus simus obnoxij; quasi verò, non multò fuerit felicius, in rectis & generosis Intentionibus & Finibus, qui publicum Bonum amplectantur, successu destitui, & frustrari, quam in omnibus, quæ ad priuatam tantum Fortunam nostram referuntur, Voti perpetuò compotes fieri. Sicut Consalutis, Neapolim digito Militibus indicans, generosâ voce testatus est, *Multò sibi optatius fore, vnum Pedem promouendo, ad Interitum certum ruere; quam vnius Pedis recessu, Vitam in multos Annos producere.* Cui etiâ concinit Cœlestis Dux & Imperator, qui pronunciauit *Conscientiam bonam iuge esse Conuiuium*; Quibus verbis aperte significat, Mentem bonarum Intentionum sibi consciam, vtcunque successu careat, verius

rius & purius, & Naturæ magis consentaneum præbere gaudium, quam vniuersum illum Apparatum, quo intrui possit Homo, vel vt Desiderijs suis fruatur, vel vt Animo conquiescat.

Redarguit itidem *Philosophiæ Abusum* illum, circa Epicteti tempora grassari coeptum: Nempe quod Philosophia versa fuerit in genus quoddam Vitæ Professorium, & tanquam in Artem; Quasi scilicet Institutum Philosophiæ esset, non vt Perturbationes compescerentur & extinguerentur; sed vt Causæ & Occasiones ipsarum euitarentur & summouerentur: Ideoque particularis quædam Vitæ Ratio, ad hoc obtinendum incunda esset: Introducendo sanè, tale genus Sanitatis in Animum, quale fuit Herodici in Corpore, cuius meminit Aristoteles; Illum scilicet nihil aliud per totam vitam egisse, quam vt Valetudinem curaret; & proinde ab infinitis rebus abstinere, Corporis interim vsu quasi mutatus: Vbi si Hominibus Officia Societatis consecrari Cordi sit, illa demùm Valetudo maximè est expetenda, quæ qualibet Mutationes, & Imperus quoscunque ferre & vincere queat: Eodem modo & Animus illè demùm verè & propriè sanus & validus censendus est, qui per plurimas, & maximas Tentationes & Perturbationes perturbare potest. Ita vt optimè Diogenes dixisse visus sit; qui eas vires Animi laudaret, quæ non ad cautè Abstinendum, sed ad fortiter Sustinendum valerent: Quæque Animi Imperum, etiàm in maximis præcipitijs cohibere possint; Quæque (id quod in Equis benè subactis laudatur) præstent, vt breuissimo spatio, & sistere se, & vertere possint.

Postremò, redarguit idem *Teneritudinem quandam, & Ineptitudinem ad Morigerandum*, in nonnullis ex Antiquissimis Philosophis, & maximè in Veneratione habitis, notatam; Qui nimis facile se à rebus Ciuilibus subduxerint, vt Indignitatibus & perturbationibus se exue-

rent;

rent, atque magis, sua Opinione, illibati, & tanquam
Sacerdotum viuerent: Vbi consentaneum esset, Con-
stantiam Hominis vere Moralis, talem fore, qualem
idem Consilius in Homine Militari requirebat; Ni-
mirum vt Honor eius contexteretur tanquam e Tela
crassiore; minimeque tam tenui, vt quiduis illud velli-
care & lacerare possit.

CAPVT II.

*Partitio Boni Individualis, vel Suietatis, in
Bonum Actiuum, & Bonum Passiuum.*

*Partitio Boni Passiui, in Bonum Con-
seruatiuum, & Bonum perfectiuum. Par-*

*titio Boni Communis, in Officia Ge-
neralia; & Respectiua.*



Epetamus igitur iam, & persequamur pri-
mum, *Bonum Individuale, & Suietatis*. Il-
lud partiemur, in *Bonum Actiuum*; & *Bo-
num Passiuum*. Etenim hac quoque Diffe-
rentia Boni (non absimilis certe illis Appellationibus,
quæ Romanis in Oeconomicis erant familiares, *Promi*
scilicet, & *Condi*) in vniuersâ Rerum Naturâ impressa
reperitur: Præcipue autem se prodit, in duplici Rerum
Creatarum Appetitu; Altero se *Conseruandi* & *Muniendi*;
Altero se *Multiplicandi* & *Propagandi*: Atque hic po-
sterior, qui *Actiuus* est, & veluti *Promus*, potentior vide-
tur & dignior; Ille autem prior, qui *Passiuus* est, & ve-
luti *Conditus*, inferior censi potest. Etenim in Vniuer-
sitate Rerum, Natura Cœlestis præcipue *Agens* est; At
Natura Terrestris, *Patiens*. Etiam in Delectationibus

Animantium, maior Voluptas est Generandi, quam Pascendi. In Oraculis quoque Divinis pronuntiatur, *Beati esse Dare, quam Accipere.* Quin & in Vita Communi, nemo invenitur Ingenio tam molli & effeminato, quin pluris faciat, aliquid, quod ei in Votis erat, perficere, & ad Exitum perducere, quam Sensualitatem aliquam aut Delectamentum. Atque ista quidem *Boni Activi* Præminencia, in immensum exaltatur ex Intuitu Conditionis Humanæ, quod sit & Mortalis, & Fortunæ Ictibus exposita. Nam si in Voluptatibus Hominum, posset obtineri Perpetuitas atque Certitudo, magnum Pretium eis accederet, propter Securitatem & Moram. Quandoquidem autem videmus huc rem recidere; *Magni estimamus moritardius; & Ne gloriari de Crastino; Nescis partem Diei;* mirum minimè est, si omni contentione feramur ad ea, quæ Temporis Inurias non reformident. Ea verò nulla esse possunt, præter opera nostræ; sicut dicitur, *Opera eorum sequuntur eos.* Est & altera Præminencia *Boni Activi* haud exigua, indita & sustentata ex eo affectu, qui Humanæ Naturæ, ut Comes Individuus, lateri adheret; Amor scilicet Novitatis, aut Varietatis. Ille verò in Sensuum Voluptatibus (quæ *Boni Passivi* Pars sunt vel maxima) angustus admodum est, nec Latitudinem habet aliquam insignem: *Cogita quamdiu eadem feceris; Cibus, Somnus, Ludus; per hunc Circulum curritur; Mori velle, non tantum Fortis, aut Miser, aut Prudens, sed etiam Fastidiosus potest.* At in Actis vitæ nostræ, & Institutis, & Ambitionibus, insignis est Varietas; Eaque multâ cum Voluptate percipitur, dum Inchoamus, Progredimur, Interquiescimus, regredimur ut Vires augeamus, Appropinquamus, denique Obtinemus, & huiusmodi; Ut verè admodum dictum sit *Vita sine proposito, Languida & Vaga est.* Quod simul & Prudentibus & Stultissimis competit, ut ait Salomon; *Pro Desiderio querit Cerebrosus,*

Cerebrosus, omnibus immiscet se. Quinetiam videmus Reges potentissimos, ad cuius nutum, quæcunque sensibus grata sunt, parari possent, nihilominus procurasse sibi interdum Desideria Humilia & inania (quemadmodum Cythara fuit Neroni, *Gladiatoria Commodò, Antonino Aurigatio, & alia alijs*) Quæ tamen ipsis fuerint, omni affluentia Voluptatum Sensualium potiora. Tantò Voluptatem maiorem affert, ut Aliquid Agamus, quam ut Fruamur.

Illud interim paulò attentius notandum est, *Bonum Actiuum, Individuale, à Bono Communionis*, prorsus differre, quanquam nonnunquam Ambo coincidunt. Quamvis enim *Bonum istud Individuale, Actiuum*, sæpè Opera Beneficentiæ, (quæ ex *Virtutibus Communionis* est) pariat & producat; illud tamen interest, quod illa Opera ab Hominibus plurimis fiant, non Animo alios Iuandi, aut Beandi, sed planè propter se, atque potentiam & Amplitudinem propriam. Id quod optimè cernitur, quando *Bonum Actiuum* in aliquid impingit, quod sit *Bono Communionis* contrarium. Siquidem Gigantea illa Animi Condicio, quâ abripiuntur magni isti Orbis Terrarum Perturbatores (qualis fuit L. Sylla, & plurimi alij, (licet in Modulo longè minore) qui videntur ad hoc anhelare, ut omnes felices & ærumnosi sint, prout sibi fuerint Amici, vel Inimici; atque ut Mundus tanquam ipsorum præferat Imaginem; quæ vera est *Theomachia*) hæc inquam ipsa aspirat ad *Bonum Actiuum, Individuale, saltè Apparens*; etsi à *Bono Communionis*, omnium maximè recedat.

At *Bonum Passiuum* partiemur, in *Bonum Conseruatiuum*; & *Bonum Perfectiuum*. Etenim inditus est unicuique Rei triplex Appetitus, quatenus ad *Bonum Suietatis, siue Individui*. Primus, ut se Conseruet; Secundus, ut se Perficiat; Tertius, ut se Multiplicet siue Diffundat. Atque hic postremus Appetitus, ad *Bonum Actiuum* refer-

tur, de quo iam modò diximus. Superfunt igitur reliqua tantum duo, quæ diximus, *Bona*; Ex quibus præcellit *Perfectiuium*. Minus enim quiddam est, Conseruare Rem in suo Statu; Maius verò, eandem ad Naturam Sublimiorem euehere. Reperiuntur siquidem per Res vniuersas, Naturæ aliquæ Nobiliores, ad quarum Dignitatem & Excellentiam, Naturæ Inferiores aspirant; veluti ad Origines & Fontes suos. Sic de Hominibus, non malè cecinit ille;

Ignis est ollis Vigor, & cælestis Origo.

Homini enim, Assumptio, aut Approximatio ad Diuinam, aut Angelicam Naturam, est Formæ suæ Perfectio. Cuius quidem *Boni Perfectiui*, praua & præposterâ Imitatio, Pests est ipsa Vitæ Humanæ, & Turbo quidam rapidus, qui omnia abripit, & subuertit. Nimirum, dum Homines, Exaltationis vice Formalis atque Essentialis, cæcâ Ambitione aduolent, ad Exaltationem tantummodò Localem. Quemadmodum enim Ægri, Remedium Mali sui non inuenientes, de Loco in Locum, Corpus agitant & voluunt; quasi ex Mutatione Loci, à seipsis abscedere, & Internum Malum effugere possint: Eodem modo euenit in Ambitione, vt Homines, Simulachro quodam falso, Naturæ suæ Exaltandæ, abrepti, nihil aliud adipiscantur, quam Loci quandam Celsitudinem & Fastigium.

Bonum verò *Conseruatiuum*, nihil aliud est, quàm Receptio & Fruitio Rerum Naturæ nostræ congruentium. Hoc verò *Bonum*, licet maximè sit Simplex, & Natiuum, tamen ex *Bonis* videtur Mollissimum atque Infimū. Quin & hoc ipsum *Bonum* recipit Differentiam nonnullā; circa quam partim vacillauit Iudicium Hominū, partim omissa est Inquisitio *Boni* siquidē *Fruitionis*, siue, quod vulgò dicitur, *Iucundæ* Dignitas, & Cōmendatio, aut in *Sinceritate Fruitionis* sita est; aut in eiusdem *Vigore*: Quorum alterum inducit & præstat *Æqualitas*; alterum

autem

autem *Varietas & Vicissitudo* : Alterum minorem habet Mixturam Mali; Alterum Impressionem magis fortem, & Viuidam Boni. Cæterum, Horum Vtrum Melius, *Ambigitur*; Dein, Num Natura Humana vtrunque simul apud se retinere possit, *Non Inquiritur*.

Atque quantum ad id, de quo *Ambigitur*, Ventilari cœpit illa Controuersia, inter Socratem & Sophistam quendam. Ac Socrates quidem assererat, *Felicitatem sitam esse, in Animi Pace constante, & Tranquillitate*; Sophista verò in hoc, *Vt quis multum Appetat, & multum Fruatur*. Quin & ab Argumentis delapsi sunt ad Conuitia; Dicente Sophistâ, *Felicitatem Socratis, Stipitis, vel Lapidis esse Felicitatem*; è contrâ Socrate, *Sophistæ Felicitatem, Felicitatem esse Scabiosi, qui perpetuò pruriret & Scalperet*. Neque tamen defunt vtrique Sententiæ sua Firmamenta. Nam *Socrati* assentitur vel *Epicuri Schola* ipsa, quæ Virtutis, ad Felicitatem, Partes esse maximas, non diffiteatur. Quod si ita sit, certo certius est, Virtutis maiorem esse Vsum, in Perturbationibus sedandis, quàm in Rebus cupitis adipiscendis. *Sophistæ* autem nonnihil suffragari videntur *Affertio* illa, cuius à nobis Mentio modò facta est, quod videlicet, *Bonum perfectiuum, Bono Conseruatiuo sit superius*; Quippe quia Cupitarum Rerum Adeptiones Naturam videantur sensim perficere: Quod licet verè non faciant, tamen & Motus ipse in Circulo, Speciem nonnullam præ se fert *Motus Progressiui*.

At Secunda *Questio* (Num, scilicet, *Natura Humana, non possit & Animi Tranquillitatem, & Fruendi vigorem, simul retinere*) ritè diffinita, priorem illam reddit otiosam & superuacaneam. Annon enim videmus haud raro, Animos nonnullorum, ita factos & compositos, vt Voluptatibus afficiantur vel maximè cum adsint, & tamen earum iacturam non grauiter ferant? Ita vt Series illa Philosophica; *Non uti, ut non appetas, Non appetere,*

petere, ut non metuas; videatur esse Pusilli cuiusdam Animi, & Diffidentis. Sanè, *Doctrina* pleræque Philosophorum, videntur esse paulò timidiore, & cauere Homini- bus, plusquam Natura Rerum postulat. Veluti, cum Mortis Formidinem Medendo augent. Etenim, cum nihil aliud ferè, Vitam Humanam faciant, quam Mor- tis quandam Præparationem & Disciplinam, quomodò fieri possit, ut ille Hostis mirum in modum non videatur terribilis, contra quem Muniendi nullus sit Finis? Melius Poeta, (ut inter Ethnicos;)

*Qui finem Vitæ extremum, inter munera ponat
Naturæ. —*

Similitèr & in omnibus annisi sunt Philosophi, Ani- mum Humanum reddere nimis Vniformem & Harmo- nicum: Eum Motibus contrarijs & Extremis minimè assuefaciendo. Cuius Causam arbitror fuisse, quod ipsi Vitæ se priuatæ dedicârunt, à Negotijs, & aliorum Obse- quijs, immuni & liberæ. Quin potius imitentur Homi- nes Prudentiam Gemmariorum; qui, si fortè in Gemmâ inueniatur Nubecula aliqua, aut Glaciocula, quæ ita pos- set eximi, ut Magnitudini Lapidis non nimium detraha- tur, eam tollunt; Alitèr verò intactam eam relinquunt: Pari ratione, Serenitati Animorum ita consulendum est, ut non destruatur Magnanimitas. Atque de Bono Indi- uiduali, hætenus.

Postquàm igitur de Bono Suietatis (quod etiàm *Par- ticulare, Priuatum, Indiuiduale*, appellare solemus) iam dixerimus; repetamus Bonum *Communione*, quod *Socie- tatem* intuetur. Istud nomine *Officij* vocari consuevit: Siquidem Vocabulum *Officij* magis propriè attribuitur Animo benè disposito erga alios: Vocabulum *Virtutis* Animo intra se rectè formato & composito. Verùm ista Pars, primo intuitu, *Scientiæ Ciuili* deberi videtur: Atta- men, si diligentius attendas, non ita: Siquidem tractat Regimen & Imperium Vniuscuiusque in Seipsum, neu- tiquàm

tiquàm verò in Alios. Atque sicut in Architecturâ, alia res est, Postes, Trabes, & ceteras Aedificij Partes formare, & ad Aedificandi vsum præparare; alia autem easdem ad inuicem aptare & compaginare: Sicut etiâ in Mechanicis, Instrumentum aut Machinam fabricare & conficere, non idem est, quod Fabricatum erigere, mouere, & in opere ponere: Sic *Doctrina de Coniugatione ipsâ Hominum in Ciuitate*, siue *Societate*, differt ab eâ, quæ eos reddit ad huiusmodi *Societatis* Commoda, conformes, & benè affectos.

Ista Pars de Officijs, etiâ in duas Portiones tribuitur; quarum Altera tractat de *Officio Hominis in Comuni*; Altera de *Officijs Specialibus & Respectiuis*, pro singulorum Professione, Vocatione, Statu, Personâ, & Gradu. Harum primam satis excultam, diligenterque à veteribus & alijs explicatam, iam antea retulimus: Alteram quoque, sparsim quidem tractatam, licet non in Corpus aliquod integrum Scientiæ digestam reperimus. Neque tamen hoc ipsum, quod sparsim tractetur, reprehendimus; quinimò de hoc Argumento, per Partes scribi longè consultius existimamus. Quis enim tantâ fuerit, vel perspicaciâ, vel confidentiâ, vt de *Officijs Peculiaribus & Relatiuis*, singulorum Ordinum & Conditionum, peritè, & ad viuum disceptare, & diffinire possit, aut sustineat? Tractatus autem, qui Experientiam non sapiunt, sed ex Notitiâ Rerum generali, & Scholasticâ, tantummodò deprompti sunt, de Rebus huiusmodi, inanes plerunque euadunt & inutiles. Quamuis enim aliquandò contingat, Spectatorem ea animaduertere, quæ Lulorem fugiant; Atque iactetur Prouerbiû quoddam magis audaculum, quam sanum, de Censurâ Vulgi circa Actiones Principum, *Stantem in Valle optimè perlustrare Montem*; Optandum tamen imprimis esset, vt non nisi expertissimus & versatissimus quisque, se huiusmodi Argumentis immisceret. Homi-

num enim Speculatorum, in Materijs Actiuis, Lucubrations, ijs, qui in agendo fuerint exercitati, nihilò meliores videntur, quam Dissertationes Phormionis de Bellis æstimatae sunt ab Hannibale, qui eas habuit pro Somnijs & Delirijs. Vnum duntaxat Vitium illos occupat, qui de Rebus, ad suum Munus, aut Artem, pertinentibus, Libros conscribunt; quod scilicet in illis ipsis *Spartis* suis ornandis, atque attollendis, modum tenere nesciant.

In hoc genere Librorum, præculum foret, non meminisse (Honoris causa) excellentissimi illius Operis, à Maiestate tuâ eluebrati, *De Officio Regis*. Scriptum enim hoc plurimos intra se cumulauit ac recondidit *Thesau-ros*, tam conspicuos, quam occultos, *Theologiae, Ethicæ, & Politicæ*; insigni cum aspersione aliarum Artium: Estque, meo iudicio, inter Scripta, quæ mihi perlegere con-tingerit, præcipuè sanum, & solidum. Non illud villo loco, aut Inventionis Feruore aestuat, aut Indigentia Frigore torpet aut dormitat: Non vertigine aliquandò corripitur, vnde in Ordine suo seruando confundatur aut excidat: Non Digressionibus distrahitur, vt illa, quæ nihil ad Rhombum sunt, expatiatione aliquâ flexuosâ complectatur: Non Odoramentorum aut Pigmento- rum fucis adulteratur, qualibus illi vtuntur, qui Lecto- rum potius Delectationi, quam Argumenti Naturæ in-feruiunt: Ante omnia verò, Spiritu valet istud Opus, non minus quam Corpore; vt pote, quod & cum Ve-ritate optimè consentiat, & ad Vsum sit accommodatissimum. Quinetiam Vitio illo, de quo paulò antè dixi-mus (quod si in alio quopiam, in Rege certè, & Scripto de Maiestate Regiâ, tolerandum fuerit) omninò caret; Nempe, quod Culmen & Fastigiū Regium, non immo-dicè, aut ituidiosè extollat. Siquidem Maiestas tua, Re-gem non depinxit aliquem, *Assyriæ* aut *Persæ*, gloriâ, & externo fastu nitentem, & coruscantem; sed verè Mo-
sem,

sem, aut *Dauidem*, Pastores scilicet Populi sui. Neque verò mihi vnquam Memoriâ excidet, Dictum quoddam verè Regium, quod in Lite grauissimâ terminandâ, Maiestas tua, pro sacro illo, quo præditus es, Spiritu, ad Populos regendos pronunciauit; Nimirum, *Reges iuxta Leges Regnorum suorum gubernacula tractare, quemadmodum & Deus iuxta Leges Naturæ: & æq̃ raro prerogatiuam illam suam, quæ Leges transcendit, ab illis Vsurpandam, ac à Deo videmus usurpari potestatem Miracula patrandi.* Nihilò tamen secius, ex Libro illo altero, à Maiestate tuâ conscripto, de *Liberâ Monarchiâ*, satis omnibus innotescit, non minùs Maiestati tuæ cognitam esse, & perspectam Plenitudinem Potestatis Regiæ, atque *Vltimitates* (vt Scholastici loquuntur) Iurium Regalium, quam Officij, & Muneris Regij Limites & Cancellos. Non dubitavi igitur in medium adducere, Librum illum, à Maiestatis tuæ Calamo exaratū, tanquàm Exemplum primarium & maximè illustre, *Tractatum de peculiaribus & respectiuis officijs.* Quo de Libro, quæ à me iam dicta sunt, dixissem profectò, si ante Annos mille à Rege quopiam conscriptus fuisset. Neque verò me mouet, Decorum illud, quod vulgò præscribitur, ne quis coràm laudetur: modò Laudes illæ, nec modum excedant, nec intempestiuè, aut nullâ datâ occasione, tribuantur. Cicero certè, in luculentissimâ illâ Oratione suâ, pro M. Marcello, nihil aliud agit, quam vt exhibeat Tabulam quandam, singulari Artificio depictam, de Laudibus Cæsaris, licet coràm ipso Oratio illa haberetur. Quod & Plinius Secundus fecit erga Traianum. Itaque iam ad Propositum reuertamur.

Pertinet porrò ad hanc *Partem de Officijs Respectiuis Vocationum, & Professionum singularum, Doctrina* alia, tanquam priori Relatiua, siue Opposita; nimirum de *Fraudibus, Cautelis, Imposturis, & Vitijs* ipsarum: Siquidem Deprauationes & Vitia, Officijs & Virtutibus, opponun-

tur. Neque omninò de his, in plurimis Scriptis & Tractatibus, filetur; sed sæpè ad illa notanda, saltèm obiter excurritur. At quo tandem modo? Per Satyram scilicet, & Cynicè, (more Luciani) potiùs quam Ieriò, & grauitèr. Etenim, plus operæ impenditur, vt pleraque in Artibus, etiàm vtilia & sana, maligno dente vellicentur, & ad Ludibrium Hominibus exponantur; quam vt quæ, in iisdem corrupta sunt & vitiosa, secernantur à Salubribus & incorruptis. At optimè Salomon; *Querenti Derisori Scientiam, ipsa se abscondit, sed studioso fit obuiam.* Quicumque enim ad Scientiam accedat, animo Irridendi & Aspernandi, inueniet proculdubiò quæ cauilletur plurima, ex quibus verò doctior fiat, perpauca. Verùm, Tractatio huius, de quo loquimur, Argumenti, grauis & prudens, atque cum integritate quâdam, & sinceritate coniuncta, inter munitissima Virtutis ac Probitatis Propugnacula, videtur numeranda. Nam sicut fabulosè perhibetur de *Basilisco*, si primus quempiam conspexerit, illicò Hominem perimit; si quis illum prior, Basiliscus perit: pari ratione, Fraudes, Imposturæ, & malæ Artes, si quis eas prior detexerit, nocendi Facultate priuantur; quod si illæ præuenerint, tum verò, non aliàs, periculum creant. Est itaque quod gratias agamus *Macciauello*, & huiusmodi Scriptoribus, qui apertè & indissimulantèr proferunt, quid Homines facere soleant, non quid debeant. Fieri enim nullo modo potest, vt coniungatur *Serpentina* illa *Prudentia* cum *Innocentiâ Columbina*, nisi quis Malipius Naturam penitus pernoscat. Absque hoc enim, decrunt Virtuti sua Præsidia & Munimenta. Imò, neque vllò modo possit Vir bonus & probus, malos & improbos corrigere & emendare, nisi ipse priùs omnia Malitiæ Latibula & Profunda explorauerit. Etenim, qui iudicio planè corrupto sunt, & deprauato, hoc habent, vt præsupponant, Honestatem in Homi-

nibus,

nibus, ab Inscitiâ, & Simplicitate quâdam Morum oriri : atque ab eo tantum, quod fides habeatur Concionatoribus, & Pædagogis; item Libris, Præceptis Moralibus, & ijs, qui vulgò prædicantur & decantantur, Sermionibus. Adeò vt, nisi planè perspiciant, Opiniones suas prauas, ac corrupta & detorta Principia, non minùs illis, qui hortantur & admonent, quam sibi ipsis, esse explorata, & cognita; Probitatem omnem Morum & Consiliorum aspernentur: Iuxta Oraculum illud Salomonis mirabile; *Non recipit Stultus Verba Prudentiæ, nisi ea dixeris, quæ versantur in Corde eius.* Hanc autem Partem, de *Cautelis*, & *Vitijs Respectiuis*, inter *Desiderata* numeramus; eamque nomine *Satyre Serie*, siue *Tractatus de Interioribus Rerum*, appellabimus.

Etiàm ad *Doctrinam De Officijs respectiuis*, pertinent *Officia Mutua*, inter Maritum & Vxorem, Parentes & Liberos, Dominum & Seruum: Similiter Leges Amicitie, & Gratitude: Nec-non Ciuiles Obligationes Fraternitatum, Collegiorum; etiàm Vicinitatis; ac Similium: Verùm intelligatur hoc semper, illa istic tractari, non quatenus sunt Partes *Societatis Ciuilis*, (Id enim ad *Politicam* refertur,) sed quatenus Animi singulorum, ad illa *Societatis Vincula* tuenda, instrui & prædisponi debeant.

At *Doctrina de Bono Communionis* (quemadmodum & illa de *Indiuiduali*) *Bonum* tractat, non tantum simpliciter, sed & comparatè: Quò spectat Officia perpendere, inter Hominem & Hominem; inter Casum & Casum; inter Priuata & Publica; inter Tempus præsens & futurum. Sicut videre est, in Animaduersione illâ seuerâ, & atroci L. Bruti, contra Filios suos, illam à plerisque in Cælum laudibus efferri; At alius quispiam dixit;

Infelix, utcunque ferent ea Fata Minores.

Idipsum licet intueri, in Cœnâ illâ, ad quam inuitati

sunt M. Brutus, C. Cassius, & alij. Illic enim, cum ad Animos explorandos, circa Conspirationem in Caput Cæsaris intentatam, Quæstio astute mota esset, (*Num licitum foret Tyrannum occidere?*) Ibant Conuiux in Opiniones diuersas; Dum Alij dicerent, planè licere, *Quod Scruius ultimum esset Malorum*: Alij minimè, *Quod Tyrannis minus exitialis esset, quam Bellum Ciuile*. Tertium autem Genus, veluti ex Scholâ Epicuri asserebat, *Indignum esse Prudentes periclitari pro Stultis*. Verùm plurimi sunt Casus de Officijs Comparatis; inter quos frequentèr ille interuenit; *Vtrum, à Iusticiâ deflectendum sit, propter salutem Patriæ, aut huiusmodi aliquod insigne Bonum in futuro?* Circa quam Iason Thessalus dicere solebat; *Aliqua sunt iniuste facienda, ut Multa iuste fieri possint*: Verùm Replicatio in promptu est; *Authorem presentis Iusticiæ habes; Sponsorem futura non habes*. Sequantur Homines, quæ in præsentia bona & iusta sunt; futura Diuinæ Prouidentia remittentes. Atque circa Doctrinam de Exemplari, siue de Bono, hæc dicta sunt.

CAPVT

CAPVT III.

Partitio Doctrinæ de Culturâ Animi; in Doctrinam de Characteribus Animorum; De Affectibus; & De Remedijs siue Curationibus. Appendix Doctrinæ eiusdem, de Congruitate inter Bonum Animi, & Bonum Corporis.



Vnc igitur, postquàm de *Fructu Vitæ*, (Sensu intelligimus Philosophico) verba fecerimus; superest, vt de *Culturâ Animi*, quæ ei debetur, dicamus: Sine quâ, Pars prior, nihil aliud videtur, quàm Imago quædam, aut Statua, pulchra quidem Aspectu, sed Motu & Vitâ destituta. Qui Sententiæ Aristoteles ipse disertis Verbis suffragatur; *Necesse est igitur de Virtute dicere, & quid sit, & ex quibus gignatur. Inutile enim ferè fuerit, Virtutem quidem nosse, acquirende autem eius modos & vias ignorare. Non enim de virtute tantum, quâ specie sit, querendum est, sed & quomodo sui copiam faciat; vtrunque enim volumus, & rem ipsam nosse, & eius compotes fieri. Hoc autè ex voto non succedet, nisi sciamus, & ex quibus, & quomodo. Verbis adeò expressis, atque etiam iteratò, hanc Partem inculcat; quam tamè ipse non persequitur. Hoc similiter illud est, quod Cicero Catoni Iuniori, veluti Laudem non vulgarem, attribuit; quod scilicet, Philosophiâ amplexus esset, *Non disputandi causâ, vt magna pars, sed ita viuendi. Quamuis autem, pro temporum, in quibus viuimus, socordiâ, paucis curæ sit, vt Animum sedulò colant, & componant, & Vitæ Rationem, ad Normam aliquam instituant* (secundum illud Senecæ, *De parti-**

bis

bui Vita quisque deliberat; de Summâ nemo; Adeò vt hæc Pars censeri possit superuacua) illud tamen minimè nos mouet, vt eam intactam relinquamus, quin potius cum illo Hippocratis Aphorismo concludimus; *Qui gravi Morbo correpti, dolores non sentiunt, ijs Mens agrotat.* Medicinâ illis Hominibus opus est, non solum ad curandum Morbum, sed ad Sensum expergefaciendum. Quod si quis obijciat, Animorum Curationem, Theologiæ Sacræ Munus esse, verissimum est quod asserit; Attamen *Philosophiam Moralem* in Famulitium Theologiæ recipi, instar Ancillæ Prudentis, & Pedissequæ fidelis, quæ ad omnes eius nutus præstò sit, & ministret, quid prohibeat? Etenim quemadmodum in Psalmo habetur, quod *Oculi Ancillæ perpetuò ad manus Domine respiciunt;* cum tamen minimè dubium sit, quin haud pauca Ancillæ Iudicio & Curæ relinquuntur; Eodem modo & *Ethica* obsequium *Theologiæ* obininò præstare debet, ejusque Præceptis morigera esse; ita tamen vt & ipsa, intra suos limites, haud pauca sana & vtilia Documenta, continere possit.

Hanc igitur Partem, (quando Præstantiam ejus in Animo recoło) in *Corpus Doctrinæ* nondum redactam, non possum non vehementer mirari. Eam igitur, ex more nostro, cum inter *Desiderata* collocemus, aliquâ ex parte adumbrabimus.

Ante omnia igitur in hac re (sicut & in vniuersis, quæ spectant ad Practicam) ratio nobis est subducenda, quid in nostra sit Potestate, quid non. In altero enim datur Alteratio, in altero verò Applicatio tantum. Agricola nullum est Imperium, aut in Naturam Soli, aut in Aeris Temperies; Indem nec Medico, aut in Crassi- & Constitutionem Naturalem Aegri, aut in Accidentium Varietatem. At in *Cultura Animæ*, & Morbis ejus persanandis, tria in Considerationem veniunt; Characteres diuersi Dispositionum; Affectus; & Remedia. Quem-
admodum

admodum & in Corporibus medicandis proponuntur illa tria; *Complexio*, siue *Constitutio Ægri*; *Morbus*; & *Curatio*. Ex illis autem tribus, postremum tantum in nostrâ potestate situm est; priora duo non item. Verum & in illis ipsis, quæ in Potestate nostrâ non sunt, non minus diligens facienda est Inquisitio, quam in illis, quæ potestati nostræ subiiciuntur. Etenim illorum perspicax, & accurata Cognitio, substernenda est *Doctrina de Remedijs*, vt eadem commodius & felicius applicentur. Neque enim Vestis Corpori aptari possit, nisi Mensura Corporis antè excipiatur.

Primus igitur Articulus, *Doctrina de Culturâ Animi*, versabitur circa *diuersos Characteres Ingeniorum* siue *Dispositionum*. Neque tamen loquimur de vulgatis illis Propensionibus in Virtutes & Vitia; aut etiâ in Perturbationes, & Affectus: sed de magis Intrinsecis, & Radicalibus. Sanè subiit Animum, etiâ in hâc Parte, nonnunquam Admiratio, quod à *Scriptoribus*, tam *Ethicis*, quam *Politicis*, vt plurimum neglecta, aut prætermissa sit; cum vtrique Scientiæ, clarissimum Luminis Iubar affundere possit. In *Traditionibus Astrologiæ*, non infcitè omninò distincta sunt Ingenia, & Dispositiones Hominum, ex Prædominantij Planetarum; quod Alij à Naturâ facti sint *ad Contemplationes*; Alij *ad Res Civiles*; Alij *ad Militiam*; Alij *ad Ambitum*; Alij *ad Amores*; Alij *ad Artes*; Alij *ad Genus Vitæ varium*. Itè apud *Poetas* (*Heroicos*, *Satyricos*, *Tragicos*, *Comicos*) sparguntur vbique Simulachra Ingeniorum, licet ferè cum excessu, & præter modum Veritatis. Quin & hoc ipsum Argumentum, de *Diuersis Characteribus Ingeniorum*, est ex ijs rebus, in quibus Sermones Hominum Communes (quod valdè rarò, interdum tamen contingit) Libris ipsis sunt prudentiores. At longè optima huius Tractatûs Supellex & Sylua, peti debet ab *Historicis* prudentioribus; Neque tamen ab
Elogijs

Elogijs tantum, quæ sub Obitu Personæ alicuius illustris, subnectere solent; sed multò magis ex Corpore integro *Historiæ*, quoties huiusmodi Persona, veluti Scenam conscendat. Illa enim intertextæ Imago, potior videtur Descriptio, quam Elogij Censura: Qualis habetur apud T. Liuium, *Africani*, & *Catonis Maioris*; Apud Tacitum, *Tiberij*, *Claudij*, & *Neronis*; Apud Herodianum, *Septimij Severi*; Apud Philippum Comineum, *Lodouici undecimi Gallorum Regis*; Apud Franciscum Guicciardinum, *Ferdinandi Hispani*, *Maximiliani Cæsaris*, & *Leonis*, & *Clementis*, Pontificum. Isti enim Scriptores, harum Personarum, quas sibi depingendas deligerunt, Effigies, quasi perpetuò intuentes, nunquam ferè Rerum Gestarum ab ipsis Mentionem faciunt, quin & aliquid insuper de Naturâ ipsorum inspergant. Etiam nonnullæ, in quas incidimus, *Relationes de Conclauibus Pontificum*, Characteres de Moribus Cardinalium bonos exhibuerunt: sicut & Literæ Legatorum, de Consiliarijs Principum. Fiat itaque ex eâ, quam diximus, Materiâ, (quæ certè fertilis est & copiosa) Tractatus diligens, & plenus. Neque verò volumus, ut Characteres isti in Ethicis (ut fit apud Historicos, & Poetas, & in Sermonibus Communibus,) excipiantur, tanquàm Imagines Ciuiles integræ; sed potius ut Imaginum ipsarum Lineæ, & Ductus magis simplices; quæ inter se compositæ & commixtæ quascunque Effigies constituunt; Quot & quales eæ sint, & quomodò inter se connexæ, & subordinatæ; ut fiat tanquam artificiosa & accurata Ingeniorum & Animorum Dissectio; atque ut Dispositionum, in Hominibus Indiuiduis, Secreta prodantur, atque ex eorum Notitiâ, Curationum Animi Præcepta rectius instituantur.

Neque verò Characteres Ingeniorum, ex Naturâ impressi, recipi tantum in hunc Tractatum debent; sed & illi, qui aliàs Animo imponuntur, ex Sexu, Ætate, Patriâ, Valitudine,

letudine, Formâ, & similibus : Atque insuper illi, qui ex Fortunâ; veluti Principum, Nobilium, Ignobilium, Diuitum, Pauperum, Magistratum, Idiotarum, Felicium, Ærummosorum, & huiusmodi. Videmus enim Plautum, Miraculi loco habere, quod Senex quis sit Beneficus; Benignitas huius, ut Adolescentuli est. D. autem Paulus, Seueritatem Disciplinæ erga Creteneses præcipiens (*Increpa eos dure*) Ingenium Gentis ex Poetâ accusat, *Creteneses semper Mendaces, malæ Bestiæ, Ventres pigri*. Salustius, id in Regum Ingenijs notat, quod apud eos frequens sit, Contradictoria appetere; plerumq; Regiæ voluntates, ut vehementes sunt, sic mobiles, sepeq; ipsæ sibi aduersæ. Tacitus obseruat Honores & Dignitates Ingenia Hominū in deterius sæpius flectere, quam in melius; *Solus Vespasianus mutatus est in melius*. Pindarus illud animaduertit, Fortunam subitam & indulgentē, Animos plerumque enervare, & soluere; *Sunt, qui magnā felicitatem conquirere non possunt*. Psalmus innuit, facilius esse Modum adhibere & Temperamentum, in Fortunæ Statu, quam in Incremento; *Diuitiæ si affluant, nolite Cor apponere*. De similibus quibusdam Observationibus, ab Aristotele in *Rhetoricis*, Mentionem obiter factam, non inficior; Nec non in aliorum Scriptis nonnullis sparsim; Verum nunquam adhuc incorporatæ fuerunt in *Moralem Philosophiam*; Ad quam principaliter pertinent; Non minùs certè quam ad *Agriculturam*, Tractatus de Diuersitate Soli & Glebæ; Aut ad *Medicinam*, Tractatus de Complexionib⁹ aut Habitibus Corporum diuersis. Id autem nunc tandem fieri oportet, nisi fortè imitari velimus Temeritatem Empiricorum, qui iisdem vtuntur Medicamentis, ad Aegrotos omnes, cuiuscunque sint Constitutionis.

Sequitur *Doctrinam de Characteribus, Doctrinam de Affectibus, & perturbationibus*; qui loco Morborum Animi sunt, ut iam dictum est. Quemadmodum enim Politici prisce, de Democratijs dicere solebant; Quod

Populus esset Mari ipsi similis, Oratores autem Ventis; Quia sicut Mare per se placidum foret & tranquillum, nisi à Ventis agitataetur & turbaretur; sic & Populus esset Naturâ suâ pacatus & tractabilis, nisi à seditiosis Oratoribus impelleretur, & incitaretur: Similiter verè affirmari possit, Naturam Mentis Humane, sedatam fore, & sibi constantem; si Affectus tanquàm Venti, non tumultuarentur, ac omnia miscerent. Et hîc rursus subiit noua Admiratio, Aristotelem, qui tot Libros de Ethicis conscripsit, Affectus, vt membrum Ethicæ Principale, in illis non tractasse; In Rhetoricis autem, vbi tractandi interueniunt secundariò (quatenus scilicet Oratione cieri aut commoueri possint) locum illis reperisse: (In quo tamen loco, de ijs, quantum tam paucis fieri potuit, acutè & benè disseruit:) Nam Disceptationes eius de Voluptate & Dolor, huic Tractatui nullo modo satisfaciunt: Non magis, quam qui de Luce & Lumine tantum scriberet, de Particularium Colorum Naturâ scripsisse diceretur: Siquidem Voluptas & Dolor erga Affectus particulares ita se habent, vt Lux erga Colores. Meliorem certè in hoc Argumento (quatenus ex his quæ nunc extant conijcere liceat) diligentiam adhibuerunt Stoici; attamen talem, quæ potius in Diffinitionum Subtilitate, quam in Tractatu aliquo pleno, & fuso, consisteret. Equidem reperio etiàm Libellos quosdam elegantes, de nonnullis ex Affectibus, veluti de Irâ, de inutili verecundiâ, & alijs perpaucis. Sed si verum omninò dicendum sit, Doctores huius Scientiæ præcipui sunt Poetæ, & Historici; In quibus ad viuum depingi & disseccari solet, Quomodò Affectus excitandi sunt & accendendi? Quomodò leniendi & sopiendi? Quomodò rursus continendi ac refrænandi, ne in Actus erumpant? Quomodò itidem se, licet compressi & occultati, prodant? Quas Operationes edant? Quas Vices subeant? Qualitèr sibi mutuò implicentur? Qualitèr inter se digladiantur & oppo-

opponantur? & innumera huius generis. Inter quæ hoc vltimum plurimi est vsûs, in *Moralibus & Ciuilibus*; *Qualitèr* (inquam) *Affectus Affectum in ordinem cogat*; & *alterius auxilio, ad alterum subiugandum, vti liceat?* Venatorum & Aucupum more, qui Bestiæ operâ ad Bestias, Volucris alicuius ad Volucres capiendas, vtuntur: Quod fortassè alitèr ex sese, absque Brutorum Auxilio, Homo tam facilè præstare non possit. Quin & hoc Fundamento nititur, excellens ille, & per omnia patens, vsus in *Ciuilibus*, *Premij & Pœnæ*; quæ *Rerumpub.* Columnen sunt; cùm *Affectus* illi prædominantes, *Formidinis & Spei*, alios omnes *Affectus* noxios coerceant & supprimant. Etiàm, sicut in Regimine Statûs, non rarò fit, vt *Factio Factione* in *Officio* contineatur; similiter fit & in Regimine *Mentis interno*.

Peruenimus nunc ad illa, quæ in nostrâ sunt potestate; quæque operantur in Animum; Voluntatemque & Appetitum afficiunt, & circumagunt; ideoque ad immutandos *Mores* plurimum valent. Quâ in Parte debuerant Philosophi strenuè & gnauitèr inquirere, *De Viribus & Energiâ Consuetudinis, Exercitationis, Habitûs, Educationis, Imitationis, Emulationis, Conuictûs, Amicitie, Laudis, Reprehensionis, Exhortationis, Fame, Legum, Librorum, Studiorum*, & si quæ sunt alia. Hæc enim sunt illa, quæ regnant in *Moralibus*; Ab istis Agentibus Animus patitur & disponitur; Ab istis, veluti Ingredientibus, conficiuntur *Pharmaca*, quæ ad conseruandam, & recuperandam *Animi Sanitatem* conducant; quatenus Remedijs Humanis, id præstari possit. Ex quorum Numero vnum aut alterum seligemus, in quibus paululum immoremur, vt reliquis sint *Exemplo*. *De Consuetudine* igitur, & *Habitu*, pauca delibabimus.

Opinio illa Aristotelis, planè mihi videtur, Angustias quasdam Contemplationis, & Negligentiam sapere: cùm asserit, in illas Actiones, quæ Naturales sunt, Con-

suetudinem nihil posse : Exemplo *vlus* ; Quod si *Lapis* *millies* *proijciatur in altum*, ne *Inclinationem* quidem *sponte* *ascendendi* *acquirat* : Quinetiam, quod *Sapius* *videndo*, aut *Audiendo*, *nihilò melius* aut *videmus*, aut *audimus*. Quamuis enim hoc teneat in aliquibus, vbi *Natura* est *peremptoria* (cuius *Rei* *Causas* *reddere* in *præsentia* non vacat) aliter tamen in illis fit, in quibus *Natura*, secundum *Latitudinem* quandam, patitur *Intentionem* & *Remissionem*. Sanè videre potuit, *Chirothecam* paulò *arctiorem*, *manui* *sapius* *inducendo*, *laxiorem* *reddi* ; *Baculum* *vlus* & *morâ* in *Contrarium* *Flexûs* *sui* *Naturalis* *incuruari*, & in eodem *Statu* paulò post *durare* ; *Vocem* *exercitando*, *magis* *fieri* *robustam* & *sonoram* ; *Frigora*, *Æstûmque* *consuetudine* *tolerari* ; & eiusdem generis complura. Quæ quidem posteriora duo Exempla propius accedunt ad rem, quam quæ ab ipso adducta sunt. Attamen, vtrunque hoc se habeat, quò magis verum fuerit, *Tam virtutes, quam vitia, in Habitu consistere* ; eò magis ei contendendum fuerat, vt *Normas* *præscriberet*, quomodò huiusmodi *Habitus* fuerint *acquirendi*, aut *amouendi*. Plurima siquidem confici possint *Præcepta*, de *prudenti* *Institutione* *Exercitationum* *Animi*, non minùs quam *Corporis*. Illorum pauca recensebimus.

Primum erit, vt iam à *Principio* caueamus, à *Pensis*, *vel magis arduis*, *vel magis pusillis*, quam res postulat : Nam si *Oneris* *nimium* *imponatur*, apud *Ingenium* *mediocre*, *benè* *Sperandi* *Alacritatem* *obtundes* ; apud *Ingenium* *fiduciæ* *plenum*, *Opinionem* *concitabis*, quâ plus sibi polliceatur, quam præstare possit ; Quod secum trahit *Socordiam*. In vtroque autem *Ingenij* *Temperamento*, fiet vt *Experimentum* *Expectationi* non satisfaciat : Id quod *Animum* *semper* *deijcit*, & *confundit*. Quod si *pensa* *leuiora* fuerint, magna inducitur, in *progressionis* *Summâ*, *lactura*.

Secundum

Secundum erit, vt ad exercendam Facultatem aliquam, quò *Habitus* comparetur, duo inprimis Tempora obseruentur: Alterum, quandò *Animus* optimè fuerit ad Rem dispositus; Alterum, quandò pessimè: Vt ex priore, plurimùm in viâ promoueamus, ex posteriore, Nodos Obicesque *Animi* contentione strenuâ deteramus: vnde Tempora Media facilè & placidè labentur.

Tertium erit illud Præceptum, cuius *Aristoteles* obiter meminit; *Vt totis viribus* (citra tamen Vitium) nitamur in contrarium illius, ad quod *Natura* maximè impellimur; Sicut cùm in aduersum *Gurgitis* remigamus; Aut *Baculum* incuruum, vt rectum fiat, in contrarium flectimus.

Quartum Præceptum ex illo Axiomate pendet, quod verissimum est; *Animum* ad quæcunque felicius trahi & suauius, si illud, quò tendimus, in *Intentione* operantis, non sit principale, sed tanquàm Aliud Agendo superetur; quoniam ita fert *Natura*, vt *Necessitatem* & *Imperium* durum fermè oderit. Sunt & alia multa, quæ vtiliter præcipi possint, de *Regimine Consuetudinis*: *Consuetudo* enim, si prudenter & peritè inducatur, fit reuerà (vt vulgò dicitur) *Altera Natura*: Quod si imperitè, & fortuito administratur, erit tantùm *Simia Natura*; quæ nihil ad viuum imitetur, sed inscitè tantùm, & deformatè.

Similiter, si de *Libris* & *Studijs*, eorumque ad *Mores* *Virtute* & *Influentiâ*, verba facere vellemus, num-nam desunt plurima Præcepta, & *Consilia* fructuosa, eò spectantia? Annon vnus ex *Patribus*, magnâ cum *Indignatione*, *Poësim* appellauit *Vinum Dæmonum*; cùm reuerà progignat, plurimas *Tentationes*, *Cupiditates*, & *Opiniones* vanas? Annon prudens admodum, & digna, quæ benè perpendatur, est *Sententia Aristotelis*, *Iuuenes non esse idoneos Moralis philosophiæ Auditores*; quia in illis *Perturbationum* *Æstuat*io nondum sedata est, nec

Tempore

Tempore & Rerum Experienciâ confopita? Atque ut verum dicamus, Annon ideò fit, ut Scriptorum priscorum præstantissimi Libri, & Sermones (quibus ad Virtutem Homines efficacissimè inuitati sunt; tam *Augustam* eius *Maiestatem* omnium Oculis, repræsentando; quam Opiniones populares, in Virtutis Ignominiam, tanquàm *Habitu Parasitorum* indutas, derisui propinando) tam parum profint, ad Vitæ Honestatem, & Mores prauos corrigendos, quia perlegi & reuolui non consueuerunt, à Viris Ætate & Iudicio maturis, sed pueris tantum & Tyronibus relinquuntur? Annon & hoc verum est, Iuuenes multò minùs *Politica*, quam *Ethica*, Auditores idoneos esse, antequàm *Religione*, & *Doctrinâ de Moribus & Officijs*, planè imbuantur; ne fortè Iudicio deprauati & corrupti, in eam Opinionem veniant, non esse Rerum Differentias Morales veras & solidas; sed Omnia ex Utilitate, aut Successu metienda? Sicut Poeta canit;

Prosperum & felix Scelus Virtus Vocatur.

Et rursus,

Ille Crucem pretium Sceleris tulit, hic Diadema.

Ac Poetæ quidem hæc Satyricè, & per Indignationē loqui videntur: At *Libri* nonnulli *politici*, idem seriò & positiuè supponunt. Sic enim Macciauello dicere placet, *Quod si contigisset Cæsarem Bello superatum fuisse, Catilinâ ipso fuisset odiosior*: Quasi verò nihil interfuisset, præter fortunam solam, inter Furiam quandam, ex Libidine & Sanguine conflatam; atque Animum excelsum, & inter Homines Naturales, maximè omnium (si Ambitio abfuisset) suspiciendum. Videmus etiàm, ex hoc ipso, quam necessarium sit, Homines, *Doctrinas pias & Ethicas*, antequàm *Politicas* degustent, plenis faucibus haurire: Nimirum, quod qui in Aulis Principum, & Negotijs Ciuilibus, à teneris (ut aiunt) Vnguiculis innutriti sunt, nunquàm ferè sinceram & internam Mo-

rum Probitatem assequantur; quantò minùs si accesserit etiàm Librorum Disciplina? Porro, & in Documentis ipsis Moralibus, vel saltem aliquibus eorum, annon Cautio pariter est adhibenda, ne inde fiant Homines pertinaces, arrogantes, & insociabiles, iuxta illud Ciceronis de M. Catone; *Hæc Bona, quæ videmus, diuina & egregia, ipsius scitote esse Propria; quæ nonnunquam requirimus, Ea sunt omnia, non à Naturâ, sed à Magistris.* Sunt & Axiomata alia complura, de ijs, quæ à Studijs & Libris, Hominum Animis ingenerantur. Verum est enim quod dicit ille, *Abeunt Studia in Mores.* Quod pariter affirmandum, de cæteris illis Rebus, *Conuictu, Famâ, Legibus patrijs,* & reliquis, quas paulò antè recensuimus.

Cæterùm *Animi* quædam est *Cultura*, quæ adhuc magis accurata, & elaborata videtur, quam reliquæ. Niti-
tur autem hoc Fundamento; *Quod omnium Mortalium Animi, certis temporibus, reperiuntur in statu perfectiore; alijs, in statu magis deprauato.* Huius igitur *Culturæ* Intentio fuerit & Institutum, vt *Bona illa tempora* foueantur; *Præua* verò, tanquàm ex Kalendario deleantur, & expungantur. Ac *bonorum* quidem *Temporum Fixatio* duobus modis procuratur; *Votis*, aut saltem *Constantissimis Animi Decretis*; & *Observantijs*, atque *Exercitationibus*: quæ non tantum in se valent, quantum in hoc, quod Animum in Officio, & Obedientiâ iugiter contineant. *Malorum Temporum Obliteratio*, duplici itidem ratione perfici potest; *Redemptione aliquâ*, vel *Expiatione præteritorum*; & *Nouo Vitæ Instituto*, veluti de *Integro*. Verùm hæc Pars, ad Religionem planè spectare videtur; Nec mirum, cum *Moralis Philosophia* vera & genuina (sicut antè dictum est) *Ancillæ* tantum vices erga Theologiam suppleat.

Quamobrem, concludemus hanc Partem de *Culturâ Animi*, cum eo *Remedio*, quod omnium est maximè
Compen-

Compendiosum, & Summarium; & rursus maximè Nobile & Efficax, quo Animus ad Virtutem efformetur, & in Statu collocetur Perfectioni proximo. Hoc autem est, *Vt Fines Vitæ Actionumque deligamus, & nobis ipsis proponamus, rectos, & Virtuti congruos; qui tamen tales sint, ut eos assequendi nobis aliquatenus suppetat Facultas.* Si enim hæc duo supponantur; ut & *Fines Actionum sint honesti, & boni; & Decretum Animi de ijs assequendis, & obtinendis, fixum sit & Constans;* sequetur, ut continuo vertat & efformet se Animus, unâ operâ, in Virtutes omnes. Atque hæc certè, illa est Operatio, quæ *Naturæ ipsius Opus* referat; cum reliquæ, quæ diximus, videantur esse solummodò sicut *Opera Manûs.* Quemadmodum enim *Statuarius*, quando Simulachrum aliquod sculpit aut incidit, illius solummodò Partis Figuram effingit, circa quam Manus occupata est, non autem cæterarum: (veluti si Faciem efformet, Corpus reliquum rude permanet & informe Saxum, donec ad illud quoque peruenit;) Econtrà verò *Natura*, quando Florem molitur, aut Animal, Rudimenta Partium omnium simul parit, & producit: Eodem modò, quando Virtutes Habitu acquiruntur, dum Temperantiæ incumbimus, ad Fortitudinem, aut reliquas parùm proficimus: quando autem *Rectis & honestis Finibus*, nos dedicauerimus penitus, & deuouerimus, quæcunque fuerit virtus, quam Animo nostro commendauerint, & imperauerint Fines illi, reperiemus nos iam dudum imbutos, & prædispositos Habilitate & propensione nonnullâ, ad eam assequendam & exprimendam. Atque hic possit esse Status ille Animi, qui egregiè ab Aristotele describitur; & ab eo, non *Virtutis*, sed *Diuinitatis* cuiusdam Characterè insignitur. Ipsa eius Verba hæc sunt; *Immanitati autem consentaneum est, opponere eam, quæ supra Humanitatem est, Heroicam siue Diuinam Virtutem.* Et paulò post, *Nam ut Fe-*
ra,

ra, neque Vitium, neque Virtus est, sic neque Dei. Sed hic quidem Status, altius quiddam Virtute est; ille aliud quiddam à vitio. Plinius certè Secundus, ex Licentiâ Magniloquentiæ Ethnicæ, Traiani Virtutem, Diuinæ, non tanquàm Imitamentum, sed tanquàm Exemplar, proponit, cùm ait; Opus non esse Hominibus, alias ad Deos preces fundere, quam ut benignos æq̃ & propitios se Dominos Mortalibus præstarent, ac Traianus præstitisset. Verùm hæc profanam Ethnicorum Iactantiam sapiunt, qui Vmbra quædam Corpore maiores prensabant. At Religio vera, & Sancta Fides Christiana, rem ipsam petit; Imprimendo Animis Hominum Charitatem, quæ appositissimè Vinculum perfectionis appellatur, quia Virtutes omnes simul colligat, & reuincit. Sanè elegantissimè dictum est à Menandro, de Amore Sensuali, qui Diuinum illum perperam imitatur; Amor, melior Sophistâ Leuo, ad Humanam Vitam. Quibus innuit, Morum Decus meliùs ab Amore efformari, quam à Sophistâ & præceptore inepto, quem Leuum appellat. Siquidem vniuersis suis operosis Regulis & Præceptionibus, Hominem tam dextrè & expeditè effingere nequeat, ut seipsum & in pretio habeat, & se bellè in omnibus componat, quam Amor facit. Sic proculdubio, si Animus cuiuspiam, feruore Charitatis veræ, incendatur, ad maiorem Perfectionem euehetur, quam per Vniuersam Ethicam Doctrinam; Quæ Sophistæ profectò habet Rationem, si cum alterâ illâ conferatur. Quinetiàm, sicut Xenophon rectè obseruauit, Ceteros Affectus, licet Animum attollant, eum tamen distorquere & decomponere, per Ecstases & Excessus suos; Amorem verò solum, eum simul & dilatare, & componere: Sic omnes aliæ Humanæ, quas admiramur, Dotes, dum Naturam in maius exaltant, Excessui interim sunt obnoxie; Sola autem Charitas non admittit Excessum. Angeli, dum ad Potentiam, Diuinæ parem, aspirarent, præuari-

cati sunt & ceciderunt: *Ascendam & ero similis Altissimi.* Homo dum ad Scientiam, Diuinæ parem, aspiraret, prauaricatus est, & lapsus: *Eritis sicut Dii, scientes Bonum & Malum.* Verum ad Similitudinem, Diuinæ Bonitatis, aut Charitatis, aspirando, nec Angelus, nec Homo, unquam in Periculum venit, aut veniet. Imò ad hanc ipsam *Imitationem* etiam inuitamur; *Diligite Inimicos vestros, benefacite his, qui oderunt vos, & orate pro persequentibus, & calumniantibus vos, ut sitis Filij patris vestri, qui in cælis est, qui solem suum oriri facit super Bonos & Malos, & pluit super Iustos & Iniustos.* Quin & in ipso Archetypo Naturæ Diuinæ, verba sic collocat Religio Ethnica (*Optimus, Maximus;*) Scriptura autem Sacra pronunciat; *Misericordia eius super omnia Opera eius.*

Hanc itaque *Moralis Doctrinæ* Partem, de *Georgicis Animi*, iam absoluimus. In quâ, si ex intuitu Portionum eius, quas perstrinximus, quis existimet, Operam nostram in hoc tantummodò sitam esse, ut ea in *Artem* seu *Doctrinam* redigeremus, quæ ab alijs Scriptoribus prætermissa sint, tanquam vulgata & obuia, & per se satis clara & perspicua; suo Iudicio liberè vtatur. Interim illud meminerit, quod ab initio monuimus, propositum à Nobis esse, non Rerum Pulchritudinem, sed vsum & Veritatem sectari. Recordetur etiam paulisper Commentum illud Parabolæ antiquæ, de *Geminis Somni portis*.

Sunt geminæ Somni portæ, quarum altera fertur Cornea, quâ veris facilis datur Exitus umbris; Altera candenti perfecta nitens Elephanto Sed falsa ad Cælum mittunt Insomnia Manes. Insignis sanè Magnificentiæ Portæ Eburnæ; tamen Somnia vera per Corneam commeant.

Additamenti vice poni possit circa *Doctrinam Ethicam* Observatio illa; Inueniri nimirum Relationem

& Congruitatem quandam, inter *Bonum Animi*, & *Bonum Corporis*. Nam sicut *Bonum Corporis*, constare diximus, ex *Sanitate*, *Pulchritudine*, *Robore*, ac *Voluptate*; Sic *Animi Bonū*, si iuxta *Moralis Doctrinæ* scita illud contemplemur, hūc tendere perspiciemus; vt Animum reddat *Sanum*, & à Perturbationibus immunem; *Pulchrum*, verique Decoris Ornamentis excultum; *Fortem*, ac Agilem ad omnia Vitæ Munia obeunda; Denique non *Stupidum*, sed *Voluptatis* & Solatij Honesti Sensum viuide retinentem. Hæc autem, sicut in *Corpore*, ita & in *Animo*, rarò simul omnia coniunguntur. Facile enim videre est, Multos, Ingenij Viribus, & Fortitudine Animi, pollentes, quos infestant tamen Perturbationes; quorumque etiā Moribus vix aliquid Elegantiæ aut Venustatis aspergitur: Alios, quibus abundè est in Moribus Elegantiæ & Venustatis, illis tamen non suppetit, aut Probitas Animi vt velint, aut Vires vt possint rectè agere: Alios, Animo præditos honesto, atque à Vitiorum labe repurgato, qui tamen nec sibi ipsis Ornamento sunt, nec Reipub. vtilis: Alios, qui istorum fortassè trium compotes sunt, sed tamen Stoicā quādam tristitiā, & stupiditate præditi, Virtutis quidem Actiones exercent, Gaudijs non perfruuntur. Quod si contingat, ex quatuor istis, duo aut tria aliquandò concurrere, rarissimè tamen fit, quemadmodum diximus, vt omnia. Iam verò Principale istud Membrum *Philosophiæ Humanæ*, quæ *Hominem* contemplatur, quatenus ex *Corpore* consistit atque *Animā*, sed tamen *Segregatum*, & citra *Societatem*, à nobis pertractatum est.



FRANCISCI
BARONIS

DE
VERVLAMIO.

VICE-COMITIS

SANCTI ALBANI,

DE
Dignitate & Augmentis Scientiarum

LIBER OCTAVVS.

AD REGEM SVVM.

CAPVT I.

*Partitio Doctrinæ Ciuilis, in Doctrinam
de Conuersatione; Doctrinam de Ne-
gotijs; & Doctrinam de Imperio, siue
Repub.*



Etus est Narratio (Rex Optime)
conuenisse complures Philosophos
solennitèr, coram Legato Regis
Exteri; atque singulos pro virili par-
te, Sapientiam suam ostentasse; vt
haberet Legatus, quæ referret, de mi-
rabili Sapientiâ Græcorū. Vnus tamen ex eorū Numero
filebat,

filebat, & nihil adducebat in medium; adeò vt Legatus ad eum conuersus diceret, Tu verò quid habes, quod referā? Cui ille, Refer (inquit) Regi tuo, te inuenisse apud Græcos aliquem, qui Tacere sciret. Equidem oblitus eram, in hac Artium Synopsi, Artem Tacendi interficere: Quam tamen (quoniā plerunque Defideretur) Exemplo iam proprio docebo. Etenim, cū me tandem Ordo Rerum ad illud deduxerit, vt paulò post de Arte Imperij tractandum sit; cūque ad tantum Regem scribam, qui perfectus adeò in eā Arte sit Magister, ipsamque ab Incunabulis suis hauserit; Nec omninò immemor esse possim, qualem apud Maiestatem tuam Locum sustinuerim; consentaneum magis existimaui, meipsum Tacendo de hac re, apud Maiestatem tuam, quam Scribendo, probare. Cicero verò, non solū Artis, verū etiam Eloquentiæ cuiusdam, quæ in Tacendo reperiatur, meminit. Cū enim, Sermones nonnullos suos, cum alio quodam, vlrò citròque habitos, in Epistolā quādam ad Atticum commemorasset, sic scribit; Hoc loco, sumpsi aliquid de tuā Eloquentiā, nam Tacui. Pindarus verò, (cui illud peculiare est, Animos Hominum, inopinatò, Sententiolā aliquā mirabili, veluti Virgulā Diuinā, percutere) huiusmodi quidpiam eiacular; Interdū magis afficiunt non Dicta, quam Dicta. In hac Parte igitur, Tacere, aut quod Silentio proximum est, Breuis admodū esse decreui. Verū, antequā ad Artes Imperij perueniam, haud pauca, de alijs Doctrinæ Ciuilis Portionibus sunt præmittenda.

Scientia Ciuilis, versatur circa Subiectum, quod cæterorum omnium, maximè est Materiæ immersum; ideoque difficillimè ad Axiomata reducitur. Sunt tamen nonnulla, quæ hanc Difficultatem leuant. Primò enim, quemadmodū Cato ille Censorius, de Romanis suis, dicere solitus est; Quibus eos similes esse, quarum Gregem integrum, minore quis molestiā ageret, quam vnā aliquam:

quam: quoniam si paucas ex grege, ut rectam ineant viam, propellere possis, cetera ultro sequentur: Similiter, hoc quidem respectu, Ethicæ Munus, est quodammodò illo politicæ, difficilius. Secundò, proponit sibi *Ethica*, ut *Animus Bonitate Internâ* imbuatur, & cumuletur; At *Ciuis Scientia*, nihil ampliùs postulat, præter Bonitatem Externam; Hæc enim ad *Societatem* sufficit. Itaque non rarò accidit, ut Regimen sit bonum, Tempora mala: Siquidem in Sacrà Historiâ, illud non semel occurrit (Cum de Regibus bonis & pijs narretur) *Sed adhuc Populus non direxerat Cor suum, ad Dominum Deum Patrum suorum.* Itaque, & hoc quoque Respectu, duriores Partes sunt *Ethicæ*. Tertiò, hoc habent Respub. ut tanquàm Machinæ grandiores, tardius moueantur, nec sine magno molimine; vnde haud tam citò labefactantur: Sicut enim in Ægypto, septem Anni Fertiles, Steriles septem sustentârunt; ita in Rebuspub. priorum Temporum bona Institutio, efficit, ut sequentium Errores non statim perniciem inferant: At singulorum Hominum Decreta, & Mores, magis subito subuerti solent. Hoc denique *Ethicam* grauat, *Politice* succurrit.

Scientia Ciuis, tres habet Partes, iuxta tres Societatis Actiones Summarias: *Doctrinam de Conuersatione*; *Doctrinam de Negotijs*; & *Doctrinam de Imperio* siue *Repub.* Tria siquidem sunt Bona, quæ ex *Societate Ciuis*, Homines sibi parare expetunt: *Solamen contra Solitudinem*; *Adiumentum in Negotijs*; & *protectio contra Inurias*. Suntque istæ tres *Prudentiæ*, planè inter se diuersæ, & sæpenumerò disiunctæ; *Prudentia in Conuersando*; *Prudentia in Negotiando*; & *Prudentia in Gubernando*.

Enimuerò, quod ad *Conuersationem* attinet, Illa certè affectata esse non debet, at multò minùs neglecta: Cum *Prudentia* in eius Moderamine, & Decus quoddam

dam Morum in se ipsâ præ se ferat; & ad Negotia, tam publica, quam priuata, commodè administranda, plurimum iuuat. Etenim sicut Actio Oratori, tanti habetur, (licet sit Externum quiddam) vt etiã illis alteris Partibus, quæ grauiores, & interiores videntur, antepo-
natur; eodem ferè modo, in Viro Ciuili, *Conuersatio*, eiusque Regimen (vtcunque in Exterioribus occupetur) si non summum, at certè Eximium locum inuenit. Quale enim pondus habet, *Vultus* ipse, eiusque Compositio? Rectè Poeta;

— *Nec Vultu destrue Verba tuo.*

Poterit enim quis *Vim* Orationis, *Vultu* labefactare, & planè prodere. Quin & *Facta*, non minùs quam *Verba*, *Vultu* paritèr destrui possint, si Ciceroni credamus; Qui, cum Fratri Affabilitatem commendaret erga Pro-
uinciales; non in hoc eam potissimùm sitam dixit, vt Aditus præberet ad se faciles, nisi etiã *Vultu* ipso comitèr accedentes exciperet; *Nil interest habere Ostium apertum, & Vultum clausum.* Videmus quoque Atticum, sub primum Ciceronis cum Cæsare Congressum, Bello adhuc feruente, diligentèr & seriò Ciceronè per Epistolam monuisse, de *Vultu* & *Gestu*, ad Dignitatem & Grauitatem componendis. Quod si tantum possit, *Oris* & *Vultus* solius Moderatio, quantò magis *Sermo Familiaris*, & alia, quæ ad *Conuersationem* pertinent? Atque sanè Summa, & Compendium Decoris, & Elegantiæ Morum, in hoc ferè sita sunt; vt quasi æquâ Lance, & propriam Dignitatem, & aliorum, metiamur & tueamur: Quod etiã, non malè expressit T. Liuius, (licet alij Rei intentus) eo Personæ Characterè; *Ne (inquit) aut arrogans videar, aut obnoxius; quorum alterum est, alienæ libertatis Obliti, alterum, suæ.* Ex contrariâ verò parte, si *Urbanitati*, & Elegantiæ Morum externæ, impensius studeamus, transeunt illæ in Affectationem quandam Deformem, & Adulterinam, *Quid enim deformius, quam*
Scenam

Scenam in Vitam transferre? Quinetiam, licet in Excessum illum vitiosum minimè prolabantur, Temporis tamen Nimum in huiusmodi Leuiculis absumitur; Animusque ad curam ipsarum, magis quàm oportet, deprimitur. Ideoque sicut in Academijs, Adolescentes Literarum Studiosi, at Sodalium Congressibus plus satis indulgentes, moneri solcant à præceptoribus: *Amicos esse Fures Temporis*: Sic certè assidua ista, in *Conuersationis* Decorum, Animi Intentio, magnum grauioribus Meditationibus Furtum facit. Deinde, qui Primas adeò in *Urbanitate* obtinent, & ad hanc rem vnam quasi nati videntur, hoc ferè habent, vt sibi ipsis in illà solà complacent, & ad Virtutes solidiores, & celsiores, vix vnquam aspirent: Quando econtrà, qui sibi in hac parte Defectus sunt conscij, Decus ex bonà Existimatione quarunt: Vbi enim adest bona Existimatio, omnia ferè decent; vbi verò illa deficit, tum demùm à Commoditate Morum, atque *Urbanitate*, subsidium petendum est. Porro, ad res gerendas, vix grauius, aut frequentius reperias Impedimentum, quam huiusce Decorì externi Curiosam nimis Observationem; atque illud alterum, quod huic ipsi inseruit; nimirum, anxiam Temporis atque Opportunitatum Electionem. Egregiè enim Salomon; *Qui respicit ad Ventos, non seminat; qui respicit ad Nubes, non metit*: Creanda siquidem nobis est Opportunitas, saepius quam opperienda. Vt Verbo dicamus, *Urbana* ista Morum *Compositio*, veluti Vestis Animi est; & proinde Vestis Commoditates referre debet. Primum enim, talis esse debet, vt sit in vsu communi: Rursus, vt non sit nimis delicata aut sumptuosa: Deinde, ita conficienda, vt si qua sit in Animo Virtus, eam exhibeat maximè conspicuam; si qua Deformitas, eandem suppleat, & occultet: Postremò, & super omnia, ne sit nimis arcta, atque ita Animum angustiet, vt eiusdem Motus in rebus gerendis, cohibeat &

Ddd

impediat.

impediat. Verum hæc Pars Scientie Ciuilis de Conuersatione, elegantè profectò à nonnullis tractata est, neque vllò modo tanquàm *Desiderata* reponi debet.

CAPUT II.

Partitio Doctrinæ de Negotijs; in Doctrinam de Occasionibus Sparfis; & Doctrinam de Ambitu Vitæ. Exemplum Doctrinæ, de Occasionibus Sparfis, ex Parabolis aliquibus Salomonis. Præcepta, de Ambitu Vitæ.

Doctrinam de Negotijs, partiemur in Doctrinam, de Occasionibus Sparfis, & Doctrinam de Ambitu Vitæ; Quarum Altera, vniuersam Negotiorum Varietatem complectitur, & Vitæ Communis tanquàm *Amanuensis* est; Altera, ea tantùm, quæ ad propriam cuiusque Fortunam amplificandam spectant, excerpit, & suggerit; quæ singulis, pro intimis quibusdam Rerum suarum Tabellis, aut Codicillis esse possint. Verùm antequàm ad Species descendamus, aliquid, circa Doctrinam de Negotijs in genere, præfabimur. Doctrinam de Negotijs, pro rei Momento, tractauit adhuc nemo; cum magnâ, tam Literarum, quam Literatorum, Existimationis iacturâ. Ab hac enim Radice pullulat illud Malum, quod notam Eruditis inussit; Nimirum, Eruditionem & Prudentiam ciuilem rarè admodum coniungi. Etenim si quis rectè aduertat, ex Prudentijs illis tribus, quas modò diximus ad Vitam Ciuilem spectare; Illa Conuersationis ab Eruditis ferè contemnitur, tanquàm Seruile quiddam, atque insupèr Meditationibus inimicum. Quod verò

ad illam de *Repub. Administrandâ*; sanè si quando *Re-*
rum Gubernaculis admoquantur Eruditi, Munus suum
 non incommode sustinent; Verùm ea promotio con-
 tingit paucis. De *Prudentiâ* autem *Negotiandi* (quâ de
 nunc loquimur) in quâ *Vita Humana* plurimum versa-
 tur, nulli omnino Libri conscripti habentur, præter pauca
 quædam *Monita Civilia*, in Fasciculum vnum aut alte-
 ram collecta, quæ *Amplitudini* huius Subiecti, nullo
 modo respondent. Etenim si Libri aliqui extarent, de
 hoc Argumento, sicut de cæteris, minimè dubitave-
 rim, quin *Viri Eruditi*, aliquo *Experientiæ Manipulo* in-
 stituti, *Ineruditos*, licet diutinâ *Experientiâ* edoctos, lon-
 gè superarent, & proprio illorum (quod dicitur) *Arcti vfi*,
 magis è longinquo ferirent.

Neque verò est cur vereamur, ne *Scientiæ* huius, tam
 varia sit *Materia*, ut sub *Præceptionibus* non cadat;
 Multò siquidè angustior est, quàm illa *Reip. Admi-*
nistrandæ Scientiæ, quàm tamen apprimè videmus ex-
 cultam. Huius generis *Prudentiæ*, apud Romanos, op-
 timis temporibus, extitisse videntur nonnulli *Professo-*
res. Testatur enim *Cicero*, moris fuisse, paulò ante sua
Secula, ut *Senatores*, *Prudentiâ*, & *Rerum vfu* maximè
 celebres (*Coruncanij*, *Curij*, *Lælij*, & alij;) statis Horis, in
 Foro deambulant; ubi *Ciuibus* copiam sui facerent,
 & consultarentur, non de *Iure*, sed de *Negotijs* omni-
 genis; Veluti de *Filiæ elocandâ*, siue de *Filiæ educando*,
 siue de *predio comendo*, de *Contractu*, *Accusatione*, *Defen-*
sione, aut alia quacunque re, quæ in *Vitâ Communi* in-
 terueniat. Ex quo liquet, *Prudentiam* quandam esse,
Consilium dandi, etiam in *Negotijs Privatis*; ex *Vniuer-*
sali Rerum Civilium Cognitione & *Experientiâ* pro-
 manantem, quæ exerceatur quidem in *Casibus Particu-*
laribus, extrahatur autem ex *generali Casuum Consi-*
milium Observatione. Sic enim videmus, in eo Libro,
 quem ad Fratrem conscripsit, Q. *Cicero*, de *Petitione*

Consularis (quem Vnicum à Veteribus habemus, quantum memini, Tractatum, de *Negotio aliquo Particulari*) quanquam ad Consilium dandum, de re tum presenti, potissimum spectaret, plurima tamen contineri Axiomata Politica, quæ non vltimum solum temporarium, sed Normam quandam perpetuam, circa Electiones populares præscribant. In hoc genere autem, nihil inuenitur, quod vltimo modo comparandum sit, cum *Aphorismis* illis, quos edidit Rex Salomon: De quo testatur Scriptura, *Cor illi fuisse instar Arenæ Maris*; Sicut enim Arenæ Maris vniuersas Orbis oras circundant; ita & Sapientia eius omnia Humana, non minus quam Diuina, complexa est. In *Aphorismis* verò illis, præter alia magis Theologica, reperies liquidò, haud pauca Præcepta, & Monita Ciuilia præstantissima; ex profundis quidem Sapientiæ Penetratibus scaturientia, atque in amplissimum Varietatis Campum excurrentia. Quoniam verò, *Doctrinam de Occasionibus Sparsis* (quæ, *Doctrinæ de Negotijs*, Portio est prior) inter *Desiderata* reponemus, ex more nostro, paulisper in illâ immorabimur: Atque Exemplum eiusdem, ex *Aphorismis* siue *Parabolis* illis Salomonis, desumptum proponemus. Neque verò quis, vt arbitramur, nos meritò sugillare possit, quod ex Scriptoris Sacræ Scripturæ aliquem, ad Sensum Politicum trahamus: Equidem existimo, si extarent Commentarij illi, Salomonis eiusdem, de *Naturâ Rerum*, (in quibus de *Omni vegetabili*, à *Musco super Murum*, ad *cedrum Libani*, itemque de *Animalibus* conscripsit) non illicitum esse, eos secundum Sensum Naturalem, interpretari: Quod idem nobis liceat in *Politicis*.

Exemplum

Exemplum Portionis Doctrinæ de Occasi-
onibus sparsis, ex Parabolis aliquibus
Salomonis.

PARABOLA.
I. Mollis Responsio frangit iram.

EXPLICATIO.

Si incendatur *Ira* Principis, vel Superioris aduersus te, & tuæ iam sint loquendi partes, duo præcipit Salomon: Alterum, ut fiat *Responsio*; Alterum, ut *eadem sit mollis*. Prius continet tria præcepta. Primò, ut *caueas à Silentio tristi & contumaci*: Illud enim, Aut culpam totam in te recipit, ac si nihil habeas, quòd respondere possis; Aut Dominum occultè Iniquitatis insinuat, ac si Aures eius, Defensionem, licet iustam, non paterent. Secundò, ut *caueas à re comperendinanda*, neque tempus aliud ad Defensionem postules: Hoc enim, Aut eandem Notam inurit, quam prius, (nimirum Dominum tuum nimis Mentis Perturbatione efferri,) Aut planè significat, te Artificiosam quandam Defensionem meditari, cum in promptu nihil habeas: Adcò ut optimum semper fuerit, aliquid in præsentia, & è re natà, in Excusationem tuam adducere. Tertio, ut fiat *prorsus Responsio*: *Responsio* (inquam) non mera *Confessio*, aut mera *Submissio*, sed aliquid *Apologiæ*, & Excusationis inspergatur: Neque enim aliter tutum est facere, nisi apud Ingenia valde Generosa & Magnanima, quæ rara admodum sunt. Sequitur posteriore loco, ut *Responsio sit mollis*, minimè præfracta, aut aspera.

PARABOLA.

2. Seruus prudens dominabitur in Filium stultum; Et partietur hereditatem inter Fratres.

EXPLICATIO.

In omni Familiâ, turbatâ & discordi, semper exurgit
 aliquis

aliquis *Servus*, aut *humilis Amicus*, præpotens, qui pro Arbitro se gerat, ad Lites Familiae componendas, cuique, eo nomine, & Familiae tota, & Dominus ipse, sunt obnoxij. Ille, si suam rem agat, Familiae Mala fouet, & aggrauat; sin fidelis reuera fuerit & integer, plurimum certè meretur: Adcò vt etiàm tanquàm inter *Fratres* haberi debeat, aut saltem *procuratorem Hereditatis* accipere *Fiduciarium*.

PARABOLA.
3. *Vir Sapiens, si cum stulto contenderit, siue irascatur, siue rideat, non inueniet requiem.*

EXPLICATIO.
Monemur sapiùs, vt *Congressum imparem fugiamus*; eo sensu, *Ne cum potioribus decertemus*. At haud minùs vtile est Monitum, quod hic exhibet Salomon, *Ne cum Indigno contendamus*. Iniqua enim prorsus sorte, hæc res transigitur. Siquidem, si superiores simus, nulla sequitur victoria; si superemur, magna Indignitas. Neque iuuat etiàm, in huiusmodi Contentione exercendâ, si interdùm veluti per *Iocum* agamus, interdùm cum *Fastu & Contemptu*. Nam quocunque nos vertamus, leuiiores inde efficiemur, neque commodè nos explicabimus. Pessimè autem fit, si huiusmodi persona, quâcum contendimus, (vt Salomon loquitur,) aliquid affine habeat cum *Stulto*, hoc est, si sit *Audaculus, & Temerarius*.

PARABOLA.
4. *Sed & cunctis Sermomibus, qui dicuntur, ne accommodes Aurē tuam, ne fortè audias seruum tuum maledicentem tibi.*

EXPLICATIO.
Vix credi possit, vitam quantum perturbet, *inutilis Curiositas*, circa illas res, quæ nostrâ interfunt: Nimirum, quandò secreta illa rimari satagimus, quæ detecta & inuenta, Aegritudinem quidem Animi inferant, ad Consilia autem expedienda nihil iuuent. Primò enim sequitur

quitur *Animi Vexatio* & *Inquietudo*, cùm Humana omnia, perfidiæ & Ingratitudinis plena sint. Adeò vt, si cõparari possit Speculum aliquod Magicum, in quo Odia, & quæcunque contra nos vllibi commouentur, intueri possemus, melius nobis fõret, si protinùs proijceretur & collideretur. Huiusmodi enim Res, veluti Foliorum Murmura sunt, & breui euanescent. Secundo *Curiositas illa Animum Suspicionibus nimis onerat*, quod consilijs inimicissimum est, eaque reddit inconstantia, & complicata. Tertiò eadem, *Mala ipsa sepius figit, alias præteruolatura*: Graue enim est Conscientias Hominum irritare; qui, si latere se putent, faciliè mutantur in melius; sin deprehenso se sentiant, Malum Malo pellunt. Meritò igitur Summæ Prudentiæ tribuebatur Pompeio Magno, quod Sertorij Chartas Vniuersas, nec à se perlectas, nec alijs permissas, Igni protinùs dedisset.

PARABOLA.

5 *Aduenit veluti Viator Pauperies; & Egestas quasi Vir Armatus.*

EXPLICATIO.

Elegantèr describitur in Parabolâ, quomodò *Prodigis*, & circa Rem Familiarem Incuriosis, superueniant *Naufragia Fortunarum*. A Principio enim pedetentim, & Passibus lentis, instar *Viatoris*, aduenit *Oberatio*, & *Sortis Diminutio*, neque ferè sentitur: At non multò post, inuadit *Egestas*, tanquàm *Vir Armatus*, Manu scilicet tam forti, & potente, vt ei amplius, resisti non possit; cùm apud Antiquos rectè dictum sit, *Necessitatem ex omnibus rebus esse fortissimam*. Itaque *Viatori* occurrendum, contra *Armatum* muniendum.

PARABOLA.

6 *Qui erudit Derisorem, ipse sibi Iniuriam facit; & qui arguit impium, sibi Maculam generat.*

EXPLICATIO.

Congruit cum Præcepto Saluatoris, *Vt non mittamus*
Mar-

Margaritas nostras ante Porcos: Distinguuntur autem in hac *Parabola*, *Actiones Præceptionis, & Reprehensionis*; Distinguuntur itidem *Personæ Derisorii, & Impii*; Distinguitur postremo, id quod *rependitur*. In priore enim, *rependitur Opera lusa*; in posteriore, etiam & *Macula*. Cum enim quis *crudit, & instituit Derisorem*; *Iactura* primum *sit Temporis*; Deinde & *Alij Conatum irrident*, tanquam rem vanam, & *Operam malè collocatam*; Postremo, *Derisor ipse, Scientiam, quam didicit, Fastidio habet*. At maiore cum periculo, transigitur *Res in Reprehensione Impii*; quia non solum *Impius non auscultat*, sed & *Cornua obuertit, & Reprehensorem, odiosum sibi iam factum, aut confestim conuictijs proscindit, aut saltem postea apud alios criminatur*.

PARABOLA.

7 *Filius Sapiens letificat patrem: Filius uero Stultus Mœsticia est Matri suæ.*

EXPLICATIO.

Distinguuntur *Solatia atque Aegritudines Oeconomicae, Patris videlicet & Matris, circa Liberos suos*. Etenim *Filius prudens & frugi, præcipuo Solatio est Patri, qui Virtutis Pretium melius nouit quam Mater*; ac propterea *Filij sui Indoli, ad virtutem propensæ, magis gratulatur*: Quinetiam *Gaudium illi fortasse affert Institutum suum, quod Filium tam probè educarit, illique Honestatem Morum, præceptis & Exemplo, impresserit*. Econtrà, *Mater Calamitati Filij plus compatitur & indolet*; tum ob *Affectum Maternum magis mollem, & tenerum*; tum fortasse *Indulgentiæ suæ conscia, quâ eum corruperit, & deprauauerit*.

PARABOLA.

8 *Memoria Iusti cum Laudibus; at Nomen Impiorum putrescet.*

EXPLICATIO.

Distinguitur inter *Famam Virorum Bonorum, & Malorum,*

rum, qualis esse soleat post *Obitum*. *Viris* enim *bonis*, extinctâ *Invidia* (quæ *Famam* eorum, dum *vixerant*, carpebat) *Nomen* continuò efflorescit, & *Laudes* magis indies inualescunt: At *Viris* *malis*, (licet *Fama* eorum, per *Gratiam* *Amicorum*, & *Factionis* suæ *Homini*um, ad breue *Tempus* manserit) paulò post *Fatidium* *Nominis* oboritur; & postremò *Laudes* illæ *Evanescentes*, in *Infamiam*, & veluti in *Odorem* *grauem* & *te-*
trum, desinunt.

PARABOLA.

9. Qui conturbat *Domum* suam, possidebit *Ventos*.

EXPLICATIO.

Vtile admodum *Monitum*, de *Discordijs*, & *Turbis* *Domesticis*. Plurimi enim, ex *Dissidijs* *Vxorum*, aut *Exheredationibus* *Filiorum*, aut *Mutationibus* frequentibus *Familie*, magna sibi spondent; ac si inde, vel *Animi* *Tranquillitas*, vel *Rerum* suarum *Administratio* felicior, sibi obuentura foret. Sed plerunque abeunt *Spes* suæ in *Ventos*. Etenim, tum *Mutationes* illæ, ut plurimum, non cedunt in melius; tum etiâ, *Perturbatores* isti *Familie* suæ, *Molestias* varias, & *Ingratitudinem* eorum, quos, alijs præteritis, adoptant & deligunt, sæpenumerò experiuntur; Quin & hoc pacto, *Rumores* sibi progignunt non optimos, & *Famas* ambiguas: Neque enim malè à *Cicerone* notatum est; *Omniem Famam à Domesticis manare*. Vtrunque autem *Malum*, per *Ventorum* possessionem eleganter à *Salomone* exprimitur: Nam & *Expectationis* *Frustratio*, & *Rumorum* *Suscitatio*, *Ventis* rectè comparantur.

PARABOLA.

10. Melior est *Finis* orationis, quàm principium.

EXPLICATIO.

Corrigit *Parabola* *Error*em frequentissimum, non solum apud eos, qui verbis præcipuè student, verum

Ecc
etiâ

etiã apud Prudentiores. Is est, quod Homines de *Sermonum* suorum *Aditu* atque *Ingressu*, magis sint solliciti, quam de *Exitu*; & accuratius *Exordia* & *præfationiculas* meditentur, quam *Extrema* *Orationum*. Debu-
erant autem, nec illa negligere, & ista, ut longè po-
tiora, præparata & digesta apud se habere; reuol-
uentes secum, & quantum fieri potest, Animo pro-
spicientes, quis tandem *Exitus* *Sermonis* sit futurus,
& quomodo *Negotia* inde promoueri, & maturari
possint. Neque hic *Finis*. Quinimò non *Epilogos* tan-
tùm, & *Sermonum*, qui ad ipsa *Negotia* spectant, E-
gressus, meditari oportet; verùm etiã & illorum
Sermonum *Cura* suscipienda, quos sub ipsum *Discessum*,
commodè & urbanè inijcere possint; licet à *Negotio*
prorsus alienos. Equidem cognoui *Consiliarios* duos,
Viros certè magnos, & prudentes, & quibus *Onus*
Rerum tunc præcipuè incumberebat; quibus illud fuit
perpetuum, & proprium, ut quoties cum *Principi-*
bus suis, de *Negotijs* ipsorum communicarent, *Col-*
loquia, in rebus ad ipsa *Negotia* spectantibus, nun-
quam terminarent; verùm semper, aut ad *Iocum*, aut
aliud aliquid, quod *Audire* erat volupe, *Diuerticula*
quererent: Atque ut *Adagio* dicitur, *Sermones* *marinos*
Aquâ *Fluviatili* sub extremum abluerent. Neque hoc illis
inter *Artes* postremum erat.

PARABOLA.

II. Sicut *Musce* mortuæ *foetere* faciunt *unguentum* op-
timum, sic *Hominem* pretiosum *Sapientiâ*, & *gloriâ*, parua
Stultitia.

EXPLICATIO.

Iniqua admodum, & misera est *Conditio*, *Hominum*
Virtute *Præcellentium* (ut optimè notat *Parabola*) quia
Erroribus eorum, quantumvis leuissimis, nullo modo
ignoscitur: Verùm, quemadmodum in *Gemmâ*, valdè
nitidâ, minimum quodque *Granulum*, aut *Nubecula*,
Oculos

Oculos ferit, & molestiâ quâdam afficit; quod tamen si in Gemmâ vitiosiore repertum fôret, vix notam subiret: Similitèr, in *Viris singulari virtute præditis*, minima quæque Vitia, statim in Oculos, & Sermones Hominum incurrunt, & Censurâ perstringuntur grauiore: quæ in *Hominibus mediocribus*, aut omninò laterent, aut Veniam facilè reperirent. Itaque Viro valdè prudenti, parua Stultitia; valdè probo, paruum peccatum; vrmano, & Moribus eleganti, paululùm Indecori; de Famâ & Existimatione multùm detrahit. Adeò vt, non pessimum foret *Viris Egregijs*, si nonnulla *Absurda* (quod citra vitium fieri possit) Actionibus suis immiscerent; vt Libertatem quandam sibi retineant, & paruorum Defectuum notas confundant.

PARABOLA.

12 *Homines Derisores Ciuitatem perdunt; Sapientes verò auertunt Calamitatem.*

EXPLICATIO.

Mirum videri possit, quod in descriptione Hominum, qui ad Respub. labefactandas & perdendas, veluti Naturâ comparati & facti sunt, delegerit Salomon Characterem; Non Hominis Superbi & Insolentis; Non Tyrannici & Crudelis; Non Temerarij & Violenti; Non Impij & Scelerati; Non Iniusti & Oppressoris; Non Seditiosi & Turbulenti; Non Libidinosi & Voluptarij; Non denique Insipientis & Inhabilis; Sed *Derisoris*. Verùm hoc, Sapientiâ eius Regis, qui Rerumpub. Conseruationes & Euerfiones optimè nôrat, dignissimum est. Neque enim similis ferè est Pestis Regnis & Rebuspub; quam si Consiliarij Regum, aut Senatores, quique Gubernaculis Rerum admouentur, sint ingenio *Derisores*. Huiusmodi enim Homines, Periculorum Magnitudinem, vt fortes videantur Senatores, semper extenuant; iisque, qui pericula prout par

est, ponderant, voluti Timidis insultant: Consultandi & Deliberandi maturas Moras, & meditatae Disceptationes, veluti Rem Oratoriam, & radij plenam, & ad Summas Rerum nihil facientem, subsannant: Famam, ad quam Principū Consilia praeipue sunt componenda, vt *Saluam Vulgi*, & Rem citò praeuolaturam, contemnunt: Legum vim & Auctoritatem, vt Retacula quaedam, quibus Res maiores minimè cohiberi debeant, nil morantur: Consilia & prae cautiones, in longum prospicientes, vt Somnia quaedam, & Apprehensiones Melancholicas, reijciunt: Viris reuerà prudentibus, & Rerum peritis, atque magni Animi & Consilij, Dictarijs & Facetijs illudunt: Denique Fundamenta omnia Regiminis Politici simul labefactant. Quod magis attendendum est, quia Cuniculis, & non Impetu aperto, hæc res agitur: Neque cœpit esse inter Homines (prout meretur) suspecta.

PARABOLA.

13. *Princeps, qui libenter prabet Aures verbis Mendacij, omnes Seruos habet improbos.*

EXPLICATIO.

Cum *Princeps* talis fuerit, vt Susurronibus, & Sycophantis, absque iudicio, faciles & credulas Aures praebeat, spirat omnino, tanquam à parte Regis, Aura pestilens, quæ omnes *Seruos* eius corrumpit, & inficit. Alij Metus *Principis* rimantur, eosque Narrationibus Fictitijs exaggerant: Alij Inuidiæ Furias concitant, præsertim in Optimos quosque: Alij Criminationibus Aliorum, proprias Sordes, & Conscientias malas, eluunt: Alij Amicorum suorum Honoribus & Desiderijs velificant, Competitores eorum calumniando, & mordendo: Alij Fabularum Argumenta, contra Inimicos suos, tanquam in Scenâ, componunt: & innumera huiusmodi. Atque hæc illi, qui ex *seruis Principis* Ingenio sunt magis improbo. At illi etiam, qui Naturâ Probiores

Probiore sunt, & melius Morati, postquam, in Innocentiâ suâ, parum Præsidiij esse senserint, (quoniam Princeps vera à falsis distinguere non nouit) Morum suorum Probitatem exuunt, & Ventos Aulicos captant, iisque seruilem in modum circumferuntur. Nihil enim (vt ait Tacitus de Claudio) tutum est apud Principem, cuius Animo omnia sunt tanquam indita & iussa. Atque benè Comineus; Præstat Seruum esse Principis, cuius suspicionum non est Finis, quam eius, cuius credulitatis non est Modus.

PARABOLA.

14. Iustus miseretur Animæ Iumentum sui; sed Misericordiæ Impiorum, crudeles.

EXPLICATIO.

Inditus est, ab ipsâ Naturâ, Homini, Misericordiæ Affectus nobilis, & excellens; qui etiam ad Animalia Bruta extenditur; quæ ex Ordinatione Diuinâ, eius Imperio subiiciuntur. Itaque habet ista Misericordia, Analogiam quandam, cum illâ Principis erga Subditos. Quinetiam illud certissimum est, quod quò dignior est Anima, eò pluribus compatiatur. Etenim Animæ angustæ & degeneres, huiusmodi Res, ad se nihil pertinere putant: At illa, quæ nobilior est Portio Vniuersi, ex communione afficitur. Quare videmus, sub Veteri Lege, haud pauca fuisse præcepta, non tam merè Ceremonialia, quam Misericordiæ Institutiva. Quale fuit illud, de non Comedendo Carnem cum sanguine eius; & similia. Etiam in Sectis Essæorum, & Pythagoræorum, ab Esu Animalium, omninò abstinebant. Quod etiam hodiè obtinet (superstitione inuiolatâ) apud Incolas nonnullos Imperij Mogollensis. Quin & Turcæ, (Gens licet, & Stirpe & Disciplinâ, crudelis, & Sanguinaria) Brutis tamen Eleemosynas largiri solent; neque Animalium Vexationes & Torturas fieri sustinent. Verum, ne fortè hæc quæ diximus, omnis generis Misericordiæ,

cordia, patrocinari videantur, salubritèr subiungit Salomon, Impiorum Misericordias esse crudeles. Eæ sunt, quando Hominibus Sceleratis & Facinorosis parcitur, Iusticiæ Gladio feriendis: Crudelior enim huiusmodi Misericordia, quàm Crudelitas ipsa. Nam Crudelitas exercetur in singulos, at Misericordia illa, vniuersum Facinorosorum Exercitum, concessâ Impunitate, in Homines Innocentes, armat & immittit.

PARABOLA.

15 Totum spiritum suum profert Stultus; at Sapiens reseruat aliquid in posterum.

EXPLICATIO.

Corrigit Parabola præcipuè (vt videtur) Non Hominum Vanorum Futilitatem, qui, Dicenda, Tacenda, faciliè proferunt; Non Parrhesiam illam, quâ absque discrimine & Iudicio, in omnes & omnia inuolant; Non Garrulitatem, quâ ad Nauseam vsque, alijs obstrepunt; sed Vitium aliud magis occultum; Nempe Sermonis Regimen, minimè omnium prudens, & Politicum: Hoc est, cùm quis ita Sermonem, (in Colloquijs priuatis) instituit, ut quæcunque in Animo habeat, quæ ad rem pertinere putet, simul, & tanquam vno Spiritu, & Oratione continuatâ, proferat: Hoc enim plurimùm Negotijs officit. Siquidem primò, *Oratio intercisa*, & per Partes infusa, longè magis penetrat, quàm Continuatâ; quoniam in Continuatâ, pondus Rerum, non distinctè & figillatim excipitur, nec per moram nonnullam infidet, sed Ratio Rationem, antequam penitus infederit, expellit. Secundò, Nemo tam potenti, & felici eloquentiâ valet, vt primo Sermonis Impetu, eum quem alloquitur, *mutum & elinguem planè reddat*; quin & alter aliquid vicissim respondebit, & fortassè obijciat: Tum verò accidit, vt quæ in Refutationem, aut Replicationem reseruanda fuissent, præmissa iam, & antèa delibata, Vires suas & Gratiam, amiserint. Tertiò,

si quis ea, quæ dicenda sunt, non simul effundat, sed per partes eloquatur, aliud primò, aliud subinde iniiciens; sentiet ex eius, quem alloquitur, vultu, & Responso, quomodò singula illum affecerint, quam in partem accepta fuerint; vt quæ adhuc restant dicenda, cautiùs aut supprimat, aut excerpatur.

PARABOLA.

16. *Si Spiritus potestatem habentis, ascenderit super te, locum tuum ne dimiseris; quia Curatio faciet cessare magna peccata.*

EXPLICATIO.

Præcipit *Parabola*, quomodò se quis gerere debeat, cum Iram, atque Indignationem *Principis* incurrerit. Præceptum duplex: Primò, *vt non dimittat Locum suum*; Secundò, *vt Curationi*, tanquam in Morbo aliquo graui, diligentèr & cautè, attendat. Consueuerunt enim Homines, postquam commotos contra se *Principes* suos senserint, partim ex Dedecoris Impatientiâ, partim ne vulnus obuersando refricent, partim vt tristitiam & Humilitatem eorum *Principes* sui perspiciant, se, a Muneribus & Functionibus suis, subducere: Quinetiâ interdum, ipsos Magistratus, & Dignitates quas gerunt, in *Principum* Manus restituere. At Salomon, hanc mendendi Viam, veluti noxiam, improbat; idque summâ profectò ratione. Primò enim, *Dedecus ipsum nimis illa publicat*; vnde tum Inimici, atque Inuidi, audaciores fiunt ad lædendum; tum Amici timidiore ad subueniendum. Secundò, hoc pacto fit, vt *Principis Ira*, quæ fortalsè, si non euulgaretur, sponte concideret, *magis figatur*; & veluti principio iam factò Hominis deturbandi, in præcipitium illius, feratur. Postremò, *Secesus iste, aliquid sapit ex maleuolo*, & Temporibus infenso; Id quod Malum Indignationis, Malo Suspicionis cumulat. Ad *Curationem* autem pertinent ista. Primò, caueat ante omnia, ne *stupiditate* quâdam, aut etiâ *Ani-*

mi Elatione, Indignationem Principis minimè sentire, aut inde, prout debeat, affici, videatur: Hoc est, ut & Vultum, non ad Tristitiam contumacem, sed ad Mœstiti-
am grauem atque modestam componat: & in rebus quibuscunque agendis, se minùs solito hilarem & læ-
tum, ostendat: Quin & in rem suam erit, Amici alicuius operâ, & Sermone, apud Principem, uti, qui, quanto Doloris sensu, in intimis excrucietur, tempestiuè insi-
nuct. Secundò, Occasionēs omnes, vel minimas, sedulò euitet, per quas aut Res ipsa, quæ Indignationi Caus-
sam præbuit, refrigetur; aut Princeps denuò excandes-
cendi, & ipsum, quacunque de causâ, coram alijs, ob-
iurgandi, Ansam arripiat. Tertiò, perquirat etiã dili-
gentèr Occasionēs omnes, in quibus Opera eius principi grata esse possit; ut & Voluntatem promptam redimendi Culpam præteritam ostendat; & Princeps suus sentiat, quali tandem seruo, si eum dimittat, priuari se contige-
rit. Quartò, Culpam ipsam, Aut sagaciter in alios transfe-
rat; Aut Animo illam non malo commissam esse insinuet;
Aut etiã Malitiam illorum, qui ipsum Regi detulerunt, vel rem supra Modum aggrauârunt, indicet. Denique in omnibus euigilet, & Curationi sit intentus.

PARABOLA.

17. Primus in Causâ suâ Iustus: tum venit altera pars, & inquit in eum.

EXPLICATIO.

Prima in vnaquaque Causâ Informatio, si paulisper Ani-
mo Iudicis infederit, altas Radices agit, eumque imbuit,
& occupat; Adcò ut agrè elui possit, nisi aut manifesta aliqua Falsitas, in Materiâ Informationis; aut Artifici-
um aliquod, in eâdem exhibendâ, deprehendatur. Ete-
nim nuda & simplex Defensio, licet iusta sit & præpon-
derans, vix Præiudicium Informationis Primæ, compen-
sate, aut Libram Iustitiæ semel propendentem, ad Æ-
quilibrium reducere, per se valet. Itaque & Iudici tu-
tissimum,

tissimum, ut nihil, quod ad Merita causa spectat, praelibetur, priusquam utraque Pars simul audiantur; & Defensori optimum, si Iudicem senserit preoccupatum, in hoc potissimum, (quantum dat Causa) incumbere, ut Veritatem aliquam, & Dolum malum, ab adversa parte, in Iudicis abusum, adhibitum, detegat. M. requirit

PARABOLA. *Qui delicate à pueritia nutriti Seruum suum, postea sentiet eum contumacem.*

EXPLICATIO.

Servandus est, Principibus & Dominis, ex Consilio Salomonis, in Gratiâ & Favore suo, erga Servos, Modus. Is triplex est; Primò, ut Promoveantur per Gradus, non per Saltus: Secundò, ut interdum assuefiant Repulse: Tertiò, (quod bene præcipit Maceiauellus) ut habeant præ oculis suis semper aliquid, quod ulterius aspirare possint. Nisi enim hæc fiant, reportabunt proculdubio Principes, in Fine, à Servis suis, Loco Animi grati, & officiosi, Fastidium & Contumaciam. Etenim, ex Promotione subita, oritur Insolentia; ex perpetua Desideratorum Adeptione, Impatientia Repulse; Denique si Vota desint, decrit itidem Alacritas & Industria.

PARABOLA.

19. *Vidisti Virum velocem in Opere suo; coram Regibus stabit; nec erit inter Ignobiles.*

EXPLICATIO.

Inter Virtutes, quas Reges, in Delectu Servorum, potissimum spectant & requirunt, gratissima est præ cunctis Celeritas, & in Negotijs expediendis strenuitas. Viri profundâ prudentiâ, Regibus suspecti; utpote, qui nimium sint Inspectores; & Dominos suos, inscios & inuitos, Ingenij sui viribus, (tanquam Machinâ) circumagere possint. Populares, inuisi; utpote qui Regum Luminibus officiant, & Oculos Populi in se convertunt. Animosi, pro turbulentis sæpè habentur, & ultra, quam

par est, aufuris. Probi, & Vitæ integræ, tanquàm difficiles existimantur, nec ad omnes Nutus Heriles apti. Denique non est Virtus alia, quæ non habeat aliquam quasi umbram, quâ Regum Animi offendantur; Sola *Velocitas ad Mandata*, nihil habet, quod non placeat. Insuper, Motus Animorum Regionum celeres sunt, & Moræ minùs patientes. Putant enim se quidvis efficere posse; Illud tantùm deesse, ut citò fiat. Itaque ante omnia ijs grata est *Celeritas*.

PARABOLA.

20. *Vidi cunctos viuentes, qui ambulant sub Sole, cum Adolescente Secundo, qui consurgit pro eo.*

EXPLICATIO.

Notat *Parabola* Vanitatem Hominum, qui se agglomerare solent ad *Successores Designatos Principum*. Radix autem huius rei est, *Infantia* illa, Hominum Animis penitus à Naturâ insita; Nimirum ut spes suas nimium adament. Vix enim reperitur, qui non delectatur magis, ijs quæ *Sperat*, quam ijs quæ *Fruitur*. Quinetiam *Novitas* Humanæ Naturæ grata est, & avidè expetitur. In *Successore* autem *Principis* ista duo concurrunt, *Spes* & *Novitas*. Innuit autem *Parabola* idem, quod olim dictum erat; primò à Pompeio ad Syllam; postea à Tiberio de Macrone; *Plures adorare Solem Orientem, quam Occidentem*. Neque tamen *Imperantes*, multum hâc re commouentur, aut eam magni faciunt, sicut nec Sylla, nec Tiberius fecit; sed rident potius Hominum Leuitatem, nec pugnant cum Somnijs: Est autem (ut aiebat ille) *Spes vigilantis Insomnium*.

PARABOLA.

21. *Erat Ciuitas parua, & pauci in eâ Viri; Venit contra eam Rex magnus, & vadavit eam, instruxitque Munitiones per Gyrum, & perfecta est Obsidio; inuentusque est in eâ Vir pauper & sapiens, & liberauit eam per Sapientiam*

entiam suam; & nullus deinceps recordatus est, Hominis illius pauperis.

EXPLICATIO.

Describit Parabola Ingenium Hominum prauum & maleuolum. Ij in Rebus duris, & angustis, confugiunt ferè ad Viros Prudentes, & Strenuos, licet antea contemptui habitos. Quamprimùm autem Tempestas transierit, ingrati demùm erga Conservatores suos reperiuntur. Macciauellus verò, non sine Causâ, instituit Quæstionem, *Vter ingrator esset erga Benemeritos, Princeps, aut populus?* Sed interim vtrunque Ingratitudinis arguit. Attamen hoc, non solum ex Ingratitudine Principis, aut Populi oritur, sed accedit plerumque his, Invidia Procerum, qui secretò indolent Euentui, licet felici & prospero, quia ab ipsis profectus non sit: Itaque & Meritum Hominis extenuant, & ipsum deprimunt.

PARABOLA.

22. *Iter pigrorum, quasi Sepes Spinarum.*

EXPLICATIO.

Elegantissimè ostendit Parabola, Pigrum in fine laboriosum esse. Diligentia enim, & sedula præparatio, id præstant, vt Pes in aliquod Offendiculum non impingat; sed vt complanetur via, antequàm ineatur. At qui piger est, & omnia in extremum Momentum Executionis differt, necesse est vt perpetuò, & singulis passibus, quasi per Rubos & Sentes incedat, qui eum subindè detineant, & impediant. Idem obseruari possit etiam in Familiâ regendâ; in quâ, si adhibeatur Cura & Prouidentia, omnia placidè, & veluti sponte procedunt, absque Strepitu & Tumultu: Sin hæc desint, vbi maior aliquis Motus interuenerit, omnia simul agenda turmatim occurrunt; tumultuantur Serui; Aedes personant.

PARABOLA.

23. *Qui cognoscit in Iudicio faciem, non benè facit; Iste, & pro buccellâ panis, deseret Veritatem.*

EXPLICATIO.

Prudentissimè notat *Parabola*, in *Iudice* magis perniciosam esse, *Facilitatem Morum*, quam *Corruptelam Munerum*. Munera enim, haudquaquam ab omnibus deferuntur; at vix vlla est *Causa*, in quâ non inueniatur aliquid, quod flectat *Iudicis Animum*, si *Personas respiciat*. Alius enim respicietur, vt *Popularis*; Alius, vt *Maledicus*; Alius, vt *Diues*; Alius, vt *Gratus*; Alius, vt ab *Amico commendatus*; Denique omnia plena sunt *Iniquitatis*, vbi dominatur *Respectus Personarum*; & leui omninò de *Causâ*, veluti pro *Buccellâ Panis*, *Iudicium* peruerteretur.

PARABOLA.

24. *Vir Pauper calumniatus Pauperes, similis est Imbri vehementi, in quo paratur Fames.*

EXPLICATIO.

Parabolâ istâ antiquitus expressa & depicta fuit, sub *Fabulâ Hirudinis* utriusque; nimirum, *Plenæ*, & *Vacuae*. *Pauperis* enim & *Famelici Oppressio*, longè grauior est, quam *Oppressio*, per *Diuitem* & *Repletum*; quippe quæ omnes *Exactionum Technas*, & omnes *Nummorum Angulos*, perquirat. Solebat hoc ipsum etiam *Spongijs* assimilari; quæ aridæ fortiter sugunt; madidæ, non item. *Monitum* autem utile continet, tum erga *Principes*, Ne *Præfecturas Prouinciarum*, aut *Magistratus*, *Viris Indigentibus*, & *Obaratis*, committant; tum erga *Populos*, ne *Reges suos*, cum nimia *Egestate* conflictari, permittant.

PARABOLA.

25. *Fons turbatus pede, & vena corrupta, est Iustus cadens coram Impio.*

EXPLICATIO.

Præcipit Parabola, *Rebus pub.* ante omnia cauendum esse, de iniquo & infami *Iudicio*, in *Causâ aliquâ celebri* & *gravi*; præsertim vbi non absoluitur *Noxius*, sed condemnatur

demnatur Insons. Etenim Iniuriæ inter Priuatos grassantes, turbant quidem & polluant *Latices Iustitiæ*; sed tanquàm in *Riuulis*. Verùm Iudicia iniqua, qualia diximus, à quibus Exempla petuntur, *Fontes ipsos Iustitiæ* inficiunt, & inquinant. Postquàm enim Tribunal cesserit in partes Iniustitiæ, Status Rerum vertitur, tanquàm in Latrocinium publicum: Fitque planè, *vt Homo Homini sit Lupus*.

PARABOLA.

26. *Noli esse Amicus Homini Iracundo, nec ambulare cum Homine Furioso.*

EXPLICATIO.

Quantò religiosius Amicitia Iura inter Bonos seruanda, & colenda sunt; tantò magis cauendum est, iam usque à principio, de *Prudente Amicorum Delectu*. Atque Amicorum Natura & Mores, quantum ad nos ipsos spectant, omninò ferendi sunt: Cùm verò necessitatem nobis imponunt, qualem erga alios personam induamus, & geramus, dura admodum, & iniqua, Amicitia Condicio est. Itaque interest imprimis, vt præcipit Salomon, ad Vitæ Pacem, & præsidia, ne Res nostras, cum *Hominibus Iracundis*, & qui facile Lites & Iurgia prouocant, aut suscipiunt, commisceamus. Istud enim Genus Amicorum, perpetuò nos Contentionibus, & Factionibus implicabit: vt aut Amicitiam abrumpere, aut Incolumitati propriæ deesse, cogamur.

PARABOLA.

27. *Qui celat Delictum, querit Amicitiam; sed qui altero sermone repetit, separat Fæderatos.*

EXPLICATIO.

Duplex, Concordiam Tractandi, & Animos Reconciliandi, via. Altera, quæ incipit ab *Amnestiâ*; Altera, quæ à *Repetitione Iniuriarum*, subiungendo Apologias, & Excusationes. Equidem memini sententiam viri admodum prudentis & politici; *Qui pacem tractat, non repetitis*

repetitis Conditionibus Dissidij, ut magis Animos, Dulcedine Concordiæ fallit, quam Æquitate componit. Verum Salomon, illo scilicet prudentior, in contrariâ Opinione est; & Amnestiam probat, Repetitionem prohibet. Etenim in Repetitione hæc insunt Mala; tum quod ea, sit veluti Unguis in vulcere; tum quod Periculum impendeat à nouâ Altercatione, (liquidem de Iniuriarum Rationibus, inter partes nunquam conueniet;) tum denique quod deducat Rem ad Apologias; At utraque pars, malit videri, potius offensam remisisse, quam admisisse Excusationem.

PARABOLA.

28. *In omni opere bono erit Abundantia; ubi autem Verba sunt plurima, ibi frequenter Egestas.*

EXPLICATIO.

Separat Salomon, hæc Parabolâ, Fructum Laboris Lingue, & Laboris Manuum; quasi ex altero proueniat Egestas, ex altero Abundantia. Etenim sit ferè perpetuò, ut qui multa effutiant, iactent multa, multa promittant, Egeni sint; nec emolumentum capiant, ex illis Rebus, de quibus loquuntur. Quinetiam, ut plurimum, Industrij minimè sunt, aut Impigri ad Opera; sed tantummodò, Sermonibus se, tanquam Vento, pascunt & satiant. Sanè, ut poeta loquitur; *Qui filest est firmus.* Is qui conscius est, se in opere proficere, sibi plaudit, & tacet: Qui verò econtrà conscius est, Auras se inanes captare, multa & mira apud alios prædicat.

PARABOLA.

29. *Melior est Correptio manifesta, quam Amor occultus.*

EXPLICATIO.

Reprehendit Parabola, Mollitiem Amicorum, qui Amicitia privilegio non vtuntur, in admonendo liberè & audacter Amicos, tam de Erroribus, quam de Periculis suis. *Quid enim faciam* (solet huiusmodi Mollis Amicus dicere)

dicere) aut quo me verum? Amo illum, quicquid quis
maximè; meque, siquid illi Adversus contigerit, ipse loco
libenter substituerim; Sed boni Ingenium erit, si libere
cum eo dero, idem illius offendam, si rem contristabo;
Nequa tamen proficiam; Atque cum ab Amicis & me
alienabo, quam ab ijs, quæ in Animo fixa habet, abduco.
Huiusmodi Amicum, tanquam enervum, & inutilem,
redarguit Salomon; atque plus utilitatis, ab Inimico ma-
nifesto, quam ab eius generis Amico, sumi posse pronun-
ciat. Siquidem ea fortasse audire ei contigerit ab Inimico
per Contumeliam, quæ Amicus nullat præ nimia Indul-
gentia; utinam ni (utis T utpote IV) utinam T amz

PARABOLA.
Prudens aduersus Gressus suos; Stultus diuertit
ad Dolos.

EXPLICATIO.
Dux sunt Prudentia Species; Altera vera & sana;
Altera degener & falsa, quam Salomon Stultitiam no-
mini appellare non dubitat. Qui priori se dedit, vijs
& Melioris proprijs cauet; periculis prospiciens, me-
ditans Remedia; Proborum Opera utens, contra Im-
probos seipsum muniens; cautus Inceptu, Receptu
non imparatus; In Occasiones attentus, contra Impe-
dimenta strenuus; cum numeris alijs, quæ ad sui ip-
sius Actiones & Gressus regendos spectant. At altera Spe-
cies, tota est confuta, ex Fallacijs & Astutijs, Spemque
ponit omnino, in alijs circumueniendis, ejdemque ad
libitum effingendis. Hanc merito rejicit Parabola, non
tantum ut Improbam, sed etiam, ut Stultam. Primo
enim, minimè est ex ijs Rebus, quæ in nostra sunt pote-
state; nec etiam aliqua constanti Regula nititur; Sed no-
ua quotidie comminiscenda sunt Stratagemata, prio-
ribus Fatiscentibus, & Obsolete. Secundo, qui Vastri
& Subdoli Hominis Famam & Opinionem semel in-
currerit, præcipuo se, ad res gerendas Instrumento, prorsus

sus prius; hoc est, *Fide*: Itaque omnia, parum Votis
suis consentientia, expectant. Postremo, Artes istae, et
cunctae *Pulchritudines*, & *delectationes*, atque men-
tis fructus, quod bene notavit Tacitus, *Consilia*
callida & *audacia*, *expectatione* hactenus, *tractantur* dura, *eueniunt*
tristitia.

PARABOLA.

31. Noli esse *Tuulus nimium*, nec *Sapientior quam oportet*; *cur abripere subito?*

EXPLICATIO.

Sunt Tempora (ut inquit Tacitus) *in quibus magnae*
virtutibus, certissimum est exitium. Atque hoc, *Viris Vir-*
tute & Iustitia egregijs, aliquando subito, aliquando
diu antè praesens, contingit. Quod si adiungatur eti-
am *Prudentia*, hoc est, ut cauti sint, & ad *Propriam In-*
columitatem euigilent, tum hoc lucrantur, ut *Ruina*
eorum subito obueniat, ex oculis omnino & obscuris
Consilijs, quibus & eueniunt *Invidia*, & *perniciosa* ipsos
imparatos adoriatur. Quod verò ad illud *Nimium*, quod
in *Parabolâ* ponitur (quandoquidem, non *Periandri*
alicuius, sed *Salomonis Verba* sunt ista, *Qui Mala in*
Hominum Vita saepius notat, nunquam praecipit) in-
telligendum est, non de *Virtute ipsâ*, (in quâ *Nimium*
non est,) sed de *vanâ eius atque inuidiosâ Affectati-*
one, & *Ostentatione*. Simile quiddam inuit Tacitus
de *Lepido*, *Miraculi loco* ponens, quod nunquam *Ser-*
uilis alicuius Sententia Auctor fuisset, & tamen tam se-
uis temporibus incolumis mansisset; *Subit* (inquit) *Cogi-*
tatio, *utrum hac Fata regantur, an etiam sit in nostrâ pote-*
state, cursum quemdam tenere, inter deforma Obsequium, &
abruptam contumaciam, medium, Periculo simul, & Indig-
nitate vacuam?

PARABOLA.

32. Da *Sapienti* *Occasionem*, & addetur ei *Sapientia*.

EXPLICATIO

Distinguit *Parabola*, inter *Sapientiam* illam, quæ in Verum Habitum intrecuerit, & maturuerit; & illam, quæ natat tantum in Cerebro & Conceptu, aut Sermonē iactatur, sed Radices altas non egerit. Siquidem prior, oblata occasione, in quā exerceatur, illuc excitatur, accingitur, dilatatur, adeo ut ipsa maior videatur: Posterior verò, quæ ante Occasionem alacris erat, occasione detā, fit attonita & confusa; ut etiā ipsi, qui cāso prædictum arbitrabatur, in dubium vocetur; Annon Præceptiones de eā fuerint Infornia mera; & Speculationes inanes?

PARABOLA.

33. *Qui laudat Amicum voce altā, surgendo manē; erit illi loco Maledictionis.*

EXPLICATIO.

Laudes moderate & tempestive, & per Occasionem prolatae, Famæ Hominum atque etiā Fortunæ, plurimum conferunt; At immoderate, & Streperæ, & importunè effusæ, nihil prosunt; imo potius, ex Sententiā *Parabola*, impensè nocent. Primò enim, manifestò se produnt, aut ex nimia Benevolentia Oriundas; Aut ex composito affectatas; quò Collaudatum potius falsis Præconijs demereantur, quàm veris Attributis ornent. Secundò, *Laudes* paræ & Modestæ, inuitant ferè *Præsentes*, ut ipsis etiā aliquid adijciant; Profusæ contrā & immodicæ, ut aliquid demant & detrahant. Tertiò, (quod Caput rei est) Conflatur illi Invidia, qui nimium laudatur; cū *Laudes* omnes nimie, videantur spectare ad Contumeliam aliorum, qui non minus merentur.

PARABOLA.

34. *Quomodo in Aquis resplendent Facies, sic Corda Hominum manifesta sunt Prudentibus.*

EXPLICATIO.

Distinguit *Parabola* inter *Mentes Prudentiū*, & ceterorū *Hominiū*; Illas *Aquis*, aut *Speculis* comparans, quæ *Species* & *Imagines Rerū* recipiunt; cū alteræ similes sint *Terræ*, aut *Lapidi imposito*, in quibus nihil reflectitur. Atque eò magis aptè comparatur *Animus Hominis Prudentis* ad *Speculum*; quia in *Speculo*, *Imago* propria spectari possit, vnà cum *Imaginibus aliorum*; Id quod *Oculis* ipsis, sine *Speculo* non conceditur. Quod si *Animus Prudentis*, ad eò capax sit, vt innumera *Ingenia*, & *Mores* obseruare & internoscere possit; superest, vt detur opera, quò reddatur non minùs *varius Applicatione*, quam *Representatione*;
Qui sapit, innumeris Moribus aptus erit.

ATque his *Salomonis Paraboli*, diutiùs fortassè immorati sumus, quam pro modo *Exempli*; *Dignitate*, & *Rei ipsius*, & *Auctoris*, longius prouecti.

Neque tantum in usu erat apud *Hebræos*, sed alibi etiā, *Priscorum Sapientibus* frequentissimum; vt si cuiuspiam *Observatio*, in aliquid incidisset, quod *Vitæ Communi* conducibile fuisset; id redigeret & contraheret; in breuem aliquam *Sententiam*, vel *Parabolam*, vel etiā *Fabulam*. Verum, quod ad *Fabulas* (sicut aliàs dictum est) illæ *Exemplorum Vicarij*, & *Supplementa*, olim extiterunt: Nunc quando *Tempora Historiarum* copiā abundant, ad *Animatum Scopum* rectitis & alacriùs collimatur. At *Modus Scribendi*, qui optimè conuenit *Argumento* tam vario & multiplici (quale est *Tractatus de Negotijs & Occasionibus sparsis*) aptissimus ille esset, quem delegit *Macciauellus*, ad tractandas *Res Politicas*; nimirum per *Observationes*, siue *Discursus* (vt loquuntur) super *Historiam & Exempla*. Nam *Scientia*, quæ recentè, & quasi in conspectu nostro, ex *Particularibus* elicitur, viam optimè nouit, *Particularia* denuò repetendi: Atque certè ad *Practicam* longè con-

conducit magis, cum Discursus siue Disceptatio, sub Ex-
emplo militat, quam cum Exemplum Disceptationi sub-
iungitur. Neque enim hic Ordo tantum spectatur, sed
Res ipsa. Cum enim Exemplum statuitur tanquam Dis-
ceptationis Basis, vniuerso cum Circumstantiarum Ap-
paratu proponi solet; quæ Discursum interdum corri-
gant, interdum suppleant; vnde fit loco Exemplaris
ad Imitationem, & Practicam. Vbi contra, Exempla
in gratiam Disceptationis adducta, succinctè & nudè ci-
tantur, & tanquam Mancipia Nutus tantum Discepta-
tionis obseruant.

Hoc verò Discriminis, Operæ pretium fuerit obser-
uasse; quod sicut *Historiæ Temporum*, optimam præ-
bent Materiam, ad *Discursus* super *Politica*, quales sunt
illi *Macciauelli*; ita *Historiæ Vitarum* optimè adhibentur
ad *Documenta* de *Negotijs*; Quoniam omnem Occasio-
num & Negotiorum, tam grandium quam leuiorum,
Varietatem complectuntur. Imò reperire est Basin, ad
Præceptiones de *Negotijs*, utrâque illâ *Historiâ*, adhuc
commodiorem: Ea est, vt Discursus fiant super *Episto-
las*, sed Prudentiores, & magis serias; quales sunt illæ
Ciceronis ad *Atticum*, & alia. Siquidem *Epistole* ma-
gis in Proximo, & ad Viuum, *Negotia* solent repræsen-
tare, quam vel *Annales*, vel *Vitæ*. Quare iam, & de Mate-
riâ, & de Formâ, Portionis primæ, *Doctrinæ* de *Nego-
tijs*, quæ tractat *Occasiones sparsas*, diximus; eamque in-
ter *Desiderata* numeramus.

Est & alia Portio eiusdem *Doctrinæ*, quæ tantum dif-
fert ab illâ alterâ, de quâ diximus, quantum *Sapere*, &
Sibi Sapere. Altera enim mouere videtur, tanquam à
Centro ad Circumferentiam; Altera, tanquam à Cir-
cumferentiâ ad Centrum. Est enim *Prudentia* quædam
Consilij alijs Impertiendi; est verò & alia *suis Rebus prospi-
ciendi*: Atque hæ nonnunquam coniunguntur, læpius
separantur. Multi siquidem, in suis ipsorum *Rationi-*

bus instituendis Prudentissimi sunt; qui tamen in Rebus pub. administrandis, aut etiã Consilijs dandis, nihil valent: Formicae similes, quæ Creatura sapiens est ad sese tuendum, sed Horto planè noxia. Hæc Virtus sibi Sapiendi, Romanis ipsis, licet Patriæ optimis Curatoribus, non ignota fuit: vnde Comicus, *Nam pol Sapiens fingit Fortunam sibi.* Quin & in Adagium apud ipsos versum est, *Faber quisque Fortune propriæ.* Et Liuius hanc ipsam Catoni Maiori tribuit; *In hoc viro, tanta vis Animi, & Ingenij inerat, ut quocunque loco natus esset, sibi ipse Fortunam facturum videretur.*

Hoc Genus Prudentiæ, si quis ipsum profiteatur, & palam venditet, semper habitum est, non modò non Politicum, verum etiã infaustum quiddam, & inauspicatum: Sicut in Timotheo Atheniensi obseruatum est: Qui, postquam præclara multa Facinora, in Decus & Commodam Ciuitatis suæ, edidisset, atque Administrationis suæ (sicutum moris erat) populo rationem redderet; singula conclusit hæc Clausulâ; *Atque in hac re Fortune partes fuerunt nullæ.* Contigit verò, vt post id Temporis, nunquam ei quicquam feliciter cesserit. Sanè nimis elatum hoc, & altum sapiens; Eodẽ spectans, quo Ezechielis illud de Pharaone; *Dicis, Fluvius est meus, & ego feci memetipsum.* Aut illud Habacuc Prophetæ; *Exultant, & sacrificant Reti suo.* Aut illud etiã Poetæ, de Contemptore Deum Mezentio; *Dextra mihi Deus, & telum quod missile libro, Nunc adsint.*

Denique, Iulius Cæsar, nunquam (quod memini) Impotentiam Cogitationum suarum arcanarum prodidit, nisi simili Dicto: Cum enim Aruspex ei referret, Exta reperta fuisse non bona, admurmuravit submissè; *Erunt letiora cum volo.* Quod etiã Dictum, Mortis suæ Infortunium, non diù præcessit. Verum Excessus iste Fiduciæ (vt diximus) res vt profana, ita semper infelix.

Qua-

Quapropter, Viris magnis, & verè Sapien-
tibus, visum, successus quolibet, Felicitati suæ, non Virtuti aut In-
dustriæ, tribuere: Nam & Sylla, *Felicem* se, non *Mag-*
num cognominavit; & Cæsar, (melius quam suprà,) ad
Nauis Gubernatorem; *Cæsarem* vobis, & *Fortunam* eius.

Atamen istæ Sententiæ; *Faber quisque Fortune suæ*;
Sapiens dominabitur Astris; *Inuia virtuti nulla est Via*; ac
similes; si intelligantur & adhibeantur, potius pro Cal-
caribus ad Industriam, quam pro Stapedibus ad Inso-
lentiam; magisque vt progignant in Hominibus De-
cretorum Constantiam & Robur, quam Arrogantiam
& Iactantiam; tanquàm sanæ & saluæ meritiò ha-
bitæ sunt; ac proculdubiò in pectoribus Hominum
Magnanimorum Sedem nonnullam occuparunt: eous-
que vt Cogitationes tales quandoque ægrè dissimulent.
Videmus enim Augustum Cæsarem (qui cum Auuncu-
lo suo comparatus, potius ab illo Diuersus quam Infe-
rior fuit; sed Vir certè paulò moderatior) sub finem Vitæ,
petiisse ab Amicis, qui Lectum eius circumstabant, vt
postquàm expirasset, sibi *Plauderent*; quasi Conscius
sibi fuisset, *Mimum vite à se commodè transactum*. Hæc
quoque *Doctrinæ* Portio inter *Desiderata* numeranda est:
Non quin in Praxi, etiàm nimio plus quam oportet,
vsurpata sit & frequentata; Verùm quod Libri de illâ
silent. Quamobrem ex more nostro, sicut in priore,
nonnulla eius Capita recensebimus; Eamque *Fabrum*
Fortune, siue (vt diximus) *Doctrinam de Ambitu vite* no-
minabimus.

Ac primo quidem intuitu, nouum quoddam, & in-
solitum Argumentum tractare videbor; Docendo Ho-
mines, quomodò *Fortune suæ Fabri* fieri possint: Do-
ctrinam certè, cui quuius libenter se Discipulum addixe-
rit, donec Difficultatem eiusdem habuerit perspectam.
Non enim leuiora sunt, aut pauciora, aut minus ardua,
quæ ad *Fortunam* comparandam requiruntur, quam
quæ

quæ ad *Virtutem*: Resque est, æque difficilis ac seuera, fieri verè *Politicum*, ac verè *Moralem*. At huius *Doctrinæ* Pertractatio, plurimum ad *Literarum*, tum *Decus*, tum *Pondus*, pertinet. Interest enim inprimis *Honoris* *Literarum*, ut Homines isti Pragmatici sciant, Eruditionem haudquaquam *Auiculæ*, qualis est *Alauda*, similem esse, quæ in sublime ferri, & cantillando se oblectare solcat, at nihil aliud: Quinimò ex *Accipitris* potius genere esse, qui & in alto volare, ac subinde, cum visum fuerit, descendere, & prædam rapere nouit. Deinde, & ad *Perfectionem* *Literarum* hoc ipsum spectat, quia *Legitimæ* *Inquisitionis* vera *Norma* est, ut nihil inueniatur in *Globo* *Materiæ*, quod non habeat parallelum, in *Globo* *CrySTALLINO*, siue *Intellectu*. Hoc est, ut nihil veniat in *Practicâ*, cuius non sit etiam *Doctrina* aliqua & *Theoria*. Neque tamen *Literæ*, hanc ipsam *Fortunæ* *Architecturam*, aliter admirantur, aut æstimant, quam ut *Opus* quoddam inferioris *Generis*. Nemini enim, *Fortuna* propria, pro *Dono* *Esse* sui, à *Deo* concessa, vilo modo digna *Retributio* esse possit. Quin & non rarò fit, ut viri *Virtutibus* egregij, *Fortunæ* suæ sponte renuncient, ut *Rebus* sublimioribus vacent. Digna tamen est *Fortuna*, quatenus *Virtutis* ac *Benemerendi* *Organum* est, suâ quoque *Speculatione*, & *Doctrinâ*.

Ad hanc *Doctrinam* pertinent *Præcepta*, nonnulla *Summaria*; nonnulla *Sparsa* & *Varia*. *Præcepta* *Summaria* versantur, circa veram *Notitiam*, & *Aliorum*, & *Sui*. Primum igitur *Præceptum* (in quo *Cardo* *Notitiæ* *Aliorum*, vertitur) illud constituatur, ut procuremus nobis (quantum fieri possit) *Fenestram* illam, quam olim requisivit *Momus*. Ille, cum in *Humani* *Cordis* *Fabricâ*, tot *Angulos* & *Recessus* conspiciatus esset, id reprehendit, quod defuisset *Fenestra*, per quam in obscuros illos & tortuosos *Anfractus* inspicere quis possit. Hanc autem *Fenestram* obtrinebimus, si omni sedulitate nobis

nobis Informationem comparemus, & procuremus, de personis, quibuscum intercedunt Negotia, Particularibus; Earumque Ingenijs, Cupiditatibus, Finibus, Moribus, Auxilijs & Adminiculis quibus præcipuè suffulciuntur & valent; Et rursus, Defectibus & Imbecillitatibus, quæque ex parte maxime pateant & obnoxij sint; Amicis, Factionibus, Patronis, Clientelis; Rursusque Inimicis, Inuidis, Competitoribus; Etiam Temporibus & Aditibus: *(Sola diri molles Aditus, & Tempora nôris;)* Denique Institutis, & Normis quas sibi præscripserunt; & similib'. Quinetiam, non solum Informatio capienda est, de Personis, sed insuper de Actionibus Particularibus, quæ de Tempore in Tempus in Motu sunt, & tanquam sub Incude; Quomodo regantur & succedant, quorum studijs foueantur, à quibus oppugnentur, cuiusque sunt ponderis & momenti, & quid secum trahant, & huiusmodi. Etenim Actiones præsentis nosse, & in se plurimum prodest; & illud insuper habet, quod absque hoc, etiam personarum Notitia valde futura sit fallax & erronea. Mutantur enim Homines simul cum Actionibus: & Alij sunt, dum Actionibus ipsis implicentur & obfideantur; Alij, postquam redierint ad Ingenium. Atque hæc de Rebus Particularibus Informationes, quæ tam ad Personas, quam ad Actiones spectant, sunt tanquam Propositiones Minores in omni Actiuo Syllogismo. Nulla enim Observationum, aut Axiomatum (unde conficiuntur Maiores Propositiones politicæ) Veritas, aut Excellentia, ad Conclusionis Firmamentum sufficere possit, si in Minore Propositione fuerit erratum. Quod verò huiusmodi Notitia comparari possit, Fideiussor nobis est Salomon, qui ait; *Consilium in corde Viri, tanquam Aqua Profunda; sed vir Prudens exbauriet illud.* Quamuis autem ipsa Notitia non cadat sub Præceptum, quoniam Indiuiduorum est, attamen

Mandata

Mandata de eadem elicienda vtiliter dari possunt. *Notitia Hominum* sex Modis elici, & hauriri potest: per *Vultus* & *Ora* ipsorum; per *Verba*; per *Facta*; per *Ingenia* sua; Per *Finis* suos; Denique per *Relationes* *Aliorum*. Quantum ad *Vultus* attinet, minime nos moueat *Vetus Adagium*, *Fronti nulla Fides*; Licet enim hoc ipsum non perperam dictum sit, de *Vultu*, & *Gestus* compositione externa & generali; Attamen subsunt subtiliores quidam *Motus*, & *Labores Oculorum*; *Oris*, *Vultus*, & *Gestus*; Ex quibus referatur, & patet (vt eleganter ait *Quintus Cicero*) veluti *Iamua quidam Animi*. Quis *Tiberio Cesare* occultior? At *Tacitus*, notans *Characterem* & *Modum Loquendi* diuersum, quo vsus est *Tiberius*, in laudando apud *Senatum*, *Res à Germanico*, & à *Druso*, gestas; de *Laudibus Germanici* sic; *Magis in speciem adorantis verbis, quam vt penitus sentire videretur*. De *Laudibus Drusi* sic; *Pauca, sed inuentior, & fida Oratio*. Iterum *Tacitus*, eundem *Tiberium*, alias etiam vt nonnihil *Pellucidum*, notans; *In alijs (inquit) erat veluti eluctans Verborum; solatijs vero loquebatur, quando subueniret*. Sane difficile reperiat *Simulationis Artifex* aliquis, tam peritus & egregius, aut *Vultus* aliquis ita coactus, & vt ille loquitur, *Iussus*; qui à *Sermone* artificioso & *simulatorio* possit istas *Notas* seiungere, quin Aut *Sermo* sit solito *Solutior*; Aut *Comptior*; Aut magis *Vagus* & *Oberrans*; Aut magis *Aridus* & quasi *Eluctans*.

Ad *Verba Hominum* quod attinet; sunt quidem illa (vt de *Vrinis* loquuntur *Medici*) *Meretricia*. Sed isti *Meretricij Fuci* optime deprehenduntur duobus *Modis*; Cum scilicet proferuntur *Verba*, aut ex *improviso*; Aut in *Perturbatione*. Sic *Tiberius*, cum ex *Agrippinae* *Verbis* aculeatis, subito commotus esset, & nonnihil abreptus, extra innatae *Simulationis* *Terminos* pedem protulit; *Audita hæc (inquit Tacitus) raram occulti pectoris co-*

cem elicere; correptamque, Græco Versu, admonuit, Ideò
 ledi quia non regnaret. Quare Poeta Perturbationes hu-
 iusmodi, non in scitè appellat *Torturas*, quod ab ijs Se-
 creta sua prode re Homines compellantur;

Vino tortus & Irâ.

Ipsa sanè testatur Experientia, paucos admodum repe-
 riri, qui erga Arcana sua tam fidi sint; Animūque ge-
 rant adeò obfirmatū; quin interdum ex Iracundiâ; inter-
 dum ex Iactantiâ; interdum ex intimâ erga Amicū Bene-
 uolentiâ; interdum ex Animi Imbecillitate, qui se Mole
 Cogitationum onerari amplius non sustineat; interdum
 denique ex aliquo quopiam Affectu; intimas Animi Co-
 gitationes, reuelent & communicent. Ac ante omnia
 Sinus Animi excutit, si Simulatio Simulationem impu-
 lerit; iuxta Adagium illud Hispanorum; *Dic Mendaci-
 um, & erues Veritatem.*

Quin & *Factis* ipsis, licet Humani Animi Bignora
 sing certissima; non prorsus tamen fidendum; nisi dili-
 gentè ac attentè pensatis prius, illorum & Magnitu-
 dine, & Proprietate. Illud enim verissimum; *Frans sibi
 in parvis fidem præstruit, & maiore emolumento fallat.* Ita-
 lus verò seipsum, *In ipso stare lapidæ putat, ubi Præco præ-
 dicat,* si melius solito tractetur, absque Causâ manife-
 stâ. Etenim, Officia ista Minora, Homines reddunt
 oscitantes, & quasi consopitos, tam ad Cautionem,
 quam ad Industriam: Acque rectè à Demosthene ap-
 pellantur, *Alimenta Socordiae.* Porro Proprietatem & Na-
 turam, nonnullorum Factorum, etiā quæ Beneficio-
 rum loco habentur, subdolan & ambiguan, luculentè
 cernere licet ex eo, quod Antonio Primo imposuit Mu-
 rianus: Qui post reditū eum eo in gratiam, sed Fide pos-
 simâ, plurimos ex Antonij Amicis, ad Dignitates euexit;
Simul Amicis eius Præfecturas & Tribunatus largitur. Hoc
 autem Astu, Antonium non munivit, sed exarpavit pe-
 nitus & desolauit, Amicitias eius ad se transferendo.

Certissima autem Clavis, ad Animos Hominum re-
 ferandos, vertitur, in rimandis & pernoscentis, vel In-
 genijs & Naturis ipsorum; vel *Finibus & Intentionibus*.
 Atque Imbecilliores certè & Simpliciores, ex *Ingenijs*;
 Prudentiores autem, & Tectiores, ex *Finibus* suis optimè
 iudicantur. Certè prudenter & facete, (licet meo iu-
 dicio minus verè) dictum fuit à Nuntio quopiam
 Pontificis, sub Reditu eius à Legatione apud Nationem
 quandam, ubi tanquam Ordinarius resederat. Interro-
 gatus, de Delectu Successoris sui, consilium dedit, *Ut*
nullo modo mitteretur aliquis, qui eximie Prudens esset, sed
potius mediocriter tantum; quoniam (inquit) ex Pruden-
tioribus nemo facile conijciat, quid Verisimile foret illius
Gentis Homines facturos. Sanè, non raro interuenit ille
 Error, & maximè familiaris est Viris Prudentibus, ut ex
 Modulo Ingenij proprii, alios metiantur; ac proinde
 ultra Scopum sæpius iaculentur, supponendo quod Ho-
 mines maiora quædam meditentur, & sibi destinent, &
 subtilioribus Technis utantur, quam quæ illorum A-
 nimos vnquam subierint. Quod etià elegantè innuit
 Adagium Italicum, quo notatur; *Nummorum, Prudentia,*
Fidei, semper minores inueniri rationes, quam quis putaret.
 Quare in Leuioris Ingenij Hominibus, quia multa Ab-
 surda faciunt, capienda est Coniectura, potius ex Propen-
 sionibus Ingeniorum, quam ex Destinationibus *Finium*.
 Porro, *Principes* quoque (seclongè aliam ob Causam)
 ab *Ingenijs* optimè iudicantur; *Priuari* autem ex *Finibus*.
Principes enim Fastigium adepti Humanorum De-
 sideriorum, nullos ferè sibi propositos *Fines* habent, ad
 quos, præsertim vehementè & constantè, aspirant;
 ex quorum *Finium* Situ & Distantiâ, reliquarum sua-
 rum *Actionum*, possit excipi & confici, Directio & Sca-
 la. Id quod inter alia, Causa est vel præcipua, ut *Gorda-*
eorum (quod Scriptura pronunciat) *sint inscrutabilia.* At
Priuatorum nullus est, qui non sit planè veluti Viator,

& proficiscatur intentè ad aliquam Itineris Metam, vbi consistat; vnde non malè diuinare quis poterit, quid facturus sit, aut non facturus. Si enim in ordine sit quidpiam ad Finem suum, probabile est facturum: Sin sit in contrarium finis, minimè. Neque de *Finium* aut *Ingeniorum*, in Hominibus Diuersitate, Informatio capienda est simpliciter tantum, sed & comparatè: Quid scilicet prædominetur, & reliqua in ordinem cogat. Sic, vt videmus, Tigellinus, cum se Petronio Turpiliano inferiorem sentiret, in Voluptatibus Neroni ministrandis & prægustandis *Metus* (vt ait Tacitus) *Neronis rimatus est*; & hoc pacto *Emulum* evertit.

Ad *Notitiam* quod attinet, de Hominum Animis, Secundariam; nimirum, quæ ab aliorum *Relatione* desumitur, breuiter dicere sufficit. Defectus & Vicia didiceris optimè ab Inimicis; Virtutes & Facultates ab Amicis; Mores & Tempora à Famulis; Opiniones & Meditationes ab intimis Familiaribus, cum quibus frequentius Colloquia miscent. Fama Popularis levis est; & Superiorum Iudicia minùs certa: Etenim coram illis rectiores incedunt Homines. *Verior Fama è Domestica emanat.*

Verùm ad *Inquisitionem* istam Vniuersam, via maximè Compendiaria, in tribus consistit. Primum, vt *Amicitias multas* comparemus, cum eiusmodi *Hominibus*, qui *multiplicem & variam* habent, tam *Rerum*, quam *Personarum*, *Notitiam*: Inprimis verò conitendum, vt saltem singulos habeamus præstò, qui pro Negotiorum atque Hominum Diuersitate, nos de vnaquaque rectiores facere, & solide informare possint. Secundò, vt *Prudens Temperamentum*, & *Mediocritem* quandam persequamur, & in *Libertate Sermonis*, & in *Taciturnitate*: Frequentius *Libertatem* vsurpantes; at, cum Res postulat, *Silentium*. *Libertas* siquidem in *Sermone*, etiam alios inuitat & prouocat, vt pari *Libertate* erga nos

vtantur; Et sic multa deducit ad Notitiam nostram: At *Taciturnitas* Fidem conciliat, efficitque, vt ament Homines Secreta sua apud Nos, tanquam in Sinu, deponere. Tertiò, Is nobis paulatim acquirendus est *Habitus*, vt vigilante & præsente animo, in Omnibus Colloquijs & Actionibus, simul, & rem, *que instat, geramus*; & alia, *que incidunt, obseruemus*. Nam sicut Epictetus præcipit, vt *Philosophus*, in singulis suis Actionibus, ita secum loquatur; *Et hoc volo, & etiã Institutum seruare*; Sic *Politicus* in singulis Negotijs, ita secum statuat; *Et hoc volo, atque etiã aliquid, quod in futurum consui esse possit, addiscere*. Itaque, qui eo sunt Ingenio, vt nimium *Hoc agant*, & toti sint in præsente Negotio, quod in Manibus habent, de ijs autem, quæ interueniunt, nec cogitant quidem (Id quod in se agnoscit Montaneus,) Illi certè Ministri Regum, aut Rerumpub. sunt vel optimi, sed ad proprias Fortunas claudicant. Interim, Cautio ante omnia adhibenda, vt *Impetum Animi, & Alacritatem* nimiam cohibeamus; ne multa sciendo, ad nos multis immiscendum, feramur. Infelix enim quiddam est, & temerarium, *Polypragmosyne*. Itaque ista, quam comparandam præcipimus, *Notitiæ Rerum & Personarum* Varietas, huc tandem redit, vt & *Rerum*, quas suscipimus, & *Hominum*, quorum operâ utimur, magis cum iudicio Delectum faciamus; vnde cuncta, & magis dextrè, & magis tutò, disponere & administrare sciamus.

Notitiam aliorum sequitur *Notitia Sui*. Etenim non minor Diligentia adhibenda est, sed maior potius, vt nos de Nobis ipsis, quam de Alijs, verè & accuratè informemus. Quippe cùm Oraculum illud, *Nosce te ipsum*, non tantum sit Canon Prudentiæ Vniuersalis, sed & in *Politicis* præcipuum locum habeat. Optimè enim Homines monet S. Iacobus; *Eum, qui vultum in Speculo considerauit, obliuisci tamen illicò, qualis fuerit*; Vt omninò frequenti inspectione sit opus. Idque tenet etiã in *Politicis*:

liticiis: Sed *Specula* scilicet sunt diuersa: Nam *Speculum Diuinum*, in quo nos contueri debemus, est Verbum Dei; *Speculum* autem *Politicum*, non aliud est, quam Status Rerum, & Temporum, in quibus viuimus.

Examen igitur accuratum, nec quale esse solet, Sui nimium Amantis, instituendum est *Homini*, de *Proprijs Facultatibus, Virtutibus & Adminiculis*; necnon de *Defectibus, Inhabilitatibus, & Obstaculis*; Ita rationem subducendo, vt hæc perpetuò in maius; Illa autem, minoris potius, quam reuera sunt, æstimentur. Ex huiusmodi autem Examine, in *Considerationem* veniant, quæ sequuntur.

Prima *Consideratio* sit, quomodo alicui *Homini*, *Moribusque & Naturæ suæ*, cum *Temporibus* conueniat; quæ si inuenta fuerint congrua, omnibus in Rebus, magis liberè & solutè agere, & suo *Ingenio* uti liceat; sin sit aliqua *Antipathia*, tum demum in *Vniuerso Vitæ* *Cursu*, magis cautè & rectè est incedendum; minusque in *Publico* versandum. Sic *Tiberius* fecit, qui *Morum suorum* sibi conscius, cum *Seculo suo*, non optimè conuenientium, *Ludos publicos* nunquam spectauit; Quinetiam per duodecim continuos *Annos* postremos, nunquam in *Senatum* venit; vbi contrà, *Augustus* perpetuò in *Oculis* *Hominum* vixit; quod & *Tacitus* obseruat; *Alia Tiberio Morum Via*. Eadem & *Periculis* ratio fuit.

Secunda sit *Consideratio*, quomodo alicui conueniat, cum *Professionibus & Generibus Vitæ*, quæ in *usu & pretio* sunt, quorumque sibi *delectus* sit faciendus; vt si iam decretum non sit de *Genere Vitæ*, maximè aptum, & *Ingenio suo* congruum sumat; sin iam pridem id *Genus Vitæ*, ad quod minùs à *Naturâ* factus est, fuerit ingressus, sub primâ *Occasione* se subducatur, & nouam *Conditionem* arripiat. Id quod à *Valentino Borgia* videmus factum, ad *Vitam Sacerdotalem* à *Patre* in-

nutrito,

nutrito, quam tamen postea eiuravit, suo obsecutus Ingenio, & Vitæ Militari se applicuit: Quanquam Principatu æque ac Sacerdotio indignus, cum virunque Homo Pestilens dehonestauerit.

Tertia sit *Consideratio*, quomodo se habeat quis, *comparatus ad Aequales & Emulos suos*; quos verisimile sit cum habiturum in Fortunâ suâ Competitores; cumque Vitæ Cursum teneat, in quo maxima inveniatur Virorum Egregiorum Solitudo; atque in quo probabile sit, seipsum, inter cæteros, maximè posse enitere. Id quod à C. Cæsare factum est; qui ab initio Orator fuit, & Causas egit; & in Togâ potissimum versabatur: Cum verò vidisset, *Ciceronem, Hortensium, Catulum*, eloquentiæ gloriâ excellere; Rebus verò Bellicis clarum admodum neminem, præter Pompeium; destitit ab Incepto, & Potentiæ illi Civili, multum Valedicere iubens, transtulit se ad Artes Militares, & Imperatorias; Ex quibus summum Rerum Fastigium conscendit.

Quarta sit *Consideratio*, ut Naturæ suæ, & Ingenij Rationem, habeat quis, in *deligendis Amicis, ac Necessariis*: Siquidem diuersis, diuersum Genus *Amicorum* conuenit; Alijs Solenne, & Taciturnum; Alijs Audax, & Iactabundum; & complura id genus. Certè notatu dignum est, quales fuerint *Amici* Iulij Cæsaris (Antonius, Hirtius, Pansa, Oppius, Balbus, Dolabella, Pollio, reliqui:) Illi scilicet iurare solebant; *Ita vivente Cæsare moriar*; Infinitum studium erga Cæsarem præ se ferentes; Erga omnes alios Arrogantes & Contemptores: Fueruntque Homines, in Negotijs gerendis, impigri; Famâ, & Existimatione, Mediocres.

Quinta sit *Consideratio*, ut caueat quis sibi ab *Exemplis*; neque ad *Imitationem Aliorum* se ineptè componat; quasi quod alijs fuerit peruium, etiâ sibi patere necesse sit; ne utiquam secum reputans, quantum fortalsè interfuerit, inter suum, & Illorum, quos ad Exemplum

emplum sibi delegit, Ingenium et Mores. In quem Errorem manifestò incidit Pompeius, qui, vt Cicero scriptum reliquit, toties solitus erat dicere; *Sylla potuit, ego non potero?* Quà in re, vehementèr sibi imposuit, cum Ingenium, & Rationes Agendi Syllæ, à Suis, *Toto Cælo* (vt aiunt) *distarent*: Cum Alter Ferox esset, Violentus, quique Factum in omnibus vrgeret; Alter Grauis, Legum Memor, omniaque ad Maiestatem & Famam componens; vnde longè minùs erat, ad perficienda quæ cogitârat, efficax & validus. Sunt & aliæ huius generis *Præceptiones*; verùm hæ ad Exemplum reliquarum sufficient.

Neque verò, *Nosse seipsum*, Homini sufficit; sed incunda etiàm est Ratio secum, quomodò se *Ostentare*, *Declarare*, denique *Flectere se* & *Effingere*, commodè & prudentèr, possit. Ad *Ostentandum se* quod attinet, nihil videmus vsu venire frequentius, quam vt qui Virtutis Habitu sit Inferior, Specie Virtutis externâ sit potior. Non parua igitur est Prudentiæ Prærogatiua, si quis Arte quâdam, & decorè, Specimen sui apud alios exhibere possit; *Virtutes suas*, *Merita*, atque *Fortunam* etiàm, (quod sine Arrogantiâ, aut Fastidio fieri possit) commodè *ostentando*; Contra, *Vitia*, *Defectus*, *Infortunia* & *Dedecora*, artificiosè occultando; Illis immorans, easque veluti ad Lumen obuertens; His subterfugia querens, aut aptè ea interpretando eluens; & Similia. Itaque, de Mutiano, Viro sui Temporis prudentissimo, & ad Res gerendas impigerrimo, Tacitus; *Omnium, quæ dixerat, feceratque, Arte quâdam Ostentator*. Indiget certè Res hæc Arte nonnullâ, ne Tædium, & Contemptum pariat: Ita tamen, vt *Ostentatio* quæpiam, licet vsque ad Vanitatis *primum gradum*, vitium sit potius in *Ethicis*, quam in *Politicis*. Sicut enim dici solet de Calumniâ; *Audactèr calumniare, semper aliquid heret*. Sic dici possit de Iactantiâ, (nisi planè deformis fuerit & ridicula;)

la;) *Audacter te vendita, semper aliquid haret.* Hærebit certè apud Populum, licet Prudentiores subrideant. Itaque Existimatio parva apud Plurimos, Paucorum Fastidium abundè compensabit. Quod si ista, de quâ loquimur, *Sui Ostentatio*, decentè, & cum Iudicio, regatur; Exempli gratiâ; Si nativum quendam Pectoris Candorem, & Ingenuitatem præ se ferat; Aut si illis temporibus adhibeatur, vel cum Pericula circumstant (vt apud Viros Militares in Bellis;) vel cum alij Invidiâ flagrent; Aut si Verba, quæ ad laudes proprias pertinent, tanquàm Aliud Agenti, excidisse videantur, minimeque vel seriò, vel prolixè nimis, ijs insistatur; Aut si ita quis se laudibus honestet, vt simul etiàm Censuris & Iocis erga se non abstineat; Aut si denique hoc facit, non sponte, sed tanquàm laceratus, & aliorum Insolentijs & Contumelijs prouocatus: non paruum certè hæc Res Existimationi Hominis Cumplum adiicit. Neque fanè exiguus est eorum Numerus, qui, cum Natura sint magis solidi, & minimè ventosi; atque propterea hæc Arte, Honori suo velificandi, careant; Moderationis suæ, nonnullâ cum Dignitatis iacturâ, dant poenas.

Verùm huiusmodi *Ostentationem virtutis*, vtcunque aliquis infirmiore iudicio, & nimium fortassè *Ethicus*, improbauerit; illud nemo negarit, dandam saltem esse Operam, vt Virtus per Incuriam, iusto suo pretio non fraudetur, & minoris, quam reuerà est, aestimetur. Hæc verò, in Virtute aestimandâ, pretij Diminutio, tribus modis solet contingere: Primò, quando quis, in Rebus gerendis, se, & operam suam, offert & obtrudit, non vocatus, aut accersitus: Huiusmodi enim officijs, Remunerationis loco esse solet, si non repudientur. Secundò, quando quis in principio Rei gerendæ, viribus suis nimium abutitur; & quod sensim erat præstandum, vno Impetu effundit; Id quod Rebus benè administratis,

præ-

præproperam conciliat Gratiâ, in fine autem Satieta-
tem inducit. Tertiò, quando quis Virtutis suæ fructum,
in Laudibus, Plausu, Honore, Gratiâ, sibi præbitis, ni-
mis citò, & leuiter sentit, atque in ijs sibi complacet; de
quo prudens habetur Monitum; *Cave ne insuetus rebus
maioribus videaris, si hæc te res parua, sicuti magna, delectat.*

Defectuum enim uerò sedula *Occultatio*, minoris haud-
quaquàm momenti est, quam *Virtutum* Prudens, & Ar-
tificiosa *Ostentatio*. Defectus autem occultantur, & la-
tent maximè, triplici quâdam Industriâ, & quasi tribus
Latebris; *Cautione*; *Prætextu*; & *Confidentiâ*. *Cautionem*
dicimus, quando ijs Rebus prudenter abstinemus, qui-
bus Pares non sumus: Vbi contra, Ingenia Audacula,
& Inquieta, se facile ingerunt, sine Iudicio, Rebus, qui-
bus non insueuerunt; & proinde Defectus suos propri-
os publicant, & quasi proclamant. *Prætextum* dicimus,
cùm sagaciter, & prudenter, viam nobis sternimus &
munimus, quâ benigna & commoda, de *Vitijs*, & *De-
fectibus* nostris, fiat Interpretatio; quasi aliunde pro-
uenientibus, aut aliò tendentibus, quam vulgò existima-
tur. Etenim, de Latebris Vitiiorum non malè Poeta;

Sæpè latet Vitium proximitate Boni.

Quarè, si quem *Defectum*, in nobis ipsis perceperimus,
opera danda, ut Personam & Prætextum, *Virtutis fini-
timæ* mutuemur, sub cuius umbrâ lateat. Verbi gratiâ,
Tardo Grauitas prætexenda, *Ignauo Lenitas*, & sic de
cæteris. Illud etiâ utile, probabilem aliquam Causam
obtendere, & in Vulgus spargere, quâ adducti, vlti-
mâs vires nostras, promere refugiamus; ut quod *Non
possimus*, *Nolle* videamur. Quod ad *Confidentiam* attinet,
Impudens certè est Remedium, sed tamen certissimum
atque efficacissimum; Nempe, ut quis ea omninò con-
temnere, & vilipendere se profiteatur, quæ reuerà asse-
qui non possit: Mercatorum Prudentium More, qui-
bus solenne est, & proprium, ut Pretium Mercium sua-
rum

rum attollant, Aliorum deprimant. Est tamen & aliud *Confidentia* Genus, hoc ipso impudentius; Nimirum, perfrictâ fronte, *Defectus* suos etiâ Opinioni obtrudere, & venditare; quasi in ijs, quibus maximè destituitur, se eminere credat; Atque ut hoc facilius cæteris imponat, se in ijs Rebus, quibus reuerà plurimum pollet, fingat diffidentem; Quemadmodum fieri videmus in Poetis; Poetâ enim Carmina sua recitante, si vnum aliquem Versiculum, non admodum dixeris probandum, audias illicò; *Atque hic Versus, pluris mihi constitit, quam reliquorum Plurimi.* Tum verò alium quempiam Versum adducet, quasi sibi suspectum, & de eo, quid putes, sciscitabitur, quem satis nôrit, inter plurimos esse optimum, & censuræ minimè obnoxium. Ante omnia verò, ad hoc, quod nunc agitur; ut scilicet, Specimen sui quis edat coram alijs illustre, & Ius suum in omnibus retineat, nil magis interesse iudico, quam ne quis per nimiam suam Naturæ Bonitatem, & Suauitatem, se exarmet, & Iniurijs & Contumelijs exponat: Quin potius in omnibus, aliquos Animi Liberi, & Generosi, & non Aculei minus, quam Mellis, intra se gestantis, Igniculos, subinde emittat. Quæ quidē munita Vitæ Ratio, vnâ cum prompto & parato, ad se à Cõtumelijs vindicandum, Animo, Aliquib' ex Accidente imponitur, & Necessitate quâdâ inuitabili, propter aliquid infixū, in Persona, aut Fortunâ suâ: veluti fit, in *Deformibus*, & *Spurijs*, & *Ignominia aliquâ mulctatis*, vnde huiusmodi Homines, si Virtus non desit, felices plerunque euadunt.

Quod verò, ad se *Declarandum* attinet; Id alia Res omninò est, ab *Ostentatione* sui, de quâ diximus. Neque enim ad *Virtutes*, aut *Defectus* Hominum, refertur; sed ad *Actiones Vitæ Particulares*. Quâ in Parte, nihil inuenitur magis Politicum, quam ut Mediocritas quædam seruetur, prudens & sana, in Sensu Animi, circa Actiones Particulares, Aperiendo, aut Recondendo. Licet enim,

enim, profunda Taciturnitas, & Consiliorum Occultatio, & is Rerum gerendarum Modus, qui Omnia Cæcis, & (vt Modernæ Linguae potius loquuntur) Surdis Artibus, & Medijs, operatur, Res sit & utilis, & mirabilis; tamen non raro euenit, vt (quod dicitur) *Dissimulatio* *Errores pariat, qui Dissimulatorem ipsum illaqueant.* Nam videmus Viros Politicos, maximè omniū insignes, liberè & indissimulantè, Fines quos peterent, palàm proferre non dubitasse. Sic L. Sylla manifestò præ se tulit, *Se, Omnes Mortales, vel felices, vel infelices fieri cupere, prout sibi essent, vel Amici, vel Inimici.* Sic Cæsar, cum primum profectus est in Gallias, nil veritus est profiteri; *Se mallem primum esse in villâ obscurâ, quam secundum Romæ.* Idem Cæsar, capto iam Bello, Dissimulatorem minimè egit, si audiamus quid Cicero de illo prædicet. Alter (Cæsarem intuens) *non recusat, sed quodammodo postulat, ut (vt est,) sic appelletur Tyrannus.* Similitèr videmus, in Epistolâ quâdam Ciceronis ad Atticum, quam minimè fuerit Augustus Cæsar Dissimulator; qui in ipso ingressu ad Res gerendas, cum adhuc Senatui esset in Delicijs, solitus tamen erat, in Concionibus apud Populum, iurare, illâ Formulâ, *Ita Parentis Honores consequi liceat.* Illud autem, non minus quiddam erat, quam ipsa Tyrannis. Verum est, ad Inuidiam paululùm leniendam, solitum cum simul, ad Statuam Iulij Cæsaris, quæ in Rostris posita erat, manum protendere. Homines autem ridebant, & plaudebant, & admirabantur, & inter se ita loquebantur; *Quid hoc est? Qualis Adolescens?* Sed tamen nihil Malitiæ in eo suspicabantur, qui tam candidè & ingenuè, quod sentiret, loqueretur. Et isti quidem, quos nominauimus, prospera omnia consecuti sunt; Pompeius contrà, qui ad eosdem tendebat Fines, sed Vijs magis vmbrosis & obscuris (sicut Tacitus de eo loquitur; *Occultior, non melior.* Atque Salustius similiter idem insinuat; *Ore probo, Animo inuerecundo.*)

id prorsus agebat, & innumeris Technis moliebatur, ut Cupiditates suas, & Ambitionem altè recondendo, interim Rempub. in Anarchiam & Confusionem redigeret; quo illa se necessario in Sinus eius conijceret; Atque hoc pacto, summa Rerum ad eum deferretur, quasi iniutum & renitentem. Cum verò hoc se putaret consequutum, factus Consul solus (quod nunquam cuiquam contigisset) nihilò plus ad Fines suos proficiebat; eò quod, etiam illi, qui proculdubio eum fuissent adiuturi, quid vellet non perciperent. Adeò ut tandem coactus sit, tritam & vulgarem inire viam, ut scilicet, prætextu se Cæsari opponendi, Arma & Exercitum compararet. Adeò lenta, Casibus obnoxia, & plerunque infelicia solent esse ea Consilia, quæ profundâ *Dissimulatione* obteguntur! Quâ de re, idem sensisse videtur Tacitus, cum *Simulationis* Artificia, tanquam Inferioris Subsellij Prudentiam, constituit, præ *Artibus Politicis*. Illam Tiberio, has verò Augusto Cæsari attribuens. Etenim, de Liviâ verba faciens, sic loquitur; Quod fuisset illa, cum *Artibus Mariti, & Simulatione Filij, benè composita*. Quod ad Animum *Flectendum, & Effingendum*, attinet; Totis viribus certè incumbendum, ut Animus reddatur, Occasionibus & Opportunitatibus obsequens, neque vllò modo, erga eas, durus aut renitens. Neque enim maius fuerit Impedimentum, ad Res gerendas, aut Fortunas Hominum constituendas, quam illud; *Idem manebat, neque idem decebat*; videlicet, Cum Homines iidem sint, & Naturâ suâ utantur, postquam Occasiones se mutauerint. Benè itaque Livius, cum Catonem Maiorem introducit, tanquam Fortunæ suæ Architectum peritissimum, illud subiungit; quod ei fuerit *Ingenium Versatile*. Atque hinc fit, quod Ingenia Grauia & Solennia, & Mutare Nescia, plus plerunque habeant Dignitatis, quam Felicitatis. Hoc verò Vitium, in aliquibus

quibus à *Natura* penitus infitum est, qui suo pte Inge-
nio sunt, *Viscosi*, & *Nodosi*, & ad Versandum inepti. At
in Alijs *Consuetudine* obtinuit (quæ est altera *Natura*)
atque Opinione quâdam (quæ in Animos Hominum
facile obrepit;) vt minimè mutandam sibi putent Re-
rum gerendarum *Rationem*, quam prius bonam &
prosperam sint experti. Prudentè enim obseruat Mac-
ciauellus in Fabio Maximo, quod *Pristinum solum* &
inueteratum, *Cunctandi*, & *Belli trahendi*, morem, reti-
nere mordicus voluerit, cum *Natura Belli* esset alia, &
acriora postularet *Consilia*. In Alijs porro, idem Vi-
tium ex Inopiâ Iudicij progignitur, cum Homines
Periodos Rerum & Actionum, non tempestiuè dif-
cernant; sed tum demùm se vertant, postquam Op-
portunitas iam elapsa sit: Tale quidpiam in Athe-
nienſibus suis, redarguit Demosthenes, Eos, aicens
esse, *Rustici similes*, qui in Ludo Gladiatorio se proban-
tes, semper post plagam acceptam, in eam Partem muni-
endam *Scutum transferunt*, quâ percussi sunt; non pri-
us. In alijs rursus, hoc ipsum contingit, quia operam,
in viâ eâ, quam semel ingressi sunt, collocatam, perde-
re grauantur, nec receptui canere sciunt; Sed potius se
Occasionibus superiores fôre, Constantiâ suâ, confi-
dunt. Verùm ista Animi *Viscositas*, & *Renitentia*, à
quacunque illa tandem Radice pullulârit, Rebus ge-
rendis, & *Fortunæ* Hominum, est damnosissima: Ni-
hilque magis Politicum, quam Animi Rotas reddere,
cum Rotis *Fortunæ*, Concentricas, & simul Volubiles.
Atque de *Præceptis duobus Summarijs*, circa *Fortune Ar-
chitecturam*, hætenus. *Præcepta* autem *Sparſa* haud pau-
ca sunt; Nos tamen perpauca deligemus, pro modo
Exempli.

Primum *Præceptum* est; *Faber Fortunæ*, Amussè suâ
peritè vtatur, eamque ritè applicet; Hoc est, Animum
assuefaciat, vt Rerum omnium Pretium & valorem
æstimet,

æstimer, prout ad Fortunam & Fines suos, magis aut minus, conducant; Hocque cures sculo, non perfunctione. Mira enim Res; sed verissima; Inueniuntur plurimi, quorum Mentis *Pars Logica* (si ita loqui liceat) est bona, *Mathematica*, pessima; videlicet, Qui de Rerum Consequentijs satis firmiter iudicant; de Pretijs verò, imperitissime. Hinc fit, vt Alij, priuata & secreta cum Principibus Colloquia, Alij, Auras Populares, tanquam Magna adepti, admirentur; cum sit vtrunque sæpenumero Res, & Inuidiâ & Periculo plena. Alij autem Res metiuntur ex Difficultate, atque operâ suâ in eis impensâ: Fieri oportere existimantes, vt quantum mouerint, tantum etiam promouerint: Sicut Cæsar de Catone Vricensi, veluti per Ironiam, dixit; Narrando quam laboriosus fuerit & assiduus, & quasi indefatigabilis, neque tamen multum ad Rem; *Omnia* (inquit) *magno studio agebat*. Hinc etiâ illud accidit, vt Homines sæpius seipso fallant; qui, si Magni aliquius, aut Honorati viri operâ vtantur, sibi omnia prospera promittant; cum illud verum sit, non grandissima quæque Instrumenta, sed aprissima, citius & felicius Opus quodque perficere. Atque ad *Mathematicam* veram *Animi* informandam, operæ pretium est, illud imprimis nosse, & descriptum habere; quid ad cuiusque Fortunam constituendam & promouendam Primum statui debeat, quid Secundum, & sic deinceps: Primo loco, *Emendationem Animi* pono; *Animi* enim *Impedimenta*, & *Nodos* tollendo & complanando, citius viam Fortunæ aperueris, quam Fortunæ Auxilijs, *Animi Impedimenta* iustuleris. Secundo loco, *Opes* pono, & *Pecuniam*; Quam summo loco plurimi fortasse collocauerint, cum tanti sit ad omnia vsus. Verum, eam Opinionem, similem ob Caussam abiudico, atque Macciauellus fecit, in aliâ re, non multum ab eâ discrepante. Cum enim vetus fuerit Sententia, *Pecuniam esse Nervos Belli*; Ille contrâ, non
alios

alios esse *Nervos Belli* asseruit, quam *Nervos Virorum Fortium & Militarium*; Eodem prorsus modo, verè asseri possit; *Nervos Fortunæ*, non esse *Pecuniam*, sed potius *Animi Vires*; Ingenium, Fortitudinem, Audaciam, Constantiam, Moderationem, Industriad, & similia. Tertio loco, colloco *Famam & Existimationem*; Eò magis, quod illa, *Æstus* quosdam habeant, & *Tempora*, quibus si non opportunè utaris, difficile erit rem, in integrum restituere. Ardua enim Res, *Famam* præcipientem retrovertere. Postremo loco, pono *Honores*, ad quos certè facilior *Aditus*, per vnumquodque ex illis tribus, multò magis per *Omnia coniuncta* datur; quam si ab *Honoribus* auspiceris, & deinde ad reliqua perrexeris. Verùm, vt in *Ordine Rerum* seruando, haud parum est momenti; ita non multò minùs, in seruando *Ordine Temporis*; Cuius perturbatione frequentissimè peccatur; dum ad *Fines* tum properatur, quando *Initia* essent curanda; Atque, dum ad maxima quæque subito aduolamus, quæ in medio posita sunt, temerè transilientes. At illud rectè præcipitur, *Quod nunc instat, agamus.*

Secundum *Præceptum* est, vt caueamus, ne *Animi* quâdam Magnitudine, & *Præfidentiâ*, ad magis Ardua, quam par est, feramur; neque in aduersum *Fluuij* remigemus. Optimum enim *Consilium* circa *Fortunas* *Hominum*,

— Facis accedo, Deisque.

Circumspiciamus in omnes *Partes*, & obseruemus quæ Res pateant, quæ clausæ & obstructæ sint, quæ procliuës, quæ arduæ, neque viribus nostris, vbi non patet *Aditus* commodus, abutamur. Hoc si fecerimus, & a *Repulsâ* nos immunes præstabimus, & in *Negotijs* singulis nimis diè non hærebimus; & *Moderationis* *Laudem* reportabimus; & pauciores offendemus; & denique *Felicitatis* *Opinionem* acquiramus, dum quæ sponte fortasse euentura fuissent, nostræ *Industriæ* acceptæ ferentur.

Tertium

Tertium *Præceptum*, cum proximè præcedente non-nihil pugnare videri possit; Licet probè intellectum, minimè. Illud huiusmodi est; Vt Occasionēs non semper expectemus, sed eas quandoque prouocemus, & ducamus. Quod etiā innuit Demosthenes, Magniloquentiā quādam. Et quemadmodum receptum est, Vt Exercitum ducat Imperator; sic à cordatis Viris, res ipse ducende, ut quæ ipsis videntur, ea gerantur; & non ipsi persequi Euentus tantum cogantur. Etenim, si diligentèr attendamus, duas obseruabimus, easque discrepantes Species, eorum, qui Rebus gerendis, & Negotijs tractandis, pares habeantur. Alij siquidè Occasionibus commodè sciunt uti, sed nihil ex se moliuntur, aut excogitant; Alij toti sunt in machinando, qui Occasionēs, quæ opportunè incidunt, non arripiunt. Harum Facultatū altera, alteri non coniuncta, manca omninò & imperfecta censenda est.

Quartum est *Præceptum*; Vt nihil suscipiamus, in quo necesse sit, Temporis plurimum insumere: verum ut Versiculus ille Aurem semper vellicet; *Sed fugit interea, fugit irreparabile Tempus.*

Neque alia subest Causa, cur ij, qui Professionibus laboriosis, aut Rebus similibus, se addixerunt, veluti Iureconsulti, Oratores, Theologi doctiores, Librorum Scriptores, & huiusmodi; in Fortunā suā constituendā, & promouendā, minùs sint solertes; quàm quod Tempore, (aliàs scilicet insumpto,) indigent ad Particularia pernoscentia; Opportunitates captandas; & Machinas, quæ ad Fortunam suam spectent, comminiscendas & meditando. Quinetiā, in Aulis Principum, & Rebus publicis reperias, & ad Fortunam suam promouendam, & ad aliorum inuadendam, maximè efficaces, qui nullo publico Munere funguntur, sed in hoc, de quo loquimur, Ambitu Vitæ, perpetuò occupantur.

Quintum est *Præceptum*; Vt Naturam quodammodò

imite-

imitemur, quæ *nihil facit frustra*. Id quod factu non erit admodum difficile, si Negotia nostra omnium generum, peritè commisceamus & contexamus. In singulis enim Actionibus, ita Animus est instituendus & præparandus, atque Intentiones nostræ aliæ alijs substerndæ, & subordinandæ; Vt si, in aliquâ re, Voti compotes, in *Summo Gradu*, fieri non possimus, in *Secundo* tamen liceat consistere; imò vel in *Tertio*: Quod si, nec in *aliqua* omninò *Parte Rei* hæreere aut consistere possimus, tum verò ad alium quempiam (præter destinatum) Finem, Operam impensam flectamus: Sin nec in *Præsenti*, aliquem Fructum demerere queamus, saltèm aliquid ex eâ extrahamus, quod in *Futurum* profut: Si verò nihil *Solidi*, nec in *Præsenti*, nec in *Futuro* inde elicere detur, satagamus saltèm, vt aliquid *Existimationi* nostræ inde accrescat: & alia id genus: Rationes semper à nobis ipsis exigendo, quibus constet, nos Fructus aliquid, plus minus, ex singulis Actionibus, & Consilijs nostris percepisse; Neque vllò modo permittendo, vt tanquam confusi ac consternati Animum illicò despondeamus, si fortè Scopum Principalem non licuerit attingere. Nihil enim minus conuenit Viro Politico, quam vni Rei, vnicè esse intentum. Qui enim hoc facit, Occasionum innumerarum iacturâ mulctabitur, quæ Rebus agendis ex obliquo interuenire solent: Quæque fortassè magis fuerint propitiæ & commodæ ad alia, quæ postea vsui futuræ sint, quam ad ea, quæ in manibus habeamus. Ideoque benè calleamus illam Regulam; *Hæc oportet facere, & illa non omittere.*

Sextum est *Præceptum*; Vt nos Rei alicui nimis peremptoriè non astringamus; quanquàm Casui videatur, primo intuitu, minus obnoxia; Sed semper habeamus, vel Fenestram apertam ad Euolandum; vel Posticum aliquod secretum, ad Redeundum.

Septimum *Præceptum*, est Antiquum illud Biantis;

modò non ad Perfidiam, sed ad Cautionem, & Moderationem, adhibeatur: *Et ames tanquàm Inimicus futurus, & Oderis tanquàm Amaturus.* Nam Vtilitates qualque, mirum in Modum, prodit & corrumpit, si quis nimium se immerferit, Amicitijs infelicibus; molestis & turbidis Odijs; aut Puerilibus & futilibus Emulationibus.

Hæc Exempli loco, circa *Doctrinam de Ambitu Vitæ* sufficient: Illud enim Hominibus in Memoriam subinde reducendum est, longè abesse, vt Adumbrationes istæ, quibus vtimur in Desideratis, loco iustorum Tractatum ponantur; Sed sint solummodò tanquàm Schedæ aut Fimbriæ, ex quibus, de Telâ integrâ, iudicium fieri possit. Neque rursus ita desipimus, vt Fortunam, absque tanto, quantum diximus, molimine, minimè parari asseramus. Probè enim nouimus, eam tanquàm sponte in gremium aliquorum defluere: Alij autem eam, Diligentia solâ & Assiduitate (cautione nonnullâ aspersâ) absque Arte multâ aut operosâ, adipiscuntur: Verùm sicut Cicero, Oratorem Perfectum depingens, non id vult, vt Causidici singuli tales esse debeant, aut possint: Ac rursus, sicut in Principe aut Aulico describendo (quod nonnulli tractandum susceperunt) Modulus effingitur, prorsus secundum Artis Perfectionem, non autem secundum Practicam vulgatam: Idem & nos in *Politico* instruendo præstitimus: *Politico* (inquam) quoad *Fortunam propriam*.

Enimuerò, illud vtique monendum, *Præcepta*, quæ circa hanc rem, delegimus & proposuimus, omnia, ex genere eorum esse, quæ *Bonæ Artes* vocantur. Quod enim ad *Malas Artes* attinet; Si quis Macciauello se dederit in Disciplinam, qui præcipit; *Virtutem ipsam non magnoperè curandam, sed tantum Speciem eius, in publicum versam: quia Virtutis Fama & Opinio Homini adiumento sit, virtus ipsa Impedimento;* Quique alio loco præcipit;

pit; *Vt Homo Politicus, illud tanquàm Fundamentum Prudentiæ suæ subternat; quod præsupponat, Homines non rectè, nec tutò, ad ea, quæ volumus, flecti aut adduci posse, præterquàm solo metu; ideoque det operam, ut omnes, quantum in se est, Obnoxij sint, atque in Periculù, & Angustijs constituti; Ita vt Politicus suus, videatur esse, quod Itali dicunt, Seminor Spinarum: Aut si quis Axioma illud, quod à Cicerone citatur, amplecti velit; Cadant Amici, dummodò Inimici intercitant; Sicut Triumviri fecerunt, qui Inimicorum Interitum, Amicissimorum exitio redimebant: Aut si quis L. Catilinæ Imitator esse velit, vt Rerumpub. Incendiarius fiat & Perturbator, quò melius in Aquis turbidis piscari, & Fortunam suam expedire possit; Ego, (inquit) si in Fortunis meis Incendium sit excitatum, id non Aquâ, sed Ruinâ restinguam: Aut si quis illud Lylandri ad se transferat, qui dicere solebat; Pueros Placentis, viros Periurijs alliciendos; Cum alijs eiusdem Farinæ prauis, ac perniciosis Dogmatibus; Quorum (vt fit in cæteris rebus omnibus) maior est Numerus, quam rectorum & sanorum; Si quis (inquam) huiusmodi inquinatâ Prudentiâ delectetur; non ierim inficias, eum (quandoquidem Legibus Charitatis & virtutis omnibus seipsum solutum, Fortunæ solummodò manciparit) posse, maiore compendio, & celerius, Fortunam suam promouere. Fit verò in Vitâ, quemadmodum & in viâ, vt Iter breuius, sit scedius & cœnosius; neque sanè, vt per Viam meliorem quis incedat, multâ circuitione opus est.*

Tantum verò abest, vt Homines ad huiusmodi Artes Pravas se applicare oporteat, vt potius sanè, (si modò sint apud se, seque sustinere valeant, neque Ambitionis Turbinè & Procellâ in aduersum rapiantur) ante Oculos proponere debeant, non solum Mundi Chorographiam generalem illam, quod Omnia sint Vanitas, & vexatio Spiritus; verum etiâ & illam magis specia-

lem; videlicet, Quod ipsum *Esse*, sciunctum à *Bene Esse*, Maledictionis loco sit; & quò grandius sit *Esse*, eò maior sit Maledictio: Quodque, amplissimum Virtutis Præmium, sit ipsa Virtus; Quemadmodum & vltimum Vitij Supplicium est Vitium ipsum; sicut egregiè Poeta;

Quæ vobis, quæ digna Viri, pro Laudibus istis

Premia posse reat solui? Pulcherrima primum

Dij Moresque dabunt vestri.

Et econtrà, non minùs verè ille de Sceleratis, *Atque eum ulciscuntur Mores sui*. Quinetiàm, Mortales, dum in omnes Partes, Cogitationes suas agitant, & diffundunt, ut Fortunis suis rectè prospectum atque consultum sit, interim in medijs illis Animi Transcursibus, ad Diuina Iudicia, & Providentiam æternam, oculos attollere debent; quæ sapissimè Impiorum Machinationes, & Consilia Praua, licet profunda, subuertit, & ad nihilum redigit; secundum illud Scripturæ; *Concepit Iniquitatem, & pariet Vanitatem*. Imò, etsi Iniurijs, & *Malis Artibus*, abstineant; Attamen hæc iugis, & irrequieta Anhelatio ad Ardua Fortunæ, absque Cessatione, & quasi sine Sabbatho, Tributum Temporis nostri Deo debitum minimè soluit: Qui, ut videre est, Facultatum nostrarum Decimas, Temporis autem Septimas exigit, & sibi seponit. Quorsum enim fuerit, Os gerere in Coeli sublimia erectum; Mentem verò humi prostratam, & Puluerem instar Serpentis comedentem? Quod etiàm Ethnicos non fugit;

Atque affigit humo Divina Particulam Auræ.

Quod si in hoc sibi quisquam adblandiatur, quod Fortunâ suâ, utcunque eam Malis artibus obtinuerit, rectè uti decreuerit; sicut de Augusto Cæsare, & Septimio Se-uero, solitum erat dici; *Deuisse illos aut nunquam Nasci, aut nunquam Mori*: Tanta in Ambitu Fortunæ suæ patrarunt Mala; tanta rursus, Summa adepti, contulerunt

Bona;

Bona; intelligat nihilominus, hanc Malorum per Bona Compensationem, post Factum probari; Consilium autem huiusmodi meritò damnari. Abs re postremò nobis non fuerit, in Cursu isto incitato, & feruido, versus Fortunam nostram, Frigidam paulisper aspergere, haustam è Dieterio illo non inelegante, Caroli Quinti Imperatoris, in Institutionibus suis ad Filium; *Imitari Fortunam Mores Mulierum, quæ procos plus nimio ambientes, plerumque superbè auersantur.* Verùm hoc vltimum Remedium, pertinet ad eos, quibus Gustus, ex Morbo Animi, corruptus est. Innitantur potius Homines Lapidum illi, qui Theologiae & Philosophiae est tanquàm Angularis; quæ idem ferè asserunt de eo, quod primum queri debeat; Etenim Theologia edicit; *Primum querite Regnam Dei, & ista omnia adiicientur vobis;* Philosophia autem simile quiddam iubet; *Primum querite Bona Animi, cetera aut aderunt, aut non oberunt.* Quamuis autem hoc Fundamentum, humanitùs iactum, interdum locetur super Arenas; quemadmodum videre est in M. Bruto, qui in eam vocem, sub Exitum suum, prorupit;

Te colui Virtus ut Rem, ast tu Nomen inane es. At idem Fundamentum, diuinitùs locatum, firmatur semper in Petrâ. Hic autem Doctrinam de Ambitu Vitæ, & simul Doctrinam Generalem de Negotijs, concludimus.

CAPVT III.

Partitiones Doctrinæ de Imperio, siue Repub. omittuntur; Tantum Aditus fit, ad Desiderata duo; Doctrinam de Proferendis Finibus Imperij; & Doctrinam de Iustitiâ Vniuersali, siue de Fontibus Iuris.



Enio iam ad *Artem Imperij*, siue *Doctrinam de Repub. Administrandâ*; Sub quâ etiâ *Oeconomica* continetur, vt *Familia* sub *Ciuitate*. In hac Parte, sicut iam antea dixi, Silentium mihi imperaui. Neque tamen prorsus diffidere debui, quin possim de illâ fortasse non imperite aut inutiliter differere; utpote, qui longâ *Experientiâ* edoctus, & per tot *Munerum & Honorum Gradus*, ad amplissimum *Regni Magistratum*, *Fauore Maiestatis tuæ indulgentissimo*, nullo *Merito* meo, euectus fuerim; eundemque *Magistratum*, per *Annos Quatuor* integros gesserim; & quod plaris est, *Maiestatis tuæ Mandatis, & Colloquijs*, per *Annos octodecim* continuos assueuerim; (Quod etiâ è *Stipite* aliquo *Politicum* exculpere potuisset;) Quicque etiâ, inter omnes *Artes*, plurimum *Temporis* in *Historijs, & Legibus* contriuerim. Quæ omnia, non lætantiâ ad *Posteror*, refero, sed quia ad *Litarum Dignitatem* nonnihil pertinere putem, quod *Homo quispiam*, ad *Literas*, potius quam ad aliud quicquam, natus; & ad *Res gerendas*, nescio quo *Fato*, contra *Genium suum* abreptus, ad *Ciuiilia* tamen *Munera*, tam honorifica & ardua, sub *Rege prudentissimo*, assumptus fuerit. Verum, si quid circa

Politicam

Politicam posthac parturiet *Ocium* meum, erit fortassè *Proles*, aut *Abortiua*, aut *Posthuma*. Interim, ne *Scientijs* omnibus, iam veluti in *Subsellijs* suis collocatis, *Sedes* hæc tam excelsa omninò vacet, decreui duas tantum *Ciuis* *Scientiæ* portiones, quæ ad *Arcana Imperij* non pertinent, sed sunt *Naturæ* magis communis, vt *Desiderata*, notare; Earumque, more nostro, *Exempla* proponere.

Cùm *Artes Imperij*, tria *Officia Politica*, complectantur; Primò, vt *Imperium conseruetur*; Secundò, vt *Beatum efficiatur & Florens*; Terriò, vt *Amplificetur, Finesque eius longius proferantur*; de duobus primis *Officijs*, maximâ ex parte, egregiè à nonnullis tractatum est; de Tertio siletur. Illud itaque inter *Desiderata* reponemus; & More nostro, *Exemplum* eius proponemus. Eam *Doctrinæ* Partem, *Consulem Paludatum*, siue *Doctrinam de Proferendis Imperij Finibus*, nominantes.

Exemplum Tractatus Summarij de proferendis Finibus Imperij.

DICTUM Themistoclis, sibi ipsi applicatum, inciuile certè fuit, & inflatum; sin de alijs, atque in genere, prolatum fuisset, prudentem sanè *Observationem*, & pergrauem *Censuram*, complecti videatur. Rogatus in *Conuiuio*, vt *Cytharam* pulsaret, respondit, *Fidibus* se nescire; ceterum posse *Oppidum paruum* in *magnam Ciuitatem* euehere. Ista certè *Verba*, ad *Sensum Politicum* translata, *Facultates* duas, multum inter se discrepantes, in ijs, qui *Rerum Gubernacula* tractant, optimè describunt, & distinguunt. Etenim, si *Regum Consiliarios*, *Senatores*, aliosque ad *Negotia publica* admotos, qui usquàm fuerunt, attentè intueamur; reperientur profectò (licet rarissimè) nonnulli, qui *Regnum* aut *Ciuitatem* è paruis ampla efficere possint, *Fidicines* tamen sint valde

valde imperiti: Econtra autem, Alij quamplurimi, in *Cytharâ*, aut *Lyrâ*, (hoc est Aulicis Tricis) miri Artifices, qui, tantum abest, ut *Repub. amplificare* possint, ut potius à Naturâ comparati videantur, ad Statum *Reipub. Beatum & Florentem*, labefactandum, & euertendum. Sanè, Artes illæ degeneres, & præstigiæ, quibus sæpenumero Consiliarij, atque Rerum Potentes, & Gratiâ apud Principes suos, & Famam in Vulgus, reportant, haud aliud Nomen merentur, quam *Peritiæ* cuiusdam Fidiculariæ; utpote cum sint Res, magis gratæ in Præsens, & Artificibus ipsis Ornamento, quam ad *Rerumpub.* quarum sunt Ministri, Opes, & Amplitudinē, utiles aut accommodæ. Occurrent proculdubio & alij Consiliarij, atque *Reipub.* Gubernatores, minimè spernendi, qui sint Negotijs pares, possintque Res commodè administrare, eaque à manifestis præcipitijs & Incommodis conseruare; à Virtute tamen illa *Rerumpub.* Erectrice & Amplificatrice, longo interuallo absunt.

Verum, qualescunque demum fuerint Operarij, conijciamus Oculos in Opus ipsum; Qualis nimirum censerî debeat vera *Regnorum & Rerumpub. Magnitudo*, & quibus *Artibus* obtineri possit: Dignum profectò Argumentum, quod Principes perpetuò in Manibus habeant, & diligentèr meditentur; Quò nec Vires suas in maius æstimantes, Incæptis se vanis & nimis arduis implicent; Nec rursus easdem plus æquo despicientes, ad Consilia pusillanima & meticulosa, se demittant.

Magnitudo Imperiorum, quoad Molem & Territorium, Mensuræ subijcitur; quoad Reditus, Calculis. Numerus Ciuium, & Capita, Censu; Urbium & Oppidorum Multitudo & Amplitudo, Tabulis excipi possint. Attamen non reperitur inter Ciuilia, Res errori magis obnoxia, quam verum & intrinsecum, excipere Valorem, circa *Vires & Copias Imperij* alicuius. Assimilatur Regnum *Cælorum*, non Glandi, aut Nuci alicui grandiori, sed *Grano Sinapis*,

Sinapis, quod inter Grana est minimum; quod tamen habeat interim, intra se, Proprietatem quandam, & Spiritum innatum, quò se & citius attollat, & latius diffundat: Eodem modo, inuenire est Regna & Status, Ambitu quidem & Regionum Tractu, valdè ampla; quæ tamen ad *Fines* ~~ulterius~~ *proferendos*, aut latius imperandum, sunt minùs apta; Alia contrà, Dimensione satis exigua, quæ tamen Bases, in quibus maximæ Monarchiæ inædificentur, esse possunt.

I. Vrbes munitæ, plena Armamentaria, Equorum Propagines generosæ, Currus armati, Elephanti, Machinæ atque Tormenta Bellica omni genera, & similia; sunt certè ista vniuersa nihil aliud, quam Ovis induta Pelle leoninâ; Nisi Gens ipsa, Stirpe suâ, & Ingenio, sit fortis, & Militaris. Imò, nec Numerus ipse Copiarum multum iuuat, vbi Milites imbelles sunt & ignaui. Rectè enim Virgilius; *Lupus numerum Pecorum non curat*. Exercitus Persarum in Campis Arbelæ, Oculis Macedonum, tanquàm vastum Hominum Pelagus, subiiciebatur; adeò vt Duces Alexandri, nonnihil ipso Spectaculo percussi, Regem interpellarent, atque vt Noctù prælium comitteret, ei Auctores erant: Quibus ille, *Nolo* (inquit) *suffurari Victoriâ*. Ea autem etiàm Opinione fuit facilior. Tigranes Armenius, castrametatus in quodam Colle, cum Exercitu Quadringentorum Millium, cum spectaret Aciem Romanorum, quæ quatuordecim Millia non excessit, contra se tendentem, in Dictatorio illo suo sibi complacuit; *Ecce* (inquit) *Hominum, pro Legatione, nimio plus quam oportet, pro pugna, longè minùs*. Eisdem tamen, priusquàm occubisset Sol, satis multos, ad illum infinitâ strage profligandum, expertus est. Innumera sunt Exempla, quam sit Multitudinis cum Fortitudine congressus impar. Primò igitur pro recertissimâ & exploratissimâ decernatur, & statuatur, quod Caput omnium, quæ ad Magnitudinem Regni

aut status spectent, sit, ut *Populus* ipse sit *Stirpe* & *Ingenio bellicosus*. Atque illud magis tritum quam verum, quod *Nervi Belli sunt Pecunie*; si desint *Nervi* *Lacertorum* in *Gente* molli & effeminata. Recte enim *Crcelo* ostendenti *Aurum* respondit *Solon*; *At si quis (ô Rex) venerit, qui melius quam tu Ferrum gestet, illi profecto, totum hoc cedit Aurum*. Quare, quicumque is tandem sit *Princeps* aut *Status*, cuius *Subditi* *Nativi* & *Indigenæ*, non sint *Animosi* & *Militares*, *Potentiam* suam admodum sobriè æstimet: Atque econtrà, *Principes*, qui dominantur in *Gentes* *Animosas* & *Martias*, nòrint illi satis *Vires* suas, si sibi aliàs non desint. Quod attinet ad *Copias Mercenariarum* (quod solet adhiberi *Remedium* cum *Copie Nativæ* desint) plena sunt omnia *Exemplis*; quibus liquidò patet, quod quicumque *Status* illis innitetur, poterit fortasse *Pennas*, ad tempus breves, *Nido* maiores extendere, sed defluent illæ paulò post.

2. *Benedictio Iude, & Issachari*, in unum nunquam conuenient: Nimirum, ut eadem *Tribus* aut *Gens*, sit simul, & *Leonis Cavillus*, & *Asinus procumbens inter Sarcinas*. Neque unquam fiet, ut *Populus* *Tributis* oppressus, fortis existat & *Bellicosus*. Verum est, *Collationes* publico consensu factas, minùs *Animos* *Subditorum* deicere, & deprimere, quam quæ ex *Imperio* mero indicuntur. Id quod liquidò videre est, in *Tributis Germaniæ Inferioris*, quas *Excisas* vocant; Atque aliquà ex parte, in ijs, quæ *Subsidia* nominantur apud *Anglos*. Etenim notandum est, *Sermonem* iam institui, de *Animis* *Hominum*, non de *Opibus*. *Tributa* autem, quæ ex consensu conferuntur, & quæ ex *Imperio* imponuntur, etsi eadem *Res* sint, quoad *Opes* exhauriendas, variè tamen omninò *Animos* *Subditorum* afficiunt. Statuatur igitur & hoc, *Populum* *Tributis* grauatum, idoneum ad *Imperandum*, non esse.

3. *Aspirantibus* ad *Magnitudinem* *Regnis* & *Status*, prorsus

prorsus cauendum, ne *Nobiles & Patricij*, atque (quos vocamus) *Generosi*, maiorem in modum multiplicentur. Hoc enim eò Rem deducit, vt *Plebs* Regni sit humilis & abiecta; & nihil aliud fere quam *Nobilium Mancipia & Operarij*. Simile quiddam fieri videmus in *Syluis cæduis*; in quibus, si maior, quam par est, *Caudicum*, siue *Arborum maiorum* relinquatur *Numerus*, non renascetur *Sylua sincera, & pura*, sed maior *Pars* in *Vepres & Dumos* degenerabit. Eodem modo, in *Nationibus*, vbi numerosior iusto est *Nobilitas*, erit *Plebs* vilis & ignaua; atque eò demum res redibit, vt nec *Centesium* quodque *Caput*, sit, ad *Galeam* portandam, idoneum: Præsertim si *Peditatum* spectes; qui *Exercitus* plerumque est *Robur præcipuum*; Vnde succedet magna *Populatio*, *Vires exigua*. Nusquam *Gen- tium*, hoc quod dico, luculentius comprobatum est, quam *Exemplis Angliæ & Galliæ*; Quarum *Anglia*, quamuis *Territorio, & Numero Incolarum*, longè inferior, potiores tamen *Partes* fere semper in *Bellis* obtinuit; Hanc ipsam ob *Causam*, quod apud *Anglos*, *Coloni, & inferioris Ordinis Homines*, *Militiæ habiles* sint, *Rustici Galliæ* non item. Quâ in re, mirabili quâdam & profundâ *prudentiâ* excogitatum est, ab *Henrico Septimo Angliæ Rege* (Id quod in *Vitæ eius Historiâ* fusiùs tractauimus) vt *Prædia minora, atque Domus* *Agricolationis* instituerentur, quæ habeant certum, cumque *mediocrem Agri Modum annexum*, qui *distrahi non possit*; eo fine, vt ad *Victum liberaliorem* sufficiat; Vtque *Agricultura* ab ijs exerceretur, qui *Domini fuerint Fundi, aut saltém vsufructuarij*, non *Conductij aut Mercenarij*. Nam ita demum *Characterem illum*, quo *Antiquam Italiam* insigniuit *Virgilius*, merbitur *Regio aliqua*;

Terra potens Armis, atque obere Gleba.

Neque prætereunda est illa *Pars Populi* (quæ *Angliæ* fere

ferè est peculiaris, nec alibi (quod scio) in usu, nisi fortè apud Polonos) *Famuli* scilicet *Nobilium*: Huius enim Generis, etià Inferiores, quoad Peditatum, Agriculis ipsis minimè cedunt. Quare certissimum est, quod Magnificentia, & Splendor ille Hospitalis, atque Famulitia, & veluti Satellitia ampla, quæ in more sunt apud Nobiles & Generosos in Angliâ, ad Potentiam Militarem apprimè conducant; vbi contrà, Nobilium obscura, & magis priuata, & in se reducta Vitæ ratio, Copias Militares minuit.

4. Danda est omninò opera, ut *Arbor* ista *Monarchie*, qualis fuit *Nebuchadnezzaris*, *Truncum* habeat satis *ampulum, & robustum*, ad *Ramos* suos & *Frondes* sustentandos: Hoc est, ut Numerus *Indigenarum*, ad *Subditos extraneos* cohibendos, satis superque sufficiat. Illi igitur *Status*, ad *Imperij Magnitudinem* benè comparati sunt, qui *Ius Ciuitatis*, facile & libenter largiuntur. Vana siquidem fuerit *Opinio*, posse *Manipulum* *Hominum*, utcumque *Animis & Consilio* excellent, *Regiones* nimio plus amplas & *Spatiosas*, *Imperij* Iugo cohibere & frænare. Id ad tempus forralsè facere possint, sed *Diuturnitatem* hæc *Res* non assequitur. *Spartani* parci fuerunt, & difficiles in cooprandis nouis *Ciuiibus*. Vnde, donec intra paruos *Limites* dominati sunt, *Res* eorum firmæ fuerunt, & *Stabiles*: At postquàm *Limites* suos cœpissent proferre, & latiùs dominari, quam ut *Stirps* *Spartanorum*, *Turbam* *Exteriorum*, *Imperio* commodè coercere posset, *Potentia* eorum subito corruit. Nulla vnquàm *Respub.* *Sinus* suos, ad nouos *Ciues* recipiendos, tam profusè laxauit, quam *Respub. Romana*. Itaque par erat, *Instituto* tam prudenti, *Fortuna*; cùm in *Imperium* toto *Orbe* amplissimum succreuerint. *Moris* apud eos erat, *Ius Ciuitatis* promptè elargiri; Idque in supremo gradu: Hoc est, non solùm *Ius Commercij*, *Ius Connubij*, *Ius Hereditatis*; verùm etià *Ius Suffragij*, & *Ius*

Ius Petitionis, siue Honorum: Hocque rursus, non singulis tantum Personis, sed totis Familijs, imo Ciuitatibus, & nonnunquam integris Nationibus communicarunt. Huc adde Consuetudinem deducendi Colonias, quibus Romanae Stirpes in Solum exterum transplantabantur. Quae duo Instituta, si simul componas, dices profecto, non Romanos se diffudisse super Vniuersum Orbem; sed contra, Orbem vniuersum se diffudisse super Romanos: Quae securissima proferendi Imperij est Ratio. Subit mirari sapius Imperium Hispanorum; quod tam paucis Indigenis, tot Regna & Provincias amplexari & frangere possit. At certe, Hispania ipsa, pro Arboris stemmate satis grandi haberi debent; cum longè ampliorem contineant Regionum Tractum, quam Romae aut Spartae, sub Initijs suis, contigerat. Porro, quanquam *Ius Ciuitatis*, satis parcè soleant Hispani impertire, quod proximum tamen est, faciunt; Quippe, qui Cuiuscunque Nationis Homines, ad Militiam suam ordinariam, promiscuè admittant. Quinetiam, summum Belli Imperium, haud raro, ad Duces Natione non Hispanos deferunt. Attamen & illam ipsam, videntur, non ita pridem, *Indigenarum* Paucitatem sensisse, eique succurrere cupisse; vt ex *Pragmatica Sanctione*, hoc Anno Promulgata, cernere est.

5. Certissimum est, *Artes Mechanicas Sedentarias*, quae non sub Dio, sed sub Tecto exercentur; Atque *Manufacturas delicatas* (quae Digitum potius quam Brachium requirunt) suam naturam Militaribus Animis esse contrarias. In vniuersum, Populi Bellicosi feriari gaudent; & Pericula quam Labores minus exhorrent. Atque in hoc Ingenio suo, non sunt admodum reprimendi, si Animos ipsorum in Vigore conseruare, cordi nobis sit. Magno itaque Adiumento, Spartae, Athenis, Romae, alijsque Antiquis Rebus pub. fuit, quod habuerint non *Ingeniosos*, sed *Servos* plerumque, quorum Laboribus istiusmodi Opificia

Opificia expediebantur. Verum Mancipiorum usus, post Legem Christianam receptam, maximâ ex parte, abiit in Desuetudinem. Huic verò Rei proximum est, ut Artes istæ, Alienigenis tantum permittantur, qui propterea alliciendi, aut saltè facile recipiendi sunt. *Nationum* autem *Plebs*, ex tribus Generibus Hominum constare debet; Nèpce, ex *Agricolis*, *Famulis ingenuis*, & *Artificibus*, quorum *Opera Robur* & *Laceratos viriles* postulant; Cuiusmodi sunt *Fabri Ferrarii, Lapidarii, Lignarii*, & similes; Non annuendo *Militiam Descriptam*.

6. Ante omnia, ad Imperij Magnitudinem confert, ut Gens aliqua, *Armorum Studium* profiteatur, tanquam Decus suum, & Institutum vitæ primarium, & in præcipuo Honore habitum. Quæ enim à nobis adhuc dicta sunt, ad Habilitates tantum erga Arma spectant; Quorsum autem Habilitas, si non Rei ipsi incumbitur, ut producat in Actum? *Romulus* (ut narratur, aut fingunt) postquam è viuis excesserat, illud Quibus suis legauit, ut ante omnia Rem Militarem colescent, vnde in Caput Orbis Terrarum Vrbs ebrum insurgeret: Imperij *Spartani* Fabrica vniuersa, (non nimis prudenter quidem, sed diligentèr tamen) ad illum Finem & Scopum, composita est & constructa, ut Ciues sui Belligeratores essent. *Persarum* & *Macedonum*, idem erat Institutum, sed non tam constans aut diuturnum. *Britanni, Galli, Germani, Gothi, Saxones, Normanni*, & nonnulli alij, etiàm ad Tempus Armis se præcipuè dediderunt. *Turci* idem Institutum, Lege suâ haud paululum extimulati, hodiè retinent, sed Magnâ cum Militiâ suâ (ut nunc est declinatione. In Europâ Christianâ, Gens quæ illud adhuc retinet & proficitur, soli sunt *Hispani*. Verum Res est, tam liquida, & manifesta, vtrumquemque in eo proficere maximè, in quo plurimum impendit studij, ut Verbis non indigeat. Satis sit innuisse, desperandum omninò

omniñd alicui Nationi esse, quæ non ex Professo Arma & Militiam colat, ijsque præcipuè studeat & incumbat, sibi veluti vltro obuenturam, insignem aliquam *Imperij Magnitudinem*: Contrà autem, certissimum esse Temporis Oraculum, Nationes illas, quæ in Armorum Professione & Studijs diutiùs permanserint (Id quod Romani, Turcæque, potissimum fecere) mitos in Imperio amplificando facere Progressus. Quin & illæ, quæ Bellicâ Gloriâ, per vnius tantummodò Seculi Spacium floruerunt; inde tamen, vnico illo Seculo, eam Imperij Amplitudinem assecutæ sunt, quam longo post Tempore, etiâ remissâ illâ Armorum Disciplinâ, retinuerunt.

7. Præcepto præcedenti affine est, *Ut Status* quis vtatur eiusmodi *Legibus & Consuetudinibus*, quæ iustas illi Causas, aut saltem Prætextus, Arma capeßendi, tantquam in promptu ministrent. Etenim, ea est iusta Animis Hominum Iustitiæ Apprehensio, vt Bellum (quod tot sequantur Calamitates) nisi grauem ob Causam, saltem speciosam, inferre abstineant. Turcis præstò est semper, & ad nutum, Belli Causa, Propagatio scilicet Legis & Sectæ suæ. Romani, quanquam pro magno decore Imperatoribus apud eos fuerit, si *Fines Imperij ipsorum protulissent*, tamen ob hanc solam Causam, vt *Fines proferrentur*, nunquam Bella susceperunt. Aspiranti igitur ad Imperium Nationi, illud in more sit; *Ut Sensum* habeat *viuidum & acrem*, *Iniuriæ* alicuius, vel Subditis suis Limitaneis, vel Mercatoribus, vel publicis Ministris, illatæ; neque à primâ prouocatione diutiùs torpeat, aut tardet. Item, *Prompta* sit & *alacris*, ad *Auxilia mittenda Socijs suis, & Fœderatis*: Id quod perpetuum erat apud Romanos: Adeo vt, si fortè in populum Fœderatū, cui etiâ cum alijs Fœdus Defensiuū intercederet, Hostilis Impressio facta esset, atque ille à plurimis suppeticas peteret, Romani omnium primi semper adessent, Beneficij

neficij Decus, nemini præcipiendum relinquentes. Quod verò attinet ad *Bella*, antiquis Temporibus, propter *Statuum Conformitatem* quandam, aut *Correspondentiam tacitam*, gesta, non video in quo Iure illa fundata sint. Talia fuerunt *Bella*, quæ à Romanis suscepta erant, ad Græciam in Libertatem vindicandam: Talia à Lacedæmonijs & Atheniensibus, ad constituendas, aut euerendas Democratas, & Oligarchias: Talia quandoque illata sunt à Rebusbup. aut Principibus, sub prætextu, Subditos alienos protegendî, & à Tyrannide liberandi. Ad rem præsentem sufficiat, ut illud decernatur; Non esse expectandam, *Statui* alicui, *Imperiij Amplitudinem*, nisi ad quamvis Occasionem iustam se Armandi, protinus expergiscatur.

8. Nullum omninò *Corpus*, siue sit illud *Naturale*, siue *Politicum*, absque *Exercitatione*, *Sanitatē* suam tueri queat. Regno autem, aut Reipub. iustum atque honorificum *Bellum*, loco salubris *Exercitationis* est. Bellum Civile profectò instar Caloris Febrilis est; At Bellum Externum instar Caloris ex Motu, qui Valetudini inprimis conducit. Ex Pace enim deside atque torpente, & emolliuntur Animi, & corrumpuntur Mores. Sed utcunque Res se habeat quatenus ad alicuius Statûs Felicitatem, *Magnitudinis* proculdubiò interest, ut quasi semper in Armis sit. Atque Exercitus Veteranus, perpetuò tanquàm sub Vexillis habitus, etsi Res sit, magni proculdubiò Sumptûs & Impensæ; Attamen eiusmodi est, ut Statui alicui, quasi Arbitrium Rerum inter Vicinos, aut saltè plurimùm Existimationis ad omnia conferat. Id quod insignitè cernere est in Hispanis, qui iam per Annos centum & Viginti, Exercitum Veteranum, ad aliquas Partes, licet non semper ad eandem, aluerunt.

9. *Maris Dominium*, Monarchiæ quædam Epitome est. Cicero, de Pompeij contra Cæsarem Apparatu, scribens

bens ad Atticum ; *Consilium* (inquit) *Pompeij*, planè *The-
mistocleum est* ; putat enim, qui *Mari* potitur, eum *Rerum
potiri*. Atque *Cæsarem Pompeius*, proculdubiò delaf-
fasset, & attriuisset, nisi inani fiducia inflatus, ab illo In-
cepto destitisset. *Prælia Naualia*, quanti fuerint Mo-
menti, ex multis Exemplis patet. *Pugna ad Actium* Orbis
Imperium determinauit. *Pugna ad Insulas Cursolares*,
Circulum in Naribus Turcæ posuit. Multoties certè eue-
nit, vt *Victoriæ Nauales*, Finem Summæ Belli attule-
rint ; Sed hoc factum est, cùm *Alex* huiusmodi *Præli-
orum*, totius Belli *Fortuna* commissa est. Illud minimè
dubium, quod qui *Maris* potitur *Dominio*, in magnâ
Libertate agit, & tantum, quantum velit, de Bello su-
mere potest : Vbi contrà, qui *Terrestribus Copijs* est
superior, nihilominus plurimis *Angustijs* conflictatur.
At hodiè, atque apud nos *Europæos*, si vnquàm, aut
vspiam, *Potentia Naualis* (quæ quidem huic *Regno Bri-
tanniæ* in Dotem cessit) summi, ad *Rerum Fastigia*, Mo-
menti est ; tum quia pleraque *Europæ Regna Mediter-
ranea* simpliciter non sunt, sed maximâ ex Parte *Mari*
cincta ; tum etiâ, quia *Vtriusque Indiæ Thesauri &
Opes*, *Imperio Maris*, veluti *Accessorium* quiddam,
existunt.

10. *Bella Moderna*, veluti in *Tenebris gesta*, censeri pos-
sunt, præ *Gloriâ & Decore* vario, quæ in *Homines Mi-
litares*, priscis temporibus, à *Rebus Bellicis*, resilire so-
lebant. Habemus hodiè, fortassè ad *Animos* facien-
dos, *Ordines* quosdam honorificos *Militiæ* ; qui tamen
iam facti sunt & *Armis & Togæ* communes : Etiâ in
Scutis Gentilijs, *Stemmata* nonnulla habemus : Insu-
pèr, *Hospitia* quædam *Publica* *Militibus Emeritis & Mu-
tilatis* destinata, & huiusmodi. Verùm, apud *Veteres*,
in *Locis*, vbi *Victoriæ partæ* sunt, extructa *Trophæa* ;
Laudationes Funebres ; & *Monumenta Magnifica Occum-
bentium in Bello* ; *Coronæ Ciuicæ, Militares*, singulis con-
cessæ ;

cessæ; Nomen ipsum *Imperatoris*, quod postea Reges maximi à Belli Ducibus mutuati sunt; Redeuntium Ducum, Bellis prosperè confectis, *celebres Triumphi*; *Donatiua*, atque *Largitiones ingentes* in Milites, sub Exercituum Dimissionem: Hæc (inquam) tot & tanta fuerunt, & tam insigni Splendore coruscantia, ut Pectoribus Mortalium, etiã maximè conglaciatis, Igniculos subdere, eaque ad Bellum inflammare potuerint. Ante omnia verò, *Mos ille Triumphandi*, apud *Romanos*, non Res erat ex Pompâ, aut Spectaculum quoddam inane, sed inter Prudentissima planè Nobilissimaque Instituta numerandus: Vtpote, qui in se hæc tria haberet; *Ducum Decus & Gloriam*; *Ærarij ex Spolijs Locupletationem*; & *Donatiua Militum*. Verùm *Honor Triumphi*, fortassè *Monarchijs* non competit, præterquàm in Personis *Regis* ipsius, aut *Filiorum Regis*; Quod etiã, temporibus Imperatorum, Romæ obtinuit; Qui Honorem ipsum Triumphi, sibi & Filijs suis, de Bellis, quæ præsentibus ipsi confecerant, tanquàm peculiarem reservârunt: *Vestimenta* autem solummodo, & *Insignia Triumphalia*, alijs Ducibus indulserunt.

Verùm, ut Sermones hos claudamus; Nemo est (ut testatur Sacra Scriptura) qui sollicitè cogitando, potest apponere ad Staturam suam, *Cubitum unum*; In pusillo scilicet *Corporis Humani Modulo*: Cæterum, in magnâ *Regnorum & Rerumpub. Fabricâ*, Imperium amplificare & *Fines proferre*, Reges penes & Dominantes est. Nam prudenter introducendo Leges, Instituta, & Consuetudines, quales iam proposuimus, & alias his similes, Posteris, & Seculis futuris, *Magnitudinis Sementem* fecerint. Verùm ista Consilia apud Principes rarò tractantur, sed Res Fortunæ plerunque committitur.

Atque hæc habuim', quæ de *Proferendis Imperij Finibus*, in præsentia occurrunt. Verùm quorsum ista *Commentatio*;

tatio ; cum *Monarchia Romana*, futura sit inter Mundanas (vt creditur) vltima : Nisi quod nobis Instituto nostro fides, neque vsquam de Viâ declinantibus (quandoquidè *Amplificatio Imperij*, fuerit inter *Officia tria Politices*, tertium) illud omninò prætermittere, non liceat. Restat iam *Desideratum* alterum, ex ijs, quæ posuimus, duobus, Nimirum, de *Iustitiâ Vniuersali*, siue de *Fontibus Iuris*.

Qui de *Legibus* scripserunt, omnes vel tanquàm Philosophi, vel tanquàm Iurisconsulti, Argumentum illud tractauerunt. Atque Philosophi proponunt multa, dictu pulchra, sed ab vsu remota. Iurisconsulti autem, suæ quisque Patriæ Legum, vel etiàm Romanarum, aut Pontificiarum, Placitis obnoxij & addicti, Iudicio sincero non vtuntur ; sed tanquàm è Vinculis fermocinantur. Certè Cognitio ista ad Viros Ciuiles propriè spectat ; qui optimè nôrunt, quid ferat Societas humana, quid Salus Populi, quid Æquitas Naturalis, quid Gentium Mores, quid Rerumpub. Formæ diuersæ : Ideoque possint de *Legibus*, ex Principijs & Præceptis, tam Æquitatis Naturalis, quam Politices, decernere. Quamobrèm id nunc agatur, vt *Fontes Iustitiæ*, & *Vtilitatis Publicæ*, petantur ; & in singulis *Iuris Partibus*, *Character* quidam & *Idea Iusti* exhibeatur ; ad quam Particularium Regnorum & Rerumpub. *Leges*, probare, atque inde Emendationem moliri, quisque, cui hoc cordi erit & curæ, possit. Huius igitur rei, more nostro, *Exemplum*, in vno Titulo, proponemus.

Exemplum Tractatus de Iustitiâ Uniuersali,
siue de Fontibus Iuris, in vno Titulo,
per Aphorismos.

PROOEMIUM.

APHORISMVS I.

IN Societate Ciuili, aut Lex, aut Vis valet. Est autem & Vis quedam Legem simulans; & Lex nonnulla magis vim sapiens, quam Aequitatem Iuris. Triplex est igitur Iniustitiæ Fons; Vis mera; Illaqueatio malitiosa pre-textu Legis; & Acerbitas ipsius Legis.

APHORISMVS 2.

Firmamentum Iuris Priuati tale est. Qui Iniuriam facit, Re, vtilitatem, aut Voluptatem, capit, Exemplo, Periculum. Cateri, vtilitatis aut Voluptatis illius, participes non sunt, sed Exemplum ad se pertinere putant. Itaque facile coeunt in Consensum, ut caueatur sibi per Leges; ne Iniuriæ per vices ad singulos redeant. Quod si ex Ratione Temporum, & Communionem Culpa, id eueniat, ut pluribus & Potentioribus, per Legem aliquam, Periculum creetur, quam caueatur, Factio soluit Legem; Quod & sæpè fit.

APHORISMVS 3.

At Ius Priuatum, sub Tutelâ Iuris Publici, latet. Lex enim cauet Ciuibus, Magistratus Legibus. Magistratum autem Auctoritas pendet ex Maiestate Imperij, & Fabricâ Politie, & Legibus Fundamentalibus. Quare, si ex illâ parte Sanitas fuerit, & recta Constitutio, Leges erunt in bono Vsu; sin minus, parum in ijs Præsidij erit.

APHORISMVS 4.

Neque tamen Ius Publicum ad hoc tantum spectat, ut addatur tanquam Custos Iuri priuato, ne illud violetur; atque ut cessent Iniuriæ; Sed extenditur etiâ ad Religionem,

&

et Arma, et Disciplinam, et Ornamenta, et Opes, denique ad omnia circa Bene Esse Ciuitatis.

APHORISMVS 5.

Finis enim et Scopus, quem Leges intueri, atque ad quem, Iussiones et Sanctiones suas, dirigere debent, non alius est, quam ut Ciues feliciter degant. Id fiet, si Pietate et Religionem recte instituti; Moribus honesti; Armis aduersus Hostes Externos tuti; Legum auxilio aduersus Seditiones, et priuatas Iniurias muniti; Imperio et Magistratibus obsequentes; Copijs et Opibus locupletes et florentes fuerint. Harum autem Rerum Instrumenta et Nerui sunt Leges.

APHORISMVS 6.

Atque hunc Finem Optime Leges assequuntur, Plurimae vero ipsarum aberrant. Leges enim, mirum in modum, et maximo interuallo, inter se differunt; Vt Aliae excellent; Aliae mediocriter se habeant; Aliae prorsus vitiosae sint. Dictabimus igitur pro Iudicij nostri Modulo, quasdam tanquam Legum Leges; Ex quibus Informatio peti possit, quid in singulis Legibus, bene aut perperam positum aut constitutum sit.

APHORISMVS 7.

Antequam vero ad Corpus ipsum Legum Particularium deueniamus; perstringemus paucis, Virtutes et Dignitates Legum in genere. Lex bona censeri possit, quae sit Intimatione certa; Praecepto iusta; Executione comoda; Cum Formâ Politiae congrua; et Generans Virtutem in Subditis.

TITVLVS I.

De Prima Dignitate Legum, ut sint certae.

APHORISMVS 8.

Legis tantum interest ut certa sit, ut absque hoc nec Iusta esse possit. Si enim incertam Vocem det Tuba, quis

quis se parabit ad Bellum? Similiter, si incertam vocem det Lex, quis se parabit ad Parendum? ut moneat igitur oportet, priusquam feriat. Etiam illud recte positum est; Optimam esse Legem, quæ minimum relinquit Arbitrio Iudicis: Id quod Certitudo eius præstat.

APHORISMVS 9.

Duplex Legum Incertitudo: Altera, ubi Lex nulla præscribitur; Altera, ubi ambigua & obscura. Itaque de Casibus omissis à Lege, primò dicendum est; ut in his etiam inueniatur aliqua Norma Certitudinis.

De Casibus omissis à Lege.

APHORISMVS 10.

Angustia Prudentiæ Humanæ, Casus omnes, quos Tempus reperit, non potest capere. Non raro itaque se ostendunt Casus Omissi & Noui. In huiusmodi Casibus, triplex adhibetur Remedium, siue Supplementum; vel per Processum ad Similia; vel per vsum Exemplorum, licet in Legem non coaluerint; vel per Iurisdictiones, quæ statuunt ex Arbitrio boni Viri, & secundum Discretionem sanam; siue illæ Curia fuerint Prætoria, siue Censoria.

De Processu ad Similia, & Extensionibus Legum.

APHORISMVS 11.

IN Casibus omissis, deducenda est Norma Legis à similibus; sed cautè, & cum Iudicio. Circa quod seruandæ sunt Regulae sequentes. Ratio prolifica, Consuetudo sterilis esto, nec generet casus. Itaque quod contra Rationem Iuris receptum est, vel etiam ubi Ratio eius est obscura, non trahendum est ad Consequentiam.

APHORISMVS 12.

Bonum publicum insigne, rapit ad se Casus omissos.

Quamobrem,

Quamobrem, quando Lex aliqua, Reipub. Commoda notabiliter, & maiorem in modum intuetur, & procurat, Interpretatio eius Extensiuæ esto, & Amplians.

APHORISMVS 13.

Durum est torquere Leges, ad hoc ut torqueant Homines. Non placet igitur extendi Leges pœnales; multò minùs Capitales, ad Delicta noua. Quod si Crimen vetus fuerit, & Legibus notum; sed Prosecutio eius incidat in Casum nouum, à Legibus non prouisum; omninò recedatur à placitis Iuris, potiùs quam delicta maneant impunita.

APHORISMVS 14.

In Statutis, quæ Ius Commune (præsertim circa ea, quæ frequentèr incidunt, & diù coaluerunt) planè abrogant, non placet procedi per Similitudinem ad Casus Omissos. Quando enim Respub. totà Lege diù caruerit; idque in Casibus expressis; parum periculi est, si Casus Omissi expectent Remedium à Statuto Nouo.

APHORISMVS 15.

Statuta, quæ manifestò Temporis Leges fuere, atque ex Occasionibus Reipub. tunc inualescentibus nata, mutatâ ratione Temporum, satis habent, si se in proprijs Casibus sustinere possint: Præposterum autem esset, si ad Casus Omissos, vllò modo traherentur.

APHORISMVS 16.

Consequentia non est. Consequentia: sed fisti debet Extensio intra Casus proximos. Alioqui labetur paulatim ad Dissimilia; Et magis valebunt Acumina Ingeniorum, quam Auctoritates Legum.

APHORISMVS 17.

In Legibus & Statutis brevioris Stili, Extensio facienda est liberius. At in illis, quæ sunt Enumeratiua Casuum Particularium, cautius. Nam ut Exceptio firmat vim Legis, in Casibus non Exceptis; ita Enumeratio infirmat eam, in Casibus non Enumeratis.

APHORISMVS

APHORISMVS 18.

Statutum Explanatorium claudit Riuos Statuti prioris; nec recipitur postea Extensio in alterutro Statuto. Neque enim facienda est Super-Extensio à Iudice; vbi semel cœpit fieri Extensio à Lege.

APHORISMVS 19.

Solennitas Verborum, & Actorum, non recipit Extensionem ad Similia. Perdit enim Naturam Solennis, quod transit à More ad Arbitrium: Et Introductio novorum, corrumpit Maiestatem veterum.

APHORISMVS 20.

Proclius est Extensio Legis ad Casus Post-natos; qui in Rerum Naturâ non fuerunt tempore Legis latæ. Vbi enim Casus exprimi non poterat, quia tunc nullus erat, Casus Omissus habetur pro Expresse, si similis fuerit Ratio.

Atque de Extensionibus Legum, in Casibus Omissis, hæc dicta sint: Nunc de vſu Exemplorum dicendum.

De Exemplis, & vſu eorum.

APHORISMVS 21.

DE Exemplis iam dicendum est, ex quibus Ius hauriendum sit, vbi Lex deficit. Atque de Consuetudine, quæ Legis Species est; deque Exemplis, quæ per frequentem vſum, in Consuetudinem transierunt, tanquàm Legem tacitam, suo loco dicemus. Nunc autem de Exemplis loquimur, quæ rarò & sparsim interueniunt, nec in Legis vim coaluerunt; quando, & quâ cautione, Norma Iuris ab ipsis petenda sit, cum Lex deficiat.

APHORISMVS 22.

Exempla à Temporibus Bonis & Moderatis petenda sunt; non Tyrannicis, aut Factiosis, aut Dissolutis. Huiusmodi Exempli Temporis Partis spurij sunt; & magis nocent, quam docent.

APHORISMVS

APHORISMVS 23.

In Exemplis, Recentiora habenda sunt pro Tutioribus. Quod enim paulò antè factum est, unde nullum sit secutum Incommodum, quid ni iterum repetatur? Sed tamen minus habent Auctoritatis Recentia. Et si fortè Res in melius restitui opus sit, Recentia Exempli magis Seculum suum sapiunt, quam rectam Rationem.

APHORISMVS 24.

At Vetusiora Exempli, cautè, & cum Delectu recipienda. Decursus siquidem Ætatis multa mutat; ut quod tempore videatur antiquum, id perturbatione, & Inconformitate ad Præsentia, sit planè novum. Mediæ itaque Temporis Exempli sunt optima, vel etiam talis Temporis, quod cum Tempore corrente plurimum conveniat; quod aliquando præstat Tempus Remotius, magis quam in Proximo.

APHORISMVS 25.

Intra Fines Exempli, vel citra potius, se cohibeto, nec illos ullo modo excedito. Vbi enim non adest Norma Legis, omnia quasi pro Suspectis habenda sunt. Itaque ut in Obscuris, minimum sequitor.

APHORISMVS 26.

Cauendum ab Exemplorum Fragmentis & Compendijs: atque integrum Exemplum, & uniuersus eius Processus introspiciendus. Si enim incivile sit, nisi totâ Lege perspectâ, de Parte eius iudicare, multò magis hoc valere debet in Exemplis; Quæ ancipitis sunt usus, nisi valdè quadrent.

APHORISMVS 27.

In Exemplis plurimum interest, per quas Manus transierint, & transacta sint. Si enim apud Scribas tantum, & Ministros Iustitiæ, ex Cursu Curia, absque Notitiâ manifestâ Superiorum, obtinuerint; Aut etiam apud Errorum Magistrum Populum; conculcanda sunt, & parui facienda. Sin apud Senatores, aut Iudices, aut Curias Principales,

les, ita sub oculis posita fuerint, ut necesse fuerit illa, Approbatione Iudicum, saltē tacitā, munita fuisse, plus Dignationis habent.

APHORISMVS 28.

Exemplis, quae publicata fuerint, utique minus fuerint in usu, cum tamen Sermionibus, & Disceptationibus Hominum, agitata & ventilata extiterint, plus Auctoritatis tribuendum. Quae vero in Scrinijs & Archiuis manserunt, tanquam sepulta, & palam in Oblivionem transferunt, minus. Exemplum enim, sicut Aqua, in Profluente sanissima.

APHORISMVS 29.

Exempla, quae ad Leges spectant, non placet ab Historicis peti; sed ab Actis publicis, & Traditionibus diligentioribus. Versatur enim Infelicitas quaedam inter Historicos vel optimos, ut Legibus, & Actis Iudicialibus, non satis immorentur; Aut si forte Diligentiam quandam adhibuerint, tamen ab Authenticis longe variant.

APHORISMVS 30.

Exemplum, quod Aetas Contemporanea, aut Proxima respuit, cum Calus subinde recurreret, non facile admittendum est. Neque enim tantum pro illo facit, quod Homines illud quandoque usurparunt; quam contra, quod Experti reliquerunt.

APHORISMVS 31.

Exempla in Consilium adhibentur, non utique iubent, aut imperant. Igitur ita regantur, ut Auctoritas praeteriti Temporis flectatur ad Vlum praesentis.

Atque de Informatione ab exemplis, ubi Lex deficit, haec dicta sint. Iam dicendum de Curijs Praetorijs, & Censorijs.

De Curijs Prætorijs & Censorijs.

APHORISMVS 32.

Curiæ sunt & Iurisdictiones, quæ statuunt ex Arbitrio boni Viri, & Discretionē sanā, ubi Legis Norma deficit. Lex enim, (ut antea dictum est) non sufficit Casibus; sed ad ea, quæ plerumque accidunt, aptatur. Sapientissima autem Res Tempus, (ut ab Antiquis dictum est) & novorum Casuum quotidie Auctor, & Inventor.

APHORISMVS 33.

Interueniunt autem novi Casus, & in Criminalibus; qui Penā indigent; & in Ciuilibus, qui Auxilio. Curias, quæ ad priora illa respiciunt, Censorias; quæ ad Posteriora, Prætorias appellamus.

APHORISMVS 34.

Habent Curia Censoria Iurisdictionem & Potestatem, non tantum noua Delicta puniendi, sed etiam Poenas à Legibus constitutas, pro Delictis veteribus augendi; si Casus fuerint odiosi, & Enormes, modo non sint Capitales. Enorme enim, tanquā Nouum est.

APHORISMVS 35.

Habeant similiter Curia Prætoria Potestatem, tam Subueniendi contra Rigorem Legis, quam Supplendi Defectum Legis. Si enim porrigi debet Remedium ei, quem Lex præterijt; multo magis ei, quem vulnerauit.

APHORISMVS 36.

Curia istæ Censoria, & Prætoria omnino intra Casus enormes & extraordinarios se continent; nec Iurisdictiones ordinarias inuadunt; Ne forte tendat res ad Supplantationem Legis, magis quam ad Supplementum.

APHORISMVS 37.

Iurisdictiones istæ, in Supremis tantum Curijs resident, nec ad Inferiores communicantur. Parum enim abest, à

Potestate Leges Condendi, Potestas eas Supplendi, aut Extendendi, aut Moderandi.

APHORISMVS 38.

At Curiae illae vni Viro ne committantur, sed ex Pluribus constent. Nec Decreta exeant cum Silentio; sed Iudices Sententiae suae Rationes adducant, idque palam, atque astante Corona: ut quod ipsa Potestate sit liberum, Fama tamen & Existimatione sit circumscriptum.

APHORISMVS 39.

Rubricae Sanguinis ne sunt; Nec de Capitalibus, in quibuscunque Curijs, nisi ex Lege nota & certa, pronunciato. Indixit enim Mortem Deus ipse prius; postea inflixit. Nec Vita eripienda nisi ei, qui se in suam Vitam peccare prius nosset.

APHORISMVS 40.

In Curijs Censorijs Calculum tertium dato; ut Iudicibus non imponatur Necessitas, aut Absoluendi, aut Condemnandi, sed etiam ut non Liquere pronunciare possint. Etiam Censoria non tantum Poena, sed & Nota esto: Scilicet, quae non infligat Supplicium, sed aut in Admonitionem desinat, aut Reos Ignominiae leui, & tanquam Rubore castiget.

APHORISMVS 41.

In Curijs Censorijs, omnium magnorum Criminum, & Scelerum, Actus Inchoati & Medij puniuntur; licet non sequatur Effectus Consummatus: Isque sit earum Curiarum Vfus vel maximus: Cum & Seueritatis intersit, Initia Scelerum puniri; & Clementiae, Perpetrationem eorum (puniendo Actus medios) intercipi.

APHORISMVS 42.

Cauendum imprimis, ne in Curijs Praetorijs, prebeatur Auxilium in Casibus, quos Lex non tam omisit, quam pro Leuibus contempsit, aut pro Odiosis Remedio indignos iudicauit.

APHORISMVS 43.

Maximè omnium interest Certitudinis Legum (de qua

quæ nunc agimus,) ne Curia Prætoria intumescant & exundent in tantum, ut Prætextu Rigoris Legum mitigandi, etiam Robur, & Nervos ijs incidant, aut laxent, omnia trahendo ad Arbitrium.

APHORISMVS 44.

Decernendi contra Statutum expressum, sub vltimo æquitatis Prætextu, Curijs Prætorijs Ius ne esto. Hoc enim si fieret, Iudex prorsus transfret in Legislatorem, atque omnia ex Arbitrio penderent.

APHORISMVS 45.

Apud nonnullos receptum est, ut Iurisdiction, quæ decernit secundum Equum & Bonum; atque illa altera, quæ procedit secundum Ius strictum, iisdem Curijs deputentur: Apud alios autem, ut diuersis. Omnino placet Curiarum Separatio. Neque enim seruabitur Distinctio Casuum, si fiat Commixtio Iurisdictionum: Sed Arbitrium Legem tandem trahet.

APHORISMVS 46.

Non sine Causâ in Vsum venerat apud Romanos, Album Prætoris, in quo præscripsit, & publicauit, quomodo ipse Ius dicturus esset. Quo Exemplo Iudices in Curijs Prætorijs, Regulas sibi certas, (quantum fieri potest) proponere, easque publicè affigere debent. Etenim optima est Lex, quæ minimum relinquit Arbitrio Iudicis; Optimus Iudex, qui minimum sibi.

Verum de Curijs istis fusiùs tractabimus, cum ad locum de Iudicijs veniemus; Obiter tantum iam locuti de ijs, quatenus Expediant, & suppleant Omissa à Lege.

De Retrospectione Legum.

APHORISMVS 47.

Est & aliud Genus Supplementi Casuum omissorum, cum Lex Legem superuenit, atque simul Casus Omis-

fos

fos trahit. Id fit in Legibus, siue Statutis, quæ retrospi-
ciunt, ut vulgò loquuntur. Cuius Generis Leges, raro, &
magna cum Cautione, sunt adhibendæ. Neque enim placet Ia-
nus in Legibus.

APHORISMVS 48.

Qui Verba, aut Sententiam Legis, Capcione, & Fraude
eludit, & circumscribit, dignus est, qui etiã à Lege se-
quente innotetur. Igitur in Casibus Fraudis, & Euasio-
nis dolosæ, iustum est, ut Leges retrospiciant, atque alteræ
alteris in subsidijs sint; ut qui Dolos meditatur, & Euer-
sionem Legum Præsentium, saltẽ à Futuris metuat.

APHORISMVS 49.

Leges, quæ Actorum, & Instrumentorum veras In-
tentiones, contra Formularum aut Solennitatum Defe-
ctus, roborant & confirmant, rectissime Præterita comple-
ctuntur. Legis enim, quæ retrospicit, Vitium vel præcipu-
um est, quod Perturbet. At huiusmodi Leges confirmato-
riæ, ad Pacem & Stabilimentum eorum, quæ transacta sunt,
spectant. Cauendum tamen est, ne conuellantur Res iudicate.

APHORISMVS 50.

Diligenter attendendum, ne Lex tantum ad Præte-
rita respicere putentur, quæ Antea acta infirmant: Sed &
eæ, quæ futura prohibent & restringunt, cum præteritis
necessariò connexa. Veluti, si quæ Lex Artificibus aliqui-
bus interdicit, ne Mercimonia sua in Posterum Vendant:
Hæc sonat in posterum, sed operatur in Præteritum: Ne-
que enim illis aliã Ratione victum querere iam integrum est.

APHORISMVS 51.

Lex Declaratoria omnis, licet non habet Verba de Præte-
rito, tamen ad Præterita, ipsa vi Declarationis, omninò
trahitur. Non enim tum incipit Interpretatio cum decla-
ratur, sed efficitur tanquã Contemporanea ipsi Legi. Ita-
que Leges Declaratorias ne ordinato, nisi in Casibus, ubi
Leges cum Iustitiã retrospicere possint.

Hic verò eam Partem absoluiamus, quæ tractat de In-
certitudine

certitudine Legum vbi inuenitur Lex nulla. Iam dicendum est de alterâ illâ Parte, vbi scilicet Lex exstat aliqua, sed perplexa, & obscura.

De Obscuritate Legum.

APHORISMVS 52.

Obscuritas Legum, à quatuor Rebus, Originem ducit; vel ab Accumulatione Legum nimia, præsertim admixtis Obsoletis. Vel à Descriptione earum ambigua, aut minus perspicua, & dilucida: vel à Modis Enucleandi Iuris neglectis, aut non bene institutis: vel denique, à Contradictione & Vacillatione Iudiciorum.

De Accumulatione Legum nimia:

APHORISMVS 53.

Dicit Propheta: Pluet super eos Laqueos. Non sunt autem peiores Laquei, quam Laquei Legum, præsertim Pænalium; Si numero immensa, & Temporis Decursu inutiles, non Lucernam pedibus præbeant, sed Retia potius obiciant.

APHORISMVS 54.

Duplex in vsum venit Statuti noui condendi Ratio: Altera Statuta priora circa idem Subiectum confirmat & roborat; dein nonnulla addit aut mutat. Altera abrogat & delet cuncta, quæ antè ordinata sunt, & de Integro Legem nouam & vniuniformem substituit. Placet posterior Ratio. Nam ex priore Ratione, Ordinationes deueniunt complicata & perplexa; & quod instat, agitur sanè, sed Corpus Legum interim redditur vitiosum. In posteriore autem, maior certè est adhibenda Diligentia, dum de Legge ipsa deliberatur; Et antea facta scilicet euoluenda, & pensitanda, antequàm Lex feratur: Sed optimè procedit per hoc Legum Concordia in futurum.

APHORISMVS

APHORISMVS 55.

Erat in more apud Athenienses, ut contraria Legum Capita, (quæ Anti-Nomias vocant) quotannis à sex Viris examinarentur, & quæ reconciliari non poterant, proponerentur populo, ut de illis certum aliquid statueretur. Ad quorum exemplum, ij, qui Potestatem in singulis Polityis Legum condendarum habent, per Triennium, aut Quinquennium, aut prout videbitur, Anti-Nomias retractant. Eæ autem à Viris, ad hoc delegatis, prius inspiciantur, & præparentur, & demùm Comitij exhibeantur; ut quod placuerit, per Suffragia stabiliatur, & figatur.

APHORISMVS 56.

Neque verò contraria Legum Capita reconciliandi, & omnia (ut loquuntur) Saluandi, per Distinctiones subtiles, & quasitas, nimis sedula aut anxiosa Cura esto. Ingenij enim hæc tela est: Atque utcumque Modestiam quandam & Reuerentiam præ se ferat, inter noxia tamen censenda est; utpote quæ reddat Corpus vniuersum Legum varium, & male consutum. Melius est prorsus, ut succumbant Deteriora, & Meliora stent sola.

APHORISMVS 57.

Obsoletæ Leges, & quæ abierunt in Desuetudinem, non minus quam Anti-Nomias, proponantur à Delegatis ex officio tollendæ. Cum enim Statutum expressum regulariter desuetudine non abrogetur, fit ut ex Contemptu Legum Obsoletarum, fiat nonnulla Auctoritatis Iactura etiam in reliquis. Et sequitur Tormenti illud genus Mezentij, ut Leges viuæ in complexu Mortuarum perimantur. Atque omnino cauendum est à Gangrænâ in Legibus.

APHORISMVS 58.

Quin & in Legibus & Statutis obsoletis, nec nouiter promulgatis, Curijs Prætorijs interim contra eas decernendi Ius esto. Licet enim non male dictum sit, Neminem oportere Legibus esse Sapientiores, tamen intelligatur hoc de Legibus, cum euigilent, non cum dormitent. Contra

Recentiora

Recentiora verò Statuta (quæ Iuri publico nocere deprehenduntur) non utique Prætoribus, sed Regibus, & Sanctoribus Consilijs, & Supremis Potestatibus auxilium præbendi Ius esto. Earum Executionem per Edicta aut Acta suspendendo, donec redeant Comitia, aut huiusmodi Cœtus, qui potestatem habeant eas abrogandi; Ne Salus Populi interim periclitetur.

De nouis Digestis Legum.

APHORISMVS 59.

Quod si Leges aliæ super alias Accumulatæ, in tam vasta excreuerint Volumina, aut tantâ confusione laborauerint, ut eas de integro retractare, & in Corpus sanum, & habile redigere, ex Usu sit; Id ante omnia agito; atque Opus eiusmodi Opus Heroicum esto: Atque Auctores talis Operis, inter Legislatores, & Instauratores, ritè & meritò numerantur.

APHORISMVS 60.

Huiusmodi Legum Expurgatio, & Digestum nouum, quinque rebus absoluitur. Primò, omittantur Obsolete, quæ Iustinianus Antiquas Fabulas vocat. Deinde ex Anti-Nomijs recipiantur probatissimæ, aboleantur contrariæ. Tertio Homoio-Nomiæ, siue Leges quæ idem sonant, atque nil aliud sunt, quam Iterationes eiusdem rei, expungantur; atque vna quæpiam ex ijs, quæ maximè est perfectæ, retineatur vice omnium. Quarto, si quæ Legum nihil determinent, sed Quæstiones tantum proponant, easque relinquant indecisas, similiter facessant. Postremò, quæ verbosæ inveniuntur, & nimis Prolixæ, contrahantur magis in arctum.

APHORISMVS 61.

Omninò verò ex usu fuerit, in nouo Digesto Legum, Leges pro Iure Communi receptas, quæ tanquàm immemorales sunt in Origine suâ; atque ex alterâ parte, Statu-

12. de Tempore in Tempus superaddita; seorsum digerere
& componere: Cum in plurimis rebus, non eadem sit, in Iu-
re dicendo, Iuris Communis, & Statutorum Interpreta-
tio, & Administratio. Id quod fecit Trebonianus in Di-
gesto, & Codice.

APHORISMVS 62.

Verum, in huiusmodi Legum Regeneratione, atque
Structurâ nouâ, veterum Legum, atque Librorum Legis
Verba prorsus & Textum retineto: Licet per Centones,
& Portiones exiguas eas excerpere necesse fuerit: Ea de-
inde ordine contextito. Etsi enim fortasse commodius, atque
etiâ, si ad rectam Rationem respicias, melius hoc transigi
posset per Textum nouum, quam per huiusmodi Consarcina-
tionem; tamen in Legibus, non tam Stilus, & Descriptio,
quam Auctoritas, & huius Patronus Antiquitas spectanda
est. Alias videri possit huiusmodi Opus Scholasticum potius
quiddam, & Methodus, quam Corpus Legû Imperantiû.

APHORISMVS 63.

Consultum fuerit in nouo Digesto Legum, Vetera Vo-
lumina non prorsus deleri, & in Obluionem cedere, sed in
Bibliothecis saltêm manere; licet Vsus eorum vulgaris
& promiscuus prohibeatur. Etenim in Causis grauioribus,
non abs re fuerit, Legum Præteritarum Mutationes, & Se-
ries, consulere & inspicere; ac certè solenne est Antiquitatem
Præsentibus aspergere. Nouum autem huiusmodi Corpus
Legum, ab ijs, qui in Politijs singulis habent Potestatem Le-
gislatoriam, prorsus confirmandum est; ne fortè prætextu
Veteres Leges digerendi, Leges nouæ imponantur occultò.

APHORISMVS 64.

Optandum esset, ut huiusmodi Legum Instauratio, illis
Temporibus suscipiatur, quæ Antiquioribus, quorum
Acta & Opera retractant, Literis & Rerum Cognitione
præstiterint. Quod secus in Opere Iustiniani euenit. In-
felix Res namque est, cum ex Iudicio & Delectu Ætatis
minùs Prudentis & erudite, Antiquorum Opera muti-
lantur,

lentur, & recomponantur. Veruntamen sæpè Necessarium est, quod non Optimum.

Atque de Legum Obscuritate, quæ à nimia, & confusâ earum Accumulatione fit, hæc dicta sint. Iam de Descriptione earum, ambigua & obscura, dicendum.

De Descriptione Legum perplexâ, & Obscurâ.

APHORISMVS 65.

Descriptio Legum obscura oritur, Aut ex Loquacitate & Verboſitate earum; Aut rursus ex Breuitate nimia; Aut ex Prologo Legis, cum ipſo Corpore Legis, pugnante.

APHORISMVS 66.

De Obscuritate vero Legum, quæ ex earum Descriptione prauâ oritur, iam dicendum est. Loquacitas, quæ in perſcribendo Leges in vſum venit, & Prolixitas, non placet. Neque enim, quod vult & capiat, vltimo modo aſſequitur, ſed contrarium potius. Cum enim Caſus ſingulos particulares, verbis appoſitis & proprijs, perſequi & exprimere contendat, maiorem inde ſperans certitudinem; Econtrà Quæſtiones multiplices parit de Verbis; vt difficilius procedat Interpretatio ſecundum Sententiam Legis, (quæ ſanior eſt & verior) propter Strepitum Verborum.

APHORISMVS 67.

Neque propterea nimis Concifa & Affectata Breuitas, Maieſtatis gratiâ, & tanquam magis Imperatoria, probanda eſt; præſertim his ſæculis, ne forte ſit Lex inſtar Regulæ Ecclæſiæ. Medioſitas ergo affectanda eſt; & Verborum exquirenda generalitas, benè terminata; quæ licet Caſus comprehenſos non ſedulo perſequatur, attamen non comprehenſos ſatis perſpicue excludat.

APHORISMVS 68.

In Legibus tamen, atque Edictis Ordinarijs & Politicis,

ticis, in quibus, et plurimum, nemo Iurisconsultum adhibet, sed suo Sensui confidit, Omnia fusiùs explicari debent, & ad captum vulgi, tanquam digito monstrari.

APHORISMVS 69.

Neque nobis Prologi Legum, qui inepti olim habiti sunt, & Leges introducunt Disputantes, non Iubentes, utique placerent, si priscos Mores ferre possemus. Sed Prologi isti Legum plerunque (ut nunc sunt Tempora) necessario adhibentur, non tam ad Explicationem Legis, quam instar Suasionis, ad perferendam Legem in Comitibus; & rursus ad satisfaciendum Populo. Quantum fieri potest tamen Prologi evitentur, & Lex incipiat à Iussione.

APHORISMVS 70.

Intentio & Sententia Legis, licet ex Præfationibus, & Præambulis (ut loquuntur) non malè quandoque eliciatur; Attamen Latitudo aut Extensio eius, ex illis minime peti debet. Sæpè enim Præambulum arripit nonnulla ex maxime plausibilibus, & Speciosis ad Exemplum, cum Lex tamen multò plura complectatur. Aut contrà, Lex restringit, & limitat complura, cuius Limitationis rationem, in Præambulo inferi, non fuerit Opus. Quare Dimensio & Latitudo Legis ex Corpore Legis petenda. Nam Præambulum, sæpè aut ultra aut citrà cadit.

APHORISMVS 71.

Est verò Genus perscribendi Leges valdè vitiosum. Cum scilicet Casus, ad quem Lex collimat, fusè exprimitur in Præambulo: Deinde ex Vi Verbi (Talis) aut huiusmodi Relativi, Corpus Legis retrò vertitur in Præambulum, unde Præambulum inseritur, & incorporatur ipsi Legi: Quod & obscurum est, & minus tutum, quia non eadem adhiberi consuevit Diligentia, in ponderandis & examinandis Verbis Præambuli, quæ adhibetur in Corpore ipsius Legis.

Hanc partem de Incertitudine Legum, quæ ex malâ Descriptione ipsarum Ortum habet, fusiùs tractabimus, quando de Interpretatione Legum postea agemus. At-

que de Descriptione Legum Obscurâ hæc dicta sint; iam de Modis enucleandi Iuris dicendum.

De Modis Enucleandi Iuris, & tollendi Ambigua.

APHORISMVS 72.

Modi Enucleandi Iuris, & Tollendi Dubia, quinque sunt. Hoc enim fit, Aut per Perfectiones Iudiciorum; Aut per Scriptores Authenticos; Aut per Libros Auxiliares; Aut per Prælectiones; Aut per Responsa, siue Consulta Prudentum. Hæc omnia, si benè instituantur, præstò erunt magna Legum Obscuritati Subsidia.

De perfectione Iudiciorum.

APHORISMVS 73.

An te omnia, Iudicia reddita in Curijs Supremis & Principalibus, atque Causis Grauioribus, præsertim dubijs, quæque aliquid habent Difficultatis, aut Nouitatis, diligenter, & cum fide excipiunt. Iudicia enim Anehoræ Legum sunt, ut Leges Reipub.

APHORISMVS 74.

Modus huiusmodi Iudicia excipiendi, & in Scripta referendi, talis esto. Casus præcisè, Iudicia ipsa exactè perscribito; Rationes Iudiciorum, quas adduxerunt Iudices, adijcito; Casuum, ad Exemplum adductorum, Auctoritatem, cum Casibus Principalibus, ne commisceto; De Advocatorum Perorationibus, nisi quidpiam in ijs fuerit admodum eximium, fileto.

APHORISMVS 75.

Personæ, quæ huiusmodi Iudicia excipiant, ex Aduocatis maxime doctis sunt, & Honorarium liberale ex Publico excipiunt. Iudices ipsi ab huiusmodi Perfectionibus

bus abstineto; ne fortè Opinionibus proprijs addicti, & Auctoritate propriâ freti, Limites Referendarij transcendant.

APHORISMVS 76.

Iudicia illa, in Ordine, & Serie Temporis, digerito; non per Methodum & Titulos. Sunt enim Scripta eiusmodi, tanquàm Historiæ, aut Narrationes Legum. Neque solùm Acta ipsa, sed & Tempora ipsorum, Iudici Prudenti, Lucem præbent.

De Scriptoribus Authenticis.

APHORISMVS 77.

EX Legibus ipsis, quæ Ius commune constituunt; Deinde, ex Constitutionibus siue Statutis; Tertio loco, ex Iudicijs Perscriptis, Corpus Iuris tantummodo constituitur. Præter illa, alia Authentica, aut nulla sunt, aut parçè recipiuntur.

APHORISMVS 78.

Nihil tam interest Certitudinis Legum, (de quâ nunc tractamus) quam ut Scripta Authentica, intra Fines moderatos coerceantur, & facessat Multitudo enormis, Auctorum, & Doctorum in Iure; unde laceratur Sententia Legum, Iudex fit attonitus, Processus Immortales, atque Aduocatus ipse, cum tot Libros perlegere, & vincere non possit, Compendia sectatur. Glossa fortassè aliqua bona; & ex Scriptoribus Classicis Pauci, vel potius Scriptorum paucorum pauculæ Portiones, recipi possint pro Authenticis. Reliquorum nihilominus maneat usus nonnullus in Bibliothecis, ut eorum Tractatus inspiciant Iudices, aut Aduocati, cum opus fuerit: Sed in Causis agendis, in Foro citare eos non permittitur, nec in Auctoritatem transeunto.

De Libris Auxiliaribus.

APHORISMVS 79.

AT Scientiam Iuris, & Practicam, Auxiliaribus Libris ne nudanto, sed potius instruunt. Ij Sex in genere sunt. Institutiones. De Verborum significatione. De Regulis Iuris. Antiquitates Legum. Summæ. Agendi Formulæ.

APHORISMVS 80.

Preparandi sunt Iuvenes, & Nouitij, ad Scientiam, & Ardua Iuris, altius & commodius haurienda, & imbibenda, per Institutiones. Institutiones illas, ordine claro, & perspicuo composito. In illis ipsis, uniuersum Ius Priuatum percurrito; non alia omittendo, in alijs plus satis immorando, sed ex singulis quedam breuiter delibando, ut ad Corpus Legum perlegendum accessuro, nil se ostendat prorsus nouum, sed leui aliquâ notione præceptum. Ius Publicum in Institutionibus ne attingito, verum illud ex Fontibus ipsis hauriatur.

APHORISMVS 81.

Commentarium de Vocabulis Iuris conficito. In Explicatione ipsorum, & Sensu reddendo, ne curiosè nimis aut laboriosè versator. Neque enim hoc agitur, ut Diffinitiones Verborum quærantur exactè, sed Explicationes tantum, quæ legendis Iuris Libris viam aperiant faciliorem. Tractatum autem istum, per Literas Alphabeti ne digerito: Id Indici alicui relinquito: sed collocentur simul Verba, quæ circa eandem rem versantur; ut Alterum Alteri sit iuuamentum ad intelligendum.

APHORISMVS 82.

Ad Certitudinem Legum facit, (si quid aliud) Tractatus bonus & diligens, de Diuersis Regulis Iuris. Is dignus est, qui maximis Ingenijs, & Prudentissimis Iure consultis, committatur. Neque enim placent, quæ in hoc genere extant. Colligendæ autem sunt Regulæ, non tantum notæ, & vulgata,

vulgata, sed & alia magis subtiles & recondite, quæ ex Legum, & Rerum Iudicatarum Harmonia extrahi possint; quales in Rubricis optimis quandoque inveniuntur: suntque Dictamina Generalia Rationis, quæ per Materias Legis diuersas percurrunt, & sunt tanquam Saburra Iuris.

APHORISMVS 83.

At singula Iuris Scita, aut Placita, non intelligantur pro Regulis, ut fieri solet satis imperitè. Hoc enim si recipere-
tur, Quot Leges, tot Regulæ. Lex enim nil aliud, quam Re-
gula Imperans. Verum eas pro Regulis habeto, quæ in For-
ma ipsa Iustitiæ herent: unde, ut plurimum, per Iura Ci-
uilia diuersarum Rerumpub. eadem Regulæ ferè reperiun-
tur; nisi fortè propter Relationem ad Formas Politiarum
variant.

APHORISMVS 84.

Post Regulam, breui & solido verborum complexu
enuntiatam, adiiciantur Exempla, & Decisiones Casuum,
maximè luculentæ ad Explicationem; Distinctiones, &
Exceptiones ad Limitationem; Cognata ad Ampliatio-
nem eiusdem Regulæ.

APHORISMVS 85.

Rectè iubetur; ut non ex Regulis Ius sumatur; sed
ex Iure quod est, Regula fiat. Neque enim ex Verbis Re-
gulæ petenda est Probatio, ac si esset Textus Legis. Re-
gula enim Legem (ut Acus Nautica Polos) indicat, non
statuit.

APHORISMVS 86.

Præter Corpus ipsum Iuris, inuabit etiam Antiquitates
Legum inuisere; quibus licet euanuerit Auctoritas, manet
tamen Reuerentia. Pro Antiquitatibus autem Legum ha-
beantur Scripta circa Leges & Iudicia; siue illa fuerint edi-
ta, siue non, quæ ipsum Corpus Legum tempore præcesse-
runt. Earum siquidem Iactura facienda non est. Itaque ex
ijs, utilissima quæque excerpito (multa enim inveniuntur
inania & friuola) eaque in vnum Volumen redigito: Ne

Antiquæ

Antiquæ Fabulæ, ut loquitur Trebonianus, cum Legibus
ipfis misceantur.

APHORISMVS 87.

Practicæ verò plurimum interest, ut Ius vniuersum
 digeratur ordine, in Locos & Titulos; Ad quos subito
 (prout dabitur Occasio) recurrere quis possit, veluti in
 promptuarium paratum ad præsentis Vsus. Huiusmodi Li-
 bri Summarum, & ordinant Sparsa, & abbreviant Fusa
 & Prolixa in Lege. Cauendum autem est, ne Summæ istæ,
 reddant Homines promptos ad Practicam, Cessatores in
 Scientiâ ipsâ. Earum enim Officium est tale, ut ex ijs re-
 colatur Ius, non perdiscatur. Summæ autem omninò, mag-
 nâ Diligentiâ, Fide, & Iudicio, sunt conficienda, ne furtum
 faciant Legibus.

APHORISMVS 88.

Formulas Agendi diuersas, in vno quoque genere colli-
 gito. Nam & Practicæ hoc interest; & certè pandunt illæ
 Oracula & Occulta Legum. Sunt enim non pauca, quæ la-
 tent in Legibus: At in Formulis Agendi, melius & fusiùs
 perspiciuntur; instar Pugni, & Palmæ.

De Responsis & Consultis.

APHORISMVS 89.

DVbltationes Particulares, quæ de tempore in tempus
 emergunt, dirimendi & soluendi, aliqua Ratio iniri de-
 bet. Durum enim est, ut ij, qui ab Errore cauere cupiant,
 Ducem Viæ non inueniant; Verùm ut Actus ipsi pericliten-
 tur, neque sit aliquis ante Rem peractam Iuris prænoscenti
 Modus.

APHORISMVS 90.

Responsa Prudentum, quæ petentibus dantur de Iure,
 siue ab Aduocatis, siue à Doctoribus, tantâ valere Aucto-
 ritate, ut ab eorum Sententiâ, Iudici recedere non sit licitum,
 non placet. Iura à Iuratis Iudicibus sumunto.

APHORISMVS 91.
*Tentari Iudicia, per Cauſſas & Personas fictas, ut co-
 modo experiantur Homines, qualis futura ſit Legis Norma,
 non placet. Dedecorat enim Maieſtatem Legum, & pro
 Præuaricatione quapiam cenſenda eſt. Iudicia autem ali-
 quid habere ex Scenâ deforme eſt.*

APHORISMVS 92.
*Iudicium igitur ſolummodo, tam Iudicia, quam Reſpon-
 ſa & Conſulta ſunt. Illa de Litibus Pendentibus; Hæc
 de Arduis Iuris Quæſtionibus in Theſi. Ea Conſulta, ſive
 in Priuatis Rebus, ſive in Publicis, à Iudicibus ipsis ne poſ-
 cito; (Id enim ſi fiat, Iudex tranſeat in Aduocatum,) ſed
 à Principe, aut Statu. Ab illis, ad Iudices demandentur.
 Iudices verò, tali Auctoritate freti, Diſceptationes Aduoca-
 torum, vel ab his, quorum intereſt, adhibitorum, vel à Iu-
 dicibus ipsis, ſi opus ſit, aſſignatorum, & Argumenta ex
 utrâque parte audiunt; & re deliberatâ Ius expediunt, &
 declarant. Conſulta huiusmodi inter Iudicia referunt &
 edunt, & paræ Auctoritatis ſunt.*

De Prælectionibus

APHORISMVS 93.
P*rælectiones de Iure, atque Exercitationes eorum, qui
 Iuris Studijs incumbunt, & Operam dant, ita inſtituun-
 tor, & ordinantur, ut omnia tendant ad Quæſtiones, &
 Controuerſias de Iure, ſedandas potius, quam excitandas.
 Ludus enim (ut nunc ſit) ſerè apud omnes inſtituitur, & ape-
 ritur, ad Altercationes, & Quæſtiones de Iure multipli-
 candas, tanquàm oſtentandi Ingenij cauſſâ. Atque hoc ve-
 tus eſt Malum. Etenim, etiam apud Antiquos gloria fuit, tan-
 quàm per Sectas & Factiones, Quæſtiones complures de Iu-
 re, magis fouere, quam extinguere. Id ne fiat, prouideto.*

De Vacillatione Iudiciorum.

APHORISMVS 94.

Vacillant Iudicia, *vel propter Immaturam & præfestinationem Sententiam; vel propter Emulationem Curiarum; vel propter Malam & Imperitam perscriptionem Iudiciorum; vel propter Viam præbitam ad Rescissionem eorum nimis facilem & Expeditam. Itaque providendum est, ut Iudicia emanent, Maturâ deliberatione prius habitâ; Atque ut Curia se inuicem reuereantur; Atque ut Iudicia perscribantur fideliter & prudenter; utque Via ad rescindenda Iudicia, sit Arcta, Confragosa, & tanquàm Muricibus strata.*

APHORISMVS 95.

Si Iudicium redditum fuerit, de Casu aliquo, in aliquâ Curia Principali; & similis Casus interuenerit, in aliâ Curia; ne procedito ad Iudicium, antequàm fiat Consultatio, in Collegio aliquo Iudicum maiore. Iudicia enim reddita, si forte rescindi necesse sit, saltem sepeliuntur cum Honore.

APHORISMVS 96.

Ut Curia de Iurisdictione digladietur, & confluentur, humanum quiddam est; eoque magis, quod per ineptam quandam Sententiam (quod Boni & Strenui sit Iudicis ampliare Iurisdictionem Curia) alatur planè ista Intemperies, & Calcar addatur, ubi Fræno opus est. Ut verò, ex hac Animorum Contentione, Curia, Iudicia utrobique reddita (quæ nil ad Iurisdictionem pertinent) libenter rescindant, Intolerabile Malum; & à Regibus, aut Senatu, aut Politia planè vindicandum. Pessimi enim Exempli Res est, ut Curia, quæ pacem subditis præstant, inter se Duella exerceant.

APHORISMVS 97.

Non facilis esto, aut procliuis, ad Iudicia rescindenda,

Aditus, per Appellationes, aut Impetitiones de Errore, aut Reuifus, & similia. Receptum apud nonnullos est, vt Lis trahatur, ad forum superius, tanquam Res integra; Iudicio inde dato fepofito, & planè fufpenfo. Apud alios verò, vt Iudicium ipfum maneat in fuo vigore, fed Executio eius tantum celfet: Neutrum placet; nifi Curia, in quibus Iudicium redditum fit, fuerint humiles, & inferioris Ordinis: Sed potiùs, vt & Iudicium flet, & procedat eius Executio; modò Cautio detur à Defendente, de Damnis & Expensis, fi Iudicium fuerit refcifsum.

ATque hic Titulus, de Certitudine Legum, ad Exemplum *Digesti* reliqui (quod meditamur) fufficiet. Iam verò *Doctrinam Ciuilem* (quatenùs eam nobis tractare vifum eft) concludimus, Arque vnà cum eà *Philosophiam Humanam*; Sicut etià cum *Philosophià Humanà, Philosophiam* in genere. Tandem igitur paululùm refpirantes, atque ad ea, quæ præteruicti fumus, Oculos retroflectentes; Hunc Tractatum noftrum non abfimilem effe cenfemus, Sonis illis & Præludijs, quæ prætentant Mufici, dum Fides ad Modulationem concinnant: Quæ ipfa quidem Auribus ingratum quiddam & afperum exhibent; At in Cauſâ funt, vt quæ fequuntur omnia, fint luauiora: Sic nimirum nos in Animum induximus, vt in Cytharâ Muſarum concinnandâ, & ad Harmoniam veram redigendâ, operam nauaremus, quo ab Alijs poſteà pulſentur Chordæ, meliore Digito, aut Plectro. Sanè, cum nobis ante Oculos proponamus, Temporum horum Statum, in quibus *Litere* iam tertio, ad Mortales videntur rediſſe; Et vnà diligenter intueamur, quam varijs iam nos inuiſerint inſtructæ Præſidijs, & Auxilijs; Qualia funt, Ingeniorum noſtri temporis complurium Acumen & Sublimitas; Eximia illa Monumenta Scriptorum Veterum, quæ veluti tot Faces nobis prælucent; Ars Typographica, Libros cuiufcunque

cuiuscunque Fortunæ Hominibus, largâ manu suppeditans; Oceani Sinus laxati, & Orbis ex omni Parte peragratus, vnde Experimenta plurima Priscis ignota comparuerunt, & ingens accessit Naturali Historiæ Cumulus; Orium, quò Ingenia optima, in Regnis & Prouincijs Europæ vbiq̃ue abundant, tùm Negotijs minùs his in locis implicentur Homines, quam aut Græci, propter Populares Status, aut propter Ditionum Amplitudinem, Romani solebant; Pax, quâ fruitur hoc tempore Britannia, Hispania, Italia, etiâ nunc Gallia, & aliæ Regiones non pauca; Consumptio & Exinanitio omnium, quæ videntur excogitari aut dici posse, circa Controuersias Religionis, quæ tot Ingenia iam diù diuerterunt, à cæterarum Artium Studijs; Summa & excellens Maiestatis tuæ Eruditio, cui (tanquàm Phœnici Volucres,) aggregant se vndique Ingenia; Proprietas denique illa inseparabilis, quæ *Tempus* ipsum sequitur, vt Veritatem indies parturiat; Hæc (inquam) cùm cogitamus, non possumus non in eam Spem Animum erigere, vt existimemus, Tertiâ hanc *Literarum Perîodum*, duas illas priores, apud *Græcos & Romanos*, longo intervallo superaturam: Modò saltêm Homines, & Vires suas, atque Defectus etiâ Virium suarum, probè & prudenter nosse velint; Atque alij ab alijs Inventionis Lampada, non Contradictionis Torres accipiant; Atque Inquisitionem Veritatis, pro Incæpto Nobili, non pro Delectamento aut Ornamento putent; Atque Opes ac Magnificentiam impendant, in Res Solidas & eximias, non in Peruulgatas, & Obuias. Ad Labores meos quod attinet, si cui libeat in eorum Repræhensione, aut sibi, aut alijs placere, veterem certè, & ultimæ Patientiæ Petitionem exhibebunt illi; *Verbera, sed audi.* Reprehendant Homines, quantû libuerit, modò attendant & perpendant, quæ dicuntur. Appellatio sanè legitima fuerit (licet Res fortassè minùs eâ indigeat) si à primis Cogita-

Cogitationibus Hominum ad Secundas prouocetur, & ab Aeuo presenti ad Posteriores. Veniamus nunc ad eam Scientiam, quâ caruerunt duæ illæ priscæ Temporum Periodi, (neque enim tanta illis Felicitas concessa est)

Sacram dico & diuinitus Inspiratam Theolo-

giam; Cunctorum Laborum, ac Pere-

grinationum Humanarum Sab-

batum, ac Portum No-

bilissimum.

FRANCISCI

FRANCISCI BARONIS

DE
VERVLAMIO,
VICE-COMITIS

SANCTI ALBANI,

DE

Dignitate & Augmentis Scientiarum

LIBER NONVS.

AD REGEM SVVM.

CAPVT I.

*Partitiones Theologiæ Inspiratæ omittuntur;
Tantum Aditus fit ad Desiderata tria;
Doctrinam de Legitimo Vsu Rationis
Humanæ in Diuinis; Doctrinam de Gra-
dibus Vnitatis in Ciuitate Dei; & E-
manationes Scripturarum.*



Am verò (Rex optime) cum Carina
parua, qualis nostra esse potuit, vni-
uersum Ambitum, tam veteris, quam
nouī Orbis, Scientiarum, circumnau-
gauit, (quam secundis ventis, &
Carſu, Poſteriorum ſit iudicium)
quid ſuperelt, niſi vt Vota, tandem perfuncti, perſolua-
mus?

mus? At restat adhuc *Theologia Sacra*, siue *Inspirata*: Veruntamen si eam tractare pergamus, exeundum nobis foret è *Nauiculâ Rationis Humane*, & transeundum in *Ecclesiæ Nauem*; Quæ sola *Acu Nauticâ Divinâ* pollet, ad *Cursum rectè dirigendum*. Neque enim sufficient amplius *Stellæ Philosophiæ*, quæ hætenus præcipuè nobis affulserunt. Itaque par foret, *Silentium* quoque in hæc colere. Quamobrem *Partitiones Legitimas* circa eam omitemus; Pauca tamen, pro tenuitate nostrâ, etiâ in hanc conferemus, loco *Votorum*. Id eò magis facimus, quia in *Corpore Theologiæ*, nullam prorsus *Regionem*, aut *Tractum*, planè *Desertum*, aut *Incultum*, inuenimus: Tanta fuit *Hominum Diligentia*, in *seminandis*, aut *Tritico*, aut *Zizanijs*.

Tres igitur proponemus, *Theologiæ Appendices*, quæ non de *Materiâ*, per *Theologiam*, *Informatâ*, aut *Informanda*, sed tantummodò de *Modo Informationis*, tractent. Neque tamen, circa eos *Tractatus*, (vt in reliquis consueuimus) vel *Exempla* subiungemus, vel *Præcepta* dabimus. Id *Theologis* relinquemus. Sunt enim illa (vt diximus) instar *Votorum tantum*.

I. *Prærogatiua Dei* totum *Hominem* complectitur; nec minus ad *Rationem*, quam ad *Voluntatem Humanam*, extenditur: Vt *Homo* scilicet, in *Vniuersum* se abneget, & accedat *Deo*. Quare, sicut *Legi Divinæ* obedire tenemur, licet reluctetur *Voluntas*; ita & *Verbo Dei* fidem habere, licet reluctetur *Ratio*. Etenim, si ea duntaxat credamus, quæ sunt *Rationi* nostræ consentanea, *Rebus* assentimur, non *Auctori*: Quod etiâ, suspectæ *Fidei* *Testibus*, præstare solemus. At *Fides* illa, quæ *Abrahamo* imputabatur ad *Iustitiam*, de huiusmodi *Rece*nit, quam *Irisui* habebat *Sarah*: Quæ in hac parte *Imago* quædam erat *Rationis Naturalis*. Quanto igitur, *Mysterium* aliquod *Diuinum*, fuerit magis *absolutum*, & *incredibile*, tantò plus in *Credendo* exhibetur *Honoris Deo*, &

de fide *Victoria Fidei* nobilior. Etiam & Peccatores, quod magis conscientia sua grauantur, & nihilominus Fidem de futuro sua, in Dei Misericordia, collocant, eò Deum maiore afficiunt Honore. Omnis autem Desperatio Deo pro Contumelia est. Quinetiam, si attentè rem perpendamus, dignius quiddam est Credere, quam Scire; quare nunc Scimus. In Scientia enim, Mens humana patitur à Sensu, qui à Rebus Materialis resilit; In Fide autem, Anima patitur ab Anima; quæ est Agens dignius. Alterse Res habet in Statu Glorie: Tunc siquidem cessabit Fides, atque Cognoscemus, sicut & Cogniti sumus.

Concludamus igitur Theologiam Sacram, ex Verbo & Oraculis Dei, non ex Lumine Naturæ, aut Rationis Dictamine, trahiri debere. Scriptum est enim; Cæli enarrant Gloriam Dei. At nusquam scriptum inuenitur; Cæli enarrant Voluntatem Dei. De illa pronuntiatur, Ad Legem, & Testimonia, si non fecerint secundum Verbum istud, &c. Neque hoc tenet tantum, in Grandibus illis Mysterijs, De Deitate, Creatione, Redemptione; Verum pertinet etiam ad Interpretationem perfectiorem Legis Moralis; Diligite Inimicos Vestros; Benefacite hiis qui Oderunt Vos &c. *Hyph* Filius Patris Vestri, qui in cælis est, qui pluit super Iustos & Iniustos. Quæ certe Verba Plausum illum merentur, Nec vox Hominum sonat. Siquidem Vox est, quæ Lumen Naturæ superat. Quinetiam videmus Poetas Ethnicos, præsertim cum patheticè loquantur, expostulare non rarò cum Legibus, & Doctrinis Moralibus (quæ tamen Legibus Divinis multò sunt indulgentiores & solutiores) ac si Naturæ Libertati cum Malignitate quâdam repugnent;

Et quod Natura remittit

(sic) Invidia Iura negant.

Ita Dendamis Iudæus, ad Alexandri Nuntios; Se inaudisse quidem aliquid, de nomine Pythagoræ, & aliorum Sapientum à Græciâ; Et credere illos fuisse Viros magnos; Vitio

tamen illo laborasse, quod scilicet nimia in Reuerentiâ & Veneratione habuissent, rem quampiam phantasticam, quam Legem & Morem vocitabant. Quare, nec illud dubitandum, magnam Partem Legis Moralis, sublimiorem esse, quam quò Lumen Naturæ ascendere possit. Veruntamen, quod dicitur, Habere Homines, etiâ ex Lumine & Legge Naturæ, Notiones nonnullas, Virtutis, Vitij; Iustitiæ, Iniuriæ; Boni, Mali; id verissimum est. Notandum tamen, Lumen Naturæ, duplici Significatione accipi. Primò, quatenus oritur ex Sensu, Inductione, Ratione, Argumentis, secundum Leges Cæli ac Terræ: Secundò, quatenus Animæ Humanæ interno affulget instinctu, secundum Legem Conscientiæ; quæ Scintilla quædam est, & tanquàm Reliquiæ, Pristinæ & Primitivæ Puritatis. In quo posteriore Sensu, præcipuè particeps est Anima, Lucis nonnullæ, ad Perfectionem intuendam & discernendam Legis Moralis; Quæ tamen Lux, non prorsus clara sit, sed eiusmodi, vt potius Vitia quadamtenus redarguat, quam de Officijs plenè informet. Quare, Religio, siue Mysteria spectes, siue Mores, pendet ex Reuelatione Diuinâ.

Attamen vsus Rationis Humanæ in Spiritualibus, multiplex sanè existit, ac latè admodum patet. Neque enim sine Causâ est, quod Apostolus Religionem appellaue- rit, Rationalem Cultum Dei. Recordetur quis Cæremonias & Typos veteris Legis; Fuerunt illæ Rationales, & Significatiuæ, longè discrepantes à Cæremonijs Idolatriæ, & Magiæ; quæ tanquàm Surdæ & Mutæ erant, nihil Docentes plerunque, imò ne innuentes quidem. Præcipuè Christiana Fides, vt in omnibus, sic in hoc ipso eminet; quod Auream seruet Mediocritatem, circa Vsum Rationis, & Disputationis (quæ Rationis proles est) inter Leges Ethnicorum, & Mahometi, quæ Extrema sectantur. Religio siquidè Ethnicorum, Fidei aut Confessionis constantis nihil habebat; Contrà in Religione Mahometi,

Mahometi, omnis Disputatio interdicta est: Ita vt Altera, Erroris vagi & multiplicis; Altera, vafra cuiusdam & cauta Impostura, Faciem præ se ferat; Cum sancta *Fides Christiana*, *Rationis* vsus, & *Disputationem* (sed secundum debitos Fines) & recipiat, & reijciat.

Humanæ Rationis Vsus, in Rebus ad Religionem spectantibus, duplex est; Alter, in *Explicatione* *Mysterij*; Alter, in *Illationibus*, quæ inde deducuntur. Quod ad *Mysteriorum* *Explicationem* attinet, videmus non dedignari Deum, ad Infirmitatem Captus nostri se demittere; *Mysteria* sua ita explicando, vt à nobis optime ea possint percipi; Atque *Reuelationes* suas, in *Rationis* nostræ Syllepses & Notiones veluti inoculando; Atque *Inspirationes*, ad Intellectum nostrum aperiendum sic accommodando, quemadmodum Figura Clavis aptatur Figuræ Seræ. Quâ tamen in Parte, nobis ipsis deesse minimè debemus: Cum enim *Deus* ipse, operâ *Rationis* nostræ, in *Illuminationibus* suis vtatur, etiâ nos eandem in omnes Partes versare debemus, quò magis capaces simus, ad *Mysteria* recipienda & imbibenda: Modò Animus, ad Amplitudinem *Mysteriorum*, pro Modulo suo, dilatetur; non *Mysteria* ad Augustias Animi constringantur.

Quantum verò ad *Illationes*, nosse debemus; Relinqui nobis Vsus *Rationis*, & *Ratiocinationis* (quoad *Mysteria*) secundarium quendam & Respectiuum, non Primitiuum & Absolutum. Postquam enim *Articuli*, & *Principia Religionis*, iam in Sedibus suis fuerint locata, ita vt à *Rationis* Examine penitus eximantur, tum demùm conceditur ab illis *Illationes* deriuare, ac deducere, secundum Analogiam ipsorum. In Rebus quidem *Naturalibus* hoc non tenet. Nam & ipsa *Principia* Examine subiiciuntur; Per *Inductionem* (inquam) licet minimè per *Syllogismum*: Atque eadem illa nullam habent cum *Ratione* Repugnantiam, vt ab eodem Fonte, tum

primæ Propositiones, tum Mediæ, deducantur. Aliter fit in *Religione*; Vbi & primæ Propositiones Authypostatæ sunt, atque per se subsistentes; Et rursus, non reguntur ab illâ *Ratione*, quæ Propositiones consequentes deducit. Neque tamen hoc fit in *Religione* solâ, sed etiam in alijs *Scientijs*, tam Grauioribus, quam Leuioribus; vbi scilicet Propositiones Primariæ *Placita* sint, non *Posita*: Siquidem & in illis *Rationis* *Vsus* absolutus esse non potest. Videmus Enim in *Ludis*, puta *Schaccorum*, aut Similibus, primas Ludi Normas, & Leges, merè positivas esse, & ad Placitum; quas recipi, non in Disputationem vocari, prorsus oporteat: Vt verò vincas, & peritè Lusum instituas, id Artificiosum est & Rationale: Eodem modo fit & in *Legibus Humanis*: In quibus haud paucae sunt *Maximæ* (vt loquuntur) hoc est, *Placita mera Iuris*, quæ *Auctoritate* magis quam *Ratione* nituntur; Neque in Disceptationem veniunt; Quid verò sit iustificum, non absolute, sed relative; (hoc est, ex Analogiâ illarum *Maximarum*,) id demùm Rationale est, & latum Disputationi Campum præbet. Talis igitur est, *Secundaria illa Ratio*, quæ in *Theologiâ Sacrà*, locum habet; quæ scilicet fundata est super *Placita Dei*.

Sicut verò, *Rationis Humana* in *Diuinis*, *usus* est duplex; ita & in eodem *Vsu*, duplex *Excessus*. Alter, cum in *Modum Mysteriorum*, curiosius, quam par est, inquiritur; Alter, cum *Illationibus*, æqua tribuitur *Auctoritas*, ac *Principijs* ipsis. Nam & *Nicodemus Discipulus* videri possit, qui *Pertinacius* quærat, *Quomodo posset Homo nasci cum sit Senex*? Et *Discipulus Pauli* neutiquàm censeri possit, qui non quandoque in *Doctrinis* suis inserat; *Ego, non Dominus*: Aut illud, *Secundum Consilium Meum*. Siquidem *Illationibus* plerisque *Stilus* iste conueniet. Itaque nobis *Res salubris* videtur, & in primis utilis, si *Tractatus* instituatursobrius & Diligens, qui de *Vsu Rationis Humanae* in *Theologicis* utiliter præcipiat, tanquàm *Diuina* quædam

quædam *Dialectica*. Vtpote, quæ futura sit, instar *Opiæ* cuiusdam *Medicinæ*; quæ non modò Speculationum, quibus Schola interdum laborat, Inania conso-
piat; Verùm etiàm, Controuersiarum Furores, quæ in Ecclesiâ Tumultus cient, nonnihil mitiget. Eiusmodi Tractatum, inter *Desiderata* ponimus; & *Sophronem*, siue de *Legitimo vsu Rationis Humanae in Diuinis* nominamus.

2. Interest admodum *Pacis Ecclesiæ*, vt *Fædus Christianorum*, à *Seruatore* præscriptum, in duobus illis *Capitibus*, quæ nonnihil videntur discrepantia, benè & clare explicetur: Quorum Alterum sic diffinit; *Qui non est nobiscum, est contra nos*: Alterum autem sic; *Qui contra nos non est, nobiscum est*. Ex his liquidò pater, Esse nonnullos Articulos, in quibus, qui dissentit, extra *Fædus* statuendus sit: Alios verò, in quibus dissentire liceat, saluo *Fædere*. Vincula enim *Communions Christianæ* ponuntur, *Vna Fides, Vnum Baptisma*, &c. Non *Vnus Ritus, vna Opinio*. Videmus quoque *Tunicam Saluatoris*, Inconsutilem extitisse; *Vestem* autem *Ecclesiæ*, Versicolore. *Paleæ* in *Aristâ* separandæ sunt à *Fru-mento*; At *Zizania* in *Agro*, non protinùs euellenda. *Moses*, cum certantem reperisset *Aegyptium* cum *Israelitâ*, non dixit, *Cur certatis?* Sed *Gladio euaginato Aegyptium interfecit*: At cum *Israelitas* duos certantes vidisset, quamuis fieri non potuit, vt vtrique *Causa iusta* contingeret, ita tamen eos alloquitur; *Fratres estis, cur certatis?* His itaque perpensis, Magni videatur *Res*, & *Momenti*, & *Vsûs esse*, vt diffiniatur, qualia sint illa, & quantæ *Latitudinis*, quæ, ab *Ecclesiæ Corpore*, *Homines* penitus diuellant, & à *Communione Fidelium* eliminent. Quod si quis putet, hoc iam pridem factum esse, videat ille etiàm atque etiàm, quam sincerè & moderatè. Illud interim verisimile est, cum qui *Pacis* mentionem fecerit, reportaturum *Responsum* illud *Iehu*, ad *Nuntium*,

Nuntium, (*Nunquid pax est Iehu?*) *Quid tibi & Paci? transi, & sequere me:* Cùm non *Pax*, sed *Partes*, plerisque *Cordi* sint. Nobis nihilominus visum est, *Tractatum de Gradibus Unitatis in Ciuitate Dei*, vt salubrem & vtilem, inter *Desiderata* reponere.

3. Cùm *Scripturarum Sacrarum*, circa *Theologiam informandam* tantæ sint *Partes*, de earum *Interpretatione* imprimis videndum. Neque nunc de *Auctoritate eas interpretandi* loquimur, quæ in *Consensu Ecclesiæ* firmatur; sed de *Modo Interpretandi*. Is duplex est; *Methodicus*, & *Solutus*. Etenim *Latices isti Diuini*, qui *Aquis illis*, ex *Puteis Iacobi*, in infinitum præstant, similibus ferè hauriuntur, & exhibentur *Modis*, quibus *Aquæ Naturales* ex *Puteis* solent: Hæ siquidem, aut sub *primum Haustum*, in *Cisternas* recipiuntur, vnde per *Tubos complures*, ad *Vsum commodè* diduci possunt; Aut statim in *Vasa* infunduntur, subinde, prout opus est, vtendæ. Atque *Modus* ille prior *Methodicus*, *Theologiam* nobis tandem peperit *Scholasticam*; per quam *Doctrina Theologica*, in *Artem*, tanquam in *Cisternam*, collecta est; atque inde *Axiomatum & Positionum Riuuli*, in omnes *Partes*, sunt distributi. At in *Interpretandi Modo Soluta* duo interueniunt *Excessus*: Alter, eiusmodi præsupponit in *Scripturis Perfectionem*, vt etiã omnis *Philosophia* ex earum *Fontibus* poti debeat; ac si *Philosophia* alia quævis, *Res profana* esset & *Ethnica*. Hæc *Intemperies* in *Scholâ Paracelsi* præcipuè, nec non apud alios inualuit: *Initia* autem eius à *Rabbinis & Cabalisticis* defluerunt. Verùm istiusmodi *Homines*, non id assequuntur quod volunt; Neque enim *Honorem*, vt putant, *Scripturis* deferunt; sed easdem potius deprimunt & polluant. *Cælum* enim *Materiatum*, & *Terram*, qui in *Verbo Dei* quæsiuerit (de quo dictum est; *Cælum & Terra pertransibunt, Verbum autem meum non Pertransibit*) is lanè, *Transitoria* inter *Æterna* temere per-

persequitur. Quemadmodum enim *Theologiam* in *Philosophia* quærere, perinde est, ac si *Viuos* queras inter *Mortuos*; Ità econtrà *Philosophiam* in *Theologia* quærere, non aliud est, quam *Mortuos* quærere inter *Viuos*. Alter autem *Interpretandi Modus* (quem pro *Excessu* statui-
mus) videtur primo intuitu *Sobrius* & *Castus*; sed ta-
men & *Scripturas* ipsas dedecorat, & plurimo *Ecclesiam*
afficit detrimento. Is est (vt verbo dicamus) quando
Scripturae diuinitus inspirate, eodem, quo *Scripta Hu-*
mana, explicantur modo. Meminisse autem oportet, Deo
Scripturarum Auctori, duo illa patere, quæ *Humana In-*
genia fugiunt; *Secreta* nimirum *Cordis*, & *Successiones*
Temporis. Quamobrèm, cum *Scripturarum Dictamina*
talìa sint, vt ad *Cor* scribantur, & *omnium Seculorum Vi-*
cissitudines complectantur; cum æternâ & certâ *Præsci-*
entiâ omnium *Hæresium*, *Contradictionum*, & *Status*
Ecclesiæ varij & mutabilis, tum in *Cômuni*, tum in *Ele-*
ctis singulis; *Interpretandæ* non sunt solummodò, secun-
dum *Latitudinẽ* & obuiũ *Sensum Loci*; Aut respiciendo
ad *Occasionem* ex quâ *Verba* erant prolata; Aut præcisè
ex *Contextu Verborum Præcedentium* & *Sequentium*;
Aut contemplando *Scopum Dicti Principalem*; Sed sic,
vt intelligamus complecti eas, non solum totalitèr, aut
collectiuè, sed distributiue, etiã in *Clausulis* & *Voca-*
bulis singulis, innumeros *Doctrinæ Riuulos* & *Venas*,
ad *Ecclesiæ singulas Partes*, & *Animas Fidelium*, irrigan-
das. Egregiè enim obseruatum est, quod *Responsa Saluato-*
ris nostri, ad *Quæstiones* non paucas, ex ijs quæ propo-
bantur non videntur ad rem, sed quasi impertinentia:
Cuius rei *Caussa* duplex est; Altera, quod cum *Cogitatio-*
nes eorum qui interrogabant, non ex *Verbis*, vt nos
Homines solemus, sed *immediate*, & *ex sese* cognouisset,
ad *Cogitationes* eorum, non ad *Verba* respondit; Altera,
quod non ad eos solum locutus est, qui tunc aderant, sed
ad Nos etiã qui viuimus, & ad *Omnis Aui ac Loci Ho-*
mines


mines, quibus *Evangelium* fuerit *Prædicandum*. Quod etiam in alijs *Scripturæ Locis* obtinet.

His itaque *Prælibatis*, veniamus ad *Tractatum* eum, quem *Desiderari* statuimus. Inveniuntur profectò inter *Scripta Theologica*, *Libri Controversiarum* nimidò plures; *Theologiae* eius, quam diximus *Positivam*, *Massa ingens*; *Loci Communes*; *Tractatus speciales*; *Casus Conscientia*; *Conciones & Homiliae*; Denique prolixi plurimi in *Libros Scripturarum Commentarij*: Quod *Desideramus* autem est huiusmodi: *Collectio scilicet succincta, sana, & cum Iudicio, Annotationum, & Observationum*, super *Textus Scripturae Particulares*, neuiquam in *Locos Communes* excurrentiò, aut *Controversias* persequendo, aut in *Artis Methodum* eas redigendo; sed quæ planè *Sparse* sint, & *Natiuæ Res* eum, in *Concionibus* doctioribus, se quandoque ostendens, quæ ut plurimum non perennant; sed quæ in *Libros* adhuc non coaluit, qui ad *Posteros* transeant. Certè, quemadmodum *Vina*, quæ sub primam *Calcationem* mollicè defluunt, sunt suaviora, quam quæ à *Torculari* exprimuntur; quoniam hæc ex *Acino & Cute* vix aliquid sapiant; Similiter salubres admodum, ac suaves sunt *Doctrinae*, quæ, ex *Scripturis lenitè expressis*, emanant; nec ad *Controversias*, aut *Locos Communes*, trahuntur. Huiusmodi *Tractatum Emissiones Scripturarum* nominabimus.

Iam itaque mihi videor confecisse *Globum exiguum Orbis Intellectualis*, quam potui, fidelissimè; Vnà cum *Designatione & Descriptione* earum *Partium*, quas *Industria & Laboribus* *Hominum*, aut non constantè occupatas, aut non satis excultas, inuenio. Quo in *Opere*, sicubi à *Sententiâ Veterum* recesserim, intelligatur hoc factum esse, *Animo Proficiendi in Melius*, non *Innovandi*, aut *Migrandi in aliud*. Neque enim mihi metipsi, aut *Argumento*, quod in *Manibus* habeo, constare potui, nisi

nisi planè decretum mihi fuisset, *Aliorum Inuentis*, quantum in me fuerit, addere; Cùm tamen non minùs optauerim, etiàm *Inuenta mea*, ab Alijs, in posterum superari. Quam autem in hâc Re æquus fuerim, vel ex hoc apparet; quod Opiniones meas proposuerim vbique nudas, & inermes, neque alienæ Libertati, per Confutationes pugnaces, præiudicare contenderim. Nam in ijs, quæ rectè à me posita sunt, subest Spes, id futurum, vt si in primâ Lectione emergat Scrupulus, aut Obiectio; At in Lectione iteratâ, Responsum se vltro sit exhibiturum: In ijs verò, in quibus mihi errare contigit, certus sum, nullam à me illatam esse vim Veritati, per Argumenta contentiosa; Quorum ea ferè est Natura, vt Erroribus Auctoritatem concilient, rectè Inuentis derogent. Si quidèm ex Dubitatione Error Honorem acquirit; Veritas patitur Repulsam. Interim, in Mentem mihi venit Responsum illud Themistoclis, qui, cùm ex Oppido paruo Legatus quidam, magna nonnulla perorasset, Hominem perstrinxit; *Amice, verba tua Ciuitatem desiderant. Certè obijci mihi rectissimè posse existimo, quod Verba mea Seculum desiderent. Seculum fortè integrum, ad Probandum; Complura autem Secula, ad Perficiendum. At tamen, quoniàm etiàm Res quæque maximæ Initij suis debentur, mihi satis fuerit seuisse Posteris, & Deo Immortali: Cujus Numen supplex precor, per Filium suum, & Seruatorem nostrum, vt has, & hisce similes, Intellectus Humani victimas, Religione, tanquàm Sale, resperfas, & Gloriæ suæ immolatas, propitius accipere dignetur.*

F f N f S.



NOVVS ORBIS SCIENTI-
arum, siue Desiderata.

LIB. 2.

ERrores Naturæ, siue *Historia Præter-
Generationum.*

Vincula Naturæ, siue *Historia Me-
chanica.*

*Historia Inductiua, siue Historia Naturalis
in Ordine ad condendam Philosophiam.*

*Oculus Polyphemi, siue Historia Literarum.
Historia ad Prophetias.*

Philosophia secundum Parabolas Antiquas.

LIB. 3.

Philosophia Prima, siue *de Axiomatibus
Scientiarum Communibus.*

Astronomia Viua.

Astrologia Sana.

Continuatio Problematum Naturalium.

Placita Antiquorum Philosophorum.

Pars Metaphysicæ de Formis Rerum.

*Magia Naturalis, siue Deductio Formarum ad
Opera.*

Inuentarium Opum Humanarum.

Catalogus Polycbrestorum.

T *Triumphus Hominis, siue de Summitati-
bus Naturæ Humanæ.*

Physiognomia Corporis in Motu.

Narrationes Medicinales.

Anatomia Comparata.

*De Curatione Morborum habiturorum pro Insa-
nabilibus.*

De Euthanasia exteriori.

De medicina Authentica.

Imitatio Thermarum Naturalium.

Filum Medicinale.

De prolongando Curricula Vitæ.

De Substantiâ Animæ Sensibilis.

De Nixibus Spiritûs in Motu Voluntario.

De Differentiâ Perceptionis & Sensûs.

Radix Perspectivæ, siue De Formâ Lucis.

LIB. 5.

E *Xperientia Literata, siue Venatio Panis.*

Organum Novum.

Topicæ Particulares.

Elenchi Idolorum.

De Analogiâ Demonstrationum.

LIB. 6.

DE Notis Rerum.
Grammatica Philosophans.
 Traditio Lampadis, *sive Methodus ad Filios.*
 De Prudentiâ Sermonis Privati.
 Colores Boni & Mali Apparentis, tam Simplicis, quam Comparati.
 Antitheta Rerum.
 Formulæ Minores Orationum.

LIB. 7.

Satyra Seria, *sive de Interioribus Rerum.*
 Georgica Animi, *sive de Culturâ Morum.*

LIB. 8.

A Manuensis Vitæ, *sive de Occasionibus Sparsis.*
 Faber Fortunæ, *sive de Ambitu Vitæ.*
 Consul Paludatus, *sive de proferendis Imperij Finibus.*
 Idea Iustitiæ Uniuersalis, *sive de Fontibus Iuris.*

LIB. 9.

Sophron, *sive de Legitimo Usu Rationis Humanæ in Diuinis.*
 Irenæus, *sive de Gradibus Vnitatis in Ciuitate Dei.*
 Vtres Cœlestes, *sive Emanationes Scripturarum.*

Errata.

P Ag. 14. lin. 30. dictum lege *ductum*. p. 33. l. 17. suis leg. *suis*.
p. 36. l. 1. è. leg. à. p. 71. l. 33. Ros leg. *Res*. p. 98. l. 31. posset
leg. *possent*. p. 99. l. 17. Fabulà leg. *Tabulà*. p. 127. l. 20. stalis leg.
stabilis. p. 168. l. 17. angustas leg. *angustos*. p. 172. l. 7. Inuentaria
leg. *Inuentarium*. p. 216. l. 11. quz leg. *quas*. p. 263. l. 29. exclu-
dantur leg. *excluduntur*. p. 298. l. 10. agant leg. *agunt*. Ibid. l. 31.
suz leg. *suis*. p. 311. l. 29. sensus leg. *sensui*. p. 355. l. 2. cuius leg.
quorum. p. 364. l. 13. quam leg. *quem*. p. 431. l. ult. acceptz leg.
accepta. p. 433. l. 7. futura leg. *futura*.